



Алексей  
Попов



ОЛӨМ  
ОЛЫСЬЯС



Сыктывкар  
Коми книжной  
издательство  
1991



Алексей  
Попов



# ОЛӨМ ОЛЫСЬЯС

ПОВЕСТЬЯС • ВИСЬТЬЯС

---

Попов А. В.

П58 Олём олысьяс: Повестьяс да висьтъяс.— Сыктыв-  
кар: Коми книжной издательство, 1990.— 192 л. б.

ISBN 5-7555-0315-X

«Олём олысьяс»—тайö шусьөгсö комияссянь тшöкыда кыв-  
лан. И тайö кык кывйыс шымыртö ас пиас мортöс да йöзöс  
донъялём. Вермасны донъявны кодöскö—сийö пö олём олысь!  
Мöд ногөн кö—бура кутö асьсö, йöзöс пыдди пунктö, отсöг  
вылö дась локны и... Вермасны шуыштны и мöд ногөн, кинас  
веськодя шеныштiгмоз—«эсийö пö олём олысьяс»... Öнi нин  
позьö гöгöрвоны, мый мортыс оз сiдз ов. Сылөн олём-вылöмыс  
вермас лоны тшынасьысь сэрапом кодьөн, кодi орччясыслысь  
синсö курöдö.

Алексей Поповлөн повестьясас да висьтъясас буретш петкöд-  
лöма татшöм йöзсö.

84 Ко—4

П 4702310100—009 12—91 м  
М 128 (03)—91

ISBN 5-7555-0315-X

© Попов А. В., 1991

## ОЛӨМ ОЛЫСЬЯС

### Повесть

Чуб ю кузя кывтісны медбөрья йи торьяс. Найө дрөбитчөмаось, поснялөмаось. И төдөмысь, көдзыд саридзөдз оз воны. Туйыс вель кузь на. Эжва юөдзыс кө воасны, и то зэв ыджыд аттё. Тувсов ваыс, енежсянь сюсьялысь шондіс, ю весьтөд бурлачитысь небыд төвру-ыс найөс дзикөдз йирасны. Öні нин Чублөн төвся шебрас колясьясыс син водзад бырөны.

Тулысыс ыджыдаліс эз сөмын ю шөрын. Берегдорса нө-рысьясын лымйыс гежөдик чутьясөн нин кольөма. И то ёойө бана местаясын куйлөны. Эжаыс оз на вежөд, но сы вылө видзөдлөмсыс сьөлөм вылад лөсьыдджык лөө. Быттё син водзад жө вежсьө. Öти эрд вылө, коді пась-көдчөма лунө банөн, важөнкодь нин вөчлөмаось скамья. Сэтчө талун бара на пуксьөма Прокор Иван. Ю восьсьөм-сянь сійө воывлө татчө. Радейтіс кадсө, кор ловзьө муыс. Кыр йылыс кыскөмөн кыскө ас дорас. А öні со пөтлытөм синьясөн гонняліс ю вылө, колльөдіс бөрья йи торьяссө.

«Тадзи жө менө олөмыс, воясыс йирөны»,— мөвпаліс Прокор Иван.— Тувсов йи мозыс жө быра коркө». Сьөлөм вылас вөлі деливө, гырк пытшкөс лун-мөд нин сотчис, быттё донөдөм из нылыштөма. Сідзсө, эськө, нинөм дой-данаыс олөмас эз ло. Мөдарө, нимкодясьны колө. Тулыс сс воис, нылыслөн йи вөрзян лунө пи чужис. Прокор Иван-лөн медводдза внук вөльнөй светас петіс. А со майшасьө, ассьыс мөвпьяссө пөжө.

Небыдик төвру, сійөс такөдігмоз, летіс кымөс вылас усьөм смоль сьөд юрсисө, кодөс воясыс эз сяммыны вөрзь-өдны пужйөн, эз чиресьыны. Пратьясыс сідзи и видзөдіс-ны саймовтны мугөм синьяссө. Весиг гөрбакодь нырөдзыс судзисны, небыдика швачөдісны.

Неважөн на енежас кымөртор эз вөв. Гашкө, мөвпья-ясад, тувсов ваө моз, дзумгысьөм мортыд эз казав поводдя вежсьөмсө. Но кыськө уськөдчис шляча. Нинөмөн арсяыс оз торьяв, сэтшөма жө синмад пырө. И тулыснад тай быд-сяма вежсьөмыс поводдяйдлөн лөлө.

Прокор Иван бергөдчис Чубьюдор сиктлань чужомон. Со сийо, джуджыд кыр йыло поздысьома. Тасянь ко, ули-сяньджык, видзодны, то керкаяссо быттьо сунис йыло пы-савломась — оти радун сулалоны да. Прокор Иван ошод-чис бедь йылас да йоткыштчис. Дыр прөст олөмсьыс, ли мый, протеза кокыс нявөстөмон дзуртыштіс. Вєськөдчис сиктлань. Медводдза керка дорас вотөдз мудзөмысла ота-рө нин лолалис. Кызиник льөбьяса вомсө паськөдломон апалис сынөдсө, лэдзис бөрсө шытөг. Квайтымын кык арыд оз шмонит, төдчө быдторйын. Көть эськө неньпом чибук мозыс сийо ризьялис сөмын челядь дырйиыс. Том кадсө көстыльон нин ветлис, коді абу кок кодыд визув. Торйон нин сьөкыд лои бөрья воясө. Ковмис со өні весиг сулалыш-төмон лов шедөмсө виччысьны. Сэсся тэрмасьтөг дзурлик-тылис аслас керкалань, коді зымвидзис дзик сикт шөрас, юлань чужөмбанон.

Өдзөссө воськовтигөн сийо аскөдыс жыр пытшкө неку-тшөм выль сынөд эз пырт. Ывласяныс тувсов көра сынө-дыс пырөма нин вөлюшка неважон восьтылом дзирья ошиньодыс. Өні сийөс гөтырыс пөдлалөма, шлячаыс керка-ас кутөма веськавны да. Водзті, кор Прокор Иван уджав-лис совхоз отделениеын столярон, аскөдыс век пыртліс си-рөд чаг көр. Вылыс паськөмсө эськө кульө вөлі посводзын, но дукуыс быттьө лы вемөдзыс прөймитөма. Пывсян бөрын весиг нырисаджык мортлы вөлі кылө. Өні со сизимөд во нин пенсия босьтө. Тайө каднас ставыс пыркалис.

Гөтырыс талун ыло петавлыны абу на слөймылөма. Горт гөгөрын нокеян паськөма вөлі. Асывбыд кежлө сы-лы тырмө тані уджыс. Мөскөс, порсьөс вердөмысь өприч, колө кык семьялы пусыны. Прокор Иван эз жө весь ов. Бөдз садьмө. Пес пыртны петалас, ведра пөв ва на вайны сылы уркөвөйыс.

Гөтырыс косньөд, но зэлыд сөнъяса нывбаба. Сьөкыд-луннас верөс уставаыс жө. Гатшөмьяссө сиктын нимтісны чиган доддысь усьөмторьясөн. Өні сийө жалитана синья-сөн видзөдліс пырысь верөс вылас.

— Йиыс нө кылалө на?— мед сөмын мыйкө шуны, юа-лис гөтырыс.

— Бөрьяясыс нин,— чөвтіс Прокор Иван да воча юа-лис.— Ольгаыд нө кызди?

— Эг на талун слөймы отсавнысө. Бөрти писө пывсьө-да,— быттьө дорйысьыштіс Наста.

— Поводдяыс со дурмис,— көсйылис вежны сөрни визь-сө Прокор Иван, но сэсся чөв олыштөм бөрын век жө бер-гөдчис.— Ме сідзкө пывсянсө ломта.

— Ломтан кӧ, нинӧм лӧкыс оз ло,— надеяӧн видзӧдліс верӧс вылас Наста.— Нэмтӧ ӧд он лӧгав. Да и нинӧмысь торъясӧ.

Прокор Иван эз вочавидз. Съокыда пуксис лабичӧ, протесӧ лӧсьӧдыштіс, медым пидзӧсыс сылӧн кусыньтчис. Сэсся вешйис пызан дорлань. Гӧтырыс кыв шутӧг чӧвтис шыд. Кылӧ, ышлолаліс пач дорын. Вайис верӧсыслы да саймовтчис мӧд жырьӧ. Кӧзяин сӧйис пискапырысь. Гырысь черлыясыс вӧрисны дышӧдчӧмӧн. Быттӧ думайтіс — нылыштны абу сӧянсӧ. Сідз, колӧкӧ и, дыр на чӧв-лӧнь вӧлі керкаас, эз кӧ дзуртышт кильчӧ ӧдзӧсыс. Пажнайтны локтіс зятъыс, Женяыс. Шӧркодь нылыслӧн верӧсыс, кодӧ слӧймылӧма нин пыравны гӧтыр да ичӧт пи дорас. Вашъяліс тай-а.

Том морт вӧлі пинжака. Сы вӧсна ыджыд вын эз и тӧдчы. Но Прокор Иван адззыліс унаысь сӧйӧс пӧрччысь-ӧмнас. Соӧ вечикъясыс зятъыслӧн быттӧ абу нин сэтшӧм кызӧсь, но зэвтчасны кӧ, тӧдчӧ ыджыд вын. Быттӧ гезйысь кыӧмабсь сойсӧ. Ӧні сӧйӧ лайкыд воськовъясӧн пырис. Асывнас адззысьлісны нин да эз кутны чолӧмасьны. Виччысис, кор тьӧщаыс чӧвтас шыдсӧ и сылы. Югъевтіс лӧз синъяснас да шмоньлива шуис:

— Немӧй, буракӧ, кодлӧнкӧ чужис. Чӧв оланнуд.

— Чужис кӧ и чужис,— сӧмын и вочавидзис Прокор Иван. Эз скӧрысь, дерт.

— Сӧй, Женя,— кыв сетіс и Наста.— Тшыгъялін, кӧнкӧ.

Зятъыс сэсся сӧрниӧ пысасьны эз жӧ кут. Гӧгӧрвоана синъясӧн видзӧдліс гозъя вылӧ да азыма кутіс изны пиньяснас тасътысь лӧптӧм яй тшегырсӧ. Сӧйӧм бӧрас куритчис. Сӧйӧ ставсӧ вӧчис сӧлӧмсянныс. Тайӧн и кажитчис Прокор Иванлы. А сылы честьӧ уськӧдчыны сӧокыд. Да и эз радейт сӧйӧ сэтшӧмъяссӧ, кодъяс синмӧ пыран гутъяс моз асьсӧ петкӧдлӧны. Женялӧн татшӧмторйыс эз вӧв. Кыдзкӧ кужис гӧгӧрвоны и мукӧдсӧ. Со и ӧні нинӧм эз шу. Сӧмын синъясӧн кытшовтіс гозъяӧс да петіс. Мӧд кӧ, колӧкӧ, весиг ышловзис, медым петкӧдлыны гӧгӧрвоӧмсӧ. А сӧйӧ эз. Петіс дай ставыс. Сӧйӧм бӧрын бара гӧтыр дорас, дерт, котӧртіс.

\* \* \*

Прокор Иванлӧн да Насталӧн вӧлі куим ныв. Дзик мойдын моз. Сӧмын сӧні мыйлакӧ пиянджык овлӧны. Медыджыдыс — Надя. Сэсся Ольга чужис. Медбӧръясӧ Нина-

өн шуисны. Ыджыдыс первойон верос сайо чеччыштіс. Сы бөрын «кагаыс». Динийс шөркост чойсо. Котъ эськө Ниналы дас көкъямыс на и вөлі. Веросыс татчос, орча керкаысь, Павел Гришлөн пиыс. Армияысь локтом бөрас недыр и бурлачитіс. Көлысь вылас корома отлаын служитысь зонмос. Прокор Иванлы первойсо эз во сьолөм вылас сийо. Медясо сыысь, мый дзик первой здукеяныыс жо кутіс синмасыны Ольгаыскөд. Быттьо радліс, мый адзис сийос татысь.

Көлысыыс муніс гажаа. Толялөн отлаын служитысьыс, Женя, кужис серам петкөдлыны. Шмонитіс кызди вермис. Отнас Прокор Иван эз серав. Нюмдыліс сомын корсюрө. Весиг зумыштчывлас, кор кыйліс, кызди гөсть синъяснас корсьо Ольгаыслысь видзөдлассө. Сьолөмнас сэк нин гөгөрвоис, мый бара рөскөд ковмас вөчны, вель пир вылө. Сыысь эськө сийо эз пов. Ена уна сьом абу, видзны нинөм. Нывъястө быдтигөн тай он ена сяммы чөжны. Полис сийо, мый нуас тайо Женяыс нывсо кытчөкө бөкө. Быдтөмсө и адзылан сэсса. Женя недыр кежлө и вошавліс свадьба бөрас. Бөр воис көлуйнас. Пырис уджавны совхозо трактористөн. Зато Нинаыс да Толяыс вөрзьөдчисны гортсыыс. Зятыыс армияөдз на помавліс торгөвөй техникум, кыкис өні том гөтырсо райцентрө. Сэні пө позьөджыд паськөдчыны. А мый Чубьюдор сиктад? Сельпо предысь вылө пө он кыпты.

А Женя быд рыт пыравліс Прокор Иванос видлыны, тадзи тай ачыс шуліс-а. Шмонитігмоз. Оляыс кө эз вөв, колөкө, керкасо кытшовтөмөн ветліс. Но мужичөйкөд сөрнитышттөг некор эз мунлы. Сидзсо лөсявны вөляысь кутісны Прокор Иванкөд. Ас төдлытөг тайо артмис. Вирныс, буракө, өткодь вөлөма. Сэсса во джын мысти пир вөчисны. Вечернянас варовитігөн Женя со татшөм сөрни паніс:

— Тэ, Иван Прокорович, эн дөзмы, но Олякөд гижсьөм бөрын тэнө батыөн шуны ог кут. Менам аслам на ловъя. Сы вөсна сьолөм оз лэпты тэнө батыөн шунысо, котъ эськө тэ абу кулитана морт.

Прокор Иванлы дөзмыны вөлі нинөмысь. Мыйла мортсо тшөктыны. Кызкө весиг вөлі гөрдөдыштлас, кор Толяыс батыөн кутіс сийос шунысо. Орча керкаын Павел Гришыс овліс. Вермасны йөзыс мөд ногөн гөгөрвоны. Сиктад.

Женяыс да Ольгаыс овмөдчисны Прокор Иванъясо. Керка, майбыр, ыджыд. Бөръя кадас сиктын кутісны кыпөдавны кык судтаа короминаыс. Мужичөй на бөрся жо вөтчис. Пөтшвасыяныыс содтіс квайт вель гырысь кер да гөбөч местаас вөчис кык жыр. Том гозъя уліас и поздысис-

ны, ывласяньыс өдзөс писькөдісны. Кык во сәні олөм бөрын удитіс ныв чужны, а өні со пи лои. Төдөмысь, ас костаныс важөн нин сёрнитчылөмаось керка лэптыны. Но кольөм төлөдз нинөм эз висьтавыны. Лөгасьөмысь, ли мый полисны. Та ыжда керка вывті пө нөшта оланін ковмө вөчны. Сідз төрам. Тадзи, думайтісны, шуасны Прокор гозья. Но со кольөм төв явө нин сёрни панісны. Наста эськө шуасьны жө кутіс, мый кулам пө да дзоньнас керкаыс тіяны кольө. Надьяс пө со торйөн нин жируйтөны, а Нияяс кытчөкө бөкө лэбыштісны.

— Эн дивитөй. Ог тіянысь пышйөй. Но кызкө ас поэйн жө окота овны,— ыстысис Женя.

Төвнас жө вөр пөрөдісны, вайисны. Ульдыштөм бөрын керьяссө кырссисны. Тулыснас, му кушмөм бөрын, тшуписны. Прокор Ивантөг тайө эз жө мун. Ёна отсасис, мый вылө удачаыс вөлі на. Таво дзыкөдз петны лөсьөдчөны. Пытшкөсса уджъяс помалөны. Пачсө Прокор Иван жө вөчис. Регыд вуджасны. Дженьыда кө — со кутшөм олөмыс Прокор Иван котырлөн. Мый быттө и зумышасьнысө.

\* \* \*

Наста рытладорыс пывсьөдіс Ольгаыслысь пузчужөм писө. Сідзсө, эськө, ачыс, нылыс, сяммас нин мысьөднысө да. Мөд кага нин со лөсьөдісны. Первойыс, Аннушыс, зэв нин визув. Но век тай со асьыд нывтө весиг думсьыд омөльтыштан. Друг да неладнө пывсьөдас, оз сяммы. Мөдыслы век нин отсасьысь. Оз куражитчы татшөм суйсьөмсьыд.

Пывсьөм бөрын мама-ныла улі судтаас пукалісны, тшай юисны. Нуөдісны корөсьөн швачөдчигас на панөм сёрнисө.

— Но өд, мам, ог жө Рустамөн нимтөй, оз лөсяв да. Суседьяс Заремаөн нимтісны нывсө, да ачyd гөгөрвоан, мыйөн өні челядыс шуөны.

— Меным нө мый висьталан. Батыд тай дөжналө,— эз гораа, медым верөсыс выліас эз кыв, водзө кайтіс Наста.

— Ми Олегөн көсьям.

— Ме вөсна эськө да,— лабутнөя шуаліс мамыс.— Колөкө, кывзысянныд батыдлысь?

— Бурджык Онопрейөн. Гөгөрвоанаджык. А то кутшөмкө Рустам аддзөма. Оз некыз лөсяв. Сераласны.

— Велаласны өд,— надеясө век на кутіс Наста.— Батыд со син водзын сылө. Сідз нин сьөд да нөшта сьөдөдас.

— Эн и кор, ог пуктөй тайө нимсө.

Мама-ныла сёрнитігөн Прокор Иван пукаліс гортас. Женя петас ас керкаас ноксыны. Сійо эськө вөзйысьо жö вöлі отсасыны, но эз босът. Ачым пö нин мошкоритча. Кокни удж сöмын коли, стен шпалеритны.

Прокор Иван радейтліс книга лыддыны. Нэмсö наöн оліс. Ена вöлі думсыс шензьö, кор лыддяс, мый пöрысь войтыр ассыныс казтылöмсö векджык каттöны войяснас. Уна книгаын татшöмторйыс паныдасьліс. Весиг дözмыштліс гижысьяс вылас, мый öти бала вылö зэвтöмаöсь. Но вояс кольöм бöрын, кор нин асьсö томөн оз позь шуны, кутіс пöтурайтыштны, мый збыль тадзи олöмас вöлöма. Пöрысьладорыд войясыс кузьджыкöсь лоöны. Мый сэсся восьса синмөн куйлігад вöчан, он кö важсö катты син водзад? Мый йылысь кö казтыштигөн вашмулан. Көнкö и думыштчылан — öнiя вежөрөн кö сійöс эн нин вöч. Но унджык казтылöмыс мыйлакö войнакөдджык йитчöма. Быттö сы водзылын и бöрас мыйыс эз жö вöv олöмас, но озджык сідз дум вылас усьлы. Öнi со пукалігас мөвпъысыс бара на шыбитлісны ылö кольöм воясас...

...Война öзъян воö тыри сылы дас сизим арöс. Пöрнöй арлыда йöзöс фронт вылö мөдөдөм бöрын, кадыс воис и валы. Мөд во гожöмын, августын, гортсыныс вөрзөдчисны найö — дас сизим да дас көкъямыс арöса зонъяс. Челядь челядь и вöліны на. Колльөдігас öти тьötö синвасö чышкалігмоз нурбыльтіс:

— Тайöяс вылö кö усим, то немечыд кекеначасигтыр татчөдз гөнитас.

Но буретш налөн арлыдаяслы и мойвиис бöрынътны вөрөгöс. Сöмын эз Прокор Иванлы. Фронт вылын сійö куйм лун и вöлі. Öнөдз на асьсö көритö, мыйла сэкся арся луннас эз вермы видзчысьны ранитчөмсьыс.

Вөрөгкөд косясьны недыр велөдыштөм бöрын найöс нуисны вир кистанінö.

— Доброволечьяс колöны, — юөртісны радөн сувтөдөм салдатъяслы. — Куим морт.

Прокор Иван водзлань эз пыр воськовт, мөжгыштіс, виччысьыштіс. Сэсся кодкө быттö йөткыштіс мышкөдыс, воськов вöчис. Сюрины и нöшта кык морт. Найöс нуөдісны бокөджык. Висьталісны, мый налы колö дзевсьыны туй бокö. Сійö векныдик, öтарсянь и мөдарсянь куйліс зыбуч нюр. Таті пö танкъяс кутасны локны. Колö пö жугөдны медводдзаяссö, медым бöрын мунысьяс пикö воисны.

Виччысьны эз ков дыр, муыс кутіс потөмөн потны эр-

гысь шыясысь. Люзгысь танкъяслөн помыс эз тыдав. Өти бөрся мөд кылісны гранатаяслөн пасьмунөмъяс. Воддза кык танкыс босътчисны өзъявны. Тышъясын вөвлытөм салдатъяс прамөя саймөвтчыны эз путьмыны. Шыбитісны гранатаясө да эз и котөртны бокө, а водісны. Снарядъясыс кутісны тшөтны на дінын. Кыкнан ёртыс ойөстлытөг лантісны. А Прокор Иван вөштіс садьсө ёсь дойысь. Кокас быттё керйөн косьөбтісны. Шудыд вылө, өдйө сайкаліс. Лёк дойысла пиньясө мурч курччөмөн кыссис нюр кузя ылөджык. Код төдас кымынысь на воштыліс садьсө, кор кык лун мысти өдва ловьяөн аддзисны ас йөз. Пезасьөм коксө бурдөдны вөлі некыдзи нин. Вундісны пидзөссыс на вылітіджык.

Госпитальысь дас көкъямыс арөса Прокор Иван петіс көстыльяс вылө мыджсьөмөн. Летъялысь өти гач кок помсө көрталіс тасмаас. Медым эз летъяв мунігас. Кыдзи водзө овнысө? Мый вөчны тайө вольной светас? Тайө юалөмъяс вылас сійө аслыс эз вермы вочавидзны госпиталяс туплясигөн, кор төдмаліс кок пөв вундөм йывсьыс. Сэки эз, а кытысь нин өні, кор гортас лэдзисны. Сөянторйөн могмөдыштісны неуна. А водзөсө? Кор гортас воөдчас? Мыйкө өд и сэк ковмас няклявны. Гортасаясыдлысь өд он пайк. Сэні и сытөг кач вылын олоны. Тайө өти-кө. А мөдкө,— нэм чөж өд тадзи ковмас овны, кок пөлөн. Лөвтө он сьөлышт. Пошкигтырйи воөдчис вокзалөдз. Уна йөзнад пукалан местасө корсьны вөлі сьөкыд. Но сылы сюри, пуксьөдісны бур йөзыс. Пукаліс сійө да водзө песіс ассьыс помасьлытөм шөгсө. Сылы воча пукалісны кык нывбаба. Чиган кодь сьөдөсь. На гөгөр бергалісны кизь кодь челядь. Тшөтш жө чиган додысь усьлөмторъяс кодьөсь. Но чиганъястө сійө аддзыліс ичөт дырйиыс. Лөддзөн воливлісны. Абу тайө уставаөсь. Но оз рочөн сёрнитны воча пукалысьясыс. Торйөн нин горша видзөдіс сьлөн куш гач кок вылас ар даса детинка. Мыйкө ас ногыс тольгис-висталіс мамыслы. Мөдыс, юрсө шога катлөдлігмоз, вочавидзліс. Кор нывбабаяс кыкисны кослунъя нурьясянтор, то ичөтик нянь торсө детинка дыр кутіс киас. Прокор Иван вылө видзөдлас, то нянь вылас горша сатшкысьлас синнас, дульсө ньылалігтыр. Тадзи вель дыр. Сэсся дургөн чеччис да матыстчис Иван дорө, мыччис няньсө.

— Оз ков, ачyd сөй,— гөрддзасьөм лолыс вөрзьөдіс гөлөссө да зэв нин мелі артмис зонлөн.— Оз ков, оз.

Мөдыс эз вешйы, сулалө и сулалө.

— Рустам,— кылө, нимсө шуис детинкалысь нывбаба, а

мый водзёсё шуис, Прокор Иван эз гөгөрво. Детинкаыс тайё водзё вөзйыны няньсё кутис-а.

Иван дзёран киён малыштіс сійёс съод юрсиодыс. Эз пайк мортсё. Мёдыс вель дыр на сулаліс. Корана синъяс-ён видзёдіс сы вылө. Сэсся, няньсё морёс бердас топөдө-мөн, бөр пуксис да сідзи и пукаліс, эз мукөд моз котрав.

Прокор Иван вөрзём сёлөмөн дзоргис сы вылө да, эз и төдлы, унмовсис. Садьмис бура дыр мысти. Ни нывбабаяс, ни челядь эз вөвны. Кад воис и сылы кавшасьны вагонё. Вөрзытөдзыс на кисё сүйліс шинель зептас, ки улас мыйкё сюри. Зепсыс кыскис нянь тор, кодёс өнтай детинкаыд вөлі вөзйө. Синваыс тюрөбтіс таысь зонлөн. Код төдас, шогла ли радлунла, мый татшөм морт эм му вылас. Код ради олөмтө сетны абу жаль. Да мыйла олөм сетны? Өні, кор нин некыдзи фронт вылад босьтны. Прөстө сы ради овны колө. Тайё здуксяньыс Прокор Иван кутшөмакө ловзис. Син водзсыс гортас вотөдзыс сулаліс детинкалөн мыгөрыс, съод синъясыс. Да и талунөдз со сулалө. Быттьө аслас пи. Нимсё нэм чөжыс, гашкө, сё сюрсысь казтыштіс. Көть эськө тешкодь — Рустам. Сё пасибөаліс, мый сійө медся съөкыд здукас вежа ваён быттьө пызйис нянь тор вичмөдөмнас. Йөткыштіс водзё олөм вылас. Со нин пөрысьмис. А бөрө кольөм вояссө олөмсыс эз асьсө, а сійө, Рустамсө, аттьөаліс. Эз кө сійө паныдась? Колөкө, шог здукас асьсө мыйкө керис... Код төдас?! Быдсямаыс тай олөмас вөлі, а сэтшөм курыд здукыслөн көрөдз тайё съөкыд-лунъяссө маті берөгө он өткодьяв.

Чубьюдорын сійө вөлі фронт вылысь медводдза воысь-өн. Уна керкаө нин вөлі кортөг пырёма ыджыд шог. Сиктсаяс пөвстысь унджык мужичөйясыс удитөмаөсь усьны. Ловъя фронтовикөс видлыны волісны став нывбабаяс. Вель тай унаөн керкаас чукөртчылісны-а.

Недыр мысти Чубьюдорса бригадаө ковмис бригадир. Сиктө кольөм нывбабаяс чукөртчисны, медым бөрийны сійёс.

— Прокор Иванөс пуктам. Век жө өд мужичөй,— шуасисны тьөтөяс.

— Ми нө, бабаяс, кутшөм колхоз вөжжи кутысьяс. Киним слаб и вежөрнад ошйысьны ог кужой. Нэмсө, мый тшөктылісны вөчны, вөчлім,— кутчысисны мөдьяс.

Быдсямаыс вөвлі тай съөкыд кадас.

Өтчыд, сёр рытын кытшовтіс сійө муяс. Видзөдө да, анькытш йөр помын картуз тыдалө.

— Юр вундысьясыд, прамөя на вотөм анькытшсө вартоны!— дөзмис сійө.

Кыссис картузлань вель кузь борйод, паськөмыс лыс-  
васьыс брөд көтасис. Көсйис кутны да көть нин пельөдыс  
везнитлыны гусьясьысьөс. Муртса вак-вакөн эз пет серамыс,  
кор воис местаодзис. Картузсө вөлі пысалөмаось муо  
сатшкөм бедь йылө. А мөдар помас кыліс кильскөм. Сэсся  
анькытш тусьяс моз челядь сярмунісны раскө. Ставнысө  
төдіс, но аскинас эз кут дивитны. Бөрас, лун дас кольөм  
мысти, паныдаліс өтикөс. Эз, дерт, пельөдыс нетшкы ни  
нөйт. Но сы бөрын тай зонпосни эз волены-а.

...Да, быдсяма сэсся лои төдлөма. Кок пөвнад овны эз  
вөв кокныд. Колөкө, мөдлаө кө ранитісны, мөд ног жө и  
оліс. Көть эськө олөмсө өні кулитны сьөкыд. Бытьтө став-  
сө жө вөчөма. Нинөмөн оз торъяв тыр вир-яя мужичөй-  
ясысь. Челядь со быдтөма, керка зымвидзө. Но думыштлы-  
ны кө, то ставыс шедіс эз кокниа. Медводз — олөмас кут-  
чысьөмыс.

\* \* \*

Война бөрас Чубьюдор сиктын кок пөла фронтовикыс  
лоины витөп. Кодлөн веськыдыс абу, кодлөн шуйгаыс.  
Көстыльяс отсөгөн, протезьяс лотөдз, ветлөдлісны. Но  
медся өна доймалөма суседыс, Павел Гриш. Сійө гортө-  
дзис воөдчис война кусөм бөрас сөмын во мысти. Веськыд  
кокыс пидзөс вылөдзис эз вөв, да и шуйгаыслөн кокбөр-  
ляыс вөлі дрөбитчөма. Одва, кок чунь вылас тувчөмөн,  
көстыль отсөгөн восьлаліс. Сійө Прокор Иванкөд тшөтшъя.

Төвся рытө лэччисны найө пывсьыны. Пөнарлөн дзуз-  
ган кодь би югөр улын тыдовтчис Гришлөн мыгөрыс. Бур,  
мый жар пывсянас ньылөмыс өдйө тюргыны кутіс. А то ка-  
зяліс эськө годокыс, кызди Прокор Иванлөн чепөсйис син-  
ваыс. А өд кутшөм удал зонка вөлі! Войнаөдз мужичөйяс  
вөлі дуригмоз шыбитасны сійөс, а Гриша кань моз век кок  
йылас сувтө.

Но овны колө. Став кок пөлаясыс уджавны пырисны.  
Коді куспромө сапөг вурны, коді тшөті молльөн гольскы-  
ны велөдчис Гриш моз. И не сөмын уджалісны.

Ветымынөд вояс заводитчигөн, кор олөмыс неуна кок-  
нялыштны кутіс, Чубьюдорса том йөз өти гожея рытө кут-  
чысисны ордйысьны, коді медся удала котөртас вичко дор-  
сянь лавка дорөдз. Лыддыны кө, то километр джынйысь  
неуна унджык лоө. Локтісны татчө и кок пөлаяс. Кодсюрө  
гөтрасисны нин, кыкөн бурлачитісны на. Пукалісны отчу-  
көрөн, видзөдісны, кызди наысь неуна томджыкулов ризъ-  
ялөны.

— Мый ми ог жö вермöй али мый котöртнысö,— лэп-тыштис Прокор Иван кöстыльсö.— Та отсöгнад найöс на ганъям.

Неуна юыштöма лои налөн таöдз. Винаыс збоймöдыш-тис.

— Вай видлам и ми,— ышöдис кодкö мöд.

Медым бур кока том зонъясысь не торъявны, найö на моз жö сувталисны вичко дорö. Первойсö шмонитисны на. Но ставөн зумыш чужöмъясөн. Синъясыс öзйисны. Быдөнлы окота вöли лоны ордысьөн. И öтвылысь уськöдчисны лавка дорлань. Ставөн кöстылясь. Быдөн зилисны ылöджык шыбитчыны сы отсöгөн. Чужöмьяс векуштчöмаöсь, пöсьыс быдөнлөн шорөн киссьö. Сöмын Павел Гриш помöдзыс эз во. Тшöтш жö эськö босьтчылис. Но, метра кызь мунöм бöрын, шлапнитчис-пуксис бöрöзда бокö да кыз синваён бöрдзис. Код тöдас мыйысь? Прокор Иван воис медводдзаён. Но радлуныс эз öйысь сёлöмас. Сыысь, мый Павел Гриш бöрдан коли. Сыысь, мый казялис, кызди мудзöмаöсь мукöд кок пöлаясыс. Зумыштчöмаöсь. Да и ачыс Прокор Иван дзикöдз жаялöма.

\* \* \*

Наста вылас гöтрасьöмыс кокньöдыштис сийöс. Көть нин сёлöм вылас лöсьыдджык лои. Авъя ныв веськалис да. Со куим нылöс на чужтис. Дерт, Прокор Иванлы пи думсьыс колис, но ныв кö и ныв. Он тай бöр йöткышт.

Но век жö улич вылын кö паныдасяс детинка, то сёлöмыс несидз вöрзылас. Гөгöрвотöм мыйшасьöм чужö мукöддырийыс. Син водзас сувтö сийö сьöдиник детинкаыс, кодi няньторсö зептас суйöма. Кöни сийö öни? А сиктса зонпосни Иван дядьсö некор эз аддзывны на вылö лёкалысьөн. Öтчыдысь öприч.

А вöли тадзи. Суседъясылөн детинкаыс вöчöмаöсь нчöтик кöстыльяс. Киняулас мыджсьöмөн зилисны, öти кок йылас чеччалигтыр, ветлыны. Нимкодясисны, мый на отсöгөн сяммöны ылöдз воöдчыны. Ноксигас эз казявны, кызди на дорö матыстчис Прокор Иван. Векуштчöм чужöма, льöбъясыс дзöрисны. Сийö кватитис öтиыслысь кöстыльяссö, а мöдыс слöймис уйкнитны бокö. Лэптис мырддьöмторсö юрсьыс вылöджык да кызди тай лöсыштис керка стен бокö. Чаг артмис.

— Ми öд эг тэнö нерöй,— дорйысисны зонкаяс.— Прöстö кöсйим видлыны, кызди на отсöгөн ветлöдлöны.

— Корсьой мөд ворсөм,— сөмын и шуис Прокор Иван да крута бергөдчис. Протезыс лёкысь нявөстис.

Скөрлунсө сійө детинкаяс вылө эз дыр кут. Мөд луннас нин и варовитис накөд, но некор эз казьтыштлы налысь балуйтөмсө.

Кутшөма көсйис Прокор Иван, медым налөн пи чужис. Пыр жө эськө Рустам ним пуктис. Сэтшөма пырис нэм кежлас вежөрас ылө кольөм воясын вокзал вылын лоөмторйыс. Бытьтө мукөдлы кө нинөм төдчанаыс эз ло. Но Прокор Иван сьөлөмө жель моз сатшөма.

Первой надея кутис, кор Надяыс кага вайны лөсьөдчис. Чубьудорын жө ыджыд ныв гозъяыс олісны. Сэсся Ольга чужтысьны лөсьөдчис. Но кыкнанныслөн ныв мыччысис. Со тай кык нучка бөрын мужик морт петис. И то Ольгаыс первойсянныс куражитчыны кутис. Некутшөм Рустам пө огпукты. Таысь и лөгасис сы вылө Прокор Иван. Бытьтө мыйкө дыр виччысянатор другөн киритчис. Весиг өд, кор Чубьудор сиктын петкөдлісны «Сказание о Рустаме» кино, ним радиыс видзөдлыны ветліс. Мый сэсся вөчан, сэтшөм сьөлөма да думъяса мортөн кө вөльной светас петөма.

\* \* \*

Думъяссө Прокор Иванлысь торкис первой Настаыс. Шытөг пырис керкаас. Порөг дорсянныс на сьөкыда ышловзис. Сэсся Женяыс да Ольгаыс воисны, өтлаын ужнайтны. Найө эз нин кок чунь йылас ветлыны. Гигзьоны-сера-лөны мый вылө кө. Ладмөны найө. Со мыйта нин коли гөтрасьөмсянныс, а тур-бор мунөмысь өтдор, ыджыд вен эз на пансьыв. Прокор Иван налөн серам вылө эз весиг нюммуныштлы. Көть эськө зэв нин вом тырнас гигзьөны да.

— Анькытш сөйинныд али мый?— сөмын юалис Прокор Иван.

— Сідз ас костын гажөдчам,— эз висьтав помкасө Же-ня.

Ужнайтисны өтвылысь. Варовитисны өттор-мөдтор йылысь. Помас нин Женя чөвтис:

— Райцентрө эськө ветлыны. Мыйкө джодж красказыс оз кажитчы. Мавтны кө, бурджыкөн жө та дорысь мавтны. **Колөкө, сәні әм.**

— Уджыд нө?— сетис гөлөссө Наста.

— Оні гөра-көдзаөдз коставлыштам. Трактор зьвер

кодъ, оз дуд. Аски сёрнитча управляющойкод. Думайтa, лэдзас лун-кык кежлад.

— Ме кō тэ пыдди ветла,— ловзис Прокор Иван.

— Отнадтō ог лэдз. Сьōлōм вылад вōлі норасян да мый-кō лоас дай,— ырсмуніс гōтырыс.

— Кыкōн и ветлōй, Женялы бара ковмас вōзйысьны да мый да,— суйсис нылыс, коді кыйкнитлывліс бать вылас, яндысьыштіс жō паныд мунōмсьыс, но сэк жō асьыс со бертіс пиыслы ним сетōм кузяыс.

Сійō мам рōдас мунōма. Сьōдіник, ляс ныра. Дзик томдырся Настя кодьыс. Абу жō торъя йōзыскōд варов. А Женяыскōд сōмын тельгō.

— Мōстō од сēодны да лысьтыны сямманьыд жō,— велōдны нин босьтчис мамыс.— Ольгалы од каганад сьōкыд лō.

— Ме нō мый вылō,— гōтыр вылас видзōдліс Женя.— Кужа од. Эг од нин отчыдысь лысьтыв. Да од, Оля?

— Ветлōй, ветлōй, ог пикō воўй,— зіля шуаліс Ольга, быттō асьыс мыжсō кокньōдіс лэдзōмнас.

— А мый, ветлам,— ловзис Прокор Иван.— Куйōд петкōдōма. Муыс кор на дзикōдзсō шоналас. Оні кō ог ветлōй, то гожōмыс талялас. Сэки некыдзи лō.

Прокор Иван семьяын ставыс, мыйлакō, одйō вōчсьō. Мый думыштас кодкō да кажитчас кō мōвпыс мукōдыслы, дыр нюжмасьтōг кутчысьōны вōчны. Со и оні оти кывйō одйō воисны. Шуисны, мый аскомысь гозья лэчасны Толяос да Нинаос видлыны. Оти сайын джодж краска корсьны.

Наста, кōзаяка морт, пыр жō кутіс лыддьōдлыны, мый аскōдныс гōснеч пыдди босьтны. Куш киōн од туйō он пет. Мужичōйяс артасисны, мый нōшта судзōдны райцентрысь. Оти лэччылōм сайын нин мед вайны.

Сōмын водісны. Женя, кылō, книгаон шпорōдчис. Зэв радейтō лыддьысьнысō. Чубьюдорса библиотекасьыс пōшти став книгасō нин слōймис лыддьыны. Прокор Иван гозья первой вель дыр чōв куйлісны. Сэсся Наста, сьōлōмсьянь ышловзьōм бōрын, кыв сетіс:

— Ваньō. Гашкō, Нинукыдлōн, эсійō, кагаыд нин регыд чужас. Колōкō, пи лоас. Сійō од мян пōслукман вōлі. Пуктас Рустамтō.

— Мед чужас. Кōть сэсся кодōс,— олōдіс Прокор Иван.— Нельōд во нин со отласьōмыслы лои.

— Но-о. Он жō сідз шу,— дōзмыштіс гōтырыс.— Лоас од коркō. Колōкō, кынōма нин. Сыкōд сёрнитышт. Вирад кō пырōма нин тайō нимыс.

— Абу кө өд пырөма — ог тшөкты. Кымын вой ты йылысь водзті тэныд дөжнالی. Кор вылысь нөбасыны босьтчылін.

— Тэ кызкө-мыйкө ёнасө эн жө дивит, пиид эз артмы да,— вөляысь вашнитіс Наста.

— Но тэ эн жө сідзи майшась. Ставыс тай бур лои. Олөмыс. Ачылд тэ эн дивит менам көсйөмсьыс. Некедз ог бермы мынтөдчыны. Көть уна во нин лэбис.

Дыр на вашкөдчисны гозъя. Кытчөдз Наста эз унмовсь. А Прокор Иванлөн унмыс көнкө ылын на ветлөдлө. Некедзи сы дорө туйсө оз аддзы.

Куйлө да ассьыс думъяс песө. Олөм йывсьыс. Сійөс олысьяс йылысь. Казытылө Павел Гришөс. Вот мортыс вөлі! Зэв радейтліс Прокор Иван сыкөд пукалыштны, варовитны. Олөм-вылөм, сылөн сюрөс йылысь. Мукөддырйиис вөлі пырө сы ордө — морөс кудьяс быттьө из дзумгөмаөсь, лолыштнытө сьөкыд. Кывыштан сійөс, мунігад сэтшөм кокни. Изсө быттьө аслас мөвпъясөн кыскас. Сылөн кывъясыс да мөвпъясыс Прокор Иванлы вөліны сэтшөм матынөсь, мый найө кызди лапкор кыскөны төрөшитысь лөксө пежасьөм дойысь. Разөдөны сьөкыд, гашкө и весьшөрө өшйөм думъяссө. Олөм веркөсын куйлысь лоөмторъяссө Павел Гриш казьявліс сюсь синъясөн да донъявліс зэв стөча. Татчө колө сямлун да аслыспөлөс сьөлөм. Прокор Иванөс весиг завидь шымыртлывліс.

Со өтчылд найө сёрни выв воисны коми войтыр йылысь.

— Миян, комияслөн, бур сійө, мый батыслысь нимсө пуктөны ныв-пи ним водзас,— шуис сэк Павел Гриш.— Тайө зэв ясыда петкөдлө, кызди йөзыс пыдди пуктөны мортөс. Закар Митрейтө өд төдан? Төдан'и сійөс, мый Закарыс сылөн пөль лоө. Помнита, ёна отсасис йөзыдлы, век дась локны. Пиыс, Закар Иваныс, мөдджык вөлі. Төдан өд сылысь горшлунсө и завидьлунсө. Митрейыс ичөт на вөлі, а сиктсаяс сійөс Закар Митрейөн нин шулісны. Быттьө батыс, Иваныс, абу и вөвлөма. Лөк кө оласногыд, то нимыд миян коми йөз пөвстын оз өшйы. Меным зэв любө овлө, кор пиөс Гриш Тольөн чуксалөны.

Да-а. Прамөй олысь вөлі Павел Гришылд. Но со тай абу нин. Кыз му улын куйлө.

Өнія том йөзлөн олөм вылас видзөдігөн Прокор Иванлы мукөддырйиис окота шуны: «Ми ог лоөй да ті, коньсръяс, кызди кутанныд овнысө?» Кызкө майшасьөм чужө налысь тешкодьясьөм казьялөм бөрын. Збылысь, мукөддырйиис сэтшөмтор сөтвөритасны, мый быть думайт, кызди татшөмъясыс водзөсө овны кутасны? Со Женяыс кутшөм

нин быттьо төлка морт, а йоз серам улө гоз-мөдысь нин сюрлі. Кольом тулыс гөригөн аскөдыс книга босьтөма. Казялысьыслы шуөма, мый прөст кад вичмас да лыддысьыштас. Дивө абу! Страда мунө, а сийө прөст кад вылө лача кутө. Висьталісны та йылысь, да Прокор Иван яндзи-мысла муртса му пырыс эз мун.

Унмовсис жө коркө-некоркө Прокор Иван. Такөд тшөтш эновтчис өшйөм думьясьыс.

Асывнас Прокор Иван петіс лолыштны ывла вылө тувсовья сынөднас. Видзөдіс, кызди мошкоритөны помасьлытөм уджъяссө ас сиктса йөз. Сы бөрся куритчыны петіс Женья.

— Со радио пыр бара на брунгөны, мый водзті пө несідз овлім,— чөвтіс сийө.— Шензьөм босьтө, узьөм бөрын быттьо ставныс палялісны да казялісны став нелючкияссө. Водзті өд төдлісны жө эськө да, но чөв олісны. Öні быттьо өти вомысь пөшти ставныслөн петөны дивитана кывъясыс.

— Ме эськө некор чөв эг овлы да,— скөрмыштіс Прокор Иван.— Зэв тай ёсь кывъя и тэ лоин. Водзтісө көні вөлін?

— А тэ помнитан, кызди уськөдчылін ме вылө, кор татчө воөм бөрын кутлі управтө велөдны. Мый колө, мяся, сиктын котыртны пес вөчысьяслысь бригада. Мед сийө став Чубьюдорыслы вөчө. Сэки, мяся, оз ков быдөнлы майшасьны пес вөсна. Серам выв лэптіс. И тэ менө дивитін. Эн пө нинөм абунас дур. Нэмсө пө сиктад быдөн аслыс пес вөчліс. Пөрысь-дзөрысьысь өприч. Öні кө та йылысь сёрни панны, ме думысь, оз сэкся мозыд паныд шуны. А сэки йөй вылө моз видзөдлісны.

— Быд шуөм эськө и öні на оз кывзыны да,— шеныштчис тестыс.— Тиянлы кө вөля сетлан, ставсө вежны дасьөсь. Сөмын өд юр на сэтчө колө. Йөйталөмыд да вывтiasьөмыд некор на бурө эз вайөдлы.

— Йөйяс вылас пө муыс сулалө—важ йөз шулөмаөсь,— эз сетчы Женья.— Ме водзті тшөтш жө эг ёна думыштчыв. Во сайын кымын лыдди Горькийлысь «Мещанаяс» пьеса-сө. Первойсө сьөкыда кажитчис гижөма. Но сэсся зэв лои окота төдны, мыйөн век жө помасяс, да бөрья листөдзыс лыдди. Öтитор, навернө, нэм кежлө вежөрө коляс. Сэні өти морт висьталө со мый. Пукалөны пө бипур дорын йөй да мөд морт. Ог нин стөча помнит, кызди сийөс Горькийыс шуөма. Но дженьыда кө, то абу бур морт. Йөйыд пө пукалө и мөвпалө: «Кытөн тайө бныс вөлі таөдз? И кытчө вошас, кор бипурыс кусас?» Мөдыс пукалө и нинөм йылысь оз мөвпав. Сылы шоныд. Көть эськө тыр вежөра морт. Со

тэныд и торьялөмыс. Та бөрүн ме сюсьджыка куті мөв-  
павны. Да збыльсы, мукөдсө йөйталысьөн шуоны, коді  
көсйө вөчны мыйкө водзті вөвлытөмтор. Сылөн оз артмы.  
Пыр мыйкө олөмсьыс корсьө. Та дырйи, дерт, йөй туйө и  
видзөны найө. «Бипур дорын шонтысьысьясыд, кодъяс ни-  
нөм йылысь оз көсйыны думыштчывны». Мед сөмын шоньд  
налы вөлі. Уджсө оз воштыны, веськөдлысьяс оз дөзмыны  
И олөны вөляясь, йөйтавтөг. Тэ думысь, кодныс найө пра-  
мөй олысьыс?

— Тырмас кыв песны,— эз водзө нуөд сернисө Прокор  
Иван, көть эськө паркис сьөлөмсө зятыслөн висьталө-  
мын.— Колө туйө лөсьөдчыны.

Женя эськө өддзөмвылысь көсйис на водзө сөрнисө  
нуөдны. Но Прокор Иван пырис керкаө.

Прокор Иван гозъя петісны туйө. Мөдөдчисны ю дорө.

\* \* \*

Чуб ю гожөмнас дзикөдз ямлө. Ва туй төдтөг весиг мо-  
тора пыжөн он сяммы мунны. Катчөсынджык сулалысь  
сиктын вөлі лесопункт. Сэтысь пөрөдөм вөрсө кылөдлісны  
Чубйөд. Сы вөсна и уна вонад тшыки юыс. А өд водзті  
вель джуджыд вөвлі. Кор ытва воас, сэк ваыс паськалө,  
джудждө. Но тайө кысьө лыда лунъяс. Буретш тайө кад-  
нас Чуб ю кузя волө «Заря» теплоход. Оні сійө абу нин  
дивө кодь. Кор первойысьсө катліс, то пөрысь и том лэч-  
чылісны вадорө.

Талун, кор Прокор Иван чукөр мөдөдчисны райцентр-  
лань, йөзыс чукөрмис доза этша. Сөмын лэччысьяс. Виччы-  
сисны, кор ю катчөссиянь мыччысяс теплоходлөн еджыд мы-  
гөрыс. Сійө вель уна ичөтик сикт дорө нырсө сатшкылө.  
Сы вөсна йөзыс век тыр сөлөма.

Прокор Ивановысь да Настаысь өтдор, берег дорө лок-  
тісны Женя да Ольга, коді вөлі кага моздора. Сійө быттьө  
век на яндысьыштіскодь батьсьыс, мамыскөдджык сөрни  
ыв сетчис. Прокор Иван чөв оліс.

Водзджык лои налөн ю дорө лэччөмыс. Сы вөсна вель  
дыр ковмис көйявны теплоход воөмсө. Кор сійө мыччысис  
чукыль сайсянь, виччысьысьяс ышловзисны. Туйө петөм  
мортыд тай бөръя здукөдзыс майшасьө, друг да мыйкө  
лоас, оз сюр нинөмөн вөрзьөдчыны.

Сөмын сөлігас Прокор Иван матыстчыліс ныв дорас да  
меліа видзөдліс сы вылө. Сэся восьтыліс вөсни эшкын  
улө саймовтөм внуксө.

Теплоход вылын йөзыс и талун вөлі уна. Сулалан

ыс местаяс сӱмын кольӱмаӱс. Прокор Иванлы местаыд сюри. Кутшӱмкӱ том морт ӱдӱӱ чеччис да корис пуксыны.

Теплоход, нырсӱ сатшкылӱм бӱрын, вӱляыс пети ю шӱрӱ. Сӱсся тай кыз ӱддзис. Но кӱть кыззи ӱз тӱрмасӱмӱн тӱвзы «Заряыс», час нӱль век жӱ ковмис мунны райцентрӱдз. Туйӱ гежӱдика петавлыс войтырлы вӱли деливӱ. Уна йӱзнад лолавнысӱ нинӱмӱн лои. Прокор Иван, упкигыр, чышкалис пӱсӱсӱ. Но некод ӱз лӱвт. Сӱрнитны некодлы жӱ ӱна окота ӱз вӱв. Пукалысыс и сулалысыс видзӱдисны, кыззи берег пӱлӱн сулалӱны пуяс. Уналаын на кыза куйлис лымйыс. Син водзти прӱйдитис нӱмӱвӱйя коми парма.

\* \* \*

Райцентрыс тыдовтчис ылысян. Кыр йылӱ жӱ пуксӱма. ӱти судта керкаяс сулалисны сикт кывтыдланьыс да кавтыдланьыс. Шӱрас зымвидзӱны кык да нӱль судтаа короминаяс. ӱти татшӱм керкаыс сетисны Прокор Иван зять гозьялы кык жырья патера. ӱз, дерт, райцентрӱ вуджӱм мысти. Ковмис олыштны и кӱзьяка ордын.

Гӱстяс, сӱкыд сумкаясӱн, тӱрмасӱтӱг вӱӱдчисны на ордӱ. Стӱчджыка кӱ, нуанторйыс вӱли Насталӱн киясын. Прокор Иван кушӱн осьлалис. Зятьыслӱн патера ӱдзӱс дорӱ вӱӱм бӱрын чунь рӱчнас тошкӱдчыштитсны. Некод ӱз шыас, ни ӱз осьт.

— Юӱрттӱг локтим да, колӱкӱ, рытӱдзис ог веськалӱй,— ышловзис Прокор Иван.

— Ветла Толя дорас, удж вылӱдзис. Ме тӱда, кӱни сӱйӱ,— чепӱсйыны кӱсийс Наста.

Но тайӱ каднас Прокор Иван кинас видлис ӱдзӱссӱ. Сӱйӱ вӱссис.

— Но-о. Гортаныс да оз кывны,— шуыштит Наста.

Пырисны, видзӱдлисны быдлаыс. Некод абу.

— Восьсӱн кольӱмаӱс, кодкӱ кӱ пырас. Тани ӱд бурсяма пӱлӱс йӱзыс жуӱ. Абу Чубьюдорад,— кинас шлаккерис нывбаба.

— ӱн жӱ сӱсся райцентрсяссӱ дзикӱдз омӱльт,— торкис Прокор Иван.

Вель лӱсыда овмӱдчӱмаӱс Нинаясыс. ӱти жыр вель ыджыд. Шӱрас сулалӱ пызан. Орччӱн, стен бердланьыс, зымвидзӱ рӱмпӱштан, кодӱс трюмоӱн ыдждӱдлӱны. Сыыс ӱприч на, быдсяма дона кӱлуй ӱм. Красуйтчис и телефон. Прокор Иванлы, войнаса инвалидлы, важӱн нин кӱсийсыӱны гортас нюжӱдны. Но ӱнӱдз на кӱсийӱмнас кольли. А зятьыс со сяммӱма лӱсьӱдны. Дошлӱйджык сӱйӱ.

Прокор Иванлы кызкө тані вөлі йөзын моз. Көть эськө ныв дорас воис, но век жө абу гортад. Сэні быдтор төдса, весиг потыштөм шпалерыд. Гортсьыд геждо петавлытөгыд со весиг медся радейтана ныв ордад несідз кажитчө. Вөлі кө зятыс мөдлаысь, мед нин. А то өд Чубьюдорса жө. Но мый сэсся вөчан. Сэтшөм нин мортыс да. Гозья порог дорас сулалісны, кор патера өдзөсыс воссис. Пырис Нинаыс. Вежсьыштөма. Оз найө тшөкыда воылыны Чубьюдорад. Во сайө нин эз мыччысьлыны. Нылыс муніс батысланы. Сы кодь жө гөрбакодь ныра, вом дорьясыс сылөн жө. Сулаліс сійө өдзөс дорын — мичаник, дона дөраысь вурөм платтьоа, пеляс зарни исерга өшөдөма, чуняс чунькытш сүйөма. Дерт и налөн сиктын өнія том йөз оз омөльджыка пасьтасыны да баситчыны. Но Ниналөн воськовьясыс весиг вежсьөмаөсь. Тшаплуныс содөма. Бытьө эз аслас нылыс сулав Прокор Иван водзын. Тайө мөвпьясыс визувтісны здук-мөд. Йөткыштіс найөс Нина. Аслас вашмунөмнас. Сійө вом тырнас нюмдіс, петкөдліс еджыд пиньяссө, лои дзик важся Нина кодьыс. Бытьө төрыт на бөрьяыссьө аддзысьлісны. Сэтшөм матысса да дона лои Прокор Иванлы.

— Здравствуйте, здравствуйте,— чепөсйис гөстьясланы сійө.— Кылөм ни төдөм локтінныд. Көть нин мед звөнитлінныд. Телефоныс со гортын.

— Другөн лои вөрзөдчөмыс да эг тай мөвпыштлөй,— нывсө кутігмоз шуис Наста.

Нина бергөдчис батысланы, көсйис и сійөс кутлыштны. Но мөдыс сөмын киасис.

— Ме мыйкө абу велалөма кутчысьлынысө,— нурбылтіс Прокор Иван.— Ті мыйкө геждо миянө воыны кутінныд? Арся шонді моз вонас өтчыд мыччысьланныд.

— Субөта-воскресенньөнад ог слөймылөй,— дорйысьыштіс нылыс да сэсся тшапакодь содтіс.— А отпускьястө ми Толякөд лунвылын коллялам.

— Сэнітө, дерт, миянын дорысь ногсаджык,— ышловзис Прокор Иван.— Номйыд оз курччась и ки пыдөсыд куран воропсьыд оз моллясь.

— А төданныд, кутшөм лөсьыда кольөм во Толякөд ветлім,— батыслысь кулитөмсө эз гөгөрво да ошыысис водзө Нина. Ачыс синсө весиг куньтыртліс да юрнас катлөдлыштіс любөысла.— И таво со бара лөсьөдчам.

Наста, мам сьөлөмнас, мөд ногөнджык гөгөрвоис нывсө.

— Ветлөй, ветлөй. Том дырйныд и гуляйтнытө,— меліа видзөдліс сійө Нина вылө.

— Шлывьялөй,— скөрыськодь нин артмис батыслөн.

Нина казяліс таёс да өдйө вежис сёрнисё:

— А век жө, мыйла эн звонитлөй? Эськө Эжва дорас и виччыси. Менам буретш шойччан лун. Но мый өні вөчан, эн кө путьмөй звонитлынытө. Шойччөй. Вежон-мөдтө өд оланнуд жө?

— Кыкөс өд ог жө,— шай-паймуні весиг Наста,— Лункык кежлө тай гортусь вөрзөдчим-а. Ольгаыд мөстө видзны кольччис. Ёна велавтөгыд сьөкыд лоө. Тайтөыд өд абу нин мян. Йөлыс сотчис да сдایتны ковмис. Вель бур мөс вөлі. Карта вылө вөлі пета да первойяссө шлюпка-бөрда. Выльөс лөсьөдны ковмис. Кыдз нө пемөстөгыд?

Насталөн висьтالیгкості Прокор Иван лэпталіс пызан вылө вайөм гөснечсө. А нывбабалөн нывсө аддзөмысь нимкодбысла, ли мый кыв-ворыс воссис. Водзө шуалө:

— Со тай и тиянлы гөснечтор вичмөдім. Скөттөгыд сиктсьыд мый гөснеч вылад и босьтан? Куш нинөм. Он кө картупель ведраөн пет. Да и сійө тиян асланыд быдмө.

— Быдмө кө...— ышловзъыштіс Нинаыс.

— Райцентрсаяс лоннуд да сыысь нин али мый лэчысиннуд?

— Ми тай ог пуктөй-а,— тшапмыштіс нылыс.— Ме Толялы шуа, мый прөстө дурөм. Кодлыкө дефицит сет, мешөк картупельтө гортөдзыд ваяс. И ваясны. Өні йөзыд сэтшөмөсь. Но Толя шуө, ог пө дурөй. Ньөбам лавкаысь. Миянлы кыкыдлы уна оз ков.

— Сідзкө, дефицит вылө көсьян жируйтны,— сүйсис батыс.

— Кыдзи кужасны, сідзи и оласны. Ыджыдөсь нин,— дорйис Наста.

Прокор Иван нылыслөн висьтасыштөм бөрын зумыштчис. Мыйкө бара вежсьыштөмөн кажитчис Нинаыс. Водзті татшөм сёрнияс сысянь эз кывлы. Өні со кыдзи сяркйө. И дзик өд збылысь, сьөлөмяныыс. Нылыс, буракө, казяліс, мый вывтіджык лои ошйысьөма да батыс дөзмис. Сійө ичөт дырсяыс моз кыкыштіс Прокор Иванөс пельөдыс. Тыдалө, көсйис петкөдлыны, мый абу на вунөма.

— Да ті өд туй выв йөз. Варовитам нинөм абусө, а кынөмнуд сьумалө.

— Оз на эськө да. Асывнас топыда сөйим,— көсйитөг вашмуніс Прокор Иван, кодлы лои любө нылыслөн важсө казьтыштөмысь. Сідзкө, важ Нинаыс на вөлөма.— Толяыд воас да өтвылысь нин пажнайтам.

— Сэтчөдз өд кык час на. Мамө, тэ меным чай лөсьөдны отсышт. Нянь шөрышт, эн кө быттьө ёна мудз.

— Эг, дерт,— чепөсйис Наста.

Прокор Иванос кутшомкө мөвпяяс өдөлитисны, зумыштчис. Нывбабаяс, сёян лөсьөдөм бөрын, пырисны бөр жырйө. Вайисны чашкаяс, чайник, небыд нянь. Ниналөн мыйкө дум вылас уси да бара саймовтчис кухняө. Наста колльөдис нывсө синнас да вашкөдөмөн юөртис:

— Пыр Толянас ошйисис. Универмагса директорөн пө неважөн индисны. Сюсьлуныс пө отсалис. Слабог эськө да. Мед сөмын мортөн вөлі-а.

Мыйкө гозъялы лои деливө. Другөн. Төдчис кыкнан-ныслөн чужөм серти. Быттьө сьөлөмнас кылісны локтысь шоглун ли мый. Кылісны, а мыйысь другөн ыльөбтис жугыльлуныс — некоднанныс эз төдны. Но кылісны мыйкө и ставыс, көть мый сэсса кер. Бать-мам сьөлөмыд тай сэтшөм. Ылысянь ставсө кылө.

— Онтай эз вөв лөсьюд юавны. Кутшөм скөтиналөн нө куйөдыс тайө депеситыс? Сэтшөм мөй дона, мый мешөк картупель сысысь сетөны.

Прокор Иван первой нюмдис гөтырыслөн юалөм вылө. А сэсса вом тырнас серөктис.

Налысь гажсө кылөм бөрын өдйө локтис Нинаыс. Өдзөс дорсяныс жө нюмъяліс, көть эськө нинөм эз гөгөрво. Сылы лои любө, мый гөстъясла гажа на ордын.

— Мый нин сэтшөмыс лои?

— Да сідз, ас костаным гизям,— гөрдөдыштіс Наста.

— Но век жө, мый лои?— эз сетчы Нина.

— Мамыдлысь юав,— вашъяліс Прокор Иван.

— Мунөй сэтысь,— эз скөрысь шу Наста.— Ме вылын, пөрысь вылын, гизьө. Вөчнысө нинөм да.

Нылыслы эськө вель окота вөлі төдмавны, но сідзи и эз висьтавны. Дузгөдчыліс весиг. Чөла лөсьөдаліс пызан вылө вайөмторъяссө.

— Он кө висьталөй, энөй. Гусятор лоөма. Пуксьөй чай юны. Да висьтыштөй, кызди сәні олоны. Вежаньөй, чөй-сөй?

— Воны да видзөдлы,— бара кос сөрния лои Прокор Иван.

Наста көритана синъясөн видзөдліс верөс вылас. Думсыс өлөдис татшөм кослунсыс. Эз вермы кутчысьны да гораа шуис:

— Но, эн сідзи. Абу өд тай өтнасөн. Қор тай өтнас вөлі, пыр гортын оліс. Толяыслөн өд, көнкө, ок сьөкыд уджыс.

— Сәктө и турунтө өдйөджык пуктылім,— эз сетчы Прокор Иван.

— Вежаньыд ничего олө,— вежис сөрни визьсө Наста.—

Со төрыт рыт мянәдз чушыктыліс. Кывлөма, мый тиян ордө мөдөдчам, да шаньга мөдөдіс. Дерт, пөрысьылдлөн кутшөм олөм. Талун тапикасьө, аски висьө. Ольгаылдлөн пи чужис. Та йылысь юөртлім жө нин. Тэ, Иван, эн ёнасьө тшөтясь Нина вылас. Натөг на тай вермам турунтө пуктыны, артеляөсь.

— Йөв-яйсө тай сёйны отсалөны жө,— чөвтіс Прокор Иван да ачыс не рад лои.

— Кысь нө сразусө налы, том йөзыдлы. Женяйд да Ольгайд стрөйтчисны пока, пемөсьястөг уджыс юр выв тыр вөлі. Регыд кок йылө сувтасны,— өлөдіс верөссө Наста.

Наста дузгөдчыліс верөс вылас. Мыйкө талун несідз сёрнитө, жель кодь. Некор татшөмыс быттө оз овлы-а.

Чайөн горш веськөдігөн чөв олісны.

— Юөй на,— сөмын шуыштліс Нина.

— Ва потшөстө көть век потш,— вочавидзис Прокор Иван, а ачыс кисьтліс выль стөкан. Горшыс косьмөма.

Чай юөм бөрын мама-ныла петісны лавкаө.

А Прокор Иван мудзыштіс талун. Туйсьыс ли мый, делівө лои. Сійөс колисны керка видзысь пыдди.

— Ме, гашкө, рытладорыс петала жө. Видзөдлыны мый-сюрө колө,— диван вылын куйлыштны лөсьөдчигмоз чөвтіс сійө.

\* \* \*

Прокор Иван эськө абу лунся унма морт. Рытнас — нинөм он шу — водз водлө унаысь. Медсясө төвнас. Зато водз жө чеччө. Но өні куйлігас эз и төдлы, кызди вугыр бөсьтіс. Юрсьыс мөвпъясыс пыркалісны, вөляысь саймовтчисны мөдъясөн, кокныдджыкъясөн. Вөт нин кутіс аддзыны. Лунся унмыд абу сэтшөм сьөкыд. Пельыс бура кыліс өдзөс вөсьсөмсө.

Кодкө пырис керкаас. Коксө вель топыда чөвталөмөн. Кытшовтіс гөгөр. Сэсся, кылө, пырысьыс сувтіс сы весьтө. Вель дыр видзөдіс да гөлөс сетіс:

— Тайө тай папө вөлөма. А ме думайта, код нин нюжөдчөма лун шөрнас.

Прокор Иван вөсьтіс синъяссө. Сы водзын сулаліс зятьыс, Толяыс. Быд дыр аддзысьлытөм бөрын со тадз аддзысаны да первойсө шөйөвошлө Прокор Иван. Быттө Павел Гришкөд паныдасяс. Сылысь кусө Толя вылас ляскөмаөсь — сэтшөм өткодьөсь. Сылөн кодь жө читкыля юрсиа, топыд вом доръяса, синъясыс сюся видзөдөны йөз вылө. Быттө век донъялөны. Павел Гриш — Павел Гриш и эм.

Мужичо́й долыда вашму́ніс Толялы:

— Нина́йд мамыскөд лавкао́ петісны, а ме водыштілі,  
Со тай весиг ныровтілі.

— Пальо́ді сідзко́,— чоло́масьны кісо́ зургис Толя.—  
Тоди́ ко́, мый узян, эг эсько́ садьмо́д. Мися, прөста́ сідз  
куйлан.

— Нинө́м, нинө́м. Час, чечча.

Прокор Иван весько́діс протеза́ коксо́. Гутшму́нісны  
көртись вөчө́м пружина́яс, дзуртыштіс пу́ кокыслө́н пи-  
дзо́сыс. И со нин сійо́ пукало́ зяты́слы воча́, кимө́дзнас  
вом доръя́ссө чышкалі́гмос.

— Со тай го́ститны локті́м, тіянө́с видлыны.

— Но и бур, локті́нныд ко́. А то Нина́ век кайто́, мый  
гежо́да мыччы́сланныд.

— Ми, наверно́, тіян доры́сь тшо́кыджыка райцентра́д  
волам.

— Окота́ жо́ эсько́ корко́ гортө́ кайлыны да, ба́ть гу  
выло́ ветлыны.

— Ме ко́льөм го́жөм крестө́ лөсьо́дышти́. Муыс вө́йыш-  
то́ма да по́лыньтчо́ма вөлі́.

— Ме ог и слө́ймөдчыв. Пыр кутшо́мко́ мо́д мог суо́-  
ма,— бытьо́ дорйы́сьыштіс Толя.

Прокор Иван ко́сийс шуны, мый ба́ть гу вылад во́лыны  
кадто́ поэо́ адззыны, но чо́в оліс. Сідз нин ё́на талун лои  
ё́ся се́рнитө́ма нылыскө́д. Кор найо́ гортсы́ныс лавкао́ пе-  
тісны, сылы весиг диво́ коды́ кажитчис нылыс.

Найо́ но́шта ө́ттор-мо́дтор йылы́сь варовитісны, казы́-  
тыштісны Чубью́дорө́ ко́льөм ро́днясо́. Толялы окота́ вөлі́  
то́дны ас сиктса оло́мсо́. Тадзи тай го́го́рвоис сылы́сь юа-  
сьө́мсо́ Прокор Иван. Сы кості́ локті́сны лавкао́ вуджа-  
лысьяс.

— Абу мича краскаи́с и тани́,— Толяко́д чоло́масьө́м  
бо́рын веро́сыслы шуис Наста.— Оз ко́ зяты́ным мезды́, то  
кушо́н ковмас кайны.

— Мича краскаи́с?— кызко́ другө́н ве́жсис Толя. Сійо́  
кө́рліс плешсо́, бытьо́ мо́впаліс код то́дас нин кутшо́м  
ыджыдтор, а эз краскаи́с йылы́сь.— Колө́ мо́впышті́лыны.

— Мый се́н мо́впавнысо́, эм ко́ ко́нко́ — се́тін дай.

— Э́н на тайо́с шу. Ду́мышттө́г нинө́м оз артмы. Абу  
ө́д горт шо́рын джодж мавтан краскаи́с. Колө́ мо́впышті́-  
лыны.

— А сідзсо́ эм?— надея́өн видзо́діс сы выло́ Наста.

— Склада́д, колө́ко́, мыйыс абу да,— эз веськы́да воча́-  
видз Толя.

— Эм кө, судзод,— корис тьощаыс.— Зэв өд ёна колө.  
Дждж мавтан удж и коли налөн.

— Видзөдлам,— бара плешсө көрліс зятъыс.

Прокор Иван налөн сёрниө эз суитчы. Сійө сөмын шензыштис Толялөн не то тшапмыштөм, не то ошйысына гөлөс вылө. Думсыыс такөдіс асьсө, мый, колөкө, збыльысь мортыслы абу кокни судзөднысө. Абу тай аслад. Ковмас кодкөдкө нөшта сёрнитчыны, нуждысьны. Весиг дөзмыштис гөтыр вылас. Горш вылад тальччөмөн корө да. Прокор Иван нэмнас нинөм эз босьтлы сельпо склад пыр. Мый лавкаас мычасны, сійөс и ньөбліс. Öні көсийс та йылысь казътыштны гөтырыслы, но сійөс панйис Нина:

— Судзөдас, судзөдас. Сідз өд, Толюк.

— Видлам,— эз кут водзө куражитчыны мөдыс.

— Со и Толя локтис. Öні позьө и прамөй ног сөйны,— вежис сёрнисө нылыс.— Мам, тэныд бара отсыштны ковмас.

— Мужикъястө вердны колө,— пыр жө чепөсйис Наста. Сылы весиг нимкодъ лои, мый помасис краска корөм кузя сёрныс. Быттө тай со көсийө Толяыс сетны-а.

Мама-ныла саймовтчисны кухняө. Мужичөйяс чөв олісны. Прокор Ивань өшиньө кутис гоннявны. Толя эз жө сёрниө пырөдчы, но сылөн чужөм серти позьө вөлі гөгөрвоны, мый нинөм сэтшөмыс эз ло. Быд лунъя сёрни кодъ вөлі. Кыла немөй овны медводз эз ло лөсьыд Прокор Иванлы. Локтін кө нин гөститны, то быдторйысь куражитчыны абу лөсьыд. Быттө овны велөдны воөма лои. Ныв гозьяыс верстьөбсь нин, асланыс олөм эм. Дерт, мый оз глянитчы, ковмылө суитчыны, абу тай бокөвөйяс. Сы вөсна и торкис чөвлунсө:

— Но, кызди, Толя, олөм мунө? Öнтай эг удит помөдз юасыны.

— Мунө тай,— öні эз окотапырысь вочавидз мөдыс.

— Нина висьталіс, мый универмагө директорөн индөмабсь.

— Пуктасны, дерт, грамотаа морттө,— суитчыліс Наста, коді вайис пызан вылө тасьті-пань.

— Пуктисны. Ог өд нэмыс кут товароведавны.

— Институтө пырны нырччыны көсийө,— кыв сетис и Нина.

— Думайта.

— Мед велөдчө. Юрыс сылөн уджалө.

— Мед эськө велөдчө да,— пызан сайө пуксигмоз асьсыс мөвпсө шуис Прокор Иван. Но водзөсө бара на велө-

дёма лои.— Тэ, нылук, эн жё ёна лэпты Толяёс ошкёмнад. Мед ошкё оз пёр.

— Кыдз нё он ошкы. Мыйсё нин гортё эз вай... Да ёд, Толя?— друг вомсьыс прёстмис Ниналён. Ачыс пыр жё казясліс лишнёй ошйысьёмсё да мыжа синмён видзёдліс верёс вылас.

— Нинём эг вайлы. Мый нинём абусё бызган,— скёракодъ кодзнитліс прёст вома пёв вылас Толя.

— Мыйкё нинём абуыс вомысь лэбзис,— чушсё нюжёдіс Нина.— Тіян вёсна ёд. Локтінныд да пырёмсянныд кутінныд быдтор вылё крукасьны. Велёдём могысь али мый воинныд?

— Тіянёс велёдтёгыс некыдз,— орёдіс Прокор Иван.— Ми на пока велёдысьясыс. Кулам да сэк некодлы лоё.

— Сёйны корсим, а ті он и пуксьёй,— корис Наста.

— Мыйкё ог и кёсйы,— куражитчис Толя.

— Эн дузьяв, пуксьы,— корис тесьыс.— А то збыльысь артмё, мый чеп йыв понъяс моз усъласям ёта-мёд вылё. Бытьё мукёдтор йылысь оз позь сёрнитны.

— Асьныд пананныд да. Нина, вайлы ёти доз холодильниксьыд. Сытёг, гашкё, джагыд сёяныс лоё,— пуксигмоз шуаліс Толя.

— Сытёг эськё бурджык да. Став винасё он помав. Ме, ас пайысь, Иванёс ог лэдз,— суйсис Наста.

— Ме ог и ю. Абу ёні юёмыд в моде.— рочыштіс Прокор Иван.

— Быдласянь ёлёдоны эськё да,— содтіс Толя.— Но позяс, ме думысь, и неуна юыштыны.

— Но удж вылад тэ он мун?— сылысь юаліс Наста.— Вина йылысь сёрни панін.

— Ветла на. Неуна сёрнджык. Ме тіян вёсна шогся. Гёстьяс ёд.

— Абу ёд быть юны,— ассьыс сёрни визьсё таяліс Наста.

— Сідзкё, донтёмджык сувтас гёститёдёмыс,— вомкётшнас шпыньмуніс Толя.

\* \* \*

Пажнайтісны чёла. Гоз-мёд кывйён шыбитчылёмсё кё он лыдды. Сёйём бёрын Наста тасьті-пань мыськавны кутчысис. Прокор Иван сы дорын жё кухняс бергаліс. Ыдждыд жырйё кольчём Нина да Толя, кылё, вёляысь варовитісны асланыс могъяс йылысь. Прокор Иван йёз сёрнитё кывзыны эз радейт. Первойсё, кор ныв гозъяыс вёля-

джыка варгисны, нинөм эз кыв. Но сэсса зятъыслөн гөлө-  
сыс чорзис. Буракө, дözмыштөма.

— Талун, Нина, бара эсийö, карса базасьыд тьöтыс,  
звöнитлис. Вот дивöйд! Ачыс пызан-улöс мөдöдö, а кыськö  
тай тöдö, мый миян магазинö кынь ку шапкаяс ыстасны.  
Он бара наысь нинөм дзеб. Шуö, коль пö öтиöс. Быть коль,  
мöдысь ачыс мыйöнкö мездас.

— Ой, Толюк. Кутшöм тэ менам писькöс да ставсö гө-  
гөрвоысь. Тэкöд пöгибад некор ог воий. Медся ниң пыдди  
пукта сыысь, мый тэнад ёртыс райцентр джынйыс. Öнi кö  
чукöстан, то ставныс отсöг вылö локтасны. Весиг проку-  
рорыс.

Прокор Иван гозъя шемöса пукалисны. Наста вашкö-  
дыштіс верöсыслы:

— Прокурор йылысь сёрнитöны. Мыйкö лоöма али  
мый?

— Тi асланыд сёрнитö гусьөн бызгöй. Абу öткөнöсь,—  
гораа шуис Прокор Иван.— А пель съöдмö. Мыйкö арта-  
сянныд сэни. Прокурорсö нö мый сэтчö гартанныд. Усьö-  
мысь, Толя, полан да водзвыв вольсалан усян местатö?

Нина тшапа локтіс на дорö.

— Миян гусяыс нинөм абу... Олöмыс сэтшöм. Толя мый  
на, а хозмагса продавечыс. Велöдчытöм и быдөн, а ыджыд  
чина да грамöтаа йöз ки на ки чолöмасьны кыйöдöны. Лёк  
кыв шуöмысь полöны, мед, чурки-буди, эз скөрмы.

— Мыйсяма олöм пуксис?— шеныштіс Прокор Иван.—  
Миян Чубьюдорад öд сідзжö кутісны. Ваясны шоча овлысь  
тöвартö да асьныс чашъясны. Водзті, во кызь вит сайын,  
сельпоын пред да бух вöлі. Öти вузасьысь. И ставсö, мый  
сяммисны, могмöдлісны. Öнi сельпосаясыд нель жырийö оз  
төрны. Тi со ас йывсьыныд пö сöмын мөвпаланныд.

— Код нö сэсса миян йылысь юрсö жуглыны кутас, ог  
кö асьным?— кухняö жö вуджис Толя.— Коді кыз сяммö,  
сідзи и бергöдчö.

— Тиянлы эськö томулысь кага нин лöсьöдны кад,—  
сёрни вежöм могысь паніс Наста. Ачыс видзöдліс Прокор  
Иван вылö. Думсьыс корис суйсьыны сёрниас.— Колöкö,  
пи чужас.

— Ми тай шуим нөрöвитлыны-а,— орöдіс Нина.— Сідз  
öд, Толя?

— Аслыным первой олыштам. Лунвылö со быд гожöм  
на ветлім. А каганад...

— Чужас кö öд кагаыд, ми на вермам отпускад ветліг-  
кості видзыштны,— водзö нуöдіс Наста.— Каганад ог на  
пöгибö воий.

Паном сёрниис лонис. Толя мунис удж выло. Гостьяс гажтомтчисны, быдон ассыс дум песис. Нина эськө босьтчылис жө сёрнитодны, но сылон нином эз артмы. Прокор Иван бара шойччыны водис.

\* \* \*

Рытнас, ужнайтигон, Прокор Иван эз терпит да бара на юалис:

— Толя, эн тэ ёнасө ме выло дözмы, но веськыда висьтав. Тэ збылысь мыйкө удж вывсыд гортад кыскалан? Аслыд выло!

Модыс весиг панясьнысө дугдис, думсьыс артасис, кыдзи вочавидзны тестыслы. Сийө видзөдис сы выло синсө вештывтөг. Виччысис, мый вочавидзас.

— Папө, ме тогда тэнсыд олөм вылас видзөдластө. Тэнад сийө важ йөзлон кодь. Ониясыд сидзтө овны оз нин кöйыны.

— Мый нө ми өмөля олим али мый? Бытьтө нинөм сэтшөм шогмытомсө эг вöчлөй. Мед сысыс öнi öтдортчыны.

— Тиян асланыд кад вöли, миян асланым лон. Вежсьö тай олөмыд, миян суитчытөг.

— Код нө сийөс тэчө, олөмсө? Он-ö тi? Томджыкулов.

— Кывнад печласьны вермам рытывбыд. И ме ассым дольны кута, и тэ ассыд. Помыс оз тыдовтчыв. Көть эськө ачыл бура гөгөрвоан, мый кодi кöнi уджалө, сийөн и лякөссө.

— Ме нэм чөж дояркаали да пань тыр йөв гортө эг босьтлы,— вомалис Наста.

— А мый, тиян думысь, ме магазинсьыс гортө нуа дон босьттөг? Абу од швач йöй. Дзескыдинө веськавны ог на кöйы. Ме мод ног аслым босьта. Думыштлөй со татшөмтор вылын. Шуам, ме кодлыкө судзөди донтөминик ковер, кодi гежөда волө. И зэв нимкодь мортыслы. Од өкмыссөаөс кö ньөбис, ружтыштлыны ковмис. Сьöмыд оз ставлөн туплясь. Коркө мыйөнкө и меным отсалас.

— А отсалөмсьыс он öткажитчы?— сатшкысис Прокор Иван.

— Отсөгсьыд и тэ он кут куражитчыны. Йөзсө öд он öбидит. Ог кö босьт, сийө ачыс оз ло рад. Думайтас, мый лөгаси да модысь ог нин мезды.

— Мый сэссия, быдон сэтшөмсьө али мый?— эз эскы Прокор Иван.— Ставыс, кодлы тэ гусьөн моз мыйкө вöзийин, тэныд отсыштны кыйөдöны?

— Абу, дерт,— серөктис Толя.— Овлө на, мый мод лун-

нас оз нин тӧдны кӧсйыны. Вирыд весиг пузбылӧ татшӧмъяс вылас. Буртортӧ оз на ставыс гӧгӧрвоны.

— Век жӧ ме ог ставсӧ помӧдз гӧгӧрво,— водзӧ нуӧдис Прокор Иван.— Мый нӧ, весиг сьӧм мыччылӧны?

— Тайӧ менам делӧ,— эз вочавидз Толя.

— Кыдзи тэнад? И мян тшӧтш. Тэ ӧд мянлысь рӧдсӧ водзӧ нуӧдысьыс.

— Ме ассьым рӧд нуа.

— Гӧтрасин Нина вылӧ. Сидзкӧ, мянлысь тшӧтш. Да и батыд эз вӧв меным бокӧвӧй мортӧн.

— Мый нӧ тӧ, менӧ велӧдны локтӧнныд?— скӧрмис Толя да лӧкысь видзӧдлӧс Нина вылӧ.— Тэ корин?!  
— Мый тэ, Толюк, ме ӧд эг жӧ.

Толя кытшовтӧс видзӧдласнас рӧдвужсӧ. Синьясыс кодзлалӧсны. Пинь пырыс сӧдзӧдис:

— Ми Нинакӧд верстыӧ йӧз. Ассьыным олӧм олам. Кыдзи кӧсьям, сидзи и жируйтам. Велӧдысьыс сидз уна чукӧрмӧ. Ставныс сюсьӧсь, быдтор тӧдӧны. Быттьӧ мян асланым юрным оз уджав.

— Мый тэ думайтан? Кыв шуны нин мянлы оз позь?— пузис Прокор Иван.— Сидзкӧ со мый тэ меным висьтав. Но, шуам, тэ сьӧм чукӧртан, а мый вылӧ?

— Сийӧ мян делӧ,— кӧсйис орӧдчыны Толяыс, но нӧдыр чӧв олыштӧм бӧрын, буракӧ, мӧвпыштӧс вочавидзны.— Кӧть машина вылӧ. Курортӧ ветлыны.

— А тэ дзикӧдз тшыксьӧмысь, сисьмӧмысь он пов? Горшлуныд ӧд пинь висьӧм кодъ. Первой ӧти висьмас, машина колӧ. Мӧд пиньӧ вуджас — нӧшта мыйкӧ колӧ. Видзӧдан да вомыд куш. И морӧс пытшкыд тӧщӧ. Сӧмын ӧти сьӧм син водзад и дум вылад.

— Помнитанныд Пиля Матрентӧ?— содтӧс Наста. Талун сийӧ тшӧтш сӧрни выв сетчис. Вӧрзьӧма кыткӧ.— Вот сийӧ нэмсӧ дзӧрис-олӧс нянь да ва вылын. Весиг пачсӧ дзоньтавны собесӧ шыӧдчылӧмӧн сьӧм корис. А мыйӧн кулӧс, книжка вылас сьӧмыс вель этша и вӧлӧма... Кӧкъямыс тысяча! Нылыслӧн пиыс сийӧс во джынйӧн и пызйыштӧс юис. Сэсся керкасӧ вузалӧс Матреныслысь да ӧнӧ на оз тыдав. Кытчӧкӧ мунӧс.

— Вот-вот,— гӧтыр вылас аттьӧалана синьясӧн видзӧдлӧм бӧрын содтӧс Прокор Иван.— Тӧян со весиг челядь абу. Некодлы лӧӧ чӧжӧм сьӧмтӧ видзны.

Толя дӧзмӧмӧн петӧс улич вылӧ. Ставӧн чӧв усины.

— Збыльысь, абу жӧ мича. Локтӧмӧн тшӧтш вуззьысинныд морт вылас,— забеднӧя шыясис Нина.— Сийӧ ӧд нева-

жөн на уджалө. Төлксө оз гөгөрво. Йөз сёрниысь вись-тавлө.

— Сійөн и колө велөднысө,— эз сетчы Прокор Иван.— Мед сімыс дзикөдз эз сөй. Лөк вылад өд велавны кокни. Бөрсө петны ыджыд эбөс колө.

— Абу жө тадзи лөсьыд,— ассьыс долис нылыс.

— Нина, мыйкө тай тэкөд неладнө? Аслад юрид вошны кутөма,— ныв вылас көритана синъясөн видзөдліс батыс.— Толяыдлы вомас и видзөдан.

Насталы жаль лои нылыс. Сійө кыскыштіс верөссө дөрөмөдыс:

— Да. Тэнө кө вөлі кывзыны нэм чөж, челядыд пасьтөг быдмисны. Йөзлы гортысь ставсө нуны видзөдан. Вывтісө, эськө, мужикъясыдлысь оз жө ков кывзыны да. Ми на, бабаяс, олөмсө бергөдлысьясыс.

— Ті?— другөн гылыда серөктіс Прокор Иван.— Тіян вылө кө усян...

Та кості бөр пырис Толя. Абу на сайкалөма өнтая сёрниысьыс. Пыригмоз броткис:

— Быдөн өд велөдысь лои. Удж вылын и со тані. Горт шөрөдз локтөмөн. Олөм пуксис.

— Мый нө, оз кажитчы веськыда шуалөмыс?— эз терпит сылысь броткөмсө Прокор Иван.

— Ме вылө тай өд и горзөны. Вылөдждыд увтышты оз лысьтны. А мыйла весьшөрөсө горзыны, морөсад сизьдөмөн? Он жө нин бертышты ыджыд начальствотө тадзинад вермы-а. Сөмын аслыныс лөксө вөчөны. Ме вылө лөсьыд катгысьнытө. Чинөй зэв на ичөт да.

— А тэ ачыд мукөдсө дивит,— чепөльтыштіс Прокор Иван.— Сэки кокныдджык сьөлөм вылад лөө.

— Нөшта мый? Ме, бурджык, чөв ола. Сідзсө лөсьыдджык. Горзөмсьыд да вензөмсьыд этша төлкыс. Тайөс ме ичөтсянь гөгөрвои. Менсьым чожөс, мамөлысь воксө, Оньө Мишсө, дерт, төданныд? Гөлөсыс сьлөн өні на зэв гораа юргө. Олөмыс нинөм вылө абу велөдөма. Оні ог төд, кызди Чубьюдорад, менам челядь дырйи баржаөн вайөм пызь мешөкъяссө мыш вылын петкөдлісны.

— Оні оз нин,— шыасис Наста.

— Сійөс тай и шуа, мый өні ог төд. Тулыснас, ытва дырйи, волісны нянь тыра баржаяс. Унджык мужичөйыс сэк гөрөны да көдзөны. Кодъяс прөстджыкөсь, локтөны кыр йылө, кытчө баржаыс нырсө сатшкас. Ыджыд лача күтісны, мый сьөм позьө нажөвитны. Мешөкъясыс сьөкыдөсь, оз на весиг быд мужик вермы дыр новлыны. Сы вөсна донсө сетлісны быд мешөкысь. Кымынөс петкөдан. Ог нин пом-

нит, уна-õ сулалõ вõлї õтиис. Но вот, локтасны кыр йылõ мужикъяс. Ми, челядь, сәни жõ. Видзõдам, кутшõм мужик-лõн пидзõсыс куснясьõ съõкыд мешõк улас, кодї кокниа петкõдлõ. Но найõ оз тәрмасьны кутчысьны ректысьны. Пукалõны, донъясьõны. Танї жõ сельпоса веськõдлысьяс. Найõ ассьыныс дон шуõны. Мужикъяс куражитчõны — ичõт пõ. Медся ёна донъясьõ чождõй, õньõ Миш. Ыджыд горõн шуалõ, мый кольõм во пõ вит кõпейкаõн унджык мынтылїнныд, и таво сїдз жõ колõ. Сельпосаяс тõдõны, мый баржа сулõдõмысь налысь штрап перьясны. Но век жõ мыйкõ дыра донъясьõны. õньõ Миш на вылõ пыр каттысьõ. Мукõдыс, морт комын, бокинджыкõсь. Кодї сулалõ, кодї пукалõ. Быдõнлы жõ окота, медым мешõк донсõ содтыш-тїсны. Но чõв олõны. Вомгорулас сõмын броткõны, гусьõн моз õньõ Мишõс ыззьõдõны. Медбõрын сельпо пред скõр-нырысь юõртõ, мый мешõкыслõн доныс лõõ кольõм вося мында. Мужикъяс вермасны кутчысьны ректысьны. Но сõ-мын õньõ Миш мед оз кутчысь. Мужикъяс первойсõ зык кыпõдлõны. Мед пõ тшõтш ректысьõ. Но предõс он зыр-тышт. Менам пõ шуõма. Кõсьянныд кõ пõ кольõм вося донсьыс уджавны, петкõдлõй, но õньõ Миш мед матын эз вõв. И мый жõ — гоз-мõдõн Мишõс нин корõны мунны гор-тас. Сәсся мукõдыс кутчысьõны вõляысь сысь мездõдчы-ны. Быттьõ эз сїйõ медся ёна кор, медым донсõ содтїсны. Асьныс чõв олїсны-а. õнї, кор чождõс отсõгõн лон содтõма, то мортыс оз нин ков. õньõ Миш скõрысь ёрччыштõ да юрсõ лэдзõмõн довгõ гортас. Мукõдыс кутчысьõны ректысьны. Тә мед кывлїн, кыдзи сїйõс чожиньõй видїс. õнї на сылõн чилзõм сора горзõмыс пельын тїньгõ. Найõ буретш стрõит-чõны вõлї. Колõ кутшõмсюрõ тьõс-плака ньõбны. Мешõк ректõмысь наждõвитõм сьõм вылõ лача кутїсны. Татшõм-торйыд, другõ, оз некор вун. Сы вõсна õнї ме и ог некытчõ суйсьы, мыйла бõрас, код вõсна тõждысян, сїйõ жõ и асьтõ оз кут тõдны. Кор тәнõ топõдасны.

— Но õд оз жõ век тадзи овлы. õтчыд аддзылõмтор вõсна õд нәм кежлад он жõ ассьыд визь лõсьõд,— чõв олыштõм бõрын ышловзьõмõн шуис Прокор Иван.

А зятъыс водзõ õддзис.

— Женяыд со гõтрасис да тїянõ поздысис. А ми кор локтїм татчõ, кõть пыж улын вõлї ов. Сикт джынсõ кыт-шовтї, патераõ вõзйис. Думайтанныд, лэдзисны, мед оз. Абу важ кадыд. Ставыс лючки олõны, патерантьяс сьõм-тõг. Кодлы окота йõзõс видзõдны. õти пõрысь пõч жаляд-дза лэдзис, верõсыс эськõ чушсõ первой нюждõдлїс жõ да. Но и гозья вõлїны, ме тәныд шуа. Пõльыс садь юрнас морт

кыз морт. А винасö юас да нянь сёйысь сир кодь. Гöтыр вылас кулакөн усьласьö. Пöчыд миян дорö тёрликтö, дзёбсьясö. Ме видзöдi, видзöдi, да и öтчыд шуи пöльыслы. Мися, абу лöсьыд тадзисö, гöтыртö чуйдавы. Сийö нинöм эз шу. Мöд луннас пажын вылö локтi да... қолуйным кильчö вылас. Мый тэ, думайтан, ме вöчи? Ризöдлi винала. Мися, эн вöтлöй, йöйöс, шуалi нинöм абусö да. Юктöдигас прöща кори. А сийö, пöльыд, гажмыштис да бөр лэдзис. Шуис сöмын: «Ме тани кöзияныс. И некодлы суитчыны ог лэдз аслам олöмö. Кöсьян кö, мед юр весьтад лэбув вöли, чöv ов». И чöv оли. А код ради, медсясö Нинаыд ради. Ме кö öтнам вöли, сьöлышти да мунi. А кор тэ вöсна медся дона мортыдлы ковмас сьöкыдлунсö тöдны, сэк тай вöлом он ыджыдав. Думайтанныд, абу окота меным мукöддырйиыс кодлыкö веськыда крапйöдлыны-шуавны? Кыдз на нöшта окота! А мыйö сийö бергöдчас? Бурджык чöv овны йöзыскöд. Бурджык мавтыштны кывнад этшсö тöдтöмъясыдлы. Налы любö, кор сы ногөн сьылан. Со тай патера эм, и директор чин чуктöдi.

— А абу зывöк?!— кыпöдчыштлис Прокор Иван.

— Зывöк кöть абу. Висьтала тай, мый ог сöмын аслым ов. Со и Нинаыдлы шог ни печаль.

— Эн сы вылö ыстысь.

— Кыдзи ог. Он-ö тi кöсийöй, медым менам тшöтясьöмъяс вöсна сийö лёкджыка öнiя дорысь олис?

— Но öд татшöм ногөн оз жö ков!

— Кыдзи колö? Висьтав, велöд? Кымынөн на юр сюя-нiнтöмöсь том гозъяясыс. Думайтан, радейтöмыд оз кус, кор овнысö пöшти некытөн? Шалашад лун-мöд сöмын рай. Сэсся уман. Овны колö кöнкö. Сетiсны кö лючки-бура быд том гозъялы патера, то эдзык эськö торйöдчавны.

— Со тэ кытчö бергöдiн,— эз öвсы Прокор Иван.— Миян тай нö Настакöд нинöм жö эз вöv да эг йöзлы вом вылас видзöдöмөн ов.

— Тэ нöшта му сувтандырсö казтышт. Сэкся олöмсö öнiяыскöд эн öткодяв. Ме думясь, öнi йöзыс сюсьджыкöсь.

— Дасьсö кö виччысьысьсöсджык-а!

— Да мый тэкöд вензян? Он жö гөгөрво-а. Шуа тай, мый ме бурджык чöv ола, быдлаö суитчöм дорысь. Тэнсьыд со отсöг ог кор, кодкö моз... Оз ков сийö öнi. Колö кö вöли, юмоладжык сёрнитi, кодкö моз. Женяыд тэ ногөн сьылö öнi, тöдö, мый колан на... Он кö кут? Друг да öти здуко вежсяс, кутас букшасьны. А ме со кутшöм эм, сэтшöм и эм. Лёкöдан, дерт, öнi таысь. А сийö кö вежсяс? Сьöкыд лöö тэныд.

Оти кӧ ӧд, мый. Гӧгӧр тай татшӧмыс овлӧ. Ог тӧд али мый,— эз ланьт Толя.— Шуан, мыйла ме Чубьюдорсьыд татчӧ локтӧ? Думышттӧг тайӧ эз ло. Видзӧда да, став начальствоыс бокысь воӧм йӧз. Ас сиктсаяс съӧд удж вӧчӧны. Локтас кӧ кодкӧ мӧдлаысь, то ӧдйӧджык чин сетасны. Кӧть эськӧ ёна сюсь вежӧрӧн и оз торъяв. Мыйла? Ас сиктсаыдлысь гугсӧ и бансӧ тӧдӧны да сійӧн. А бокӧвӧйтӧ оз. Пыр чайтӧны, мый авъя да бур морт воис. Ме кӧ кольччи, то весиг сельпо предӧдзыс, колӧкӧ, эг во. А тани со доза регыдӧн директорала.

Налӧн сёрни дырйи мама-ныла чӧв пукалісны. Наста шензис. А Нина тыр синмӧн видзӧдіс верӧс вылас. Чужӧм, видзӧдлас, дивуйтчӧм сертиыс тӧдчис, мый вылӧ донъялӧ татшӧм мӧвпьясьыс верӧссӧ. Со пӧ кутшӧм вежӧра да тӧлкӧн сёрнитӧ.

— Либӧ менӧ олӧмыс мӧд ногӧн велӧдіс, но ме тӧкӧд ӧти кывйӧ ог во,— чорыда шуис Прокор Иван.— Кызкӧ весиг лӧг петӧ тӧ кодьяс вылас.

— Женякӧд кокныдджык. Тайӧс ме казялі,— ӧзйис Толя.— Гӧгӧрвоышта мыйла. Сійӧ, дерт, тӧ ног съылас, стрӧитчигас отсалін да. Вермас нӧшта на мыйскюрӧ пычкыны. Меным да Ниналы со лои ас гӧрб вылын ставсӧ тӧчны. Сы вӧсна и со веськыда крапъя-шуала. Ог пов.

— Тӧ Иванӧс эн вӧрзӧд,— суйсис Наста.— Сы мында съӧкылдунсӧ, кызди сылы, тӧныд некор не аддзывны. Да и оз ков.

— Эн дӧзмы, мамӧ, ме сідз шуа,— вежис гӧлӧссӧ Толя.— Ме сылы и висьтала, кызди думайта.

— Тӧныд эськӧ ныр-вомад ӧтчыл прамӧйджыка зутшнитны — ставыс пыркалӧ,— скӧра сӧдзӧдіс Прокор Иван.— Олӧм тӧдысь аддзисьӧма.

— Вот, вот,— эльтчис Толя.— Тиян кодьясыслӧн ӧти пектан туй. Кывнад венны он сяммӧй, мыйла ме ног ставыс. Сӧсса лӧктӧ песӧм могысь вартны видзӧданныд.

— Мый тӧкӧд бызган,— шеныштӧс кинас мӧдыс.— Мунам татысь, Наста. А то татшӧм сёрнисыс лолӧй кутӧс пӧдны. Гортӧ каям.

— Ог жӧ кайӧй на,— шай-паймунӧс гӧтырыс.

— Тӧ кызд кужан, а ме тани овны ог вермы,— петӧгмызыс шуис Прокор Иван.

\* \* \*

Регыд мысти Прокор Иван вӧлі нин Эжва кыр йылын. Юӧдзыс тасянь вель ылын. Но и кыр йывсянныс тыдалӧс

гудыр ваыс. Век на туо Эжваыс. Сідзсө зэв мича места. Но сьолөм вылас пуксьом майшасьомыс неkyдз эз лэдз радлыны сылы. Юрас жуисны мөвпъяс. Бара на олөм йылысь. Медсясө том йөзлөн олөм дорас матыстчөм йылысь. Со зятъяссө көть босьтам. И налөн, кыкнанныслөн, эм сэтшөмтор, коді повзьөдлө олөма мортөс. Мыйкө эз глянитчы и ставыс. Да и мукөд том войтырыс абу ылө мунөмабсь.

Дум вылас уськөдіс, кызди Павел Гришөс гуалисны. Кулан луннас Прокор Иван шогысла доймысь сьолөмөн кыссис удж вылө. Кыыс нинөм дорө оз сибав. Но колө ёртыслы горт вөчны. Эз тэрмась, вөляысь бөрийис пөвъяссө. Думсьыс мичаджыкъясөс корсис. Сыкөд тшөтш удж вылас воис и Гришлөн зятъыс. Абу Чубьюдорысь, кыськө Эжва катчөсланысь. Сійө недыр видзөдіс Прокор Иванлөн вөляысь ноксьом вылө. Сэсся кытчөкө вошавліс. Мужичөй эз кывлы, кызди сійө бөрсө воис. Сайкаліс тувкнитөмысь. Том морт мыччис сылы вина доз.

— Тайө өддзөд вылас. Видзөда да, он ёна тэрмась.

Өні Прокор Иван оз төд, мый кутіс сійөс том мортлы косьыштөмысь. Но эз тай лөсышт-а.

— Тэ мый?!— морөсөдыс сөмын босьтліс сійөс Прокор Иван.— Тестьтө көсьян тэрыбджыка муө суюны? Өддзөд вайин!

Сэсся кватитіс сылөн кыысь вина дозсө да мый вынсьыс шыбитіс восьса өдзөсө. Эз веськав. Сулеяыс пасьмуні куричө.

— Ме думайті, мый донтө лэптан,— дорйысис том морт.— Унаөн тай доз мыччытөг оз тэрмасьны. Өд рытнас нин гортйө мортсө колө пуктыны.

— Өддзөдтөг ставсө ас кадө вөчам,— лэдзис сійөс Прокор Иван.

Водзөсө уджаліс тэрмасьтөг жө. Быд пөв кинас мольөдіс. Дась лоөм бөрас пуксис гортйыскөд орччөн да недыр олыштіс на. Чеччис, босьтіс паськыд пельпом вылас гортсө. Протезнас дзуртігтыр веськөдчис Павел Гришъяслань. Нуис ёртыслы медбөръя юр сюянінсө...

Бур олысь вөлі Павел Гришыс. Бара на со лон покони-көс вой улас казтыштөма. А Толяыс со, төдчө, абу сы кодьөн лоөма. Чубьюдорсаяс сійөс Гриш Тольөн төдөны. Эз вош мортыслөн нимыс, пиыскөд йитчөма. Но коляс оз йөз пөвстын Толяыслөн нимыс? Со весиг челядь на абу.

Да и нылыс вежсьыштөма, абу важ кодыс. Сійө Прокор Иван семьяын вөлі медся чольөбөн. Өні мөд ногөн сёрнисө гаровтө, скупджык серам вылас лоөма. Гашкө, вывті нин нинөм абусьыс майшася да — кутіс асьсө татшөм мөвп

вылын Прокор Иван. Кадыс матыстчис та вылө, пöрысьыс кыссьö вöляысь. Кор сійö ичöт на вöлі, пöльыс, кылö, сылысь батьсö мыйыськö дивитіс. Вель дыр мыйкö шуалис, а сэсса шензыштіс, кызди пö, ми кулам да, овны кутанныд? Прокор Иван батьсö зэв вежöра мужикöн лыддыліс. И то сылы пöльыс шуавліс. Коркö удайтчывліс тайö шензяна кывъяссö кывлыны аслас батьсяныыс и Прокор Иванлы. Кутшöмкö вöчöмтор вöлі абу глянитчöма. Гашкö, öні сылы татшöм кадыс воис, кор томъяс вылө видзöдігöн шензыны кутан. Тадзи нэмъяс чöж кыссьö — олöмаяс майшасьöны томъяс вöсна. Но олöмыс тай пыр водзö мунö-а.

Прокор Иван йöзтö велöдны некор эз суйсьыв. Дерт, лёк вöчöм кö вöлі казялас, синсö куньöмöн оз жö мун. Но суйсьыны эз суйсьы. Аслад олöмын мукöддырйиыс гандайтчылан, кыс нин йöзöс велöдны. Но ассьыс нывъяссö зіліс быдтыны бур ногөн, медым мукöдсьыс эз вöв яндзим. Медым нинöм лёктор эз вöчны. И асланыс вежөрөн олісны. А Нинаыс со талун Толяланыыс нин сынö. Помнитö, медся ичöт нылыс ар вита вöлі. Зэв чорыда висьмис. Сэки Прокор Иван свежöй чери сылы кыйны мөвпыштіс. Мед юквасö панялас, гашкö, висьöмыс лэдзас. Оз жö нинöм вöлі сөй-а. Вит вугыра и донкаыс вöлі. Зэв сюся көвсö видлаліс, мед некыті эз ор. Лэччис вадорö. И, шудыд вылө, шедіс ыджыд чери. Кутіс кыскыны, а сійöс и орöдчис. Бöрас сюсьджыка видзöдліс да сöмын сэк казяліс, мый öтилаті көвйыс рыжмöма. Водзтісö эз казяв. Кутшöм шог вöлі сэк Прокор Иванлы. Эз вермы нывсö юкваöн вердыштны да. Öні сылы сэкся кодь жö лоис. Быттьö Нинасö бур ногөн велöдіс овны, а рыж местаыс кольöма. Эз сяммы казявысö.

Пукаліс Прокор Иван кыр йылын, гортö кайны теплоход виччысис. Ассьыс мөвпъяс пöжис. Ю кузя кывтісны и катісны катеръяс. Кодъяс кушөн, кодъяс баржаяс кыскисны. Сувтліс берег дорö карсянь воысь теплоход. Некымынөн райцентрö чеччисны. Кайисны кыр йылö. На пöвстысь öтиöс Прокор Иван ылысянь казяліс. Зэв нин топыда коксö пукталöмөн локтö. Тöдчö, мый гортас воöма. Коді гөститны либö мөд могөн — найö сувтышлöны, öтарö-мөдарö гоннялöны. Арталöны, кодарлань сетчыны. А тайö оз, веськыда кайö. Со сійö öтлаасис Прокор Иванкөд. Сувтыштліс:

— Менам вунöма нин, гөстиничаыс нö катыдланьыс али бара — кывтыдланьыс?

Со и тöд воськов сертиыд морттö. Вөлөм, оз гортас лок.

— Катыдланьыс.

— Ме сідзи жö вöлі чайта,— тшоголя шуис мужичöй.

— Могөн воинныд?— юавны телепит лои Прокор Иванлы. Мёдыс видзёдліс сы вылө. Быттьö көсйис шуны: тэныд пö тайö мыйла. Но эз шу.

— Локті тай. Эм эськө рөдня перевод, да ог нин на дорө узьнысö мун. Кыдзи шуласны: ылысса рөдняыд, сөмын вөдня.

— Гөстиничаыд өд век тай тыр.

— Лоис местаыс, аддзам,— чөвтис мужичөй. И водзö восьлаліс сэтшөм жö тшоголя. Прокор Иван виччысис, мый сувтовкерыштлас, артыштас мыйкө. Но өд эз. Пыр водзö шавксьөдіс.

Оз майшась мортыс. Татшөмыдлөн ставсö водзвыв артыштөма. Со кыдзи шалсий-мунө. Кокни али бара абу татшөм устава йөзыслөн олөмыс-а? Кодъяс оз майшасьны. Гашкө, ортсысянныс сөмын кажитчө тайö. Быдөнлы өд пыткас он видзөдлы...

— Иван,— кыліс бөрсянныс гөтырыслөн гөлөсыс.— Гашкө, ог на кайөй?

— Ме ас пайысь туйө петі.

— Ме эськө көлуйөс босьті жö нин да,— меліа шуис Наста.— Каям сідзкө. Тулысын пö кутшөм гөститөм. Гортын уджыс юр выв тыр. Сөмын тай краскаыд эз сюр да сійө-а.

\* \* \*

Гортас воисны асьядорыс. Вөскресенньö буретш веськаліс. Ольгаыс да Женяыс гортас вөліны. Шензян чужөмъясөн паныдалісны.

— Мыйкө тай регыд кежлө вошлінныд?— Прокор Иванлысь юаліс Женяыс.

— Видзөдлім налысь олөмсö и то аттьö,— первойсö эз көсйи кутчысьны сёрниö тестыс.

— Кыдз нө олөны? Мый висьталөны?

— Лунтыр тай вензим сөмын,— нюммуніс Прокор Иван да висьталіс сёрнисö.

— Веськалас прамөй йөз дорө да сійөс өдийö веськөдасны.— Сьөлөм сетіс зятыс.

— Оз мөй прамөй йөз пөвстын ов?

— Абу, буракө, ставыс бурөсь. Кодкө өд велөдіс жö тадзи овнысö, думайтнысö. Татшөмъясыс и тшыкөдоны Толя кодьястө. Асланьыс чегөны. Сьылісö песовтны сэтшөмъясыслысь колө. Йөзсö тшыкөдөмысь.

— Қазялан кө найөс. Оні со быдөн зөв лөсьыда сьылөны — виль ногөн пö олөмсö вөчам. Вежсим пö ставөн. Төд-

мав сэсса, кодi мый сьолём пыткас кутö. А уджалысьыд, кодi мырсис нэмсö, кыдзи водзти, сiдзи и öни асьыс вöчö и вöчö. Вежсьом оз ков.

Прокор Иван казялис асьыс кыв-вор вощьомсö да чöв ланьтис. Сiдз нин уна лои бөрья кадас вензьома, сёрнитöма. Женяыс недыр сулыштис сы дорын да гортö пыралис. Прокор Иван видзöдис мöдлапöвса расьяс вылö да асьыс дум песис.

Со пуяс сулалöны. Ёлисянь оз жö торьявны öта-мöдсьыс. Матыстчан кö, то быдсяма пöлöсыс жö эмöсь. Кутшöм нин вермас лоны сёрни йöз йылысь, кодьяс олём овны петöмаöсь. Бара на сьолöмыс Прокор Иванлөн вөрзыштис том войтыр вöснаыс. Кутшöмөсь найö асьныс вöлины тайö арлыднас? Эз жö öд öния кодь вежöраöсь. Сконьясьлисны жö унаысь. Öд тайö öни, кор олöмыс песис-велöдис, неуна гөгөрвоö, кыдзи да мый. Воясыс, колökö, и Толясö, и Нинасö, и Женясö, и мукöдсö велöдасны. Бытьö такöдана мөвпьяс визувтисны Прокор Иван юрын, но сьолöмыс мортыслөн эз бурмы. Юрас гудрасисны Женялөн кывьясыс, мый кодкö öд Толясö велöдис жö тадзисö мөвпавны. А кодi? Дерт жö, Прокор Иван арлыда либö неуна томджык йöз. Сiдзкö, оз на тай быдөнөс олöмыс öти туйöд нуöd. А кыдзи ставсö веськöдны öти ордым вылас? Со тай Чуб юыс аслыс ворга пискöдöма да тöдö, кытчö васö нуны. Позьö и йöзыслы тайöс вöчны.

Женяыс петис да ноксис керка дорас. Лабутнöя, стöча ставсö тöдöмөн уджсö вöчис. Сы вылö видзöдём бöрын Прокор Иванлы юрас жваньöбтис йики кодь ёсь мөвп. Мыйкö вывтi нин сылөн став сёрниыс веськыда артмö. Бытьö öния газетьясын гижём кодь. Некутшöм джёмдалём, ни майшасьом оз тыдав. Кыдзи сёрнитö, сiдзи и бытьö колö лоны. Тайö öд мыйкö неладнö жö. Прокор Иван нэм чöжыс зильлис öддортчыны вывтi юмов сёрниа йöзысь. Да нöшта полис сэтшöмьясысь, кодьяс некодкöд ёна зыкö оз волыны, ставыскöд лöсялöны. А öд мортлы мортөн колö лоны, вензыны, крукасьлыны, овны. Женяыс бытьö öтарас и мөдарас оз лöсяв. Но мыйкö эм! Тайö думсьыс Прокор Иванлы бара несiдз лои.

Толяыс дум вылас уси. Бытьö зыкөн торйöдчисны, а ёна ыджыд скөрлун öни эз вöv. Сайкалис мыйлакö. Сулалис öни да новлöдлис думсьыс сыкöд став сёрнисö. Мыйкö шöйöвшöм морт кодьөн сувтис син водзас. Мыйла тадзисö сыкöд вензис? Мыйла? Сiдзкö, колö вöли сылөн сьолёмлы. Кодлыкö ставсö висьтавны. Киыд тай пежасяс да орсö лэдзан кокньöдём могысь. Колökö, сьолём орсö лэдзис сылы,

кыдзи бытыслөн ёртлы. А сійё эз гөгөрво. Гашкө, мөг ногон кө сёрнитіс Толяыскөд, сійё дойсө висьталіс. Ёдвакө. Но век жө мортыс тайё сёрниас мыйыськө мездысис, петан туй аслыс корсис. А сійё со ёдзёс крапкөмөн муніс. Колөкө, мортыслы кутшөм сьөкыд вөлі. Кыдз коркө сылы уна во сайын. Кор вокзал вылас Рустамтө паныдаліс. Сійёс со кутшөмкө детинка мездыны сяммис зэв лёк шогысь. Толясө код мездас? Лоас оз сэтшөм здукуы, кыдзи сылөн Рустамыскөд паныдасьлөмыс, кодөс нэм чөжыс казътылө? И бара мөвпъяс йирёны Прокор Иванёс, оз лэдзны гортас пырны.

## СӨМЫН ӨТИ ГОЖӨМ

### Повесть

Гожся рытыс эз ордйы и Рас сиктөс. Неуна лөньыштис гожся горыс. Матигөгөрсә видзьяс вылын стоквидзисны зорөдьяс, эз удитны неуна зорөдавны став юралөм турунсө. Служакьяс моз квайт час рытын шабашитисны совхозса войтыр. Эз бара яндысьны яр шондисьыс. Эз бара майшасьны, мый вермасны мыччысьны кымөрьяс. Босьтчас шливгны-зэрны. И өд яндысьысьыс эз сюр ни. Сөмын сиктө пыригөн пөчьяс дөсадитчисны:

— Косканыс, буракө, ёна суйөма страдуйтысьясыдлы. Өдва коксө кыскөны,— гөлөзубитис өти.

— Суйас мыйыскө, лун сьөмөснас петалисны сөмын да,— эз кут кытшлавны да веськыда крапкис мөд.

— А ми, коньөрьяс, вөли квайт асылын петам да дас час рыт бөрын локтам. Йөйясыд. Со, вөлөм, кыз колө турунтө пуктыны. Ми эг и төдөй,— водзө тшөкөлдывайтис воддзаыс.

— Тадзтө страдуйтигад тай йөвсө көзалысь мында жө лысьтөны. Кытысь унджыкыс — турунтөгыд.

— Зэрмас да сэк зильджыка кутам вөрны,— ородіс кыв песысь пөчьясөс видз вылысь локтысь мужичөй.

Тайө жө луннас сиктын колльөдісны шойна вылө Парась пөчөс. Горт бөрсяыс мунысьыс лыда жө вөли. Подругаясыс сөмын. Кытчөкө век тэрмасьысь шофөр, кодлы совхозсянь урчитөмаөсь нуны Парасьөс бөрья туйө. Эз кут ньөжйө кыссьыны. Старукаяс тай гоз-мөд воськов и сямисны вөчны машина бөрсяыс, а сэсся колисны. Кладбище вылө воисны гусө тыртигас.

А рытнас Парась керка дорө локтисны кык пөч, кык пөдруга — Сенька Людмила да Варов Катя. Мый налы. Кага водтөдөма, мөс вердөма, и юкталөма, и лысьтөма. Сы вөсна, мый кага ни баля некоднанныслөн ки вылын эз нин вөв. Пукалісны пөчьяс, ышлолалісны.

— Со өд олан-олан, чеччан да кын. Парасьыдлы эськө эз на и уна вөв,— покончаөс вой улө казтылө Сенька Людмила.

— Мөйму сизимдас вит тырөмөн вөлі висьтасьö. Нэмө вөйся Парась нин жö мян моз вөлі,— Варов Катялөн ташöм и модаыс, прöтив шуны видзöдчö век.

— Абу на уна. Сизимдас витыд. Овны на позис.

— Сэссия öд кутшöм удачаыд лоö. Парасьыд лекарството семечкиöс моз жö нин вөлі килльö.

— Көть тай кутшöм он ло, пыр овнытö окота. Менам мукöддырйиыс юр висьöм топöдлас да ставыс мустöм лолö. Кокньöдыштас кор неуна, то гөгөрбок мича.

— Висьö жö вөлі ёна Парасьыд. Вежон сайын видлыны кежавлі да вуджөр кодь нин вөлі куйлö,— эз кут сэссия ёнасö куражитчыны и Варов Катя.— Мый висьö вөлі — таййö збыль.

— Со тай гуалисны нин.

А Парасьлөн керка пытшкын кыліс шонъянöс колльöдысьясёлөн гөлөсьясыс. Кодкö вель дыр нин лыддьöдлөмөн бөрдіс. Тыдалö, карсянь воём нылыс. Бөръя каднас сійöс Рас сиктын гежöда нин аддзывлісны. Воліс кө тшөкыдджыка, колökö, мамыс дырджык на оліс, ныв да внук-внучка вылö любуйтчöмыс нюжөдіс эськö нэмсö. Öні со казялöма. Чукөртчöмаöсь вель унаөн. Пөрнөй арлыда йöз весиг кежöмаöсь. Торйөн нин мужикулов. Колльöднысö карсянь вина вайöмаöсь да. Сійөн и дырджык пукалöны. Винатөгьд эськö пыралісны, пукуштісны и гортаныс шывгисны. Но бөрдөм шысö друг веніс мужиклөн сылөм. Сэссия, тыдалö, өлөдісны недыр кежлö. Сылысылөн тайö янөдöмыс öдйö вунöма. Регьд мысти бара лөкгоршөн горөдіс.

— Парасьтö колльөдöмыс нимлун сөйöм кодь кутіс лоны,— кывзысьыштöм бөрын чөвтіс Варов Катя.— Первойсö зэв лөня вөлі пукалöны-а.

— Васька Петырлөн тай гөлөсыс,— төдіс сылысьöс Сенька Людмила. Сійö сөнөд кимөдзнас чышкалыштіс льöб дорсьыс абутöм буссö. Быттö көсийс тупкыны вомсö кутшөмкö лөк кыв петöмысь.

— Сійöс нö корисны жö?— педзыштіс быдтор öтьведайтны радейтысь пöдругаыс. Мыгөрнас кос печкан кодь сійö. Но вөлөкъястö том нылысь на öдйö вуджас. Көть Варов Катяөн шу, көть тэрыб Катяөн — кыкнан нимыс лөсялас.

— Пырö жö вөлі,— веськодя моз артмис Людмилалөн.— Парасьыд öд сылы вежань на, буракö, лоö.

— Быттö öд лөньыштас нин сійö юёмсьыс. Кор тай винасьыд топöдны кутісны.

— А сійö, люба, öні быдсямасö төкаритö. Мый öзйö — сійöс и гулькнитас. Оз тай сотчы. Мөйму стеклö мыськалан

диво вѳлі моздор тырыс вайѳ. Юа пѳ тайѳс да сювѳйѳ югъ-  
явны кутас.

— Юнытѳ Петыртѳ он удзѳд.

— Дзикѳдз тай торксис. Жаль весигтѳ. Татшѳмыдлы  
винатѳ кѳтъ му пиас сюй, век мыйкѳ вежанторсѳ аддзас.

— Ѳні бара вежонтѳ оз паляв. А ме сѳйѳс кѳсья меда-  
ны потшѳс лѳсьѳдны. Талон вылѳ тулыснас на ѳти доз  
нѳѳблѳ. Юрсѳ весигтѳ петкѳдлѳ сылы, мед сѳмын локтас-а.  
Ѳні оз вермы бара,— ышловзис Сенька Людмила.

— Мыйсяма мужикъяс лоины. Винатѳг весиг кизьсѳ оз  
разыны. Видзѳд, Аннаыс, буди, локтѳ.

Рас сиктын быдѳн ѳта-мѳдсѳ бура тѳдѳсны йѳз олѳмсѳ  
ассыныслысь дорысь, гашкѳ, лѳсьѳдджыка на. Анналы со  
верѳснас эз везит. Сѳдзсѳ Васька Петырыс прамѳй, небыд  
сѳѳлѳма морт. А со тшыксис винанад. Ѳні сылы збыльысь  
кѳтъ сѳ указ лѳдз да домалѳмѳн вежон чѳж алкоголизмлы  
паныд тышкасян лекция лыдды — ѳти пельѳдыс пырас, мѳ-  
дарѳдыс петас.

— Менам нѳ Петырыс эз на петав,— пѳчьяс дорѳ ма-  
тыстчѳм бѳрын лабутнѳя юалис Анна. Сѳдзсѳ авъя чужѳма  
и быдтор. Зѳв чольѳб водзтѳ ныв вѳлі.

Варов Катя пыр и аддзис кывтѳ:

— Эз на тай петкѳдны-а.

— Сѳні на гѳлѳсыс кылѳ,— гыррдзанас пѳдругасѳ йѳт-  
кыштѳгмоз, вочавидзис Сенька Людмила.

— Мый грекысь нин менѳ тадзисѳ мыждѳны?— на до-  
рѳ пуксигмоз шуасьны босътчис Анна.— Думайтѳ, мый дзи-  
кѳдз ѳвсяс, кор тай ѳна босътчылѳсны вина юѳмтѳ дугѳдны.  
Сьѳд кымѳр кодъ довъяліс. Лавкасьѳд еджыд юра гундырь-  
яссѳ идралѳм бѳрын. Но, мися, слабѳг, эштѳдчас, буракѳ.  
Сѳсся ѳти рыт локтѳс винасьыс на код. Одеколѳн тѳкаритѳ-  
ма. Кытчѳдз и сѳйѳ лавкасьѳд эз быр, пыр дурис. Ѳні со  
бара кутшѳмкѳ склянки-банки бучкѳ. Дзеблалѳма быд  
пельѳсѳ, он и аддзы.

— Да тѳ эн сѳтшѳма асьтѳ пес,— такѳдѳс Сенька Люд-  
мила.— Эз на тай ставныс уськѳдчыны дугдынытѳ.

— Кысь нин ставыс. Мирон Ѳдяысь ѳтдор, некод пра-  
мѳя эз. Сѳйѳ тай дугдѳс. Шензьѳ вѳлі — мыйта пѳ горт гѳ-  
гѳрад уджыс вѳлѳма, эг пѳ и думайтны куж. Юигас ставсѳ  
эндѳдлѳс да. Дугдасны найѳ, потансяныыс, гашкѳ, юисны  
да. Кагалысь кѳ нѳнь мырддян и налысь вина дозсѳ.

— Кагаыдлы ѳд нѳнь помсѳ сѳмын солыштны гоз-мѳ-  
дысь. Чѳскыдтѳм кажитчас да ачыс дугдас. А вина доз юр-  
сѳ мыйѳн мавтны, мед кезѳйѳдлас йѳзсѳ?

Пукалісны найѳ, варовитѳсны. Быдторѳйѳдз волѳсны. Бу-

рако, нывбабаясөс помөдз нин дөзмөдома вина гагыс, кодысь мынтөдчыны оз вермыны весиг стрөг гижөдьясөн да сийөс саймовтөмөн. Көть нө му пытшкас суй, но гачаяс аддзасны, мыйөн юр вежөрсө кольмөдны. Тайө чөскыдторсьыс оз лэдзчысьны. Öнi нө тай эськө эз жө нин воддза моз кутны кольмөм төрөканьяс моз павъявны да. Сөмын мед томуловсө эз тшыкөдны, висьмөдны тайө, буракө, некор бурдлытөм висьөмнас. Сюри и Васька Петырлы. Эз жө тай потансяньыс сылысь олөмсө казтыштны-а.

— Помнита, кызди сийө первойысьсө гажа юрөн гортө локтис. Пырис да шатовмунис. Сэтшөма гөрдөдис, мый лунмөд яндзимысла синсө дзевис, кыв он пычки ни,— важсө казтылөмысь Анналөн весиг горшыс гөрддзасьлис.

— Мастерлуныс кутшөм вөли. Куш чер помысь көть пызан вөчас,— нөшта лөдсалыштис Сенька Людмила.

— Мастерлуныс өд и тшыкөдис. Мый нө? Эз али мый? Кодкө кө стрөитчө — сийө и чукөстө Петырөс. Сьөм оз босьт. Винатө юыштлис дай. Сэсся и шашаритчис гагыс гыркьяс. Колөма жө эськө вөли пинявны таысь йөзсө да.— Код төдас код вылө скөрмис Анна. Сийө сёрни чөжыс инас эз өшйы. То видзөдлас Парась покончалөн керка вылө, то кыпөдчылас нин мунны. Но пышткөсса думьясыс топыда кутөны морттө.

— Ме дорө кө локтасны, то ог жө сьөм кут отсасьөмысь сетны. Дерт, вина мычча,— прекө шуис Варов Катя, кодысь мода он нин öнi веж.— Лавкасьыд бырөдисны да төданныд, кутшөм дзескыд ме кодысьлы лон. Оз өд и, дитяяс, локны винатөгьд.

— Тэ дорө тай эськө локтөны на да,— мыйыськө пөдругаыс вылө лөгасискодь Сенька Людмила.— Кывсьө тай өдийө.

Варов Катя, тыдалө, көсйис воча мыйкө крапнитны-шунны, но осьса вомөн и коли. Покончаөс колльөдан керкаын бөрдөм лөни. Кылисны лөкысь горөдөмьяс. Сэсся мужикьяс кильчө поскөд гири-люки лэччөдисны Васька Петырөс да бруткисны муө.

— Весась син водзысь.

— Кызд кывйыд бергөдчис?

Кылисны скөр шуасьөмьяс. Но киөн воны эз кутны. Петыр, тыдалө, вөли юөма нин голя помас вотөдз. Чеччис тай вель дыр-а. Сэсся, арөса кага моз, коксө паськөдыштөмөн вөчис кык кымын оськов.

— Мый нө, Петырушко, кокөн велөдчан ветлөдлыны? Кокөн, кагук, кокөн,— пыр и самасис сы дорө Варов Катя. Анна уськөдчис верөс дорас. Киөдыс босьтис:

— Мый нин бара сәні сөтвөртин?

— Асьныд быттьо Парась радиыс локтинныд? Сё пук!— кабырсө ләптөмөн горөдіс керкалань Васька Петыр.— Час, ме пырала тиян дорө! Пуж да гаж петкөдла!

— Да усьмиритчы тә! Лок гортад мунам.

Мөдыс сөмын өні төдіс гөтырсө, кодкөд дас сайө во нин өти вольпасьын куйлісны:

— Анна тә? Аннук — шөвктуг.

— Дугды, лок гортө мунам. Водан да узян. Аски палялан.

— Узьөм вылө өд чөскыд винасө эг ю. Шкоргынытө винатөг позьө. Васька Петыр гуляйтны на кутас.— Збоймыштіс верөсыс.

— Лок, Петюк, миянкөд пукалыштам, он кө көсйы мунны,— сы дорө локтіс Варов Катя.

— Тиянкөд? Пөрысьыд вуджас.

— Вуджас кө өд, сійө и бур. Пензия кутан куделитны.— Петыр өвтыштчө кинас да воськовтө.— Энлөй. Вай бурджык сылам. Сэсянь дас көкъямыс верст!

— Петюк, ме важөн нин көсъя вөлі юавны тэнсьыд. Со быд юөм бөрын тайөс горөдан. Сөмын некыдзи ог гөгөрво, кысянь да кытчөдз дас көкъямыс верстыс?— бара на асьыс сямлунсө петкөдліс Варов Катя.

Петыр зэв азыма серөктіс:

— А морыс төдө, Катя тьөт. Пырөма тай юрө да сыла-а. Аннук, вай пырам и эм. Катя тьөт со ме дорын гартчө. Збыльысь пөрысьыс вуджас.

Анна кутыштө верөссө сойбордйөдыс. Мөдыс сьөкыдпырысь восьлалө. Саявтөдзыс некымынысь на горөдліс асьыс дас көкъямыс верстсө.

Парась покончалөн керкаыс сулаліс Рас сикт кывтыдын. Талун, буракө, дыр оз водны узыны сы гөгөрсә олысьяс. Гожөмнад, эськө, сідз сиктыд дыр оз ланьт. Но талун тані гажаджык да нөшта дыр оласны. Сенька Людмила-лөн да Варов Катялөн унымыс көнкө ылын на жө. Эз тай гортас на пырны. Пуксисны. Быттьо клубса скамья вылө песьтак видзөдны. Өд Парась керкаын йөзыс колины на. Коркө-некоркө кутісны жө петавны. Медбөрья гөстыясөн вөрзьөдчөмаось Васька Петыркөд өтлаын уджалысьяс — Өндрей да Ладимер. Воддзаыс ар ветымын гөгөр нин. Мөдыс кык пөв томджык. Өндрейөс сиктын эз өна пыдди пуктывны. Гусясьөмысь дзескыдинө коркө веськавліс да. А кузь киясьыд Раскын нэм чөжыд өтдортчисны. Ладимер сідзсө төлка зон. Но бөрья кадас со Өндрейджык партитчө. Варов Катякөд найө өні оз жө лөка овны. Керкаыс

дзик орчча да. Но коркõ муртса эз торксьывны. Но медым та йылысь стõджка висьтавы, колõ быдса во бõрвын шыбитчывны.

А лои сэк со мый. Ладимер тулыснас, му шоналõм бõрын, вайõма вõрысь ныв пуяс. Весът вит судтаõсь на сõмын. Варов Катя да налõн керка костын потшõс важõн нин абу. Зон весиг оз и тõд, кõнi сылõн йõрыс помассьõ да суседкаыслõн заводитчõ. Но ныв пуяссõ пуктыны кõсийис буретш шõракастас. Мед ни асьыс йõрсõ не босьтны, ни Варов Катяõ не суйсьыны. Лючки-бура корис пõчõс, мед индас, кытчõ пуктыны. Мõдыд эз куражитчы. Дзик õтнадтõ олiгõн зон дорõ тшõкыда ковмылõ отсõгла шыасьлыны да. Сидзи, эськõ колõкõ, быдмисны пуясыд, но Васька Петырлõн кывйыс гияльны босьтчõма. Паныдасьõма Варов Катякõд да быдсяма страстьсõ висьтавлõма. Õти гожõмõ пõ ныла-зонма зерысь дзесьõмаõсь ныв пу улõ. Сэтчõ гимньõв швачнитõма. Орчча сиктса нывбабаõс пõ коркõ сиджõ сы улын чардби суõма. А õтияс пõ пывсян горъяс суйлõмаõсь косьтыны ныв пу пес да гимньõлыс горсõ косялõма. Пывсянсяныыс биыс керкаас вуджõма. Варов Катялы тайõ лои тырмымõн, медым пыр жõ локны да тшõктыны Ладимерõс вештыны ылõджык сылõн йõрысь ныв пуяссõ. Мõдыд куражитчыны босьтчõма. Но верман мõй Варов Катяõс венны. Менам пõ йõрыс и ставыс.

А кодi Рас сиктын зыксõ õлõдас. Думайтанныд, сельсõвет? Оз. А управляющõй Николай Васильевич Куштысев. Варов Катя тõвйылõм кõч. Мунас сельсõветад да сәнi вежон чõж на кутасны комиссия чукõртны. Сэссия кор на локтасны. А Николай Васильевич медся ёна тõлксõ гõгõрволiс семья кост зыкъяс õлõдõмын, суседъяслõн зыртчõмын. Локтан сы дорõ татшõм могад да, тшõтi моль кõ вõлi вештõ, то джывыйõ вештõмнас и коляс. Звирк чеччас да уськõдчас слõйсõ корсьны. А, сё дивõыд, пыр õд и аддзас. Кыдз шуас, сидзи и лõб. Со и Варов Катя дор зев õдийõ сувтiс. Шурк-шарк ветлiс сельсõветõ, корсьõма каба-ла, кõнi урчитõма кымын метр йõрыс õтиыслõн и мõдыслõн. Тэрыба кыкысь мерайтiс и артмис, мый Варов Катя йõрын ныв пуясыс. Сидзкõ, колõ вужнас нетшыштны да либõ кыр горув чивгыны, либõ Ладимерлы ас йõрõ пуктыны.

А Ладимерлõн Васька Петыр кодъ юрид эм жõ. Управ мунõм бõрын кутiс висьтавыны Варов Катялы, мый ныв — тайõ святõй пу. Сийõс садитлõны кулõм мортлõн гу бокõ. Да и поконикуясõс колльõдiгõн сылысь жõ увьясõ шыблалõны. Варов Катя вõлi кутчысьõма нин õти пуõ,

медым нетшыштны. Но ки косьмөмысь повзис ли мый, зэв өдйө эновтчис, Мед пө быдмасны. Гашкө, грек на эм да тайө бурторсыс и бырас весиг. Да и Ладимерыс на коркө ковмылас и.

Николай Васильевич Куштысев грекө вөйөмысь эз, буракө, пов. Тайө луннас на кыкысь воліс, кызди пөртөма оломө сылысь индөдсө. Ыджыд гөлөсөн уськөдчыліс Ладимер вылө. Дивитіс Варов Катьос нинөм абуыслы эскөмысь. Но ачыс тай эз жө пуяссө перьяв-а. Вежөрыс та вылө тырмис. Эновтчис, но Ладимер вылө өніөдз лөг кутө. Тайө пөрийө эз сы ногөн ло да.

Со татшөмтор лои Ладимер да Варов Катя костын кольөм во. Өні зон со ылысянь на вашьяліс сылы.

— Лок, Өндрей, Катя да Людмила тьөтьяс дорас си бөдчылам. Буретш морт өтикөн лоө.

— Ті нө клубысь локтанныд али мортөс гуалінныд? Жерьяланныд сәні.

— Мый сәсся лимзавны-бөрдны миянлы,— гөлөс лэдзис Өндрей.

— Бөрдны али абу, тиян делө. Но өд оз жө ков сера-лөмөн петны. Көть йөзсыс мед яндысинныд.

— А коді миянлы Парасыс?— эз өвсы Өндрей.

— Кызди коді? Нэмсө орччөн оліс,— суйсис нин Сенька Людмила.

— Орччөн эськө да,— сетчис на дор Ладимер да дөз-мөмпырысь видзөдліс Өндрей вылө.

— Ме нинөм сы йылысь лөксө эг шу,— пыр жө мөд ногөн кутіс сөрнитны мөдыс.— Корисны тай да гусө кодйыны волі.

— Кымын кулысьлы нө кодьяс, сы мында өшиня лоө мөдар югыдад керкаыд,— чөвтис Варов Катя. Сійө, өдвакө, эскис мөдар югыдлы да енлы, но и паныд нинөм жө эз шулы. Код төдас, колөкө, збылысь эм да.

— Менам, сідзкө, стен пасьталаыс нин өшинь,— серөк-тіс Өндрей.— Менө керкаыс виччысьб. Дась нин.

— Сәсся өд тадзи юны оз жө ков. Мода вылас пукалыштін дай. Сьыланныд тай весигтө вөлі?— лабутнөя шуасис Сенька Людмила.

— Да тайө Васька Петыр.

— Сьылөмсыс али мый син дорсө лөзнас мавтінныд?

— Сьылөмсыс эськө мый вермим өлөдім да.— Ладимер, том мортыд, вежавидзис пөчьясысь. Оз торья ышнясьмөн варовит.— Мыйлакө тай сійөс корөмаөсь?

— Вежань өд Парасыс лоө,— бара абутөм буссө вомдорсыс чышкыштис Сенька Людмила.

— Гусё нё кодйис жё?— окота лои тёдны ставсё пёд-  
ругаыслы.

— Гу кодйыны ни горт петкөдны эз корлыны. Пызан  
саяд ставкөд тшөтш пукаліс.

— Мыйысь нё, эськё, син дорсё видлінныд?— эз өвсы  
Варов Катя.

Өндрей кинас өвтыштіс:

— Вывті гажмис да нинөм абусё кутіс шуавны. Мед  
пө рөдвуж пөвстад быд вежон кодкё кулысьыд вөлі. Вина-  
өн пө юктөдасны век.

Пөчьяс тайё юөрсьыс кияснас кутісны весиг шлапкөд-  
чыны.

— Дивё тай. Тадзи өд оз жё шу?

— Ог өд пөръяв. Ладимер со висьталас.

— Шуис. Таысь и жбоньёдыштім. Мед нинөм абусё оз  
больгы.

— Ок-ок-ок! Со өд кутшөма юнысё колё. Мир смек. А  
тиянлы Петырөдзыс абу жё нин ылын,— дивитны кутчысис  
Варов Катя.— Еджыд сарапана дозйыслысь кё юрсё мыч-  
чан, ытва дырйи Эжва вомөн варччанныд.

— А тэ мыччы, Катя тьöt. Мыччы. Гөбөчсьыд,— пыр  
жё сы дорё лискаасьны босьтчис Өндрей.

Варов Катя скөрпырысь видзөдліс сы вылө, мыйыськө  
дузгөдчис. Бергөдчис весиг мөдарө. Но Өндрей өддзис:

— Эн ышнясь. Тэнад гөбөчын курыдторйыс сы мында,  
мый дас мужиклы вежонөн не помавны.

— Сэтчө тэ вайлін?— тайөс эз нин кылөд лолыс Варов  
Катялөн.— Кытысь сэні винаыс? Лавкаас во-мөд нин лы-  
дөн вузавлөны да.

— А тэныд лавкасьыд оз и ков. Но, мый тэ сэтшөма  
дузгөдчин?— асьыс долис Өндрей, но, кор мышкыс төд-  
ліс Ладимерлысь гыррдза помсө, тшөк ланьтіс. Сэсся, ты-  
далө, гөгөрвоис вывтiasьсөмсө да содтіс:— Сэсся весиг  
шмонитыштны оз позь.

— Вай, Катя тьöt, бокөджык кежавлам,— пөчөс сойө-  
дыс босьтіс Ладимер. Мөдыс эз торъя куражитчы.

Вель дыр мыйкө, вашкөдчигмоз, сёрнитісны. Ладимер  
сёлөмсянныс висьтавліс, мөдыс гоз-мөдысь шлапнитліс  
кияснас. А сёрнитісны суседка йывсьыс, кодкөд Варов Ка-  
тя оз весиг сёрнит. Вывті тшапөн пуктө асьсө да. Ладимер  
висьталіс, мый сылөн өні верөсыскөд торъя пызан ветьök.  
Дзугсьөма олөмыс совхоз отделенияса выль прораб вөсна  
пө. Суседкаыс ськөд синмасьны пө босьтчөма. Ладимер,  
дерт, ёна жө содталіс. Төдө, кодарлань синө да. Но эз  
удит сёрнисө вайөдны колана местаөдз. Кытыськө мыччы-

сис Николай Васильевич Куштысев. Дженъд соска дөрө-  
ма, сьёлөмянь уютжитөм гача. Кодөскө корсьны жө петө-  
ма. Төдөмысь, Варов Катя жө ковмөма. Сийөс казялөм  
бөрын тай вель ёна ньөжмөдіс воськовсө-а. Управалө сийө  
Раскын пөшти дас во нин. Сьөдз некод та дырасө эз өш-  
йыв. Кодсюрөбс вайлісны да бөр усыйсисны. Сиктсаяс  
пөвстысь удача некодлөн эз ло. А со Николай Васильевич-  
лөн лои. Көть эськө отделениесө важөн нин некөн эз ош-  
кыны, но, та вылө видзөдтөг тай, век юраліс-а. Гашкө,  
совхоз контораөн веськөдлысьяс полісны местаысь. Чөвтан  
да бара мортөс корсь. Тадзи тай Расса унджык войтырыс  
чайтисны. Торъя велөдчытөм мортөс кө та дыра видзөны.  
Код эськө төдас — мыйла да?

— Ті, пөрысь синтөм гозъя моз, пыр өтлаынөсь,— ма-  
тыстчигмоз уськөдчис мыйлакө Ладимера-Өндрея вылө.—  
Абу-ө кодөсь? Вышвырнита кыкнантө.

— Сідз өд он жө вөч,— уськөдчис лебезитчыны Өнд-  
рей.— Юыштім неуна. Со Парась тьөтөс гуалім. Косөн өд  
он мөдөд мортсө. Аски нель пыдди кутам уджавны. Сідз  
өд, Ладимер? Ми, Николай Васильевич, ковмас кө, весиг  
шойччан луно петалам выль картатө вөчны.

— Тайө мөд сөрни. А то юысьястө ме ог терпит. Тор-  
йөн нин өнія кадө. Перестройка муно. А ті вежсьыны он  
көсийөй?

— Эг на өд кык стопканад яндзимнымөс юөй,— өрт  
дорсьяс збойджыка дорйысьны босьтчис Ладимер.— Уджа-  
лам тай.

— Тэнө оз юавны. Том на. Смотри. Вина дук кө өвтыш-  
тас уджалан кадө — пыр жө тодмышкалам. Дзебны ог  
кут. А то велалөмныд. Николай Васильевич бур сьёлөма.  
Сийө оз удты. А таысь бөрас менө жө и видасны. Тем бо-  
лее, өнія кадө. Вина гагъяслы менам отделениеын абу  
места.

— Шуам кө, то вөчам,— зілис небзьөдны управөс  
Өндрей.

— А өні марш гортаныд. Пальөдчөй.

— Ми эськө гортө нин вөлі и мунам. Лок, Ладимер.

— Гортаныс, гортаныс вөлі муноны,— мужикъясөс дор-  
йыны босьтчис Варов Катя.— Бура узыны, Өндрей.

— Катя тьөт,— мунышөм бөрын сувтовкерыштіс Ла-  
димер.

— Мый нө, кагук?

— Ме өд эг на ставсө висьтавыны удит.

Николай Васильевичлөн мышкө саймовтчөм бөрын зон  
зілис кинас петкөдлыны, мый оз ылө муны. Керка сайысь

водзö оз вешйивны. Сенька Людмила мыйыськö управсö эз жö радейт. Мыйкö не сы ногөн жö вöчлöма. Но пöч не-кодлы нинöм та кузя эз висьтавлы. Ас пиас кутис. Öнi сыкöд чолöмасьтöг ни прöщайтчытöг чушиктис гортлань-ыс. Варов Катякöд кольöм бöрын управляющöй весиг чу-жöм вылас раммис:

— Ме эськö, Катя, тэ дорö могөн вöли локта да.

— Он жö öд корасьны? Ачым пиньтöм нин. Пилөн ны-лыс со ыршасьö волены. Да сийö тэныд том нин лоас.

— Гöсть воис. Доз колö,— эз кут кытшлавны Николай Васильевич. Татшöм могнас сийö оз нин öтчид шыасьлы пöч дорö. Но эз мöдыс паськöд нинöм сиктын. Ас коланинö топыд вома жö вöли Варов Катя.

— Кутшöмöс? Еджыдöс али рузум мыськалöм ва кö-расö?

— Еджыдсö, дерт. Эм кö — кыкöс?

— Кыкыд, гашкö, лоас на. Водзти, кор прöстджык ви-насьыд вöли, менам удача тырмис унджыкöс чукöртны. Пыр тай вöли пензияысь ньöба-а. Öнi со бур йöзсö мезды-ны верма,— кымынöдысь нин ыстысис Варов Катя. Дум-сьыс полис жö йöзасьöмсьыд. Пöрысьлун вылад оз, гашкö, öнi кутны видзöдны. Абу жö нимкодьтор, явитасны кö.— Кутшöм гöсть нö?

— Гöсть гöсть и эм.

— Гöстьыслөн öд ним эм.

— Он тöд сийöс. Абу Раскысь. Петкöд вай дозьястö. Öтнассö коли да абу лöсьыд дыр ветлыны.

— Абу менам винаыс. Бөрьясö Парась колльöдны вай-ли. Ассьым пай. Ме öд сыкöд пöдругаасьлим,— босьтчис петитчыны Варов Катя. Весиг мунны ырыштчöма.

— Он, сидзкö, мезды?

— Абусö öд ог сет.

— Сэтшöм бур гöсть. И пукыштны нинöмөн.

— Колö öд аслыд лöсьöдны. Райцентрад öд ме дорысь тшöкыдджыка воывлан. Сэни быд лун на, буди, вузалöны.

— Оз жö. Мезды вай. Совхозсянь воисны. Инженер-мелиоратор.

— Эсийö куш юраыс?

— Сийö, сийö. Тöда, мый абу тэ больгысь, да сы вöсна жö висьталі. Сёрни сыкöд öти эм. Отделение вöсна öд тöж-дыся. А винанад сёрниыд гылыдджыка мунас. Мавтыштöм вомыд кöсийысьысьджык.

— Ме эськö пес вайысьлы кольли да. Но мый сэсса вöчан. Ковмас сетны. Ок-ок-ок! Пестöг, буракö, ковмас тöвйыны.

— Тэнад вит восайсяе на эм. Сісьмө нин. Өдтөм лоас дзик.

— Машина кыктө кө нөшта вайны локтан төв кежлө, то мустө оз на зырт сійө да,— гортланьыс сетчигмоз шуалис пөч.

Николай Васильевич өтнас кольөм бөрын дивитіс асьсө. Өд вөлі на войдөрлун өти доз. Сылы сиктса мукөд войтыр дорысь сюрө на винаыд. Сельпо складас өд эм. Но пывсян бөрын лысьөмсө нөшта небзьөдіс, юис. Өні со ковмө быд пөрысь-дзөрысьлысь кевмыны. Гөсть радиыс. Гашкө, коркө мездас мыйөнкө асьсө. Гөз-мөд бур кыв шуас и то ладнө.

— На. Мездыны нин лоө. Гашкө, мися, ачыд на, Николай Васильевич, коркө мездан и,— кабала тубрастор мычис управляющөйлы Варов Катя.

— Шыась кор ковмас. Дона нө?

— Дас чөлкөвөйысь ньөблі.

— Менам өти вита да кык куима. Дас өти лоө. На.

Варов Катя кыскыліс мича портмансө да сетіс руба:

— Лишнөйыс меным оз ков. Абу өд спекулянт.

— Мездөмсьыд нө.

— Мед кө.

Управляющөйлөн мышкыс сөмын удитіс на саймовтчыны, а Өндрей да Ладимер пөч дорынөсь нин.

— Мый йылысь нө та дырасө варовитінныд?— юасьны босьтчис Өндрей.

— Тіян йылысь, дерт. Көсійө вөлі кыкнаннытө төдмышкавны да ме дорйи.

— Код нө кутас мян пыдди уджавны? Ми на олөм кутысьясыс,— вышитчыштіс Өндрей.

— Тіян вылө кө усян.

— Тырмас вензынытө,— сүйсис Ладимер.— Өндрей, пыр мянө. Посводзас олышт, а то мамөс садьмөдан.

Мөдыс кыв шутөг довгис.

— Өтиөс сөмын верма сетны. Эг на вийөд выльсө,— кытшлавтөг крапкис Варов Катя, кодлы сиктса мужичөйяслөн модаыс бура нин төдса вөлі.— Тэ тай керка вевтөс көсьян вөлі видзөдлыны да эн и волы.

— Уджнас гандайтчи. Қайла регыдъя кадө. Эн шогсы. Эг на тэнө ылөддывлы.

— Эн на эськө да. Но сөмын өтиөс сета. Аски удж вылө тэныд.

— Сідз эськө да. Тайкө джынвийө моз юөма Парасяс лои. Юр клөнгыны сөмын кутіс.

Варов Катя пыраліс да вайис капрон пробкаөн тупкөм

доз. Аскур. Гусьон моз дурё. Коть эськё сиктса мужик-уловысь гежд оз тёд. Но вузалысь оз сюр. Удтыны ыджыд веждор оз ков, а коді кутас сэсса пикё воёмсыс мездыны. Да и сьомсё Варов Катяйд оз торъя ыджыдос кор.

— Кузь нэм да бур шуд. Мед тэнад внучкаыдлы ме кодь жё верос сюрас.

— Бласлө кристосон мед оз жё тэ кодь. Ондрей вылө видзөдөмөн тшыксыны кутін.

— Сідзкө, ме отнам ола. Оти мужик олөмтө позьё и гөтыртөг каттыны.

Ладимер өдйё дзебис сетөмторсё да тюрис гортланьыс. Посводзас виччысысь Ондрей вель дыр броткис пөч вылө та дыра куражитчөмысь да ышнясьөмысь. Но ачыс унджыксё на гулькнитіс.

Налөн юигкості Варов Катя ордө, вой воём вылө видзөдтөг, пырис Сенька Людмила. Недыр пукыштіс лабич помын. Оз, пө, узьсы да.

— Тэныд лөсьыд на. Гортад абу отнад да,— дивитыштіс на таысь Варов Катя.— А со ме дзик отнам. Кывйөн шыбитчыны некодкөд. Сөмын со холодильник броткө-сёрнитө. И то ог гөгөрво, мый йылысь висьталө.

— Видзөда өнія йөз олөм вылас да сьөлөмөс быттё кырыштөны. Ми тадзи эг олөй. Сідзсө өд абу кулитана-ось Расса войтырыс, а вот мыйкө вежсисны и ставыс.

— Лөсьыд олөмысла. Быттё тай клубын өнія йөктөмьяс кодь олөмыс вөлі. Юоны-вежнясьоны, некод аски йывсыс оз думайт. Ог төд, кодарө катовтчас өні. Мыйкө тай радио пыр быд лун бругөны бурланьө вежсьөм йылысь-а. Кор на миянө Раскас, енмөн вунөдөм пельөсас, вежсьөмыс воас.

— Ог бара, люба, төд. Вежсяс оз мыйкө? Тайө йөзөн.

— Госныс кызіс,— Сенька Людмилалы воча пызан саяйө пуксис көзяйка.— Ладимер өнтай висьталіс, Педьө Виталейлөн гөтырыс прорабкөд каньялө.

— Тэ быд бызгөм эн кывзы. Виталейыс зэв авъя морт. Гөтырыс ничего и.

— Шань көть абу,— өзйис Варов Катя. Найө кыкөнджык рытйысьлісны век. Рытивбыд варовитігад гоз-мөдысь недыр кежлө дузгөдчывны удитласны кык пөрысьыд.

— Мый морла нө Ладимерыс кутіс Виталей йывсыс висьтавыны тэныд?

Медым дэльөдны пөдругасө, Варов Катя явитіс весиг:

— Быть өд висьтав, горшыс кө таркакылө.

— Бара асьыд гуся лавкатө восьтлін. Помасьлытөм кө тэнад-а. Кымынысь шулі — эн дур.

— Мый ме лёксö вöча? Мый?

— Бур тайö вöчан. Гөгöрбоксянь öлөдöны, а тэ мöдäрö. Öндрейыс да Ладимерыс юасны да аски на лунтыр дусталöм тöрöканъяс моз люллявны кутасны.

— Метög на налы сюрас.

— Нэмсö пöдругаасим тэкöд. Но дзик тэнад гуся лавка вöсна, тыдалö, торксыны лоас.

Öтнас кольöмысь Варов Катя медся ёна полис. Сенька Людмилалөн карактерыс эськö абу жö мича чачö кодь, но кодi, сысысь öтдор, пöчьяс пöвстысь быд рытсö волö? Некод. Сы вöсна кутчысис тшötясьöмысь:

— Но-о. Эн сэтшöма пуззы. Ачуд гөгöрво. Тэнад со — пи-нылыд Раскын олöны. Менам öти пи вöли да сийö карын. Нылыс со гöститны кöсийö волыны. Ог тöд, лыбас оз?

— Гажтöм, сiдзкö. Йöз шогнад öд гажтö он чужты.

— Да. Та вöсна и водзти винасö век ньöбали. Вель уна чукöрмöма вöли. Гажтöмла дзик босьтли. Ачим эськö чуньлыс мында весиг ог ю. Мужикъяс тай öдийö казялöмаöсь тайöс. Öндрей медводз. Пырас вöли сёр рытнас керкаö. Джоджсö кыкысь и воськовтö, пызан дорö шлапкысьö. Вай, пö, вузав винатö. А меным рытйысьны некодкöд. Тэ со водз жö мунан. Час джын, а то дырджык юася сылысь олöм-вылöм йывсьыс. Сийö ставсö брöльöдö-висьтавлö, гөтырсö дивитö. Сэсся суседъяс вылас вуджас. А ме серала, мый он кö висьтав, то винатö ог вузав. Со и висьтавлö эмсö и абусö. Менам серам петö. Гажаджык весиг и рытыс кольö. Сетан винатö да кымынкö сё пасибö мужикъясыд шуасны. Нэм чöж колхозын мыркöдчи да сы мында аттьöсö эг кывлы, мыйта öти рытнас.

— Аддзöма мыйöн ошйысьны.

— А тэ кывзы, эн крукась. Пока локтысьыслысь сөрöмсö кывза, видзöда да, вольсасьны кад. Тадзи и рытъяссö колляла. Зэв нин любö, кызди милöстинала моз локтöны. Со и велали дырнад. Öни ог и тöд, кызди кута рытйысьны. Быри гөбöчысь винаыс да, зэв öд шог öтнадтö.

Сенька Людмила эськö вежөрнас гөгöрвоис пöдругасö, но сьöлöмнас эз вермы. Сiдзи и кöдзыдакодь талун торйöдчисны. Гортас вуджöм бöрын дыр на весиг эз унмовсь. Да и узьöмыс сылөн лои вой кодь жö дженьыд. Пи ордас сийö век медбөръя водысь да медводдза чеччысь. Тэрмасьтög эновтiс вольпасьсö да, мед сылөн чушикасьöмысь эз палявны мукöдыс, петiс ывла вылö. Пиыслөн керкаыс Васька Петырлы вöча. А сийö, тыдалö, рытъя унма тöрыт вöлöма. Винаыс водз водтöдöма. Öни, гынмöм юра, тошся-

лёма, лажикасис жё őшинь улас. Упкө-лолалё. Пөдтө, ты-далё, төрытъя курыдторйыс.

— Людмила тьёт, тэ нё чеччин жё нин,— весиг ним-кодъ лои пөчөс аддзөмысь.

— Съөдөдөмыд тай дзикөдз, Петыр?

— Пөдтө. Лолавны ог вермы. Төдін кө эськө, Людмила тьёт, кутшөм съөкыд.

— Ньөбөм висьөмыд, төдөмысь, абу кокни. Ачыд асьтө виан. Став курыдторсө он помав, сійө тэнө өдйөджык эш-төдас.

— Öнi сэссия ог нин унмовсь. Пөкмелля пөжигөн ку-тшөм узьөм,— асьсө такөдигмоз шуалис Васька Петыр.

Сувтовкерыштис весиг Петырөс матисянь аддзигөн:

— Жаль весиг видзөднысө тэ вылө. Мый морсө вина доз пыдөссыс корсянныд? Помөдз юны век колө? Кутшөм шуд?

Мөдыс съөкыда ышлолалис:

— Ачым ог төд.

— Вись сідзкө,— Сенька Людмила дырсө эз вермы ви-дзөдны съөкыда лолалысь Петыр вылө да көсийс бөр горт-ланьыс вөрзьөдчыны. Мөдыс весиг йөжгыльтчис:

— Людмила тьёт, пукалышт мекөд. Көть неуна. А то бара өтнам коля тайө съөкыд висьөмыскөд.

— Пукышта сідзкө.

Недыр пукалисны кыв ни джын шутөг. Васька Петыр жугыля видзөдліс пөч вылө:

— Тэ, Людмила тьёт, эн менө жө ёнасө дивит. Ачым абу рад. Уна асыв со тадзи гудрася олөмын, ачымөс быд ногыс вида.

— Виднытө абу съөкыд.

— Тэ эн майшась. Вөча на ме потшөстө. Тэныд. Вөча. Ог кө талун, то аски.

Сэссия кадсө өдйөджык йөткәлөм вылө лачаөн ли мый чеччис да шуис, мый весь пукалөм дорысь пө чер пу вө-чышта. Косьтөм кыдзыс эм нин. Локтис — өти киас пурт, мөд киняулас кыз пу топөдөма. Заводитис вөласьны. Но оз артмы мортыслөн нинөм. То пуртыс чорыд пуас оз сатш, вильсьялө, то пырас да оз сяммы вөлыштнысө прамөй ногөн.

— Он тай вермы. Колөкө, юртө веськөдам. Менам не-уна зырасьөм вылө кольлі да эмышт.

— Энлы, Людмила тьёт, нөрөвитла. Мыйкө быттьө мо-рөс пытшкын воши. Оз тырмы,— дөрөм кизьяссө разяліг-моз шуалис Васька Петыр. Бара босьтис вөлавны да бара оз сяммы.

— Збыль өд шуа. Видзёда да, дзик неморт кодь.

— Эн жалит менё, Людмила тьёт. А вид, кызд верман. Калека кодь ме.

— Мый нё талун тэкөд. Некор элясьом эг на кывлы-а,

— Ачым ог төд. Мыйкө бөръя каднас ог вермы воддза моз гажөдчыны и ставыс. Юа гаж вылө, а сьөлөм дільк-мунөма. Лёкыс сөмын чукойн пуө. Мыйкө колө вөчны. Тадзи өд оз жө позь.

— Мый вөчны? Дугдыны — и став лёкыс, и шогыс сылө.

Васька Петыр скөрысь нин заводитө вөлавны. Эновтчө. Лэдзис юрсө, шыбитис пуртсө. Вель дыр пукаліс да, лёкысь гөрөдігмос, шуис:

— Со өд мый выйөдз вои. Водзті чер путө здукөн вөлі вөча. Оні сійө нин эз кут артмыны. А водзө мый лоө?

— Қолөкө, сьөлөм лекарствала котөртла. Топөдіс, буракө, сьөлөмыд,— повзис Сенька Людмила да кызд вермис уськөдчис гортланьыс.

А Васька Петыр эз и видзөдлы сы вылө. Пукаліс да думайтис олөмсө. Сылы кажитчис, мый быттьө чөй горув даддьөн исковтіс. Челядьдырся мозыс. Сэки тай вөлі өд-дзөдас да медся джуджыд кыр йывсянь улө исковтас. Первой вөляысь лэччө даддьыс, а сэсся өддзө и өддзө. Помланьыс тєпкан вөчөмаөсь. Кызд воан сэтчөдз, качан сынөдас да он вермы кутчысьны — шляпкысян мый вынсьыд юж лым вылө. Быдлаті доймылас. Сэтшөмөн жө кажитчис верстьө олөмыс. Ньөжйө, ньөжйө исковтіс увлань. Тєпканлань. Сөмын сійө ыджыдджык. Усян кө — лысьөмыд дрөбитчас. Гашкө, эз куш өтнас сійө исковт кыр горувсө. Сыкөд и вина юысьясыс, и ютөмьясыс. А тшөктысьыс кыр йылас сулалан коли. Йөз йылысь Васька Петыр висьтавны эз куж. А ачыс збыльысь тєпкан дорас нин воис, буракө. Тайө думсьыс сійө косьөбтіс-шыбитис чер пу кызсө.

— Со өд чер путө нин вөчны сямөй эз кут лоны. Гашкө, пом воис да. Эз жө кө-а. Ме өд ловъя морт на.

Сьөлөм лекарствоөн воысь Сенька Людмила важ мєстасьыс Васька Петырөс эз нин су. Сійө бергөдчывтөг пырис гортас.

\* \* \*

Тайө асывсяньыс коли төлысьысь, гашкө, неуна дырджык, кызд Рас сиктөд кутіс шөйтны юөр:

— Васька Петыр вина юөмысь бурдөдчанінысь воөма.

Ловъя юрөн. Оз пö сэсса кöсйы некор вомас босътлыны.

— Эн сör. Порсылы кö нигөн петас и...

Тайö тöлысьнас Васька Петыр олöмын мыйыс сöмын эз вöв. Пырис сэкса асывнас гортас да муртса Аннаöс эз весьöпöрт.

— Аннук, ме думышти чöвтны юöмтö.

— Дугды, Петя. Быд пöкмелля дырйи тадзи шуан,— öвтыштчис гöтырыс да кöсийс нöшта узыштны на.

— Збыльсы öд шуа.

Мöдысь мырдысьөн восьтис синъяссö. Видзöдлiс тыр синмөн верöс вылас. Зэв жугыль и зумыш пукалö. Сьöлöмыс весиг доймыштны кутлiс.

— Кöсья бурдöдчыны. Сöмын ог тöд, кызди вöчсьö тайö дивöйс.

Анна, кöть важөн нин мөвпалö Петырöс бурдöдчыны мөдöдлöм йылысь, öнi прамöй воча кыв шуны эз жö путьмы. Асывбыд сэсса чöв олiсны. Рытнас Петыр садь воис. Бара сийö сёрнисö панiс. Сэки Анна дзикöдз нин гөгөрвоис, мый верöсыс тайö пöрйö оз кыв пес. Но ачыс сийö, Петырыс, оз кут корсьысьны да юасьны. Яндысьö. Ковмис нывбабалы кутчысьны. Звөнитчавны, юасьны. Велöдiсны тöдысь йöз, мый карын пö ыстöны бурдöдчанiнас. Вежон мысти гозъя карынöсь нин вöлiны. Корсисны керкасö, пырисны.

— Ена юö верöсыд?— юасьöм-висьтасьöм бöрын мыйлакö юалис Аннаыслысь врач-наркологыд рочөн жö.

— Ен кажный день,— тышкас-мышкас жö рочөн воча-видзис сийö.

— Сидзкö, оз ков наркопунктö мөдöдны, а Воркутаö веськыда,— крапкис мортыд.

Васька Петыр весиг пöсявлiс тайö кывъяссьыд. Абу öд дзик пемыд дядьö. Тöдö, мый сэтчö кык во кежлö ветлывлöны. Пыр и суйсис.

— Ог жö эськö быд лун да. Тöлысь пиас öтчид либö кыкысь.

— Тадзисö öд унджыкыс юö. Мыйла сидзкö бурдöдчынысьö,— дöзмискодь наркологыд.

Кызкö-мыйкö воисны жö öти кывйö, да Визябöжысь ылö эз веськав. Сэни врачыс тöлкаджыкөн кажитчис. Ставсö Васька Петырлысь лючки-бура юасис, кабалаö пасъялiс. Тöдмалiс, мый мортыс нарошнö отпуск весиг босътöма. Миянын пö эськö кык тöлысь бурдöдчöны. Медсясö пö найö, кодъяслы воштысьны некытчö. Öтиясöс, оз кö танi бурдöдчыны, Вöркутаö мөдöдны грöзитöмаöсь. Мөдъясöс удж вывсянныс ыстöмаöсь. Медся лёк статьянас вöтлöмөн

чиршөдлөмәһсь, оз кө лечитчыны. А тәнө, пө, Петр Васильевич, вермам регыджык кадөн мортөдз вайөдны. Ас кокнад воин да. Сөмын пө эн куражитчы, ставсө вөч, кызд тшөктам.

Сэсся кымынкө укол удитисны жө сүйны. Лекарствосө нәм чөжнас та мындасө эз ныылав. Кор неуна сайкалис, то гажтөмлун морттө шымыртис. Уджавтөгыд луныд кузь. А тані сөмын джодж чышкөдөны да мыськөдөны. Но век жө неуна эз лэбзы татысь. Öти морт вөсна, сылөн палатаысь жө вөлі. Мөд мужиккөд сөлькнитчөмаөсь да, бурдөдчөм пыдди, өтчыд гажа юрөн воисны кыськө. Пыригас медсестраыслы, буракө, неладнөөн кажитчөмаөсь. Мортыс сюсь синма, көть и гажа. Қазявлөма. А сэсся, кодакөкості, уйкнитлөма-пыралөма врач дорөдзыс. Удтөма сыкөд өтлаын юысьсө. Сы дорө өдйө и воисны. Анализяс босьтавтөг нин тыдаліс, мый шома юра. Та дырйи удтысь йывсьыс вунөдісны. Сійөс оз весиг исыштны. А мыжмөмсө вөтлісны. Вель жугыль муніс, ковмас пө өні Воркутаө кык төв кежлө ветлыны. Васька Петыр эз эськө төдлы, коді индөма, да мөдыс недыр мысти нимкодпырысь ошйысис. Матыстчис Петыр да сизьдыштис мый вынсьыс. Сылөн кабыр вылө кө видзөдлан, быдөн гөгөрвоасны, кутшөм мортыс лөлі сылөн сизьдыштөм бөрын. Вель дыр лолыс эз шед. Таысь муртса и эз вөтлыны. Сійө жө врачыс дзедис. Тшөтш жө, буракө, мыйкө гөгөрвоөма. Төлысь чөжөн ставсө вөчис Петырлы.

Өні со Васька Петыр гортас воис. Сылөн ветлігкості Рас сиктын торъя нинөм вьльторйыс эз ло. Он кө лыдды сійөс, мый поконча Парасьлысь керкасө нылыс вузаліс сельполы пес вылө. Косялісны сійөс. Совхоз отделение кутчысис лэптыны сы местаө кык судтаа керка. Нель семья вылө пө. Варов Кать тай пыр жө и шуис, мый индом Раскын лөсьөдөны. Сы ордө гөститны воис нучкаыс. Öні сійө гежөдджыка рытьяснас сикт вылө петавлө. Пөлинө, нөшта со мый — Сенька Людмилакөд сійө торксьөма. Сэсся, буди, некутшөм вежсьөм абу.

Август помлань кутіс исковтны кадыс. Васька Петыр важ моз стрөительнөй бригадаын мошкоритчис. Öндрейкөд да Ладимеркөд. Төлысь джынйөн вьль керкалысь кык судта кыпөдісны и то аттьө. Талун бара на сэні легыштны көсйөны. А луныс пуксис вель мича. Югыд шондіыс пөжис войывса сиктөс, йөзөс. Шабур кодь кузь төвнад удитасны на найө турдны-кынмыны.

Васька Петырлөн Аннаыс талун водз садьмөма. Пуксьысь луннас любуйтчө. Аслас гуся мөвпьясыслы вашья-

лө. Сенька Людмилаысь тайӧ гусяторйӧн эз коль. Сыкӧд орччӧн ас вӧчӧм лабич вылӧ пуксигмоз пыр и казяліс:

— Тэ том ичмонь кодь лоны кутӧмьд. Синъяссыд визув би сьявкйӧ.

— Сэтшӧм кодь и эм.

— Эз на видлы? Петяыд?— вашкӧдігмоз ӧтвечайтіс судкаыс.

— Эз,— быттӧ вомдзалӧмысь повзис да чинтӧм гӧлӧсӧн жӧ вочавидзис Анна.— Ен мед видзас. Весиг ӧд вӧтӧ уськӧдчылӧ гажа юраӧн. Брӧд пӧсялӧмӧн садьма.

— Мед эськӧ эз и босьтлы сэсся. Сэки, кор Парась пончатӧ колльӧдісны, асывнас ёна жӧ и менӧ весьӧпӧртліс. Быгалӧма пукалӧ. Мися, мыйкӧ неладнӧ аскӧдыс вӧчас.

Анналы мыйлакӧ окота вӧлі ӧткодявны юысь верӧссӧ ӧніяыскӧд. Нывбабалӧн мудзӧм сьӧлӧмыс некыдзи эз кӧсйы эскыны тайӧ вежсьӧмыслы:

— Сэксянь ӧд и ӧвсис. Сідзсӧ, эськӧ, думъясыс важӧн жӧ нин вӧлӧмаӧсь да. Казявлі ӧд. Ӑтчыд гортӧ воис ырӧш юрӧн да серам сорӧн висьталӧ, кыдзи паныд воӧмаӧсь кык детинка. Ме пӧ туй бокӧ шойччыштны пуксьылі буретш. Пемыдкодь нин вӧлі сэк. Ӑти зонкаыс пӧ аддзис сьӧд ёкмыльтӧ да и шуӧ, со пӧ морт пукалӧ. Мӧдыслӧн синъясыс сюсьджыкӧсь вӧлӧмаӧсь. Тӧдӧма пӧ менӧ. Кутшӧм морт? Васька Петыр пӧ да. Ачыс тайӧс висьталігас сералӧ быттӧ, а синъясыс жугыльӧсь да и вазыштӧмаӧськодь.

— Со ӧд мый выйӧдз асьтӧ вӧчан,— аслыс моз шуыштіс Сенька Людмила.— Но нинӧм сэсся важсӧ казътывны. Ӑні ӧд ёна кокни сыкӧд лои.

— Лӧсьыднадтӧ лӧсьыд. Но мӧд боксянь кӧ видзӧдлыны, дышджык быттӧ лои. Водзті, юигас. Сулея юрсӧ кӧ мыччылан, то мусӧ и васӧ бергӧдас. Кӧтӧрӧн вӧчас. Ӑні оз, лабутнӧя тапиктас. Да и то оз быдторйӧ кутчысь.

— Сідзкӧ, мед бара юны босьтчас,— вашмуніс Сенька Людмила.

— Ен мед видзас. Ачым нин мыйсюрӧ вӧча, а мед жӧ бара оз тшыксы.

На дінӧ тэрмасьтӧг матыстчис Васька Петыр. Мортыслӧн чужӧмыс шылялыштӧма, весиг ёнмыштӧма бӧрря кадас:

— Дерт кӧнкӧ, ме йылысь варовитанныд? Сиктас тай ӧти сёрни сӧмын. Ӑні кӧть неуна лӧнныштісны.

— Ог жӧ тэ йылысь, Петя. Миян асланым могыс уна,— гӧрдӧдыштіскодь Анна.

— Челядыд садьмисны нин. Қолө вердны.

— Ачыл нө.

— И ме тшөтш паняся. Лөсьөд пызансө.

Анна синмасьыштис Сенька Людмилакод. Со нө көзияныс садьмис. Но шуны нинөм эз кут. Чепөсьис гортланыс. Петыр да Сенька Людмила чөв пукалыштисны. Пөч чеччис, матыстчис Парась керка местаө кыпөдны босьтчөм стрөйбаланы:

— Керьясыс тай сьөдөдны нин кутөмаөсь. Вель нин дыр лэптанныд да.

— Оз лэдзны да. Пыр өтарө-мөдарө котрөдлөны,— дөзмискодь Васька Петыр.

— Водзти вөлі помечөн кыпөдам лунөн.

— Сийө водзти. Став сиктнад кокни. Öнi со куимөн тильсям.

Сийө көсьис на мыйкө шуны, но Аннаыс чукөстис сөйны. Сенька Людмила көсьис жө гортланыс тапиктыны, но эз лэдзны татчө удж вылө матыстчысь Öндрей да Ладимер.

— Он на удит локны, а народнөй контрольыд тани нин,— ылысянь на босьтчис гызьыны Öндрей.— Миянлысь уджнымөс быд асыв видлалө.

— Примитан он уджсө, Людмила тьöt?— тшөтш жө тшөкөлдывайтны босьтчис Ладимер.

— Нинөм примитнысө да,— өвтыштчис наысь Сенька Людмила.— Төрыт лунтырөн пөшти нинөм абу вөчөмныд.

— Видзөд, видзөд,— эз кут вочавидзны пөчлөн кывьяс вылө Öндрей.— Шойччигмозыд кө өти кер кыскин керка дорөдзис, аттьө на шуим эськө.

— Асьныд нин кызкө. Миян уджавсьөма нин. Ас кадө не татшөм керьяс на тильлим.

— Васька Петырыс нө эз на петав?— сөрнисө вежис Ладимер.

— Воліс нин. Сөйны пырис.

— Öнi сылөн вытыс ыджыд,— серөктис Öндрей.

— Öтиторйысь со пола,— тшөгас да паськөмыс оз кут төрны. Выльөс ковмас ньөбны. Вот рөскодыд лө.

— Эн пов, тэнсьыд ог кут корны,— сылысь бөрья кывьяссө кыліс татчө локтысь Васька Петыр.

— Тэ первой чолөмась,— броткыштис Öндрей.

Мөдыс эз кут нырьясьны-зычитны. Чолөмасис кыкнаныслысь кисө кутлөмөн. Сэсся кутчысис керйө:

— Заводитам, сідзкө.

— Со өд, ош кодь удж вылад кутіс лоны.— Сылы отсыштөм пыдди Öндрей пуксис да суйис вомас аскөдыс вайөм шаньга.— Ме со сөйны на эг удит.

— Мый нө, сідзкө, пуксям да пукавны кузь лунтыр кутам?

— Шуа тай, мися, ош кодь лоин. Со өд ютөгыд. Ме кө вежон вомө ог босьтлы, татшөм жө. Лёкөйла мусө люкавны дась.

— Нбылышт нин шаньгатө,— сылысь аклялөмсө казялөм бөрын чөвтис Васька Петыр.— А то та дыратө курчалігад вомад шузяс.

— Но-о,— эз өвсыс Өндрей.— Порсьлы нигөн чепөсйис. Ютөм морт лоис да со кызди чеччалө. Начальник быттьө.

Васька Петыр тайөс эз кут терпитны. Сылань веськөдчис.

— Ланьт, колөкө, а то увлань юрөн муас сатшка.

Эз кө Ладимер вөв, гашкө, косьө на воисны весиг. Сійө шөракостас суйсис. Өндрей скөрысь өвтыштіс кинас да веськөдчис кытчөкө. Ладимер сійөс вөтөдны уськөдчис. Мөдыс, неуна муныштөм бөрын, бергөдчыліс да сылыштіс:

— Сэсянь дас көкъямыс верст!

Тайө горөдлөмнас весьөпөртис Аннаөс. Муртса котөрөн эз лок. Көнкө, чайтіс, мый Петырыс бара горөдіс асьыс музмөм сыланкывсө. Аддзис өтнас керйөн ноксысь Петырөс да сөмын сэк сувтіс.

— Мый нө өтнад ноксян? Оз тай со вөрззы весигтө. Гырк пыштө вөрзбөдан, Петя?

— Тэ мый сәні лэбалаң?— сы вылө лёксө песігмоз скөра артмис мужиклөн.— Та кыза кертө, дерт, өтнамөн ог вермы.

— Колөкө, отсышта.

— Сэся мый? Кор нөшта Сенька Людмилаөс. Йөз се-рам вылас кутам куимөн мошкоритчыны.

Тайө кадас управляющөй Николай Васильевич кытшовтіс асьыс овмөссө. Сылөн туйыс, буракө, муніс и тайө стрөйба боктіс. Татчө тай мыччысис-а. Гачсө да выльөн мыськөм дөрөмсө сьөлөмсяньыс утюжитөма. Саридзсянь гежөдика лавкаө вайлөм чери кодь паськыд галстука. Он бара өткодяв начальствотө сьөд удж мыркөдысьяскөд. Ылысянь на аддзис керка дорын бергалысьясөс да матыстчис вашмуныштөмөн:

— Чөлөм гозьялы. Кывза думысь черөн тшупсьөм шы, а тәні чөв-лөнь. Вөлөм, мусукасьөны Петыр гозья.

— Мусукасьны и коли. Өтнам өд ог вермы керсө тажъявны.

— Көнөсь нө удал зонъясыс? Мися, Ладимерыс да Өн-

дрейыс кӧнӧсь? Эз на мӧй локны? Ме дзоньнас отделение-сӧ нин слӧйми кытшовтны-а.

— Кытчӧкӧ тай довгисны.

Николай Васильевич вомкӧтшнас нюмдіс:

— Тэ вылӧ, Петыр, мыйкӧ войдӧрлун Ӧндрей каттысь-ны босьтчыліс. Ог пӧ вермы тӧкӧд уджавны. Шеваыс пӧ дӧзмӧ.

— Ме тай ськӧд ог жӧ да. Ковмӧ тай бытьӧн. Некодӧс сӧсся мянлы он сет да.

— Но-о. Сідзкӧ, эн нин кут йӧзыскӧд уджавнысӧ вермыны. Юнытӧ дугдӧм бӧрад.— Зі моз чушкис управляющӧй.— Мужикъяскӧд эн кут лӧсявны.

— Мый ті ставӧн ютӧмнас чутйӧдланнуды?— дӧзмис Васька Петыр.

— Гашкӧ, бабаяс дорӧ мунан? Скӧт видзны,— век на водзӧ думсьыс шмонитіс Николай Ваоильевич. Тӧдчис, мый и сылы неладнӧ жӧ овнысӧ дзик ютӧм Васька Петыркӧд.— Аннаыдкӧд ӧтлаын кутаннуды. Сідз ӧд, Анна?

— Ме ог тӧд,— вежавидзӧмпырысь сӧмын шуыштіс нывбаба. Кӧть эськӧ чужӧм сертиыс тӧдчис, мый верӧс дорыс.

Николай Васильевич водзӧ эз жӧ кут сӧсся бызгыны. Тэрыба, юр выв тыр удж нуӧдысь морт моз, веськӧдчис аслас туйӧд. Гозъя чӧв олісны.

— Гашкӧ, збыльысь тэ дорӧ локны. Уджавнысӧ,— дыр мысти шуис Васька Петыр.

— Температуритіс али мый? Гашкӧ, выживыд кватлавыны кутіс?

— А мый? И тэныд кокныдджык. Век нин дінад, син улад. А то пыр нырися пон моз исыштны гусьӧн видзӧдан-а. Юи эг. Сэки оз ков ёна думайтны, кыйӧд сӧмын,— зумыш чужӧмӧн шмонитыштіс верӧсыс.

— Эн дур. Челядь йывсьыд думыштлы. Найӧс ӧд кыкнансӧ эльтны кутасны. Забеднӧ лоас. Верстьӧ мужик он жӧ кут мӧс лысьтыны. Вӧра нень везйӧдлыны.

— Но-о. Сӧсся и шмонитыштны оз позь,— меліа кутыштліс пӧвсӧ Васька Петыр.

— Тані нин уджала. Кутшӧмсюрӧ думъяс юрын жуӧны жӧ. Кыдзи эськӧ уджсӧ мянлысь вежны. Артмас кӧ, то тайӧ керкасӧ лыда лунӧн лэптам.

Анна эськӧ кӧсйис юавны, кутшӧм-сэтшӧм мӧвпъяс жуӧны верӧсыслӧн юрас, но эз удит. Варов Катъ со петны слӧймӧма гортсьыс. Талань жӧ чушиктӧ. Мӧдарас бӧр локтӧ и Ладимер. Пӧчӧс аддзӧм бӧрын сувтіс. А Варов Катъ сы вылӧ эз и видзӧдлы, гозъя дорӧ матыстчис.

— Он кӧ ті торйӧдчылӧй-а?— на динӧдз воӧм бӧрын Варов Катъ виччысьыштис лов пуксьӧмсӧ.— Быттӧ тӧрыт сӧмын гозьясьӧмныд. Петыр, Расса мужикьяс тэ вылӧ элясьӧны. Сы вӧсна пӧ гӧтырьясӧн пӧгибӧ воим. Зыньгӧны лун и вой. Васька Петыр, пӧ, со кутшӧм сӧкӧл лои. Юнытӧ ӧвсис да. Тшӧтш жӧ тшӧктӧны шыбитны. Войясыс ӧні пемдыны кутисны. Ӑтнад ӧна эн ветлӧдлы. Мужикьяс артельӧн жняпкӧдасны.

Варов Катълӧн тайӧ бызгӧм вылас Петыр мыйлакӧ эз и дӧзмы. Луныс сӧмын на пансис, а со кымын морт нин синмас чутӧдисны юны дугдӧмнас. Пӧчлӧн висьталӧмын эз вӧв торъя дэльӧдӧм ли мый. Варов Катъ и эм. Анна муноӧм бӧрас сийӧ со и Петырӧс на такӧдис:

— Тэ сийӧс, Аннатӧ, эн нин водзӧсӧ ӧна ӧтдорт. Мед кӧ семья костад тыр-бур. Сылы и сідз сюрліс. Кулитана кӧ вӧлі, то эн дивит веськыда шуӧмысь, важӧн нин эн овтис туй бокад сургысь-узысь верӧстӧ. Сийӧ со эз. Кӧть нин таысь пыдди пукты.

Петырлы пӧчлӧн другӧн татшӧм сӧрнисьыс сьӧлӧм вылас лои кыпыджык. А Варов Катъ вештис сӧрнисӧ Ладимер вылӧ.

— Мый нӧ сәні гонялан? Он уджӧ кутчысь,— горӧдис зонлы да Петырлы кывмӧн содтис.— Менам нучка Нинук динӧ сирасьны кутис. Тӧрыт карнанӧн рытывбыд кыйӧдчи. Мися, колльӧдны кӧ сийӧс кутчыяс, ойкйӧдла Ладимерсӧ. Эг ӧд слӧймы, котӧрӧн вешйис.

— Мый нӧ сідз увтыртан зонсӧ?

— Нинӧм быд шойданникыслы менам Нинуккӧд каньявны. Сылы карас жӧникыс сюрӧ. Та дорысь бурджык. Ӑндрейкӧд партитчӧма со, а сийӧ бурад оз велӧд.

— Мися жӧ, бӧрья кадас Ладимерыс вежсьыштис. Весиг рамджык лои. Сідзкӧ, тэнад внучкаыд сьӧлӧмас желлясьӧма. Сідзсӧ ӧд, Катя тьӧт, абу эськӧ кулитана зонмыс да. Вомыс кӧть мый шуас, а сьӧлӧмнас бур. Казялі ӧд.

Ладимер быттӧ ылысянь кывзӧма налысь сӧрнисӧ. Зэв тэрыба матыстчыны босьтчис.

— Катя тьӧт, менам талун рытыс прӧст. Колӧкӧ, керка вевт вылад кавшасьла. Гашкӧ, письтӧма кыткӧ. Дзоньтала.

— Тэтӧг нин кызкӧ-мыйкӧ.

— Да кажитчӧ меным Нинаыд. Олӧм сытӧг абу. Лун югыдыс пемдӧ, ог кӧ аддзыв.

— Этшаджык Ӑндрейыдкӧд сулея пытшкас пыравлӧй дай. Юан да, дерт, гӧгӧр пемдас,— ӧвтчыштчис зонмысь Варов Катя.— Петыр, тэ Сенька Людмиласӧ эн аддзыв?

— Асывнас тай тані вөлі-а.

Варов Катъ нинөм эз вочавидз, чушиктіс гортланьыс. Сенька Людмила пөдругаыслөн сы вылө дөзмөмсьыс пөчлы сьөлөм вылас вөлі важөн нин деливө. Лөгасис лючки сы вөсна, мый гусьөн сетіс самөкур доз сьлөн пиыслы. Со өд кыз артмө. Йөзлы сетөмысь сідзсө эськө шуасьліс жө. Но эз дикөдз лөгась. А кор тай аслыс матөджык инмис, эз и кут броткыны-пинясьны — дугдіс волены дай. Өні эськө Варов Катъ оз нин ни винаөн, ни аскурөн дур. Вузасьмөн ни. Сідз гажа, Нинаыс эм. Да и абу лөсьыд сы дырйи. А кор мунас? Мый сэк вөчны?

— Мый нө, ёна топөдіс, тыдалө, тэнө Варов Катъыд,— өтнаньыс кольөм бөрын шыасис зон дінө Васька Петыр.— Жугыль ветлөдлан?

— Жугыльтчана делөыс да.

Мөдыс пельпомнас инмөдчыліс:

— Водз на тэныд майшасьнысө. Том на.

— Ме, Петыр, важөн нин көсья вөлі юавны. Сьөкыд абу дзик ютөгыд? Абу гажтөм? Меным тай нө зэв гажтөм овывлө. Олөмсө винанас вежыштан да быттьө мөдджык. А сьтөг өти пөлөс сьыланкыв кодь олөмыс.

— Мыйкө лоис али мый? Водзті тадзисө он вөлі сёрнит да?

— Эз торъясө. Сідз, ассьым думъяс песа. Збыль өд, гажтөм овнысө. Торйөн нин миян Раскын. Петны торъя некытчө. Луннад мый на, а рытнас...

— А тэ нылөс лөсьөд. Гажтөмыд ськөд озджык босьт. Эмөсь на тай найө сиктад. Эз на ставөн мунны.

— Төдан мый, Петыр. Ас сиктса дорад быттьө сьөлөм оз кыскы. Ичөтеянь ставсө төдан ли мый да сійөн. Сідзсө, бызгыштны позьө, а вот став сьөлөмөн ог вермы. Бокысь воөмкөд — мөд сёрни. Төдтөм дзик. Со Нинаыс Варов Катълөн воис да сьөлөм пыр жө вөрзис. Сідзсө өд абу синмө шыбитчана. Раскад баскөджыкөсь эмөсь. Но мый сэсся вөчан, сэтшөм сьөлөмөн чужсьылөма да. Но да ладнө. Гашкө, керъяс кутчысьлам.

Найө кыкөн вель дыр уджалісны куритчыны пуксьытөдз. Сэсся, сьөкыда лолалігтыр, шпуткисны.

— Төдан мый, Ладимер. Некодлы на эг висьтавлы, а тэныд көсья. Өти дум юрө вартіс. Стөчджыка кө, абу эськө аслам да. Газетъясьыс лыдди. Шуам, сетасны кө тайө керкасө лэптыны пөдрад серти, кутчысян он? Быттьө көсийсясны кө мынтыны помалөм бөрас и өдийө кыпөдөмсьыс премия.

— Төда жө, кывлі жө та йылысь. Сідзтө, дерт, госа-

джык. Өні сөмын лунсө лотам. Сетісны кө пөдраднад, то ме бара эськө босьтчи.

— А Өндрей?

— Оз мөй көсйы унджык нажөвитны?

— Сійө? Өдвакө.

— Мый эськө озыс да. Но өд сэк синсьыд би петмөн уджавны колө. Сійө дыр каднад абу нин тайөторъяд велалөма. Сідз, мед сөмын мынтыштасны-а. И оз кесйөдлыны.

— Тэ кө сөглас, то ме управыдкөд сёрнитышта. Оз өд жө паныд сувт. Сылысь өд юалөны жө.

Пажын бөрын налысь уджсө видзөдлыны бара на воліс Николай Васильевич. Думсьыс көсйис, медым керка дорас бара на некод эз вөв. Сэки эськө позяс чорыдджыка сёрнитны Петыркөд. Да и мукөдыскөд. Сійө уна во чөж управляющөялігөн гөгөрвоис мужикъяскөд уджын төлкслөйсө. Медся коланыс накөд,— мед вөлі топыд помка тшөктынысө. Сиктса войтырыд воддза кодьөсь на кольөмаөсь. Қылөны кө сьөлөмнас асьыныс мыжсө, то ку пысьыс петасны, а вештасны. И со мый казяліс сійө бөръя кадас. Водзті, кор винаөн лышкыда вузасисны, сылы мужикъясөн веськөдлыны өна кокниджык вөлі. А өні эз. Садьөсджык пыр. Юысьястө сійө топыд кабырын кутіс, быттө абу на кө яндзимсө воштөмаөсь. Вугыр йылын чери быттө вөліны найө. Кор ковмас — кыскыштас. Стрөжитас, дивитас юөмсьыс, чырыштас вөтлөмөн. А кытчө мужикыд сиктад воштысяс? Совхозысь өтдор, некытчө муннысө. Со и дасьөсь пуө бөрөн кайны, медым эз тодмышкав. А ютөм йөзтө сьөкыд. Тайөс гөгөрвоис Васька Петыр серти. Мортыс лыда лун оз ю, а со кутшөм лои. Оз кывзы стрөг шуөмтө, дөзмө. А асьсө кутны нинөмысь лои. Бур ногөн ас сиктса войтыркөд Николай Васильевич сёрнитны эз көсйы, да и, веськыда кө, эз куж. Қымын во со юраліс овмөсөн и пыр стрөглунөн босьтліс, чиршөдлөмөн. Қыз сэсся вежсян мортыд. И өні, кор казяліс Петырлысь да Ладимерлысь ноксьөмсө, весиг дөзмыштіскодь. А кор Петыр паніс сёрни пөдрадөн уджавны кутчысьөм йылысь, то крапкис:

— Тэ нөшта семьянад босьтчи. Өні сэтшөмнад дурөны жө. Қор куканьясөс, бурджык мөсьясөс да и видз Аннаыдкөд. Кулак вирыд, буракө, ворсөдчө жө. Пөльсяныд вуджөма. Мамө висьтавліс, мый кулачитлөмаөсь коркө сійөс.

— Төдтөгыс эн бызгы,— скөрмис и Васька Петыр.— Кутшөм нө кулак сійө вөлі, вокьясыскөд ставсө өтвыв бер-

гөдлөмәһс да. Сідзкө нин шуны, и тәнсьыд ыджыд батыһ кулачитлісны.

— Ме, гашкө, сы вөсна и ог көһы, мед выльысь кулачитісны да,— эз сетчы управ.— Тэ со босьтчан гөтырыдкөд, ныр вылад усъмөн горшыдла уджалан. Сэһся другөн босьтасны и кулачитасны. Он пов таысь?

— Сэһсясө да өһнясө эн жө өткодяв. Өһні өд оз лэдзны.

— Код төдас? Код төдас?— мудера вашмунөмөн ышловзис Николай Васильевич.— Но менам кыв чорыд, кытчөдз ме управляющөй — кулакьясө сиктын ог чужты ни ог рөдмөд. Көһсян йөзсьыс торьявны, озырмөдчыны. Ог лэдз! Абу ме ногөн али мый? Вылісяһныд менам управляющөйялігөн мыйсө нин эз тшөктывны. Да өд эг на став индөдсө кывзыв.

Николай Васильевичлөн сөрһи серти кө, быттө майшасьны лон мыйысь. Васька Петыр тай ланьтіс весиг-а. Тайөс казялөм бөрын управляющөй лабутһөйджыка паніс мөд сөрһи:

— Лок татчө, Петыр, пуксьы орччөн. И тэ, Ладимер, тшөтш и. Рытладорыс сельполы пес вайны көһим. Аһһныд төданһыд — өта-мөдлы отсасьтөг некыдзи. Колө отсыштны. Сөвтчыны тіяһс ыстыны көһся.

— Ог ме эшты,— пыр жө сувтіс Петыр.— Гортын уджыс тыр.

— Ладимеркөд ветланһыд,— быттө нинөм эз кыв управляющөй.

— Ме эськө рытнад ог жө эшты да...

— Тәнсьыд ме ог весиг и юав. Кайлан, а то...

— Мый, а то?..

— Ачыд төдан. Бөрья сөрһи төндзи тэкөд вөлі.

— Мый һө зонсө пыр повзьөдлан?..— дорйыштіс Ладимерөс Васька Петыр.

— Тэ кө, Петыр, кайлан, то кык шөйччан лун сета. Тэһныд, ютөгыд, өһні кадыд колөджык.

— Мыйысь һө татшөм лышкыдлуһныс?

— Колө өд налы отсавны. Көһыһси со и... А тэһныд, Ладимер, со мый шуа — мөдысь мед ныртө эн лэптав, эн вунөд сөрһинһмөс.

Мөдыс юрсө лэдзөмөн пукаліс. Николай Васильевич тшапа чеччис, пыркһитіс гач вывсьыс ляксьөм пилипызьсө да тшөголя лөсьөдчис мунһны. Ладимер дыр чөв өліс-өліс да гораа крапкис:

— Сөмын та вөсна колө дугдыны, мед со татшөмьяһыс, управ кодһыс, эз ыһһняһһны сэһся.

Васька Петыр нинөм эз шу.

Сөмын рытнас, кор пукалісны Сенька Людмилакөд, пузьөмпырысь шуаліс пöчлы:

— Со өд, сё петукыд кутшөм. Нöшта пö өд кык шойчан лун сета. Ме асныралөм могысь öнтай куражитчи. Тöді кө та йылысь, то синмас сьöлышті, да дулльöй жаль.

— Ме өд ог жö тöд вöлі да гöтырыс управыдлөн мöйму ошйысис. Менам Колялы пö сельпо складыс аслам жытник кодь. Кор ковмас, сэк и пыралас да ньöбас. Выльөн вайөм төварсö пö медводдза видзöдысьяс пöвстас жö. Сійөн пö и отсалö сельпоыслы быдсяма ногыс.

— Ог сьöвзъы, кута тайö сьлөн блат вöсна тільсьыны,— некыдзи эз öвсьы Васька Петыр.— Ог тöд, Ладимерыс кайис эз-а?

Кузь гожья рытнад суседъясыд öта-мöдыскөд, гашкө, дасысь удитасны паныдасылыны и варовитны. Кыскö сикт-саясöс йöз дорад. Оз бара карсаяс моз иган сайын гортаныс овны. Но тайö рытыс лои мукöдъяс дорысь на йöзаөн Васька Петыр керка дорын. Öти мунö, мөд локтö. Весиг со Варов Кать да Сенька Людмила öтлаө веськавлісны и. Сы дыра öта-мөдсьыс кытшлалөм бöрын. Удитісны весиг ладмөдчыны. Мыйкө дыра варовитыштөм бöрын тай зэв ладөн пуксисны-а. Недыр мысти талань жö матыстчисны Николай Васильевич Ладимеркөд. Зон, эськө, бокинджык сулаліс да.

— Кöні нö Петырыс?

— Гортас вöлі,— вочавидзисны пöдругаяс.

Управляющöй эз весиг дышöдчы да ачыс пыраліс Петыръясö. Зэв скөрöсь кыкнанныс петісны. Нöшта Аннаыс на бöрся жö локтö.

— Петыр, дугды куражитчынытö. Öтнаслы өд, Ладимерыслы, сьökыд сöвтчынысö. Мортсö жалит.

— Сы ради кө — кайлі. А тэ вöсна — ог. Кöсьян кө, мед лавка складыс ас жытник кодь вöлі, то ассьыд и гостö пыркөд. Кайлы пескысла.

Варов Катя баба вежөрнас думыштіс, мый ён зыкөдз воасны, да пыр жö и суйсис:

— Николай Васильевич, вöвтö кор сета?

Мöдыс сы вылö будзгыльтчис сөмын:

— Тöвнас.

— Тöвнас кө и тöвнас. Петыр, тэ меным сэк отсыштан.

— Тэныд отсала. А талы — ог.

— Со кутшөм тэ лоöмыд,— водзö пузис управляющöй.— Анна, висьтав верöсыдлы, мед пескысла ветлас.

— Ме өд абу управляющöй. Гортгөгöрса удж сөмын вöчны индыны верма,— нюммуніс мöдыс.

— Шензя тэ вылө, Микулай,— эз сетчы Васька Петыр.— Мый нө Аннасө велөдан. Быттьö вöйысь морт идзасө кутчысян.

— А ме тiян вылө шензя. Водзтi эн татшöмöсь вöлöй. Тэ, Анна, кымынысь ме водзын кевмысьлiн, мед эсiйöс, зарни ёкмьылтö, эг вöтлы? Бурыд тай öдйö вунö.

— Бурыс öд аслыд жö вöли,— дорйис гöтырсö Петыр.— Кымын шойччан лун ковмылiс тшупсьыны. Пемыднас мукöддырйиыс.

— Уджалан луннас вöли он сяммы да.— Зывöка нюмунiс аслас шуöм вылө управ.— Öни ме вылө ыстысян. Давай.

— Нимыд мисьтöм, мед тэ вылө ыстысьны. Ладимер?— чукöстiс Петыр зонмöс.— Тэкöд кымынысь тайö бурнас сёрнитлiс?

— Ме ог и тöд, кужö оз сiйö мекöд бурнас сёрнитны,— нурбыльтiс зон.

— Он гөгөрво, да,— коксö кресталöмөн пуксис Николай Иванович. Сэсся пукалан местаас быттьö емөн бытшкисны — звирк чеччис. Мыйкö кöсйис лёкөс, скөрөс шуны, но эз, буракö, кывйыс сэтшöмыс сюр. Коклябөр йылас бергöдчис да лёкысь йөткасигтыр, быттьö чужйыштчöмөн, мунiс на дорысь. Сöмын горт дорас воигөн аслыс моз броткис:

— Мыйсяма йöз? Öтнас Васька Петыр юны шыбитiс да со кызди увлань юрөн быттьö бергöдчис олöмыс. Ставыс шызис. А мукöдыс кö дугдасны? Пöгибö воан накöд веськöдлiгас.

Но та вöсна управляющöйысь петöм йылысь весиг мöвп эз вирдышт Николай Васильевичлөн юрын. Тайö чинсö воштöмысь сiйö медся ёна полiс. Кызд нө сэки овнысö? Сы мöвп серти, сиктын абу морт, кодi эськö сяммис юрнуöдны овмöснас...

А öд сюри мортыс. Арладорыс тайö лои, кор бара öти гожöм коли Рас сиктын öнiя олысьяс син водзын. Гашкö, сöмын на öти гожöм, кодi шызьöдiс бөрья кадас сиктöс. А тайö мортнас бара Васька Петыр лои. Арся шляча улын ветлöдлiс Раскöд юөр, мый сiйö кöсйö вöзйыны асьсö управö. Öни пö уналаын тадзи вöчöны. Йöзыс кö бөрьясны, то кута овмöсөн юрнуöдны. Та вылө быдöнлөн вöли аслас видзöдлас. Ладимер шуö, мый Петыр вöсна кыкнан киöс и кокъяс лэпта.

Сенька Людмила жалитыштiс весиг Петырöс. Кытчö пö суйсьö. Кымын пö вылын мортыд пукалö, сымын дойман усигад. Да и абу вежалана удж управляющöйыдлөн.

Увсянь и вывсянь зыртчыны кутасны. Ставныс мыйкө корны босьтчасны. Ме думысь, пö, лоны кö, то медся чина мортöн, мед тэ вылын некод абу либö прöстö плöтничайтны. Сылысь оз жö ёна уна корны и...

Öндрей тшöтясис жö. Васька Петыр дор сувтöм йылысь сёрнитны весиг оз кöсйы. Дурман пö сэк. Тадзисö, öнiя ногö кокныдджык.

Варов Кать ассьыс жö дольö. Оз пö куж Петырыд начальствокöд ладмыны. Керка öдзöс кö пö тай дзуртö — мавтыштан мыйöнкö да и дугдас. Сидзжö пö и начальствоыдкöд. Кынад мавтны колö кужны сёрнитигад. Налы пö ошкыштöмсьыд любö. Петыр оз куж.

А Васька Петырлөн гöтырыс? Анналы öнi веськодь на, мыйöн уджалас верöсыс. Көть черөн ветлöдлас, көть му вылас медся ыджыднас лоас. Мед сöмын, ен сыкöдөн, эз юсы выльысь-а.

— А меным мый вöчны?— кор кылис тайö гөлөссö, ассьыс гораа юалис Николай Васильевич. Сэсся асьсö жö и такöдис — ма чунялöмөн думайтö, буракö, йöзыскöд уджалöмсö, мед видлас.

Сiйö дыр на пукалис öтнас кильчö помын арся пемыдас дзоргигтыр. Кöсйис гөгөрвоны Васька Петырлысь вежсьомсö, но эз и сяммы. Мыйкö йöйталöм кодь артмö. Дугдис юнысö да öтарö-мöдарö шыбласьö. То дояравны дась мужик, то пöдрад ковмöма. Öнi со сы местаö пырны кöсйö. Мыйла? Нинöмөн мöй таысь öтдор асьсö такöдны оз позь? Горт гөгöрас мед ноксис, порсьясöс босьтис. Видзис да вузалис. Либö мöдтор... Кадыс öнi ютöгыд эм. Но со оз тай, мыйкö ыджыдöс сылы сет. Управляющöй! Мый морсö олөмсьыс корсьö? Бергöддис тайöс юрас Николай Васильевич. Но помсö эз и аддзы. А збыль кö ставныс дугдасны юнысö, йöйман тай сэк. Дзик челядь кодьöсь лоасны. Быдөнлы мыйкö выльöс, сьөлöм бурмöданаöс лöсьöд. Уджли, мый ли кутасны Васька Петыр моз жö öтарö-мöдарö шыбласьны-корсьны? Мыйкö збыльысь йöймöм, майшасьысь йöз!— сöдзöдис пинь пырыс Николай Васильевич. Видзöддис пемыдас, кывзысьыштис.

Көнкö катыдпомын кылисны код юра йöзлөн гөлөсьясныс. Найöс кылöм бöрын управляющöй сьöвзис да пырис гортас. Посводзас кокныöдыштис юрас воём думсьыс. А мый, збыльыс кö Васька Петырсö управляющöйнас бөрйыны, мед видлас татшöмъясыскöд уджалöмсö. Öдйö вежöртас, нинöм сэсся оз кут ковны, кор ачыс бөр петас управсьыс. Тайö думыс такöдыштис Николай Васильевичöс, и, кызди век, зэв кокныда унмовсис.

Вежон кык кольём бõрын Васька Петыр бара веськаліс Өндрей да Ладимер дорõ уджавны. Колõ вõлі сьõкыд керьяс тильны да отсõг вылõ Николай Васильевич лун кык кежлõ мырдõн сорõн ыстис. Первой луннас лючки-ладнõ мошкоритчисны. Мõд асывнас Васька Петырлы ковмис пычкысьõмõн лэптавны керьяссõ õтнасõн. Ладимер да Өндрей эз локны да. Пажын бõрас сõмын мыччысисны.

— Абу тай яндзимныд тиянлы!— равõстис Петыр.— Лытайтанныд кõнкõ! А ме тани тиян пыдди мырся!

— Час, кутчысьлам да уджалам,— дорйысьыштисны мужикьяс, буракõ, яндзимкодъ жõ вõлі.

— Уджаланныд ти! Со юõмныд нин да!— эз õвсы Васька Петыр.

И водзõ видчис. Быд ногыс видис и мужикьясõс, и олõмсõ, и вина вузалысьяссõ. Сэтшõма чилзис, мый гõлõсыс чирис, лолыс тупкысьліс. Синнас корсис ва тыра ведра, кодõс татчõ вайлывлісны горш веськõдõм вылõ. Но эз аддзы.

— Сё петукьяс!— кызны босьтчис сійõ да лёкысь апаліс сынõдсõ.— Ва-а-сõ мыччõй кõты!

Өндрей тэрыба котõртліс керка сайõ, кытчõ Ладимеркõд дзеблісны тыра водка доз да стõкан. Тэрмасьõмõн восьтис, тиралысь киясõн кисьтис курыд юанторсõ стõканõ да лабутнõя, мед эз солькьясь дона ваыс, нуис Петырлы.

— На, ва кõ ковмис,— чургõдіс юанторсõ сылы.

Мõдыс кватитис стõкансõ да горша гулькнитис-юис.

— Мы-мый тайõ?!— юалис Васька Петыр.— Водка али мый?

Өндрей уйкнитис-пышйис, мед эз веськав сылõн кабырõ. Васька Петыр гõрдõдіс, синьясыс паськалісны. Сэсся тай кыз чилõстис:

— Мый тэ кисьтін?!

— Ва. Ва корин да,— сьõлõмсянныс шуис Өндрей.

Васька Петыр лёкгоршõн бõрдис, нõшта сутшиктõдлõ сійõс. Сэсся водкаыс, буракõ, разалис гырк пытшкас. Небзьõдіс вир-яйсõ, сьõлõмсõ, пыркõдіс юрсыс чõжõм ярлунсõ. Сійõ лои кызкõ воддза кодъ мелі чужõма, мыжмõм морт кодъ синьяса.

— Мый сэсся пышьялан сәні, лок татчõ, сёрни эм,— шыасис сійõ Өндрей дорõ.

Васька Петыр бара веськаліс олõмлõн важ гыяс вылõ, кытысь сійõ выныштчыліс петны. Но, вõлõмкõ, нинõмла на.

## ВИСЬТЪЯС

### АРСЯ ЛУНЪЯС

Пома Васьлы и тавой эз узьсы. Куньлас мырдысьон синъяссө, зіляс эновтны вежорсьыс став мөвпъяссө. Весиг аддылас нин, кызди паньд локтө сылөн унмыс. Арся вой кодь съод ыджыд ёкмыль первойсө матыстчывны босьтчас, но сы сайсянь мыччысясны Закар Педөр либө гөтырыс — и бара съод ёкмыль сайсянь юрас каттысьёны думъяс. Гөтырыс вөсна ёна майшасис. «Кызд нин бара олө-а?» — ышловзяс Пома Вась. Куим вежон сайын лөччөдісны пөвсө больничаө. Висьөмыс съөктіс да. Сійө эськө оз на вөлі торъя көсйы. Вермөдча на пө горт гөгөрад бергавны. Но пөрысь висьөмыд тай оз юась, вольпасьө жмитіс косньөд пөчөс, а сөсся гөрд креста машина тюрөдіс сійөс больничаөдз. Пома Вась гоз-мөдысь эськө ырыштчыліс жө веськөдчывны сы дорө, но пыр мыйкө падмөдысь сюри. То зэрмыліс. Сөсся град йөрсьыс, көть сійө абу нин воддза моз паськыд, ковмис картупель идравны, пуктасьяс меститны. Ковмыліс аслыс пусьыны, дөрөм-гач пельштны, пывсян ломтыны. Бөръя кадас другөн өтнәсөн кольөмысь повзис. Нелямын во өд өтлаын олісны. Эштөдчас кө гөтырыс, то некод абу. Ныв ни пи. Кодкөд кутас сөсся рытъяссө коллявны?

Сідзи и эз вермы сёлөмсяняныс унмовсьыны. Муртса өшинь тасьясыс тыдовтчисны, сөткыштіс код вылө кө, дышпырысь эновтіс шонтөм вольпасьө да чеччис. Өзтіс би. Син водзас паськөдчис керка жырйыс. Вель ыджыд. Пытшкас став коланаыс, сы думысь, эм: телевизор, банкисклянки пукталанін, вель ыджыд гардероб. Сы дорө и матыстчис Пома Вась. Восьтіс да гоньөвтіс рөмпөштанө.

Воча видзөдіс ыджыдкодь юра олөма морт. Чужөмыс шыльыд на. Дзик пөшти сэтшөм, кутшөм бритөм юрыс, коді югнитльвліс би водзын. Бөръя воясас сійө мода босьтіс юрсө бритны. Өти кывйөн кө, нянь көрыш кодь крепыд на сулаліс сылөн видзөдлас водзын мортыс.

Аслас думъясө вөйөмөн Пома Вась югдытөдз чушикасис джоджөд. То сөян пуис, то джодж чышкыштіс, а сөсся

петіс веранда вылас. Вель жö паськыд сійö. Югыд öшиньяса. Ачыс сійö эз вöв мастерöвöй. Кодлы кутшöм удача сетлöмаöсь. Сьöмыд тай вöчöдас, кутшöмöс индан. Верандасö вöчис суседыс. Ачыс Пома Вась эз куж. Олöм чöж-нас, чом кодь сарай кындзи, нинöм эз лэптыв.

Öшиньяныыс тыдаліс орчча керкаыс. Сэтчöс звöз до-рын копрасис сы кодь жö олöма морт. Öти кинас сійö лэп-тывліс турун вылысь куш мешöкъяс. Мöд кисö топöдöма морöс бердас. Шуйга кыис Педöрлөн ичötсянь оз уджав. Сусед мешöкъяссö пыртіс сарайö. Зэр улас, буракö, пожъя-лöма. Öні косьтыны кöсйö. Арся ывлаыс букуш. Қымöрыс гөгөр мольöдöма енэжсö, восьсаин лун-мöд нин эз тыдовт-чыв. Пома Васьöс ывлаö петтөг йирмөг босьтіс буситöм вылö видзöдигөн. А Закар Педөр, купайкаа, резина сапöга, юр вылас кутшöмкö шыбитöм шыблас кодь дöра шлапкö-мөн, мöдöдчис гортсыс.

Пома Вась пырис гортас. Шыд нин дась лöма. Паня-сис азыма. Выть вылас норасьöм эз на вöв. А юрас пыр гудрасисны Закар Педөр йылысь мöвпъяс. Оз жö овсыы Закар Педöрылды. Кодлы нин пöрысьö-нэмö честяс усь-кöдчö? Öтилаын регыд туплясьны кутам. Колöкö, ме во-мöдтö сы бöрын ола на. Мыйсяма морт сійö? Нэм чöжыс колхозын, а сэсся совхозлы казачитіс. Мыйла нин öнісö пессьыны? Сизимдас жö нин öд вуджис сы моз сійö. Ов гортад, град йöрад, окота кö, лун-лун гудрась. А öд оз. Бригадаö петö и ас коддьöмъяссö ызьöдö. Гожöмнас со излетъяслысь звено котыртліс. Том йöзкöд пö панласьны кутам. Нöшта став сиктса пöрысь выживсö öд агитируй-тіс. Ачыс эськö абу прамöй уджалысь. Ызьöднысö сöмын, кысь нин öти кинад. Том дырйиыс унатор вылö удачаыс эз вöв-а. Кытысь нин öні. Öні со картопель идравны пен-сионерьясöс чуйдöдöма. Му тырыс тай машина. Да кар-саяс отсаласны.

Тайö думьяссьыс либö унпöt шедтöмсьыс Пома Вась-лөн сьöлöм вылас вöлі деливö. Водзті, томджык дырйи, водка стöкан вöлі клопнитас татшöм здукас и сылö лёкыс. А öні оз позь. Асьсö видзö.

Сиктса мир туй вылö видзöдысь öшиньö гоньөвтöм бö-рын Пома Вась казяліс тöдтöм йöзöс. Қианыс кыöм көрзи-наяс. Вотчыны мöдöдчöмаöсь. Абу татчöсöсь. Колöкö, кар-сянь воöмаöсь.

Вотчыны мöдöдчысьяс саялісны. Сылы бара дум вылас уси, мый сылөн косьтöм тшакыс содз тыр сöмын. Тайөн тöлыд кузь лöö. Сійö радейтіс тшака шыдтö. Чöскыд сійö, кор ыджыд пач пытшкын пöжсьыштас. Веж петанінö кы-

кысь на вежоннас гөтырсө пуны вөлі тшөктылас. Содз тыртө дыр он нюжд. А арыс регыд помасяс, тшак оз ло. Колө тэрмасьны.

Пома Вась шоныда пасьтасис, петіс волысалөм пестерөн, киас чуман кутігтыр. Вөрзөдчигас на сійө дивитіс воддза мунысьясөс — унаөн уськөдчөмаось да. Лөддзөн ветлігад нө кутшөм тшак сюрас. Сійө вөрад радейтліс өт-насөн кайлыны. Оз нин некод орччөн гандайтчы. Ветлөдлы вөляысь, эн пов, мый тэ водзвылын кодкө удитас медмича ельдөг либө еджыд гоб тшапнитны. Унанад сөмын думайт, кызди водзджык удитны судзөдчыны. Да и не кө тшак-вотөсыс, вөрсө эз жө радейт. Шуштөм сәні. Өтарөмөдарө гоннявны колө. Быдсяма зверыс, лөк йөзыс ветлөдлөны и. Өтчыд весиг зэв тешкодьтор ськөд лөлі.

Кайис сэк нюрө. Сиктын эськө сёрнитісны, мый шышьяс пышйөмаось. Но турипувыйс пөваль куйліс тайө ар. Кодьяскө артельөн кайисны, но вөрас Пома Вась, кызди и век, өтнас торйөдчис. Эз жө ылө кай, пувья местаө зура-сис да. Вотчө, а ачыс шышьясыд полө... Тусь босьтас и гөгөр гоньөвтлас. Друг, кылө, кодкө шутөвтис. Өдйө сув-тіс, юрсө бергөдліс, некод оз тыдав. Воськовтіс тайө ме-стасьыс. Бара шутөвтисны. Өддзөдіс воськовсө. Быттьө тшөкыдджыка шутьявны кутісны. Дзикөдз повзис. Вөрөдыс веськыда гортас пызйыштис. Сәки сійө томджык на вөлі, кокьясыс өнія дорысь вөрысьджыкөсь вөліны. Воис горт дорас, атшалөма. Кильчө вылас пуксис. Сьөкыда лө-лалө. Друг бара шутөвтисны. Сөмын өні гөгөрвоис, мый пөдыштөм нырыс, вөлөм, шутьялө...

Пома Вась медводдзаысь талун нюмуніс тайө казьты-лөм вылас. Көксө гыпкөмөн пукталігтыр прөйдитіс борьяс бөкөд, лысвасьыс виччысьөмөн кытшовтіс векныдик ор-дымөд рас. Аддзис мича места, а тшакаинтө сійө төдө. Нэмыс некытчө ветлытөг, ас сиктын оліс. Тапикасигтыр кутіс корсявны солалан да косьтан тшак. Мый сюрас, сійөс и пестерө дзум.

Арыс вөлі тшака. Муыс эз на көдзав. Зэрыс эз жө дзе-рөд сійөс. Пуритөмаось-петөмаось гөрд гобьяс, ва гобьяс, чепөсйыны босьтчөма ягсер. Өтка-өтка сюраліс зумыд кокьяса рысь кодь ельдөг. Пома Вась мөд пөв нин босьт-чис тыртны чумансө. Вотчигкостіыс ичөт зонка моз ворсіс. Быд тшак сійө өткодяліс сиктса кутшөмкө морткөд. Эстөн со кык ва гоб орччөн петөмаось. Кайыштөмаось му берд-сьыс да быттьө кутчысьлыны уськөдчөмаось. Нюкыльтчө-маось өта-мөд дорас. Артмөдөмаось соседкаыслөн кодь жө чукля кокьяс. Любөпырысь вундіс найөс Пома Вась.

Соседкаыскөд ничего олоны. Оз мукөдъяс моз өта-мөд дорас зыртчыны. А со нитш пиысь тшапа гоннялө уртшак. Тайө нин дзик Марья кодь. Пома Васькөд өттшөтшья нывбаба сийө. Көть паськөмыс вылас эз көвьясьлы, керка тыр челядь быдтигад, но сиктад медся збой да ёсь кывья мортөн өниөдз лыддысьө. Думсьыс мустөмтис сийөс Пома Вась. Сы вöсна и чужийс тшаксө. Төдчис, мый важ тшак нин. Но кок улас мурчмуныштіс. Юрыс сьөкыда ори коксьыс да тюрис бокө. Лым кодь еджыд вөлөма чегөминыс. Со тэн и важ тшак. Дзумгис жө чуманас.

Со эстөн, Закар Педөр моз жө, гөрд гоб сюсьялө. Боксө гут-гаг чирсиймаось. Сы моз жө быттьө яндысьө мыйськө, зильө син улө не сюрны. Сийөс весиг кытшовтіс. А тайө нин ачыс. Тшап юра гөрд гоб зымвидзө эрд шөрын. Любуйтчөй пө меөн став вөрсаыс и васаыс. Татшөмыд, дерт, рутш-ратшмунас чегөмсьыд. Недыр любуйтчөм бөрын Пома Вась чилснитис-вундіс. Матыстіс юрсө чужөм дорас. Выль на быттьө тшакыс, а вегыль нин мыччасис. Со и төд бокисянныд. «Нинөм, олышта на. Ме бурөн ог вегыльөссьы,— асьсө такөдіс сийө, а сэсся быттьө дөзмискөдь ас вылас.— Йөймин али мый? Выжив кө нин кватлалө-а? Челядь моз дуран».

Куим чуман өктөм бөрын Пома Вась мөвпыштіс, мый өні позьö и төвсө колявны. А колөкө, нөшта на волас вөрас, со кутшөм лөсьыд, көть буситө-а.

Сийө ордым вылас, кыті кайис, эз веськав. Ковмис восьлавны мөдөд. И, рөкыд вылө, бырс петис буретш картупель керысьяс дорө.

Син водзас мыччысис вель паськыд му. Сэні йөжгылясисны морт дас. Ставныс олома йөз. Накөд тшөтш өти кинас картофупель өктис и Закар Педөр. Нөшта неылын өктысисны сиктса пөрнөй йөз. Закар Педөр, кывсьыліс, бара өтитор вылө пөрысьясөс чуйдөдөма.

Ышөдөма уджавны пенсионерьясөс өтвыв. Нинөм пө мянлы торйөнсө. Коді кызди вермө, медем уджалө. Морт серти и шебрас. Ачыс өти кинад велалөма нин өдийө уджавны. Сөмын сувйө мусьыс картофупельсө. Государстволы отсасьө. Но-но, отсасьөй. Сийө асьыс пай уджаліс нин.

Пома Вась сувтовкерыштіс. Думсьыс корсис бокиті мунан туй. Но өтарас паныдалісны бадьяс. Люстикөдз көтасян на пөвстті мунігөн. Мөдар бокин вель джуджыд бөрөзда. Абу жө нимкодьтор сийөс вуджны. Да и казялісны йөзыс вөрысь петөм морттө. Ковмис воськовтны дортыс. Сідзи эськө, гашкө, кывтіс на бокті, эз кө шыась соседкаыс:

— Василий Помич, чолөм. Тшак вотны ветлін?

— Василий Помич,— вашнитігмоз нерис сійөс орччөн өктысьысь олөма нывбаба. Буретш сійө ёсь кывъя Марья-ыс.— Видзөд кутшөм тшапа мунө. Мыйла тэ, Катя, сув-төдін сійөс? Мортyslөн, колөкө, уджыс юр выв тыр.

— Кыдзи нө морткөд он чолөмась?— шөпнитіс жө мөдыс, а сэсся гораа.— Василий Фомич, вотчин, мися?

Пома Вась матыстчис на дінө.

— Кытшовті тай вөрөдыс,— шуис сійө куш чумансө петкөдлігтыр.— Нинөм абу петөма.

Сійө кадсяньыс, кор гөтырсө нуисны больничаө, Пома Вась некодкөд эз прамөя кывйөн шыбитчыв. Сы вөсна окота лон сёрнитны.

— Мыйкө нө артмөма жө таво? Картупельды?

— Гырысь, но абуджык позтыра,— вочавидзис соседкаыс.

— Унаөн нө шедас?

— Он мөй төд? Ачыл тай собрание вылад гөлөзубитін обязательствояс йывсьыд,— эз вермы кутчысьны Марья.

Собраниеястө Пома Вась оз бара коль. Урожай идралөм, көть гөра-көдза кежлө дасьтысьөм, көть бара бабаяслөн празник дырйи сёрни кыптас — век клубын. Көть эськө пенсия вылас петөм бөрын некутшөм страдна дырйи видз вылысь ни му шөрысь асьсө он аддзыв, но собрание вылын оз прөста жмутвидз-пукав. Век йөз водзө сувтлас, гора да ышөдана кывьяс шуалас.

Өні сійө будзгыльтчыліс Марья вылө. Эсійө уртшак мозыс кө эськө чужйыны. А Марья өддзис:

— Тэ кывнад шыблассны мастер, Пома Вась, а видз да му вылад сира гезйөн он кыскы. Лажикасян-ветлөдлан мян уджалігкості. Собрание водзын бригадирлысь лыдпасьяс, прөчентьяс юасян, медым сэсся сцена вывсянь радио пыр сёрнитысь кодь гөлөсөн юргыны.

— Заслуженнөй отдых,— рочасыштіс мөдыс.— Ме асьым пай уджавлі пенсия вылө петтөдз.

— Ёна тай гөрбылясин. Пач трубатө видзөдігад коскад суйис али мый?— ородіс Марья.

Йөзлы мыйкө уси дум вылас да гузьнитісны-серөктісны.

Пома Вась война бөрад кокныдін корсис. Бөрья кадсө вөлі пөжарнөй инспекторөн. Индісны, медым видзис өйылөмъясысь асьыс да нөшта орчча кык ичөтик сикт. Прөст луннад сійөс сикт вылысь он аддзыв. А празникьяс дырйи киняулас портпель чабыртөмөн петө йөз дорө. Сэки сійө вина юнытө ок лют вөлі. Пырас керкаө, гуньгоньвөчас. Керка шөрын пызан паськөдөмаөсь. Трайгөны-

гажөдчөны. Шурк воськовтас пачлань, юшкасö весиг восьт-  
лас.

— Неисправнөй пачыд, ёртъяс. Ломтыны оз позь.  
Тшын йыв каянныд асьныд да и орчча керкаясас вермас  
вуджны,— тшөгөля юөртө сийö да паськөдчө пызан помö  
портпельнас.— Ковмас пломба пуктыны.

— Помич, он жö öд тупкы. Пөкрöv нин öд вуджим,—  
гөстъяслы мудера синсö куньласны көзыева.— Вай, бур-  
джык, сурсö видлы. Мудзин öд, көнкö.

Гажмыштöм юра Пома Вась оз гөгөрво налысь шмони-  
тöмсö. Гулькнитас-юас стöкан. Кисьтасны кө, и мөдös.  
Сэсся сылы веськодь. Көть тайö пачсяныыс гөрд петукыд  
сиктсö нюлыштас...

Пома Васьлөн муткырмунлис пытшкөсыс. Быттьö тшак  
тыра чумансö да пестерсö мырддисны. Но кыкнансö ква-  
титис ён кабырнас крепыда. Да гыпкигтыр мунис талаялём  
ордымөд сиктлань...

Пома Васьлөн сьöктис пестерыс. Быттьö олём воясыс  
өшйисны сы вылö. Оз некызд көсийны лэччыны муö. И  
кымын ылөджык восьлалис йöзысь, сымын сьöкыдджык  
лои сылы. Көть юрас гартчисны гудыр думъяс, но синмыс  
өдийö тай на сатшкысис путкыртöм картофель позъяс вылö.  
«Адöй, картофельыс мый ыджда!— мөвпыштлис сийö.—  
Выль сорт тай, тыдалö, кодös «идеалнад» ыдждөдлөны».  
И син водзас сувтис, кызди кутас керны та ыджа карту-  
пельсö локтан воын аслас град йöрысь. Колö көйдыс вылö  
босьтыштны. Сийö босьтчис тэчны дзоля чугуи ыджда кар-  
тупельсö. Тэрмасьöмөн тайö уджас кутчысис да эз и казаяв-  
лы, кызди сылань матыстчис Закар Педөр, кодi ветлөма би-  
пур вылö кос увъясла. Öни киняулас кутис чукөртöмторсö.  
Кор Пома Вась лэптис юрсö, то Закар Педөрös аддзём  
бöрын, быттьö йиа ва пиö веськалём морт, йöжгыльтчис.  
Сэсся веськөдчис да бергөдчис сы вылö видзөдысь Пе-  
дөрлань.

— Сидзи и төди, мый Закар Педöрыд кыйöдас,— лёкыс  
заводитис Пома Вась.— Нэм чöж меным вуджөр моз олö.  
Спокой эз лолы. Но мый, кыйöдин? Сидзкө, бара велöдны  
босьтчы, мый оз позь, Пома Вась, тадзисö овны. Абу мича.

— Мый нин тэнö велöдан. Нитшсявны жö ме моз пö-  
рысьыдла кутин. Велöд көть эн. Гусьөн пурысь пон кодь.  
Лёксö йöзыслы сидзи вöчан. И пыр мыйкө гусьөн моз ше-  
пыштны видзөдчан. Но мый көть öниясö босьтам. Эз öмöй  
позь став йöз дырйиыс көйдыс вылад нуыштны. И ми нуим.  
Бур сорт да. А тэ он. Гусьөн видзөдчан, мед оз казаявны.

Сэсся мёдысь коркё кутан морёсад сизьдёмөн сёрнитны, мый ми совхоз кыйдыс новлім, а тэ эн.

— Тэ весиг со керкатё ме дорё лэптін,— сёрнисё аслас туйвизьёд нуис Пома Вась.— Пыр сконйыштны кыйёдін. Эн кө тэ вёв, то олёмой сё пёв гылыдджыка муніс. Став олём менсьым тшыкөдін. И йёзсё усьөдін.

— А тёдан мыйла? Мед собрание дырйи мянёс дивитны, мый ми босьтім, а тэ честной морт, эн.

— На, виньды аслад куртупельён,— скёрысь пыркнитіс чумансё Пома Вась.— Ок, помавны эськё тэнё... Но абу окота быд борд пёла рака вёснаыс пёрысьё-нэмё тюрьма пельёс сісьтыны. Ок, кызди ме тэнё...

Лёк думъяс муткырасисны юрас. Закар Педёр вылө, дерт. Со өд кымын во олөны найё өти сиктын. И век пад-веж воёмаёсь. А өд позис олөмтё өти сиктад овны лёся-лёмөн. Но кызди тадзисё вөчны, Закар Педёрыскөд?

И збыль, став олём чөжыс Закар Педёр да Пома Вась вөліны өтлаынёсь. Война сувтан воё Пома Вась предаліс колхозын, сы вёсна фронт вылө эз босьтны. Но кызкё өтчюд кайис вөлөн турипувла да вөйтис сійёс нюрё. Со сэки и киритісны сылысь броньсё. Председательён бөр-йисны Закар Педёрёс. Сійё, дерт, дыр куражитчис:

— Ог вермы ме председателявнытё, весиг тшөті моль-сьыс нинём ог гөгөрво.

— Тэнад могыс нянь быдтыны, йёв вөчны, картупель, яй. А тшөтайтчынытё... тшөтайтчынытё писькөсджык зон-каёс индам,— шуис районсянь воём уполномоченной, кокас ранитчём жугыль синъяса мужик.

Та вылын и сувтісны. Закар Педёрлы сэк нелямыныс на эз вёв. Война вылө сійёс эз босьтны ки вёснаыс. Кага дырйиыс на уси дзирья өшиньөд и чегис кисё. Чегөминыс несідз йитчөма, став олөмсё тшыкөдіс. Сідзсё кыис быттьө и эм, а быттьө и абу. Ичөтсянь котраліс мёс стада бөрся, первой сиктсаяслысь, бёрас — колхозлысь видзис. Эз кө ло войнаыс, колөкө, нэм чөжыс сюранъяс да тайтөяс бөр-ся ризьяліс.

Пома Васьёс фронт вылө колльөдтөдз кык лун водз-джык найё паныдасисны вөр дорын.

— Со-о-о,— нарошнё шмонлива нюжөдіс Пома Вась.— Кодёс ме аддза! Председатель лоқтё!

Закар Педёр эз казаяв сылысь ышнясьөмсё. Сійё вөлі вөйөма ас мөвпьясё. Кызди бабаяскөд уджавны? Мыйөн та кузя отсыштас важ предыс?

— Вөжжиавны колө найөс, бабаясөс. Бурөн нинөм оз артмы,— вомсө юмыртліс Вась, вот-вот быльснитас-петас скөрысь радлана серам.

— Лёкнад ылө он жө мун,— өлөдіс Педөр.

— Прөста больгөм. Лун-мөд сайын гөтыр тшөтш жө босьтчыліс тэ йылысь кыв песны. Рамлуннад пө тэ босьтан. Бабаяс пө шуоны, мый Педөрлы мян пыжөн бөжавны. Асьныс со мый вөчөны... Сөмын юрсисө кө ки гөгөрыд гартыштан, сэк найө өвсыны. А тэ шуан...

Пома Вась тяпкөдыштіс вомсө, тыдалө, кажитчис сы дорө шыөдчөмыс.

— Эновтчыны кө лоө-а,— аслыс моз артмис Педөрлөн.

— Эновтчыны?!— ырмунис мөдыс. Сэсся лантыштіс. Думсьыс корсис эльтчана кывъяс, кодъяс мед эз сэтшөм явө висьтавны сылысь петшөрөн сотысь мөвпьяссө.— Эновтчыны? Водзті тэ коді вөлін? А өні! Председатель!

— Да ме нэм чөж эськө рад вөлі лоны важ кодъыс. Кувтөдз, бурджык, пастукалі. Тайө сьөкыд кадсө кө кытшовтны отсавны верми, то нинөм абу жаль. Сөглас, медым челядь лёддзөн вөтлысисны ме бөрся да нимтісны бордтөм ракаөн. Весиг эг чуйд. А тэ шуан... Тэныд лөсьыд, фронт ылө мунан да.

Закар Педөр вежаліс фронт ылө мунысьяслы. Война өзйөмсянныс жө сійө медводдзаысь думсьыс дивитіс мамсө, мый мөдыс эз вермы видзны писө ки дойдөмысь. Көть омөль киа, но думсьыс кутіс на надея, мый, гашкө, сійө шогмас. Сы вөсна и вөзйысьліс колльөдны военкоматөдз рекрутъясөс. Пөрнөй мужикъясөс колльөдөм бөрын босьтчисны том зонъяс бердө.

Закар Педөр вөлөн нуис служивөйясөс военкомат дорөдз. Сэсся бура дыр лажьяліс погона йөз дорті. Доймөм кисө зілис дзєбны. Пельнас кывзіс, мый вот-вот шуасны, мыйла пө тэ, удал молодец, абу фронт ылын. Ноко, марш военкоматө. А сэсся шынельөдасны и фронт ылө. Но зоньясөс нулісны, а сійө бөр рөдтіс гортас.

Торйөн нин сьөлөмсө пєслөдлана жальлун аслас драглөйлунысь босьтліс сэк, кор сиктө воліс усьөм верөс либө пи йылысь синва кисьтысь юөр. Сэки вель дыр поліс веськөдчыны дөва син улө. Лыддис асьсө мыжаөн, мый сылөн верөсыс сыысь на том, а кыз му улө водіс найөс дорйигөн. Сійө кос ки вөсна со мөсьяскөд да бабаяскөд воуйтө. И сійө мунліс вөрө. Пуясыс кыкисны сьөлөмсьыс шогсө, кызди пєжасьөм дойысь став лёксө нєньыштө лапкор. И скөравны да горзыны нывбабаяс ылө эз вермы. Сөмын со өтитор лоис.

Лунтыр шковгисны-вартисны нывбабаяс гумла вылын. Чепьяс öти бöрся мöд скöрысь нöйтисны кольтаяссö. Бытьö бабаяс на вылын лёксö песисны сысысь, мый вöли война öзйöмсянь коймöд сьöкыд ар. Рытладорыс воис татчö Марьялөн пиыс, дас öти арöса детинка. Эз вермы кутчысьны ань. Зонкалөн истан кодь вöсни кокъяс вылö видзöдлöм бöрын муткырмунис сьöлöмыс. Кор нывбабаяс вешйыштисны бокö, тэрыба шамыртис тусьяссö да суйис детинкалы зептö. Эз казаяв, мый бöрсянныс, бадьяс сайсянь, мыччысис Закар Педöр, овмöсса юралысь. Сийö, тöдöмысь, чайтис, мый Марья гумовтис эз нин китыр.

— Абу тай яндзимыд, Марья! Колхоз нянь выль горштö паськöдин!— ярмис сийö.— Ноко, гугöдöй зепъястö!

— Мед горшад тасасяс!— йöзасьöмысь повзьöмысла лёкмис нывбаба. Асьсö дорйöм могысь кутис водзö горзыны.— Видзöдлы детинка вылас. Ру кодь ветлö. Тэ тай Пома Васьсыд абу бурджык! Босът, вир юысь. Мед тшыгла челядыс сгинитасны...

— Па-а-сибö татшöм öткодялöмсыд, Марья,— мыктавтöдз воис Педöр.

А Ваня повзьöмөн дзорьялис то председатель, то мамыс вылö. Ланьтöмаöсь и бабаяс. Закар Педöр коклябөр вылас бергöдчис, лёк кисö морöс бердас топöдöмөн шавксьöдис раслань. Сöмын здук кежлö сувтыштлис, швачиктис кияснас бокъясас. Шуйгаыс эз и вöрзыв.

— Мый нö, Марья, лои?— сöмын öни юалис медся олöма нывбабаыс. Найö матыстчисны татчö Педöрлөн горзöм шы улö нин.

— Лоис тай,— шай-паймунöмысла тиралис гөлöсыс Марьялөн.

Сэсся либö воддза лёклунысла, гашкö, Педöрöс дöзмöдöмысь каитчöмысла ортсыö писькöдчис синваыс. Кыськö тай кольöма на усьöм мужиксö бöрдöдöм бöрын.

— Лёкыдла тай... вомысь петис.

— Ок, баба вомыд скöрйивсыд дзик каличтöм. Кутны кö верман...

— Сидзи, сидзи,— Марьялөн чужöм сертиыс эз тöдчы бöрдöмыс. Синваыс тюрöмөн тюрис. Бытьö сылөн кымöс вылас и сöмын веськалисны зэр войтъяс. Сэсся вичмис и и пиыслы.— Тэ вöсна öд! Бергалан сэни!..

Ваня векуштычлис дойысла, зырыштитис мамыслөн кос коль кодь чорыд кулак инмалан местасö, но бöрддыны эз лысьт.

А Закар Педöр дыр шöйтис вöрöд. Неуджыд рас вуджöм бöрын матыстчис анькытш му вылö. Друг кылис

кѳдза пѳвстын кышѳдчѳм. Вѳськѳдчис сѳтчѳ, медым челядѳс чуйдны. А сѳні йѳжгылясис Пиля пѳль.

Педѳр думысь войнаѳдз сѳмын пѳль пуктыліс сійѳс морт туйѳ. Сы дорѳ петавліс рытйысьны, варгыны олѳм-вылѳм йылысь. Сиктса мукѳд йѳзлы Педѳрлѳн мѳвпъясыс, кодъяс петісны сылѳн вомысь лунъясѳн юрас аклялѳм бѳрын, кажитчылісны тешкодѳн. Сѳмын Пиля пѳль дакайтліс сылы. Торйѳн нин смек вылѳ лѳптылісны сиктсаяс олѳм сюрѳс йылысь думъяссѳ. Найѳ вѳліны уналы гѳгѳр-вотѳмѳсь.

Помнитѳ, кызди ѳти крам праздник лунѳ яра босътчисны косясьны код мужичѳйяс. Пурсисны лѳкысь. Кыкѳн сѳтшѳма жбоньѳдчисны, мый ѳтиыс гырдермунѳма. Жаль лои Педѳрлы. Вын вылѳ надеятѳг, медым сѳмын виѳмысь мездыны, кутчысис дорйыны. Шѳракостад пырысьлы кыкнан боксянныс вичмис. Бѳрас пукаліс Пиля пѳль кильчѳ помын да юксис пытшкас пюзѳм мѳвпъясѳн вина румкаысь банйыштѳм нывбабаяслы:

— Школаын велѳдісны, мый шонді гѳгѳр муыс ветлѳ уна сюрс во. Йѳзыс олѳны код тѳдас корсянь? Уна-ѳ морт нѳм? Ён йѳзлѳн уна вылѳ кѳкъямысдас... Ме кѳ эськѳ мѳд государствоысь морткѳд аддзысигѳн окавны сійѳс уськѳдчи. Сѳмын сы вѳсна, мый ѳти кадѳ олам. Пѳшти ѳти кадѳ и огѳ лоій. Сѳсся мѳд йѳз. А ми зыртчам ѳта-мѳд вылѳ. Ас сиктад весиг зорйѳн жбоньѳдчам.

Бабаяс сѳк бара серам выв лѳптісны. А Пиля пѳлькѳд дыр на сѳрнитісны мортлѳн олѳм йылысь.

Ќні со сійѳ колхоз му вылѳ локтѳма. Едждѳдіс Пиля пѳль Педѳрѳс аддзѳм бѳрын. Вѳсни кинас быттьѳ нѳйтѳмысь вевттьысис.

— Эн удты некодлы, Педѳр,— кевмис сійѳ.— Пиян вѳсна эн янѳд.

Кык пи Пиля пѳльлѳн война ѳзйѳм бѳрын регыд мысти и мунісны гортсыс. Оліс ачыс монь ордас. Кизь кодъ пони челядь сылѳн. Нѳшта колѳ дзикѳдз омѳльтчѳм пѳльлы сѳян вичмѳдны. Сійѳ ас кок йылас омѳльтчѳмысла сулавны эз нин сяммы.

— Эг кут вермыны челядыслысь сѳянсѳ пайкны. Локті со анькытшсѳ...— дорйысис пѳрысь морт.

Кыссьѳма сійѳ му вылѳдз. Да и то ачыс сѳйны абу убѳлитѳма, орччѳн моз куйлісны сѳмын гоз-мѳд восътѳм пуртѳс. Мукѳдсѳ чукѳртѳма аскѳдыс вайѳм дѳра мешѳкѳ, коді ѳшаліс бокас. Эз кут видны сійѳс Закар Педѳр. Пуксисны орччѳн да дыр варовитісны сьѳктѳм олѳм йывсьыс. Кытчѳдз эз кывны челядьлѳн гѳлѳсьяс.

Векныдик трөпаод мыччысисны ар көкъямыса — даса некымын зонка да нывка. Закар Педөрөс аддзём бёрын найёс быттьо паралич кватитіс. Джём сувтісны.

— Пув вотны, тыдало, кайлёмныд,— налысь повзьём-сё аддзём бёрын, кызди поэо небыдджыка, шыасис Закар Педөр.

Челядь чөв олісны. Мужичөй воськовтіс медводдзаланьыс. Сійо тіралысь киён пунктіс муо чумансё да йёжгыльтчис.

И Закар Педөрлөн вирдыштісны юрас, кызди Пома Вась председателялігөн вёлөн ризъяліс өтиласянь мөдлаө. Нинём абусьыс лёксё песіс быдөн выло. Раскө дзевсьёмөн виччысис вөрө вотчыны кайём дас-дас кык арёса челядь-ёс. Сэсся кыйөдөм бёрын вөтлысис на бөрся. Көть эськө унджыкыслөн, сылөн пьяна ош моз горөдөмысь, варччөм кокъясыс ляскысьлісны му бердас. Мырддыліс чуманъяс-сё да лёкысь таяліс вотөссө.

— Лажъяланьныд! Кынөмтө тыртаньныд! Уджавны колө! Ставлы уджавны!

Педөр бөр лэптис чумансё, видліс өти тусь да малыштіс еджыд юрсиа зонкаёс юрёдыс.

— Лэччөй гортаньныд, регыд пемдас,— сөмын шуыштіс сійө.

Пиля пөлькөд тайө паныдасьлөм бөрас Закар Педөр быд рыт нуліс сылы асьыс пайкөм сёян. Но век жө Пиля пөль регыд куліс. Вөлөм, посняслы став вайём сёянсө сетө.

\* \* \*

Пома Вась восьлаліс гортланьыс тэрыба. Пузьём вирыс өддзөдіс. Думсьыс такөдіс асьсө сыөн, мый йөзыс со Василей Фомичөн нэмсө ыдждөдлөны. А Закар Педөр — Закар Педөрысь водзө эз и кайлыв. Борд пөла рака. Олөм тшыкөдысь. Кулан да видзөдлыны весиг ог волы. Збыль мөй кувтөдзыс на кутас сійө сы бөрся кыйкъявны? Көть мөдлаө овны мун.

Пома Вась кайис кильчөөд. Зіліс весиг вештыны видзөдлассө сусед керка вылысь. Пырис веранда выло. Көн-кө тані гөтырыслөн кнопкаяс вөліны. Аддзис чабралөм көрөб, көні куйліс некымын кнопка. Петкөдіс гортсьыс важ газет чукөр. Вель унаөс видзис, мед тупкыны паськыд верандаысь өшиньяссө. Мед Закар Педөрлөн йөрыс весиг синсө эз веж, ловсө эз парсав. Пома Вась лыддис, мый сылөн тшөтш жө эм лов.

## ШМОНЬ

Коми войтырыд радейтöны шмоньтö, но сöмын сэтшöмöс, кодi мортöс оз дойд, оз дöзмöд. Нэмъяс чöж серамыс ловзьöдлiс пармаса йöзöс, отсавлiс венны сьöкыдлунъяс. Быд сиктын и öнi на олö серам петкöдлыны кужысь ку-тшöмкö морт.

И мöдарö, уна сиктын эм морт, кодi нэм чöжыс сера-мыс улö олö. Мыйкö несiдз сьлөн сямыс ли мыйкö мöдтöр йöзсö шензьöдö, а гашкö, рамджык мортыс да воча кытö шунысö вежавидзö либö полö. Вöрыбын со Педьö Митипер Миш сэтшöмыс. Тушанас сийö квайтöд классö котралысь зонка кодь, а вын-эбöсыс пöрнöй мужикъяс дорысь абу жö ичöt. Азымлуныс, колöкö, весиг ыджыдджык. Сиктсаяс серавлöны, мый Мишыл вермас нянь чирйöмөн азя шыл сейны. Ичöt дырйныс сы вылын серам кыптылiс, кор вуг-расигас шатинсö шыбитигөн асьсö льöбийöдыс кыйлiс. Сэс-ся, кор гöтрасис Педöра Сандра вылö, Вöрыбса медся яр да чорыл сям нывсö босьтiс. Мукöдыс сы вылö эз ышты-ны, лэчыл гөлöссö кывзыны окотитысь Мишысь öтдор эз ло. Смилитöма ли мый, кодi öнi тöдас. Но гöтрасис да и ставыс.

Первойсö бытьö ладөн овмöдчылисны, но öд нывбаба-ыдлы лэчыл гөлöссö да ёсь кывсö сетöмаöсь абу гусьөн видзём вылö. Сиктсаяс тшöкыда кутiсны кывны налөн кер-ка пытшкысь Сандралысь горзöмсö. Дерт, вөлöмаöсь жö шуда здукъясыс, öти бöрся мöд кутiсны челядь лоны. Кизь кодьöсь на мукöдыс, а Педöра Сандра бара нин вомöдзыс рушка ветлöдлiс.

— Челядь вöчны удачаыл сöмын эм!— горзылiс Миш вылас гöтырыс.— Сэсся нинöмтор вылö он сяммы. Тусь ни пызь татшöм верöссьыл. Колöма мöд сайö петны. Ёнджык да уджачджык сайö. Нэм чöж эськö красуйтчи!

Миш татшöмторсьыс медся ёна дöзмö, но киён воны гöтыр вылас оз кöсий. Кыв шутöг петас керка дорö, пыр мыйкö ноксьö-вöчö. Мужичöйлөн ичöt тушаыс тыдалiс то сэнi, то танi. Сандраыс оз-оз да и сьöкыдджыкторъяс ачыс лэптыны петас. Сiдзи и олiсны. Луннас зычитö, войнас окалö.

Коркө төвнас (колхозъяс дырйи на тайё вөлі) сиктса мужичёйяс вель ыло кайисны вөр пөрөдны да гортаныс вежонъяс чөж эз мыччысьлыны. Сёянсө налы катөдліс колхозсянь ыстөм морт. А олісны кер пөрөдысьяс важонкодъ нин бырөдөм вөрпунктлөн өти шогмана керкаын. Рытъясыд кузьөсь, өта-мөд выланыс шмонитөмөн кадсө каттьөны. Медся ёна сюрлі Мишалы.

— Михайлөыс нө оз на узь?— шөпкөдчыны босьтчас Кузьма Виталей.

— Шкоргө нин, тыдалө,— вочавидзас кодкө, көть Миш сөмын на водіс.— А мый?

— Эн жө бара сылы аски больгөй,— водзө вашкөдө Виталей.— Öнтай сёян вайысьыд гусьөн моз висьталіс, мый Сандра дорас Васька Öньө ветлывлө.

— Вай дугды.

— Сё збыль.

Миш кылө ставсө, но гөлөс оз сет. Сатшис сылы тайё вашкөдчөмыс. Некедзи унмовсьны оз вермы. Син водзас сувтіс серпас, кызди Васька Öньө, өш кодъ ён мужичөй, милуйтчө Сандраыскөд. Öньөыс гөтыртөм на, да и нывбабаяс вылад, висьталөны, лют. Оз вермы водзө пөжны думъяссө Миш, звирк чеччас и вой шөр войө вөрса ордымөд гортас вөлыштас. Дерт, Сандраөс некодкөд эз су. Быдса кызь версттө котөрөн сорөн локтігад лолыс пөдөма. Тіра-лана гөлөсөн ыджыдалыштіс гөтыр вылас, няньтө пө этша мөдөдөмыд. Ковмис пө вөрсянь волыны. Босьтас тупөсь и бөр мөдөдчас. Воас сэк, кор мужичөйяс лөсьөдчөны нин вөлі петны.

— Мишыс, буракө, тшак вотны ветлөма лым увсьыс?— шмонитөмөн юаласны.

— Гортладорсяньыс локтө да. Сандрасө видлыны вартчылөма,— косьөбтас вөр пасьтаыс серам.

Та йылысь Вөрыбын өні на казьтылөны. Кодкө кө кытчөкө удайтчытөг ветлас, пыр и шуасны: Педьө Митипер Миш моз жө пө весьшөрө котөртлөм артмис.

Миш та бөрын некемын во на кын пу колхозлы йирис, гождөмнас мукөдкөд радын чөвтіс. Кор сиктө пыртісны электричество, ветліс велөдчыны монтерө. И со сэксянь кань гыж кодъ ёсь крука көртөн ветлөдлө.

...Таво тулыс монтеръясөс, Мишкөд тшөтш, мөдөдісны орчча сиктө сюръяяс вежлавны. Мишө думсьыс көсийс норасьны гөтырыслы, мый оз видзөдны сылөн арлыд вылө да том пыдди видзөны. Но мөдыс сылы паныд сувтіс.

— Ов, сідзкө, гортад. Сэтчө кө ветлан, то удждонсьыд

опріч командировочнѡй сьѡм на вичмѡдасны. Нинайдлы выль платтѡ колѡ нѡбны, Сашѡйдлы ботинки..

— Кыдзкѡ ѡд тырмѡдчам сьѡмсьыд,— дорйысьны босѡтчис Миш.

— Тырмѡдчам! Со эстѡн, пельѡсас, мешѡк сьѡм кодкѡ кольѡма. Ошало тай мян сьѡмыс.

— Сандра, абу нин ме кызь арѡса. Мунны кытчѡкѡ йѡзѡ. Петитча кѡ, мырдѡн оз тшѡктыны.

— Тѡ век татшѡм вѡлін. Кутасьтѡм кань кодь, шляпикасян сѡні. Тѡ вылѡ кѡ усим, кыснымѡс важѡн нюжѡдім.

— Эг на тай эськѡ сѡйтѡг водлѡй да.

— Менам пессьѡмѡн жѡ ставыс артмис. Тѡ помысь нинѡм эг лѡсьѡдлѡй. Коді мѡстѡ лысьтѡ, вердѡ-удѡ? Тѡ?!

— Турунсѡ ѡд пукта жѡ.

— Нѡшта сійѡс ме вылѡ ѡшѡд. Век ѡд ковмѡ мырдѡн вѡчны тшѡктыны. Нѡмсѡ менам мывкыдѡн олїс. Му-у-жик!

Миш эз кут сѡсся помасьлытѡм сѡрнисѡ водзѡ кывзыны, сьѡлѡмсянныс крапкис керка ѡдзѡссѡ. Медводдзаясь, гашкѡ, нѡмнас лѡк рѡспута каднас мѡдѡдчис орчча грездѡ. Эз эськѡ торъя ылѡ, комын верст костсѡ лыддѡны, но век жѡ горттѡ код тѡдас мый дыра он аддзыв. Сюръяяс сувтѡдлыны отсѡг вылѡ сетїсны Кузьма Виталей Павелѡс да суседыслысь Андрей нима бурлак зонъясѡс. Армия бѡрынѡсь нин эськѡ да, челядь вежѡрныс мукѡддырїиыс вирдыштлѡ на.

Кузь лунтыр уль сюръяяс муѡ суйѡм бѡрын том йѡз весиг гуляйтны на уйкнитлѡны. А Мишыд абу нин нѡньпом чибук кодь, жаявмѡныс мудзас. Водас ѡтнас налы лѡсьѡдѡм жырїѡ, думьяснас гѡтырсѡ омѡльтѡ пѡрысьѡ-нѡмѡ гортысь бокин виньгыр видзѡмысь. Тадзи и войяссѡ коллявлїс.

Тѡлысь сайѡ кыссис налѡн зимогоритѡмыс. Торїѡн нин бѡръя лунъяссѡ деливѡ вѡлі! Енѡжсѡ быттѡ розьѡдісны, зѡрыс кысьѡмѡн кысьѡ. Туйяс ботмисны, жугалїсны, и машинаяс дугдїсны ветлыны. Зѡра лунѡ жѡ Мишѡѡс ѡртьясыскѡд суис чѡмѡрыс. Колѡ эськѡ гортѡ веськѡдчыны, но мыйѡн? Сѡмын подѡн. Думыштлѡ Миш няйт лойѡмсѡ да ловгѡныс сувтлѡ.

Сьѡд кымѡръясѡн поньталѡм енѡжѡ видзѡдігѡн Миш зумыштчис и зумыштчис. Кадысь кадѡ кутїс юрсисѡ тїльны кияснас. Воймѡм кондалѡн бурысь кодь лѡзь лои. А сѡсся кос кабырнас мый вынсьыс косьыштїс пызанѡ. Сѡні стоквидзысь дозмукуыс ловзылылїсны, йѡктыштїсны.

— Павел! Оньѡ! Тї бара эн гѡтрасьѡй! Некор. Ме тїяны висьтала. Кыланнуд!—Мишлѡн голя петукуыс кутїс

скорысь каттысьны вылань, а сэсся яра пуксис ас месаас.— Гөтрасянный да став олөмтө другон киританныд. Вот тадз!.. Менө аддзанныд? Менсым олөмөс аддзанныд? Видзөдлөй ме вылө — ру кодь коли. И ставсө Сандра пычкис, вирөс бучкис.

Миш то горөдлас, то чинтылас гөлөссө. Шуалис сэтшөм сьөлөмсянныс, мый зонъясөс жальлун шымыртіс. Отлаын төлысь чөж мошкоритчигас сійө томуловкөд ладон олис да.

— Пөрысьө-нэмө зимогоритны мөдөдіс. Тайө сюръяяс дорас кувны поэь. Да сылы нө мый? Менам сгинитөмыд дөрөм кизь орөм кодь,— водзө лөвтис Миш.

Зонъяс шай-паймунөмөн пукалісны. Татшөмнас мортсө не сөмын найө, но и сиктсаяс пөвстысь некод и некор на эз аддзывлыны. Буракө, терпенньө мешөкыс потөма. Миш лөвтыштөм бөрын другон ланьтіс. Сэсся нинөм эз водзөсө шу, водис узыны.

Том йөз петісны ывла вылө.

— Сандратө ме төда. Сійө збыльысь весиг оз бөрддзы, Мишыс кө кулас,— чөвтис Павел недыр сулалыштөм бөрын.

— Бөрддзас на эськө да,— эз эскы Андрей.

— Сійө бөрддзас? Мед оз.

— Сөмын өд видлыны.

— Кыдзи?

— Юөртны, мый Миш дядьным доймис да куйлө.

Бытьтө садь юраөсь вөліны, а со кутшөм мөвп налы воис юрас, челядь вежөрыс пыркавтөм на да. Зонъяс кильскигтыр ветлісны телефона керкаө. Сиктын сійө өти вөлі. Юөртісны Миш суседлы ускөттө лөөм йылысь. Зэв сьөлөмсянн висьталігад кодныскө проводсө кыткө орөдөмаөсь телефоныслысь. А кор час-мөд унмовсьтөг куйлөм бөрын бара петавлісны ывлаө, то воисны өти кывйө, мый неладнө лои вөчөма пөсьйывсьыд да. Көтөртлісны звөнитны, но көзяиныс ыджыд гөлөсөн нин ропкис на вылө телефонсө жугөдөмысь.

Асывнас найө нинөм эз висьтавны Мишлы. Чөла чеччисны, нурьясисны да туйө петісны. Водзын Миш восьлалис. Вель өдйө вөлалис дженьыд кокъяснас, лойис рунь кодь няйтсө. Көнкө верст сизим вуджөм бөрын паныд лои совхозлөн медся вына машинаыс. Сійө вөляысь гудийс туйсө, кыссис налань. Локтысьсөс аддзөм бөрын сувтіс. Руль сайө шашаритчөм шопер төдіс найөс. Синмыс тайыр ыджыны кутіс-а. Сэсся мыччысис кабина өдзөсөд.

— Миш дядь пө доймөма, а сійө йөра кодь,— машина мотор шумсө венөмөн горөдіс сійө.

— Дойма мыйыськө,— броткыштіс водзё шавксьөдіг-моз мөдыс.— Шмонитны ставныд лөсьөдчаннуд. Мун, кыт-чө петін.

— Этайояс звөнитлөмаось да,— юрнас довкнитіс зонъяслань шопер. А сэсса вөр пасьталаыс ёрччыштіс юрас воём мөвпысь.— Дыш лои подөнтө локны да сійөн али мый звөнитлінныд? Ылөдлінныд ставсө. Менө Мишла мөдөдісны. Туйсө лоя, тіянлы паныд локта. Тьпу-у!

— Эн жө звөнитлөй?— сынөдсө апалігтыр артмис сөмын Мишлөн.— Эн жө звөнитлөй?

Андрей дорйысьыштіс:

— Тэ тай мыйкө төрыт рытывбыд лөвтін, мый гөтырыд тэнө увтыртө. Со и думыштім дорын узылыны велөдны. Мед өтчюд көть төдлас. Ачюд он жө путьмы-а.

— Эн жө өд менам доймөн йылысь юөртөй?— век на эз эскы мужичөй.

— Эз кө өд юөртны, ог паныд лок,— суйсис шопер.— Миш дядь, гөтырыдлы лөк лои. Укол суйисны весиг.

Найө ставөн чөв олыштісны. Шопер друг вак-вакөн косьөбтіс — гашкө, сы вөсна, мый сиктө оз вай шогсө — да сэсса чөвтис:

— Подөн эськө тіянөс водзё мөдөдны да. Но ог нин кут. Сөлөй.

Кавшасисны кузовө. Сылысь пьдөссө вөлі кыза вольса-лөмаось идзасөн, сы вылө вольпась шлапнитөмаось.

— Тайө нө мый?— шензыштіс Миш.

— Гөтырыд пуктіс. Мед пө коньөрүшколы небыдджык вөлі,— вөрзөдчигмоз шуис шопер.

Зоньяс Мишысь гусьөн прьснитісны, а Миш пиньсө мурчкөмөн пукаліс идзас вылын.

Сылөн керкаыс тыдовтчис ылысянь. Кыр йылын моз сулалө. Миш казяліс гөтырсө: потшөс бердө жмитчөма, чышъяна, кияснас майөгас шашаритчөма. Суседъясыс вель унаөн жө петөмаось.

Андрей да Павел машина мунігкостыс кузовсьыс чеччыштісны. Кузовө йөжгылясян коли Миш. Кабина бөръя өшиньөдыс видзөдө. Сылөн кыськө сьөлөм дінсянныс горшдорөдзыс каттысис ыджыд ёкмыль. Миш сэсса эз вермы крепитчыны, сувтіс да лов тырнас горөдіс:

— Ме өд эг доймы!

— Мишук! Мишук!— верөсланьыс зілис сетчыны Сандра, но кокыс эз кывзысь. Миш чеччыштіс кузолысь да уськөдчис сылань. Гөтырыс өшійис верөсылөн сьылі вылө, синваыс тюрөмөн тюрө.

— Звонитлісны, мый доймөмыд ёна,— ки-коксо видлавны босьтчис.

— Сюръяыс пөри,— другөн юрас воом мөвпө кутчысис Миш.— Садьос воштылі. Эсіё, йөйясыс, ёна доймөмөн чаймөтаось, звонитлөмаось өдйөджык.

— Эз жө өд гырк пытшкыд дөбельки вөрзы?— сыркьяліс водзө Сандра.

— Эз, мися, сөмын садьөй бырлі,— дзебис видзөдлассө яндзимысла ли другөн письтөм синваысла Миш...

Сэсса лун-мөд мысти кывсис, мый Кузьма Виталей, буретш сіё мужичөйыс, коді уна во сайын котөртөдліс Мишөс вөрсянь гортөдзис, гоз-мөдыс сизьдыштөма мыйыскө Павел пыслы пель бокас. А мыйыс — некод оз төд. Эз тай Вөрыбын паськав-а.

## НИМЛУН БӨРЫН

Пызан шөрө пуктөм дзузганлөн югөрыс эз весиг усь луннас на дзимбырөн мыскалөм джоджө. Пемыдсыс сөмын неуна восьтыштіс сямөдөн поньталөм потөм стөкан да көрт кружка, сола тшак тасьті да изөм идзас сорөн пөжалөм куим көвдум, көдзалөм тупыля картупель да сур тыра яндөва. Пызан сайын пукалісны куимөн: Пеклис Митрей гөтырыскөд да пельтөм Степан.

Рөмдөм бөрас нин көзаяка лөсьөдыштіс мужикьяслы кослунъя сөянсө да, дыр корөм бөрын, ачыс пуксис лабичө. Ичөтсянь печкыны велөдөм водз чуньыс да певйыс вөчалісны кытшьяс. Верөсыс, Митрейыс, комын вит арөс талун думыштіс асьыс пасыны. Нюрсмунөм бандзибьяса чужөмыс сьөдөдыштөма, синьясыс пыдөдз пырөмаось, быттьө балябөжөдыс петны көсейны. Пельтөм Степан косньөд жө, көзаяинсыс ар дасөн, буди, ичөтджыкөн висьталіс коркө. Пеклис Митрей гөтыр, сідзсө эськө нимыс Агни да, кос сартас перевода жө кольөма бөрья кадас. Со и пукалісны найө, нимлун сөйисны.

Пельтөм Степанөс Митрей эз сідз кор. Гаж вылө моз, мед бөрас көть нин лыддыны, мый комын вит арөс тыритас эз куш пөлыскөд пукав. Гөстьяс тшөтш вөлісны. Сөрнитісны медсясө гозья. Пельтөм Степан веськодя моз пу-

каліс. Сөмын югас көзиян матыстліс вом дорсө сылөн пельөдз да керка тырнас авөстліс:

— Степан, юыштам!

Мөдыс гөгөрволіс да тэрмасьтөг топөдліс кыз чуңьяснас сямөдөн гаровтөм стөкансө, сэсса пискапырысь сөдзөдіс сурсө. Пеклис Митрей важөн нин тшакөн поньталөма кылөдөмторсө, а гөсть век на сөдзөдчө пинь пырыс.

— Со, олөм пуксис. Нимлун сөйны некодөс корны весигтө он лысьт. Этійө пельтөм сысөйсыс өприч,— броткыштіс көзиян да содтіс.— Кылө кө вөлі и сійөс эськө эг кор.

Пельтөм Степан эз и бергөдчыв сылань, быттө эз и сы йылысь сөрнит Митрей. Мый пельтөмыдлы. Сідзсө эськө дзик кывтөмөн он шу. Пель дорас лов петмөныд горөдан да кылыштө жө.

— Водзті, помнитан, комын арөстө кызд празднуйтім. Сикт джынйыс миянын бергаліс,— водзө броткис Пеклис Митрей.— Да өд, Агни? А өні...

Мөдыс сөрни выв эз жө нин суйсы. Гогйөдлыштіс корсюрө юрнас. Сылөн аслас мөвпгъяс визъялісны, кызди вердны мөд жырыын узысь кык нывсө. Сэсса и аслыс да верөсыслы кынөмсө на мыйөнкө колө тыртны.

— А өд горзісны лөсьыд олөм йылысь. Кылан, Агни, горзісны!— водзө лөвтис гажмыштөм Митрей.— Колхозьяс, пө, мездасны лөк олөмысь. Мездісны тай. Нельөд во нин тай со тшыгйөн виньгырвидзам. Водзті кызкө да мыйкө век на бергөдчылім.

— Эн горзы, Митрей, кыласны,— гөлөс лэдзис гөтырыс. Сійө кунь-каньөн ветліс өшинь дорас, кыйкнитліс сап пемыд арся ывлаө.

— Тэ кө он удты,— друг серөктіс Пеклис Митрей.— А этійө пельтөм сысөйыс нинөм оз кыв.

Пельтөм Степан важ моз пукаліс, тяпкөдчис вомнас, сөйис тшаксө да чепөльтөм нянь торсө.

— Тьпу-у, олөм пуксис!— бара на ропкыштіс көзиян.— Гортад нин он лысьт нинөм шуны.

— Қымынысь тай ме тэныд гарышті, мый тайө колхозыд мянөс тшыгла виас,— өшинь дорысь локтігмоз ышловзис Агни.— Эг кө пырөй, колөкө, көнөсь нин вөлім. Кулачитісны эськө да нуисны. Со тай мыйта йөзсө няня муяссыс сьөд вөр шөрас вайисны.

— Шуан да шуөма лоө,— пидзөс чөланас кабырсө лэдзліс Митрей,— мыйкө неладнө жө вөчсьө тайө олөмас. Эз өд жө тадзи ков-а?

— Неладнө, дерт. Эз кө өд тадзи ло, та выйөдз эг жө воёй.

— Он тай кисьтав, Митрей?— чирыштөм гөлөсөн шыасис друг пельтөм Степан. Буракө, дышөдөма жө ас думъяссө каттыны. Кывтөгыд гажтөм сылы. Век өтка олөм кодь. Со и шыасис.

— Юыштам!— пель дорас горөдiс көзяин да сурсө кисьталiгмоз водзө равзiс.— Тэныд аски турун вайны колө! Он өд вермы юр висигад!

— Верма!— вашмунiс гөсть да бара босьтчис чирскыны-сөдзөдны юанторсө.

Недыр ставөн чөв олыштісны. Гажмыштөм Митрей сэсся горөдліс на ассыс лөсьөдлөм сьыланкывсө.

Ик-ик-ик да ок-ок-ок!  
Гөрд сарапан, еджыд сос,  
Визя чувки чөрвөнтьөм,  
Еджыд кашимер чышъян...

Мыйсяма олөм пуксис сиктас. Комынөд воө со колхозө сөльнитчисны. Кулакалісны кодсюрөбөс, шөркодя олысьяссө кызвынсө. Нуисны тэрыба кыпөдөм из гидня кодь қөдзыд картаө мөсьясөс, өтувтiсны вөвьясөс, да и заводитчис тшыгъялөм, йөв эз ло ни яй абу. Кытысь лоас, кор мөсьясыс турдөны. Весиг куйөдыс оз чукөрмы со. Турунсө ставнас варзайтісны-сөйисны, вольөс вылө моздор тыр эз коль. Сэсся и мужикъяссө на төв пуксьөм бөрын кер дорө ыстісны, тулыснас кылөдчисны. Гожөм шөрас сөмын му да видз бердө и слөймылісны кутчысьны. Кыдзи сэсся тадзитө озырман. Та йылысь верөсылөн ыджыд гөлөсөн сьылігөн мөвпаліс Агни. Другөн сійө кыйис ас вывсьыс Степанлысь видзөдлассө да повзис. Быттө кенясьыштөма сурсьыс синъясыс, а сы сайын кутшөмкө аслыспөлөс көдзыдөн өвтыштіс.

«Тшыкөдчысь али мый?»— вирдыштіс юрас, өдйө вештіс видзөдлассө.— Ю, Степан! Нимлун талун!— гашкө, да сөдысь нин рытывбыдөн горөдiс Пеклис Митрей, сэсся сөмын гөтырыслы кывмөн содтіс:— Добра тэкөд. Он бара удтөмысь пов. Сөрнит ас костад, мый көсьян.

Гозья эз весьшөрө повны. Мыйкө неладнө лои бөрья кадө сиктас. Сьөрсьөн-бөрсьөн нуисны гортсьыныс пыскыль кывья Ласей Гришөс, сэсся Кутш Сандраөс. Неважөн колхоз предсө, Зурыд Ондрейөс, вой улө видзөдтөг лэччөдісны. Пеклис Митрей гөгөрвоис жө мыйысь, но мортлы кывмөн эз лысьт висьтавны. Ласей Гришөс Социализм нима уж вөсна нуөдісны.

Колхозөдз сиктасаяслөн пөшти быдөнлөн вөлі өти вө-

лыд, а геждӱлӱн и кык. Нуисны ӱтлаавны да ӱти пӱлӱс нимаӱс чукӱрмисны. Со и мужикъяс артельӱн пукталисны выльясӱс. Гораджык нимъяс Зурыд ӱндрей тшӱктис. Ужлы, кодӱ вӱлӱ медся асныра да дыш, вичмис Социализм ним. Сетисны Ласей Гришлы. Коньӱрӱй, дзикӱдз матӱ воис дыр руньнад да, сикт пасьтала горзӱгтыр, вӱтлӱ:

— Сӱтана пызь! Тайӱ дыш «Социализмсыс» кор нин бара мынла-а!

Удтӱма кодкӱ: таысь, буди, и нуисны. Сӱдз тай Пеклис Митрей чайтӱ-а.

Кутш Сандраӱс видз шӱрысь турки-тарки жӱ нуисны. Ассыс вӱтсӱ висьталӱм бӱрын лун-мӱд мысти.

— Любаяс, сэтшӱм вӱт талун аддзылӱ,— тӱльгис сӱйӱ ӱти асыв пӱдругаыскӱд.— Гӱрд да еджыд петук косьӱ вӱисны. Еджыдыс мӱдсӱ, коньӱрӱс, гырӱдӱдз кокалис. Чермунӱ син водзын гӱрдыс. Мый водзӱ бара-а?

Висьталисны тай районсянь воӱм йӱзыд, мый водзӱ, кор нунысӱ волисны, ставлы кывмӱн шуисны:

— Тайӱ тьӱтӱыс нуӱдӱ йӱз пӱвстын Сӱвет властылы паныд агитационнӱй удж. Кӱсыйлӱма, медым еджыдъяс Гӱрд Армияӱс пасьвартисны.

Но коньӱр нывбабаыд весиг та бӱрын эз гӱгӱрво ассыс мыжсӱ.

— Тӱ кӱть мый, Агни, шу, а удтысьӱ кодкӱ сиктын, удтысьӱ.

— Оз кӱ ӱд, эз татшӱм ӱдӱй йӱзсӱ нуны,— ышловзис нывбаба. Сӱйӱ кывлис нин Митрей вомысь мӱвпгьяссӱ, мыйысь вермисны нуны йӱзсӱ.

— Кодӱ нӱ эськӱ вермас удтысьсны?

— Лешакыс кӱ тӱдӱ-а. Тӱ, Степан, он тӱд?— горӱдис гӱстьлы пеляс кӱзяин.

— Мый? Мый ог тӱд?— чуймис мӱдыс.

— Он кӱ тӱд и ладнӱ. Тӱныд кокныдджыка овсяс,— шеныштіс сы вылӱ Пеклис Митрей.— Вай юам, бурджыка узьсяс.

Вой шӱр гӱгӱр мужикъяслӱн пукаланиныс сьӱктис.

— Колльӱдышта Степансӱ. Петнысӱ йӱрсыыд тӱдтӱгыд лӱк,— гӱтырыслы чӱвтис Пеклис Митрей, важиник дукӱс пасьталӱгмоз.

Кор мужикъяс клӱнгигтыр петисны посводзысь да лӱччисны кильчӱ вылысь, Агни видзӱдліс узысь челядсьӱ да ӱдӱй босьтчис идравны пызан вывсӱ. Нывбаба сьӱлӱмнас кыліс кутшӱмкӱ шог. Пельтӱм Степанлӱн видзӱдлас вӱсна. «Збыльысь тшыкӱдчысь, буракӱ?»

Сӱдзсӱ пельтӱм Степаныс абу татчӱс. Батыс коркӱ та-

ні чужлөма. Сэссия зимөгоритны ветлігөн кольчөма кытчөкө. Няняджык места аддзөма да. Сы бөрын абу нин и волөма. Оз тай Агни төд вылас уськөд-а. Пиыс, пельтөм Степаныс, кык во сайын татчө мыччысис. Чожинь ордас овмөдчис. Сідзсө зэв мича чужөма зон, а вот оз кыв. Ёна жалитісны бабаяс первойсө. Батыс да мамыс тшыг воясө кувлөмаось да сійөн тшөтш и. Сирөта, пө, да нөшта пельтөм. Кыдз кутас овнысө, гөтырпуыд оз сюр ни.

Эз на удит пызан идралөн бөрын пуксыштны, кызди ыджыд шыөн лолалігыр пырис верөсыс. Нинөм шутөг, паськөмнас и быдөн, пуксис лабич вылө. Дзузган улын весиг төдчис быгалөм чужөмыс.

— Мыйкө лоис али мый?— повзис Агни.

— Эз,— сөдзөдіс Пеклис Митрей.— Вод.

— А тэ нө?

— Ме час пукушта на.

— Сурыд өд абу нин, ставсө юинныд, этшаник и пуыштли.

— Оз ков нинөм. Вод да узь.

Агни эз нинөм шу. Сөмын сьөлөмыс чеччөмөн чеччалө. «Мыйкө лоөма? Пельтөм Степаныс пемыдас усьөма, гашкө, загреки доймис, колөкө? Мыждасны сэссия Митрейөс? Либө мыйкө мөдтор?»— быдторйыс вирдыштліс юрас ныв-бабалөн вольпасяс верөссө виччысигөн.

Митрей вель дыр эз лок. Пыр пукаліс и пукаліс. Сэссия сьөкыда ышловзьөмөн чеччис. Пөрччысис да кыв шутөг водіс орччөн. Но тайөн эз жө вай Агнилы унсө. Кылө, мый и Митрей восьса синмөн бергөдчөма да куйлө. Вель дыр вөрзьөдчывтөг олісны.

— Агни, он на узь?

— Ог, Митрей.

— Кылан? Менө кө босьтасны, то төд, мый пельтөм Степан мыжа.

— Сійө нө мыйөн мыжаыс? Пельтөмыд?

— Сыын и делөыс, мый...— эз помав верөсыс.

— Мыйкө лоис али мый?— бара юаліс Агни.

— Гашкө, ачым гажа юрнад эг гөгөрво да?— сыланьө бергөдчис Пеклис Митрей.— Кывзы, тэ он помнит, вөлі эз пельтөм Степаныс Ласей Гришлөн уж вылас видчигас?

— Код төдас, сійө өд сикт пасьталаыс горзө вөлі. Пельтөм Степанысь өприч, ставөн, буди, кывлісны.

— А Кутш Сандралөн вөт висьталігас?

— Чөвтис жө сэк сійө турунсө. Он мөй помнит? Став дырйыд Сандраыс висьтавліс. Вөлі, дерт көнкө. Сөмын эз кыв-а.

— Зурыд Өндрейлөн шогалан собрание дырйиыс?

— Орччөн моз пукаліс, гонняліс. Көнкө эз гөгөрво, мыйла ставон чукөртчөмаось.

Колхозса пред Зурыд Өндрей вөлі нейджыд грамотаа, но збой мортон. Вөвлөм гөрд армеец, ранитчывлөма кокас. Колхоз котыртигад нырщикаліс. Сійон и бөрйисны йөзыс. Колөкө, өніөдз на предаліс, эз кө районсянь кабала ыстыны. Кулөма пө кутшөмкө ыджыд морт Москвавысь да тшөктөмаось правлениеас шогсян собрание нуөдны. Пеклис Митрей весиг овсө кулысьыслысь оз помнит. Кыдзкө эськө Зурыд Өндрейыс весиг шуис жө да. Чукөртчылісны правлениеө, юөртис преыд кувсьөм морт йывсьыд, а сэсся, буракө, жалитыштис колхозникъясөс вывти шөгө усьөмысь да чөв олыштөм бөрын збодеракодь содтис:

— Ти, төварышьяс, эн жө өна жугыльтчөй. Вежысьсө аддзөмаось нин. Индөмаось сы местаө.

Мөд войнас и эз ло сиктын Зурыд Өндрей...

— Агни, тэа-меа костын сёрнисө пока некодлы эн висьтав. Серам выв лэптасны. А нуасны кө менө талун рытъя сёрнисьыс, то сэки төд, мый Степан удтысис.

— Сөран жө нинөм абусө эськө...

— Сөра кө эськө бур да,— челядьсө садьмөдөмысь полөмла водзө вашкөдіс Пеклис Митрей.— Кор ми петім ывлаас да веськөдчим потшөслань, кералөм пу вуж вомөн. Ме төда да оськовти ыджыдджыка. А сэсся пеля мортлы моз шусис менам: «Степан, тани вуж да эн жө бара усь». Ог, пө, нурбыльтис сійө.

— Эз жө өд лючки тадз ло? Кыліс али нө?

— Дзик тай кылысь морт моз вочавидзис-а. Гашкө, каститчис да? Но өд эз жө. Зэв бура кылі шуөмсө. Колөкө, пельтөм улас лэдзчысьөма. А гажа юрнас ас төдлытөгыс артмис: вунөдчис...

— Дугды вай. Тэ өд эн этшаджык сыысь төкарит. Код юрнад пеляд мыйыс, көнкө, оз кыв.

Сідзи и эз вермыны унмовсьны тайө войнас Пеклис Митрей гозъя, мөд войнас шынеля йөз эз лэдзны дай. Верзьөмөн воисны кызь нель верст сайсянь, райцентрысь. Ыджыдыс скөрысь юөртис:

— Колхозъясөс видөмысь да выль олөмлы, Совет властылы паныд мунөмысь Митрей Корниловичөс да Агния Захаровнаөс шуөма арестуйтны. Кыдзи народлысь врагъясөс.

Агнилөн омлялөмысь да челядьлөн бөрдөмысь сикт джынйыс садьмис. Пеклис Митрей гозъя верзьөмаяс костын подөн веськөдчисны райцентрлань. Челядьыс эськө вөтчы-

ны босътчылісны, но ыджыдыс кыз тай горөдіс на вылө— джөм сувтісны сыркъялігтыр. Пеклис Митрей гозьяос сэсы сиктысь некор нин эз аддзывны. Недыр мысти муніс жө татысь и пельтөм Степан. Другөн, весиг чожиньыс эз төдлы. Думайтисны нин весиг вөйөмөн либө вөрө вошөмөн, юсьыс и вөрсьыс корсисны.

Вель дыр мысти, война кусөм бөрын нин, өти нывбаба карысь сійөс аддзылөма. Быд паныдасьысьлы висьтавліс: муна пө карөд, видзөда — пельтөм Степан пукалө пу улө вөчөм лабич вылын. Ме синьясөс чашкөді, матыстчи, збыльыс сійө. Менө казялөм бөрын көсийс весиг чеччыны да мунны. Но ме сойбордөдыс куті. Пеляс горөді, мися, Степанос ми мөдар югыдысь думайтам, а тэ ловья со. Сі йө нетшыштчис да зэв лөкысь чөвтис — эн пө йөзсө повзьөдлы, абу өд пө пельтөм. Дивө тай. Енмыс эм жө, пельясыс кө Степаныслөн воссисны.

## УСКӨТТЬӨ

Кузяөн совхозса юралысьяслы вачкөма жө вежөрас, мый өнія том йөз, гашкө, весиг пицаль улын оз кутны стрөйтны аслыныс керкаястө. Сы вөсна и, төдөмысь, кутчысисны кыпөдавны налы оланіньяссө овмөс отсөгөн. Дась лэптөмас пө мед көть нин пырасны да жируйтасны. Мед сөмын бокиө эз уйкнитны-а. Ёль сиктө быдса дас керка гымөбтисны. И збыльысь өд. Овмөдчисны сэтчө томуловыд, эз бокиө мунны. Митрей Габов гозья со карлань кок ныраөсь нин вөліны да усьмиритчисны весиг. Кольччисны сиктад. Накөд орччөн овмөдісны школаса велөдысь Виталий Валентиновичос гөтырыскөд. Быдөнлөн торья керка, торья жө и град йөр. Ов да ов сөмын. Гөйьыд, майбыр, эз вөрзья керьяссө лэпталігөн. Юрсныд эз жө чирссьы кирлича-шипера көлуй вайиг-вишкигас и.

Тулыснас, кор веж турун нырсө мыччөдіс, Митрейлөн гөтырыс, Люба, паніс сёрни Виталий Валентинович гозьякөд. Ачыс көзяиныс абу татчөс, карса. Но со тай вужьясьны көсийө, буракө. Гөтырсө, Катясө, Ёль сиктысь аддзис. Тані и көлысьсө вөчисны.

—Ми со Митякөд мөвпыштім кукань босътны. Мөскөдз вайөдны,— кызіник льөбьяса вомнас мичаа ворсігтыр юөр-

тіс соседьясылы Люба.— Қод төдас, колөкө, кага регыд лоас. Лёльёнад кокньыдджык.

— Но-о!— шензыштіс Катя, а ачыс кыйкнитліс верөсланысь.— Но-о! Сьёкыд өд мөстө видзнытө лоө. Туруныс кытысь?

— Совхозса директор индөма быд мөска семьялы торйөдны видзтор. Сава шор дорысь.

— Сэтчөдз өд дөбельки на ылын,— шуис Катя.

— Ылын? Сизим верстыс тэныд ылын лои,— збояліс соседкаыс.

— Ме кө кужи ытшкыны да зорөд тэчны, то босьтчи жө. Мөстө, мися, видзны,— көрыштліс нырсө Виталий Валентинович, крепыд вир-яя кызь нель арөса мужик.— Зарядка местаө эськө турун пыртлі, карта вылысь куйөд петкөді. А тэ, Катюк, лысьтысин.

— Дыр өмөй ытшкынытө велөдчыны,— шензыштіс Люба.— Ме кө тіян местаын, кутчыси жө. Ньөби жө эськө куканьтө.

— Тэ ас местаад ньөбөмыд нин,— орөдыштіс Катя.— Тэ мый, миянөс агитируйтны локтін?

— Сы вылө лачаөн эськө да,— эз кут кытшлавны соседкаыс.— Митя ыстіс. Пет пө да тшөтш жө усьөд, мед кукань лөсьөдасны. Артельнад пө турун пуктыны лоө кокньыдджык. Вайнысө тшөтш и.

— Думыштылыны, сідзкө, ковмас,— бара нырсө көрліс Виталий Валентинович. Сэтшөм сылөн модаыс. Нырсө көрыштлөмөн лэптыштө усьысь өчкисө.

— Збылысь өд, кызкө и ми майшасям,— ышловзис Люба.— Менам бать-мам мөстө эз нин видзны. Тшөтш жө тайө уджыс дикөвинка. Митя тай зэв збоя босьтчис-а. Ог төд, ог төд. Гашкө, өтвылысь кө-а.

Люба мунөм бөрын Виталий Валентинович Катяыскөд вель дыр мурталісны-арталісны да и тшөтш жө думыштісны вөтчыны Габов гозья бөрся. Лун-мөд мысти вөчисны йөртов, лэбув. Гидсө пө гожөм чөжнад лэптам. Митя көсийысис керсө весиг вайны. Сылы кивывджык, трактористалө совхозын да. Нимкодьясла, мый соседьясыс тшөтш жө кукань быдтыны босьтчисны. Сійө весиг тшупсыны отставны лөсьөдчис.

Тадзи олісны турун пуктытөдз. Куканьяс вылас любуйтчөмөн. Кыкнан гозьяyslөн кага на весиг абу. Ризьялысь куканьяссө пузчужөм кагаысь на бура видзисны. Пузьөдтөм ваөн весиг эз юктавны.

Но турун пуктыны петтөдз, Иван лунөдз на, кыкнан семьясө ускөттө сунис. Митрей Габов неньпом чибук моз

чеччыштöма трактор кабинасыс. Абу и видзöдлöма кыт-чö, да лёк ногөн лапкыштöма кер вылö. Коксö чегис. Гипсö тöбисны. Любаыслы, кор школа библиотекаас, кытөн сийö уджалис, юөртисны, то сийö первой эз бара верöссö жалитышт, а горöдис:

— Код нö кутас турунсö пуктыны!

Катя со вольпасьöдз жö водис. Сиктса пекарняас пö-жасигөн пöсьвывсыд юöма трубаысь сöмын на вайöм йи кöдзыд ва да температураыс чеччыштöма код тöдас кыт-чöдз. Горшыс куржевитöма, сöмын киргёмөн вашкöдчö. Бур, мый Виталий Валентиновичлөн каникул да ёна пестуйтö сийöс. Но турун пуктыны кайлём йылысь сёрни оз вермы лоны. Катяыслөн та вылö удачаыс вель дыр оз ло. А öд куран-косаяс нин дасьöсь. Иван лун бöрын вежон мысти Виталий Валентинович, мыжа морт моз, довгис Габовьясö.

— Мый кутам вöчны?— öдзöссö восьтигмоз не то асьыс, не то тöбөм кока Митялысь да сы дорын бергалысь Любалысь юалис сийö.

— Ог и тöд,— нурбыльтис кöзяин.— Ме, ас пайысь, абу куртысь ни ытшкысь. Аддзан со.

Сийö тапкöдыштіс еджыд тшая коксö.

— Мыйкö öд колö жö вöчны?— водзö юасис шай-пай-мунём велöдысь.

— Мый вöчны?— верöс вылас видзöдліс Люба.— Гашкö, ми Виталий Валентиновичкöд кыкөн видлам турун пуктыны да?

— Ме... ме öд ытшкынытö ог куж,— нурбыльтис соседыс.

— Сидз эськö да,— ышловзис Митя.

— Велалан. Ме öд кужа. Велöда.

— А зорöдавнысö?— водзö майшасис Виталий Валентинович.

— Кыдзкö öд тэчам жö. Ме ылöсас тöда жö кызди зорöдалöны,— эз бара майшась Люба.— Пуктам кыкөннад. Куканьыдлы тöвйынытö оз на дöбельки уна турун ков. Сэс-ся öд бытён колö пуктынысö...

Мöд асывнас курксёмөн кызысь Катя да кöстыльяс костын сулалысь Митя колльöдисны Любаöс да Виталий Валентиновичöс видз вылö. Дöраөн гартлём да гезйөн кöртавлём косаяссö киас кутис велöдысь. Кык пелькиник куран вöлі школаса библиотекарь киын. Сийö первойсö весиг пуктіс пельпом вылас курансö вывлань пиньясөн. Та вылö Катя шуыштіс:

— Татшöм мича луннас öд он жö зэр кор.

— Мый?— эз гөгөрво верöсыс.

— Куран пиньясыс кө ылө видзөдчöны, зэр лоас,— тöдмөдiс гөтырыс.

Люба нинөм эз шу, но куранъяссö бергөдiс да чөвтiс:

— Мунам сэсся.

— Мунанныд, дерт. А то вель дыр нин колльөдчам. Мөнө армияө мунигөн весиг тадзисö эз колльөдны,— шмони-тыштiс Митя да мыжаа вашнунiс вомкөтшнас.

Люба да Виталий Валентинович вөрзөдчисны Сава шор дорлань. Кольччысыяс виччысисны саймовтчөмсö да чөла разөдчисны. Катя голя көртөдсö лөсьөдыштiгтыр, а Митя öти кокнас чеччалөмөн.

Лун шөр лотөдз Катя пыр мөвпалiс страдуйтны мунысыяс йылысь. Со кутшөм мича луныс. Татшөм кадад видз вылад добра. Төвру пөлыштö, öвадсö вөтлө. Сава шорыс вель паськыд на. Позьö мыссыштны коланiнө. Сэся и ытшкөм турун вылас на нюжгөдчыштлыны. Мый?! Нюжгөдчыны?! Тайö мөвпыс сатшис том нывбабалы юрас. И кутiсны другөн визъявны вежөгтана серпасьяс. Збылысь кө нюжвидзны кутасны öтлаын моз. Колөкө, мыйыс оз на костын сөтвөритчы. Татшөм гажа каднад. «Менам öд дасөд лун нин өна нөрпалөмыслы лои. Виталей весиг торйөн узьлө, мед меным бурджык вөли. Тайö каднад вөраыс тыри нин»,— мөвпалiс Катя. Сэсся кутiс новлөдлыны вежөрас, кызиджык Витяыс видзөдлывлө том соседка вылас. Öд баскө сийö, Любаыс. Энлы! Мөйму кызкө несидз видзөдлiс сылөн гожъялөм кокъяс ылө. А вөйдөрлун! Юрас воысь ыль мөвпсыыс весиг гөлөсыс вөссылыс. Минут мөд чушикасис керка джоджөд. Сэсся эз вермы асьсö такөдны да петiс Митя дорö.

Сийö буретш пусьö вөли.

— Гажтөм лои?— нюммунис том морт.

— Эз на эськө да,— повзьөм синъяссö зiлис дзебны Катя.— Думайтсьö тай со. Ми со гортын тытвидзам. А налы ки жаявтөдзыс сюрас.

— Сюрас, дерт. Тэнад Виталейлы мөрччас талун. Велавтөгыд.

— Сийö эськө абу жеб да.

— Көть кутшөм. Турун пунктөмыд абу ручканад öтметкатö пасьялөмыд.

— А сылөн и талун на школаыс вөли дум вылас,— заводитiс каттысыны аслас юалөмөдз том нывбаба.— Каникул, а быд лун школаö мунö.

— Менам тай Люба котралö жö да. Ремонт пö.

— Дугды. Менам Витя помасьомён нин вöлі висьталö да.

— Гашкö...

— Кывзы, Митя, войдөрлун Любаыд ветліс жö?

— Ветліс.

— Нель час бöрас?

— Сэк буди-а. А мый нö?

— Сизимын локтіс?

— Сэк гөгөр. А мый?

— Нинём эськö да. Менам Виталей сэк жö ветліс школаад. А директорсö, Николай Матвеевичтö, сійö луннас аддзылі да шуö вöлі, мый став учителясыс пö талун шойчöны.

— Мукöдыс, гашкö, и шойччисны да. Менам тай Люба эз-а.

— Но, сідзкö...— нурбыльтіс Катя, сэсся петіс гортас.

«Збыльысь öд Люба войдөрлун школаö ветліс,— соседка мунём бöрас пырысьтём-пыр юрас вирдышталісны мөвпьяс Митялөн.— Катя со шуö, мый, Виталейысь да Любаысь öприч, некод сэні абу и вöлöма. Öні со кыкөн жö видз вылö мунісны и. И мыйкö зэв зіля Люба уськөдчис. Тöрыт со лочки ачыс вöзйис, мый кыкөн пуктысьны кутасны...»

Митя думьясас сідзи вöйис, мый эз казавлы, кызди мөдысь солаліс шыдсö. Видліс да клящöй сола. Весиг первойсö шпыньмунліс. Дум вылас усн батыслөн висьталөмторйыс да. Сійö унаысь тайöс висьтавлывліс. Кызди öти гозья думзунлөмабсь сідзи, мый весиг оз сёрнитны. Петасны кыкнанныс ывла вылö. А паччöрын куйлысь пöль думайтö: «Тайö лөгасьом вöсна некоднанныс талун шыдсö, клöккö, оз солавны». Кашкигтыр лэччылас, кыскас пачсьыс шыдсö да солалас. Сöмын удитас бөр кавшасьны, зятьыс пырö. Тшöтш гур-гар кыскас чугунсö да пань тыр совбруткас. И бөр петас. Сутш мысти гöтырыс круп-крап воас. Пач пöдан вештас да бара чугунсö кыскылас. Ассьыс пай солалас. Тайö казтылөмыс недыр кежлö и саймовтліс Митялысь гöтыр да сосед йывсьыс мөвпьяссö. Öд буретш турун пуктігөн и гөррдзасьліс сылөн да Любаыслөн радейтчöмыс. Татшөм гажа каднад пö гут-гаг весиг öтамöд вылас кавшасьны видзөдчöны. Кутшөм нин йöз йылысь сёрни. Со тай Любаыс кымынысь гарыштліс, мый пö тэнад, Митюк, тракторист мортлөн сой вечикыд вöсни. Со пö, Виталий Валентинович, учитель морт, а кабырьясыс ичöt пөлөс чугун кодьöсь, сойсö быттö гезйысь гартөмабсь.

Сьөлөмыс чеччөмөн чеччө пөж думьясысь, некызди Митя асьсö такөдны оз вермы. Шашаритчис көстыльясас да

на отсөгөн нуис асысö сосед ордас. Кильчö вылас сулалысь  
Катя зiлис вашмунны:

— Со öнi нин тэныд гажтöм лоöма.

— Мича жö лун пуксис, шуа,— Митя видзöдлассö дзе-  
бис соседкасыс.

— Мича, мича.

— А ми гортын пукалам. Виталей помсыд, думайта да,  
зорöдыд оз кай.

— Но эн жö сэссия омöльт. Кыдзкö öд чöвтас жö.

— Кыдзкöнад став туруныс сiсьмас. Либö зорöдыс по-  
тö-вальмунö.

— Любаыд öд шуис, мый тöдö тöлксö.

— Кыв вылас, буди, сöмын жö-а. Ме тай мурталi-мур-  
талi да со мый юрö воис. Гашкö, аслым ветлыны да. Кöть  
нин велöднысö. Öти кокнад ог эськö вермы да... чöвтнысö.  
Но кöть нин индавынсö.

— Сава шорöдзыд öд вель ылын. Кыдз нö сэтчöдз кок  
пöвнад мунан?

— Кыдзкö-мыйкö öд...

— Тэнö öтнадтö ог лэдз. Сёрни весиг оз ло. Менö кö  
аскöдыд босьтан...

— Тэ нö висигад кытчö мунан?

— Тэ мöй он вись? Лёнчикасян öдва. Ме тэ дорысь  
збойджык на.

— Тэ, вай, эн вөрзöдчы. Öтнам нин кыдзкö йötкася.

— Друг да мыйкö лоан. Усян ли мый ли... Сэки кодi  
отсалас? Ме думысь, мунны кö, то кыкнаннымлы. Меным  
быттö весиг кокныдджык öнi лои. Оз нин юрöй асывъя  
мозыс пот. Муна кö, то куртнысö на отсала и...

Шурк-шарк лöсьöдчисны Катя да Митя петны видз вы-  
лö. Сиктбокса вөрö пырöм бöрын Катя весиг зiлис коскö-  
дыс кутыштлыны том мортöс, мед эз крукась надурнö вы-  
лад да нöшта загреки эз ло.

Люба да Виталий Валентинович асывнас лючки-ладнö  
воисны Сава шорбокса видз вылö. Öшöдiсны пу ув йылö  
сёян тыра нопторъяссö да кутчысисны ытшкыны. Люба пет-  
кöдлiс, кыдзи колö вöдитчыны гөрбуш косанас. Кокъястö  
пö паськöд, гөрбыльтчы да сэссия швичнит шуйгавыв. Вель-  
кыд кид пö мед сэк вöлi вороп вылиас кутчысьöма, шуй-  
гаыс улиас. А веськыдыв öвтыштiгөн мед мöдарö. Мед  
век вöлi киясыд быттö крестасьöмаöсь ытшкыштiгас. Лю-  
ба тажъясьöмөн сувтiс да петкöдлiс.

— Гөгөрвоин?— юалис сэссия.

— Гөгөрвои,— вочавидзис мöдыс.

Тыдалö, абу ёна гөгөрвоöма. Сöмын полiс, мед мый

вынсыс өвтыштөмнад ачыс дурпоп моз эз бергавны кут-а. Өтчыдысысө шаркнитис да турун веркөстис косаыс шутөв-тис. Мөдыс улөджык зилис лэдзны да муас весьт кык пырис коса йылыс. Час мысти кымын вель паськыда посни вутшка местасө мольөдис. Та бөрын быттьө артмыны кутис. А Люба сы дорыс ылө вешйис. Мөдар боксянныс ытшкө. Артмө сылөн. Сөмын вольсалө турунсө.

Люба уджалігмоз чатөртчывльвліс, кыйкнитльвліс, кызди ладмөдчө соседис. Аслас юрын первойсө зэв мича мөвпьяс шльвгисны. Гажа кад гожөмыд. Казьтыштис нывдырся юрасьөмьяссө, пажын дырйи купайтчөмьяссө. Апа-ліс турунөн өвтыс чөскыд сынөдсө да мудз төдтөг ытшкис водзө и водзө. Да, гажа кад. Помнитсө, дас вит арөс тыран гожөмнас видз вылын жө первойясыс оқыштчыліс. Эз, эз Митякөд тайө вөв. Карыс отсөг вылө ыстылөмьяс пөвстыс вөлі зонмыс. Сысыс, Любаыс, ар витөн кымын ыджыдджык. Первойсө синмасисны, синмасисны. Сэсся зонмыд, буракө, кыйөдөма, кор Люба өтносөн юрсө лөсьөдыштны кольччас. Мукөдыс кыддза рас сайө мунісны-а. Матыстчис сэк да и оқыштіс. Любалөн сьөлөмыс морөс кудсыс быттьө петавліс, лолыс тупкысыліс и. Сэтшөма кажитчис тайө. Да и зонмыс мичаник, небыдик парьяса. Морөспань улыс тай тіравны весиг кутліс-а. Сэтчөдз, кытчөдз зонмыд эз кут личкыны юр саяс. Кызди сывйыштіс, кокнас босьтчис сконйыштны. Люба и горөднысө эз лысыт, яналөмыс поліс, и водзсасыны выныс оз суйтчы. Гашкө, мыйкөкертис, колөкө, сэк и эз кө өти юр кыскалыс детинка вөвнас сәті кут скачитны. Повзис окасыс зонмыд, лэдзыштіс сывьяссө. Люба налим моз вильснитис кияс костөдыс да кыз тай уськөдчис мукөд бабаяс дорө. Та бөрын видз шөрас и пыр юрасис.

Өні тайөс казьтылігөн өнасө сылөн сьөлөмыс эз жө нимкодяс. Видз вылад кө тайө дивөыс лон, то абу жө эськө бур да. Сэсся Люба друг кыйис ас вывсыс Виталий Валентиновичлыс тыр синма видзөдлассө да сэкся моз повзис. «Мый бара сійө тадзи видзөдө-а»,— мөвпыштіс том нывбаба да киясыс асьныс быттьө уськөдчисны лөсьөдыштны платтьөсө.— Төв нырнас али мый платтьө бөждорөй качліс? А друг да Виталий Валентиновичд личкыны думыштас? Кытчө сәки пышйынысө уськөдчан?»

Люба вөлі буретш ытшкө соседислы паныд локтігмоз. Өні вочасөн кежис боквыв да кутис вешйыны ылөджык и ылөджык. Весиг сэсся пажнайтнысө сөрөнджык пуксыліс мужичөйыс. Көть эськө өна Виталий Валентиновичыс чуксаліс өглаын сөйны да.

— Ог на кӱсйи,— вочавидзліс сылы Люба.

Виталий Валентинович первой шеныштӱм бӱрас нин кутіс быд ногыс видны асьсӱ. «Йӱйтавлан жӱ мукӱддыр-йиыс. Он кӱ ӱд, эг жӱ босытчы куканьсӱ быдтыны. Мый морла кӱ тай вӱтчан жӱ тайӱ Габов гозъя бӱрсяыс,— думайтис сійӱ.— Габовыс синтӱм али мый? Кер вылас лапкыштӱма». Ытшкӱмыс некыдз ладмыны эз кут. Сійӱ унаыс веськӱдліс коссӱ. Сувтліс да вель дыр дзоргис Люба вылӱ. Зіліс гӱгӱрвоны, мыйла сылӱн сэтшӱм шылыд покосыс. Кызди сылӱн татшӱм бурасӱ артмӱ. Казявліс, мый мӱдыс кызкӱ тешкодья кыйкнитлывлӱ сы вылӱ да водзӱ кутчысыліс нӱшта ӱдйӱджык ытшкыны. Дӱльӱдчӱ быттӱ. «Ытшкыны эськӱ ытшкам кызкӱ. Но ӱд зорӱдавны колӱ. Куртнытӱ абу сьӱкыд. А зорӱдсӱ лӱптыны? Сійӱ сӱмын кино вылын ӱдйӱ лыбӱ. А кужтӱгыд гандайтчан дзикӱдз. Ойя дай ойя жӱ эськӱ да...»— майшасис Виталий Валентинович.

Часыслӱн ичӱт стрелкаыс вит часӱ видзӱдны кутіс. Коскыс сылӱн омӱля нин куснясис, ки-кокыс лыжаліс. Весиг нимкодъ лои, кор пуяс сайсянь быльснитіс сьӱд кымӱр ӱкмьы да кутіс кырсьыны-зэрны. Сійӱ тӱрыба котӱртіс коз пу улӱ. Видзӱдӱ да зӱв нин сылӱн лапъясыс ичӱтӱсь. А со Люба пашкыр коз аддзӱма. Ризӱдіс сы дорӱ. Кӱсйис сувтны орчӱн, но нывбаба вешйыштіс бокӱджык. Кӱтӱ эськӱ жар луныс вӱлі, но зӱр ваыс кӱдзыд жӱ. Люба вӱсни платтӱ кежсьыд кынмыны, тыдалӱ, кутіс. Виталий Валентиновичлы жалъ лои. Мудзысла сьӱкталӱм кыз сойяса кинас кӱсйис топӱдны сійӱс, мед шоныштас. Люба тай кызд чилӱстіс:

— Эн галитчы! Менам ӱд мужик эм!

— Мый тӱ, Люба, он жӱ татшӱмтор думышт: ме жӱ сӱмын шонтыштны кӱсйи, кынман да.— И бара кӱсйис сывйыштны.

— Эн, мися, малась! Эн и думайт, мый сетча!..— лӱкгоршӱн горӱдіс мӱдыс.

— Дзик тай тӱ, мыйкӱ неладнӱ думайтан.

— Ставныд ті, мужикъяс, ӱткодьӱсь. Сійӱс и кыйӱданыд.

— Но. Сӱсся кыкӱн кӱ мунім видз вылӱ да сӱмын кӱ кыкӱн тані, вӱр шӱрас, то быттӱ сӱмын сійӱ и дум вылын...

— Ставныд ті ӱткодьӱсь!— кӱсйӱ чепӱсйиыны мӱд пуланъ Люба.

— Тӱ думысь кӱ, то Митяыд да менам Катя гортаныс ӱтнанысӱсь жӱ. Сідзкӱ, тшӱтш жӱ али мый тайӱс думайтӱны?— сералігмоз шуаліс Виталий Валентинович.

— Митя?! Сійӱ... Митя да Катя... Ми...— кывъяссӱ

ныбылалігтыр зіліс мыйкө висьтавыны Люба, но сэсся друг ланьтіс. Весіг пышійыны көсійөмыс вуні.

Сьод кымөр быттьө сувтіс на весьтө, весіг гымавыны кутіс. Виталій Валентинович думсьыс век на сераліс Любалөн татшөм дивө кодь думьяс вылас. Сулаліс сійө вөрсянь петысь ордымлы воча да первойөн казяліс локтысьясөс. Көстыльясөн йөткасігтыр мыччысис Митя. Атшалөма, өдва пошиктө. Катя шымыртөма сійөс коскөдыс, тшөтш жө мудзөма.

— Но-о, ми кыссям-локтам отсөг вылө, а зэрмис,— сувтыштис турун пуктысьяслы воча Митя да зіліс вашмунны.

— Менө неуна кокньөдыштис да куртны локті...— тшөтш жө мырдысьөн нюмуніс Катя.

Юрьяс весьтын кыз тай чардыштигмоз зяткөбтіс-гымыштіс. Таысь, а, гашкө, юрас вирдыштөм мөвпсьыс, Виталій Валентинович весіг лыжыньтчыліс. «Мыйкө на костын вөлөма али мый? Мыйла мыжа мортьяс моз нюмъялөны кыкнанныс?»— мөвпыштис сійө.

...Аскинас Виталій Валентинович петкөдіс горт йөрсьыс куканьсө. Джаггөрөдөн көрталіс сьыліас гезтор да сувтылтөг нүөдіс нельнан кокнас пыксьысь пемөссө бөр совхоз картаө.

## ВӨТ

Арсень Мить пенсия вылө петөм бөрын во куим гортас оліс, шойччис. Позьө кө шуны шойччөмөн асывсяньыс ытөдзыс кад каттьөмсө. Гашкө и водзө на тадзи оліс, но карса нылыс овмөдчис кооперативнөй патераө да ковмис быттьөн отсыштны. Совхоз пенсия вылад он жө өна паськөдчы. Турун ваялөмсьыд да мукөд сьод удж вөчөмсьыд удждоныс ичөт чуктывлис да пенсияыс эз жө уна вичмы. Сы вөсна и медасис порсь видзан картаө войся стөрөжөн.

Талун первой вой узыны локтіс. Гаж вылө ли, мый ли сы бөрся вөтчис Катя. Геня сватыс. Ськөд, дерт, гажаджык. Бызө-базө кодь морт да. Пукалыштисны ытыывбыд. кыкөн. Сэсся Катя Геня өдзөссө восьтігөн нин сувтовкерыштис да быттьө шмонитігмоз чөвтис:

— Сватө, тэныд лөсьыд удж сюри. Быттьө юр вежөрнад кө артыштан.

— Абу жö эськö ёна вежалана удж да. Гортад узылыны бурджык на,— вочавидзис Арсень Мить.

— Содтöд сьöм позьö дорны. Бытьö вежөрöнджык кö овны.

— Эн сөр нинöм абусö. Порсь куйöдсьыс али мый?

— Порсьпиянсö кö, шуам, вузавны. Райцентрö кöть карöдз лэччöдöмөн.

— Кызди вузавны?

— Эн йöй улö лэччысь. Ачыл думыштлы. Кутас, шуам, энь порсьыс пиянасьны. Код бабитас? Тэныд ковмас. А код тöдлас, кымын порсьпи вöльнöй светас былсьнитис? Некод оз. Найö жö матö дасöс вермöны пычыктыны. А тэ кыкöс купайка пытшкö дзумган да гортад. Сэсся мекöд кö бур ногөн сёрнитам, верма ачым лэччöдны вузавнысö,

— Дугды сөрнытö. Ог жö кут гусясьны.

— Этша тай энь порсьыс пиянсö нырлö. Да и тайö няйт пиас кымынөн пöдлöны. Сы дорысь бурджык кодлыкö вузавны. Йöзыд асьыныс ёнджыка лелькуйтасны. Яй лоö. Кызди öнi шуöны, и тэ пуктан пай, медым Продовольственной программа олöмö пöртны.

— Нинöм абу вылас эн йöткав. Тшöкөлдывайтан сэнi.

— Менам тай висьталöма лои-а. Тэ сэсся ачыл муртась-артась,— öдзöссö пöдлалiгмоз шуис сватыс да веськöдчис гортланыс.

Арсень Мить кöть первой дöзмыштис сват вылас, но, час-мöд пукыштöм да гоз-мöдысь картасö кытшовтöм бöрын, сийöс век жö кутисны йирны гуся мөвпяс. Збыльысь кö Катя Геня моз вöчны? Порсьпитö ньöбысьыд век сюрö. Да и со ачыс сватыс вöзйисьö вузавнысö. Дерт, ковмас юксьыны, но и кольöм сьöмыс на горштö оз чабырт. Нылыс со век кайтö, мый дзескыда олöны. Кутшöм любö, отсыштны кö верман. Мöд боксянь кö, гусясьöм öд лоö. Юр яндзим аслыд таысь, сьөлöмыд потас майшасьöмысла. Друг да сюран? Сэк кытчö мунан сиктсьыс? Оз кö бытьö пöрысьö-нэмö тюрьма пельöс сiсьтыны мöдöдны.

Арсень Мить петавлис видзöдлыны порсь видзан карта-сö да водис узыны войся стөрöжлы лöсьöдöм жырийн. Пöрччысьтöг нюжöдчис крöвать вылö да дыр на бергалiс. Пöрысь морттö унмыс сьöкыда личкыны вермö да. Кор кузяөн сийö вöйи унмас, сьөлöм вылас пыр жö кызкö лои кокныдджык. Да и вöтыс тавой бура заводитчис.

Аддзис асьсö ар квайта детинкаөн. Пукалö качай вылын, нимкодъысла и полöмысла сьөлöмыс топавлö. А ыджыдджык чойыс бытьö качайтö сийöс. Абу сöмын на-лөн шуда чужöмъясыс. Сиктса йöзыс качай гөгöрынöсь

жө. Крам праздник. Тодса чужомъяс быдлаын. Йöзыс сәтшөм уна. Кызвыныс мужикъяс, кодъяс сәсся война вылө усылсны. Зэв гажаа лывкйөдлөны-сылөны.

— Анюта, ёнджыка качөд!— көть полө, но корө чойсө Арсень Мить.

Сәсся вылісянь видзөдө йөзсө, чиктылө-сералө. Тодса чужомъяс аддзигад нөшта долыд детинкалы. Но друг дуг-діс серавнысө, гөгөр сюся видзөдавын кутис.

— Анюта, көні нө мамным?

— Митюк, сійө талун оз лок. Найө кольөм ар батыд-көд вотчыны мунісны да вошисны вөрас.

Детинкалы лои друг зэв гажтөм.

— Вай корсям мамукөс, Анюта. Көнкө өд сійө эм жө.

Чойыс сөгласа орччөн пуксис, вөрзөдыштіс качайсө. И друг кыскө и детинкалөн, и нывкалөн лоины мышкас бордъяс. Дзоля Арсень Мить бара шудаа серөктіс да өв-тыштіс бордъяснас. И лэбзис енэжлань. Чойыс сы бөрся. А йөзыс шензёны чоя-вока вылө. Мыйкө горзөны, велө-дөны.

— Лэблам эсыланьө,— корө Арсень Мить да веськөдчө ю сайө.

Детинкалы нимкодь, мый регыд мамсө аддзас. Бордъясыс көть ёнасө оз и вөрны, а найө тювгөны-лэбөны. Со нин сук вөр весьтө воисны.

— Мыйла татчө веськалім?— юалө детинка чойыслысь.

— Мамнымөс корсьны. Көнкө тані сійө. Гашкө, батыкөд весигтө.

И друг вөрса кушинысь аддзисны кытчөкө мунысь мамсө.

Шывкнитісны сылань.

— Мамук!— горзө детинка.

Мөдыс вывлань видзөдліс, аддзис челядьсө да паныд уськөдчис. Сы бөрся батыс котөртө.

Кутшөм нимкодь лои чоя-вокалы. Сывъялөны, кутлөны, окалөны найөс. Мамыс да батыс тшөтш жө нимкодясьөны шудысла. Сәсся пуксисны. Мамыс быдсяма вотөснас челядьсө чөсмөдлө. Батыс вашъялө.

— Но, шойччыштім неуна, колө водзө мунны,— шуис мамыс да чеччис.

— Кытчө нө тэрмасынныд?— юалө чойыс.

— Колө вөрсьыс петны,— вочавидзис мамыс.— А батыс мыйлакө юрсө лэдзис.

Прөщайтчытөг ни нинөм кыкнанныс вөрзөдчисны.

— Мамук, батьө!— горзө дзоля Арсень Мить.— Эн кольө.

— Ті мудзанныд ёна, код тѳдас мый дыра на ковмас мянлы сиктѳдзыс петнысѳ. Лѳбзьѳй да виччысьѳй сѳні.

Чоя-вока эз кывзысьны — лѳбѳны бать-мам юр весь-тѳдыс.

— Мунѳй бѳр,— кыв сетіс и зумыш чужѳма батьыс.

— А кытчѳ ті, кытчѳ?— бѳрддзис Арсень Мить.

— Со эсійѳ пипу пуля бѳрсяе,— индіс мамыс.

Сѳмын сѳк чоя-вока казялісны ѳсь йыла ичѳтик пуля-сѳ, коді тѳрмасьтѳг лѳбис бать-мам водзас.

— Кытысь нѳ сійѳ?— юасьѳ чойыс.

— Ѳти пѳрысь пѳль пищадьысь лыйис,— ышловзис мый-лакѳ батьыс.— Со и вѳтлысям сы бѳрся, кытчѳдз ог петѳй.

Сѳсся друг вѳрсьыс мыччысис кузь тошка пѳль. Матыс-тчис на дінѳ. А мамыс да батьыс сувтлытѳг водзѳ мунісны.

— Мыйла найѳс пуля бѳрсяе ветлыны тшѳктан?— юасьѳ Арсень Мить.

— Ыджыд грек батьыд вѳчис,— шуѳ пѳльыд.— Менам чѳс туйывса лѳчкысь сьѳла гусяліс. Со и воштѳді найѳс вѳрас. Мися, кытчѳдз пуляе оз бѳр сиктас петкѳд, сѳт-чѳдз ковмас ветлѳдлыны тайѳ мыжсьыс.

— А кор сійѳ петкѳдас?— водзѳ юасьѳ Арсень Мить.

— Некор оз. Пипуыс ѳд комияслѳн пеж пу. Сыысь вѳ-чѳм пуляе век кутас лѳбавны вѳрѳдыс. Гусясьѳмысь гре-кыд некор и нинѳмѳн оз вешйы.

Пѳрысь пѳль зѳв сюся видзѳдліс детинкалѳн синъясѳ. Сѳтшѳм сюся да дыр, мый дзоля Арсень Митьѳс тірзьѳд-ны кутіс.

— Кывзы, пиук. Мый тѳныд висьтала...— кѳсйис мый-кѳ шуны пѳрысь пѳль.

Но водзѳсѳ Арсень Мить эз кыв. Сійѳ друг садьмис. Аддзылѳм вѳтсьыс морттѳ йирмѳг весиг босьтіс. Тѳд вы-лас пыр жѳ усисны сватыслѳн сѳрнныс, аслас гуся думъ-ясыс. Мый водзѳ бара тайѳ вѳтсѳ вѳталіс-а? Мый кѳсйис сылы пѳльыс шуны? Арсень Мить мырдысьѳн кунис синъ-яссѳ, кѳсйис кутны вѳт помсѳ. Но некыдзи эз сяммы ун-мовсьны. Пыр думайтсис и думайтсис. Мамсѳ да батьсѳ сійѳ вѳтнас нѳмсѳ нин эз аддзыв. А со тавой петкѳдчыліс-ны. Кыдзи тѳдѳ, батьыс нѳмсѳ йѳзлысь юасьтѳг нинѳм эз вѳрзьѳдлы. А со кутшѳм ногѳн вѳтас уськѳдчис. Да и пипу пуляе сѳні вѳлі. Пипуыс комияслѳн збыльысь пеж пу. Висьталѳны, мый Вѳрсасѳ сы вылѳ ѳшѳдлывлѳмаѳсь. Гаш-кѳ, мамыс да батьыс татшѳм ногѳн пѳрысьмѳм нин писѳ лѳкторсьыс ѳлѳдісны да?

Сідзи и асылыс воис. Арсень Мить локтіс гортас. Пу-зьѳдіс чай. Кисьтіс стѳканѳ, сувтѳдіс сійѳс блюд вылѳ.

Сэтчө жө еджыд нянь шөрөм пуктис. Тадзсө сийө мам да бать кулөм бөрас вель уна во нин эз вөчлы. Сэсся копыртчыліс чай стөканыслы, няньыслы да небыдика шуыштіс:

— Родительяс, вошйө, вошйө...

## ПӨРЫСЬ РАКА

Пөрысь рака, бөръя воясас некытчө торъя ылө лэбзъывлытөг, овмөдчис кладбище вылө. Сийө и йөз оланінъяссиянь неылын, и сёянсьыд торъясө оз ков шогсыны. И татчө быд лун кежалысьыд вөлі. Век мыйкө кольыштасны. Пөрысь ракалы сёймөн тырмыліс. Быттьө эз кө слөймывлы мырддыны томуловыс. Пөрысьмөм бөрын рака өтдортчис мукөдсыс. Сылөн сёлөм пытшкын кутіс дзулькйөн пуны кутшөмкө курыд вир ли, мый ли. Некыдзи эз вермы чөв овны. Пыр карзіс-видіс томджык ракаясө. Найө первой кутісны шуны сийөс «пөрысь выжывөн», а сэсся вөтлісны ас чукөрсъыс.

Пукаліс өні пөрысь ракаыд крест вылын. Крестыс вөлі сылөн варччөм кокъяс кодыс жө сьөд. Воясыс, лым-зэрыс, төв ныръясыс йирөмаөсь пусө, поткөдлөмаөсь. Но пөрысь рака радейтіс пукавны буретш сы вылын. Вьльөн лөсьөдөм гуяссө эз радейт. Сы дорө йөзыс со сувтөдөны кутшөмкө сюръя кодыс, ёсь дивө пысалөны. Отчыд видліс пукуштны сы вылын. Зэра поводдя вөснаыс ли, мый ли, но кокыс вильснитіс. Ёсь йылыс морөссө весиг кырыштіс неуна. Сэсся вьль гуяс бокө эз нин пуксьыв.

Помнитө, во ветымын сайө татчө вайлісны сөмын пөрысь да том покончаясө. Гачаөсь кө вөліны, то сөмын чирессөм тошкаясө либө ичөт гортйын вайлісны. Оти кадө кутісны воавны гортъяс, көні куйлісны медясө томулов. На дорын ёна бөрдісны, мыйкө чөскыдөс юисны стеклөыс вөчөм вөсни юра дозйысь да сэтшөма майшасисны, мый шогысла пөваль усьлісны гу бокас. Рака весиг повзъыліс, мый некор чеччытөм вылө. Но муыс ли, мый ли кыскыліс на пытшкысь шогсө, да дыр кад мысти сувтлісны кок йыланыс. Сэсся бөрдөмысла, буракө, омөльтчөмысла, өтарөмөдарө катласигтыр, веськөдчылісны асланыс оланінлань.

Да. Быдсямасө адззыліс аслас шабур кодь кузь нэмын пөрысь рака. Крест вылө пуксьөмөн өні сийө вуграліс нисьө

оліс. Гашкө, дзикөдз эськө кунис пöрысьсысла орөн тырём синъяссө, но кылісны йөз гөлөсьяс. Қладбище вылө кодъяскө кежисны. Сэсся чукөрөн матыстчисны мөд арава, коймөд... Сөмын сэк пöрысь рака гөгөрвоис, мый воөма сійө луныс, кор йөз öтырышъя локтöны татчө, мыйкө сөйöны да юöны гуяс бокин. Сьөлөмыс тыри радлунөн. Позяс пөттөдз чөсмасьны вайөмторъяснас. Быдсямаыс кольө гуяс вылө йөз мунөм бöрын да. Пöрысь рака эз и вөрзьи места вывсьяс. Сійө төдіс, мый тайө важ крест дорас некод оз матыстчы. Йөзыс гартчисны медсясө выльдзык гуяс дорын.

Енэж шöрыс тыри ракаясөн. Качөдчисны кладбище вылын вöлысьясыс, и боковöйяс, кодъяс лэбзисны татчө дармөвöй сөян вылө. Пöрысь ракаөс мед пайкны.

— Ка-р-р-р-аулитöй! Ка-р-р-р-аулитöй!— скöрысь петіс вомсьяс пöрысь ракалөн.

Сійөс лунтыр сэсся эз вугрөдлы. То видзөдлас йөз вылө, то синсө чөвтлас вывлань, көні терпеннө потөмысла пыр лөкысьджык горзісны ракаяс. Таысь пöрысьлөн сьөлөмыс радліс. Сылы кокниджык тадзи пукалөмнас кыйөдчынысө да. Сөмын öтчюд вомсө калькнитліс лунтырөн. Кор йөз гортлань вөрзьөдчисны нин.

— Ка-р-р-р-тупеля шаньгасө кольөй, — поткөдіс губокса чөвлөнсьсө сылөн гөлөсыс.

Гожея рытъядорыс йөз сідз жө, кызди и локтісны, чукөръясөн мунісны кладбище вылысь. Пöрысь рака первойөн уськөдчис чөсмасьны кольөмторъяснас. Öтилаө лэбзылас, мөдлаө. Пыр жө и казяліс, мый бара оз торъя бура овны öнiя йөзыс. Абу уна чөскыдтор кольөмаөсь да. Пöрысь рака, гашкө, медводзаысь дөзмис йөзлөн олөмын пыр öтарө вежласьөм вылө. Думсьяс век на асьсө такөдігтыр корсис кампет. Öдва и сюри. Кольөмаөсь неыджыд гу вылө. Тэрмасигтыр нетшкис кампет корсө, видліс. Мыйкө чөскыдтөмөн кажитчис. Вом пытшкас ляскис да оз сыв. Дзик майтөг кодь. Сөмын абу курыд. Майтөгсө пöрысь рака коркө помөй гуысь видліс. Эз кажитчы. Сы бöрын аддзас кө вöлі, то вомас оз нин босьт. Сөмын мыйлакө бөръя кадас майтөг торъясыс помөй гуясас эз жө кутны туплясьны-а.

Кынөмпөт шедөдігтыр пöрысь рака кыйкнитлывліс ас коддьөм вылас. Со найө гузьөбтісны енэжесянь, тшөтш жө кынөмсө тыртны уськөдчисны.

— Ко-р-р-р-рсьысьöй! Ко-р-р-р-рсьысьöй!— скöрысь горөдіс на вылө пöрысь рака.

Сійө мөвпыштіс, мый ракаяс повзисны сылөн лөкгор-

шён кравѳстѳмысь. Зѳв тай ѳдйѳ вывлань бара уськѳдчисны-а. Но абу, вѳлѳм, сйѳ страститѳма. Кладбище вылѳ пырис гача морт.

Пѳрысь рака тѳдйѳ сйѳс. Ёна татчѳ воylvлѳ да. Кор йѳзыс артельѳнджык жежавласны, то регыд мысти тайѳ мортсѳ и виччысь. Водзтй, кор йѳзыс моздор тыръясѳн вайлисны татчѳ векни юра стеклѳ дозьяс, тайѳ мортыс волйѳ ставкѳд тшѳтш. Уськѳдчылыс медводдза жѳ гу дорас да босьтчылйѳ бѳрдны. Сѳсся лунтыр синмыс эз косьмыв. Вом дорьясыс тшѳтш и. Йѳзыс чуксавлысны сйѳс ас дйѳнас, кйѳсчылйѳны векни юра стеклѳ дозьясыс васѳ. Тайѳ мортыс медводз шогысла усьлы кутшѳмкѳ гу бокѳ. Став йѳз мунѳм бѳрас на куйлывлйѳ. Сѳсся чеччылыс да кытшовтлыс на гуяссѳ, пѳрѳдавлыс вомас стѳканьясѳ кольѳм васѳ. Пѳрысь ракалы весиг кажитчис тайѳ мортыс. Торйѳн нин сы бѳрын, кор ачыс видлыс, кутшѳм ва кольѳны стѳканас йѳзыс. Вомтыр и кокыштлыс. Но сѳтшѳм курыд да чѳскыдтѳм вѳлѳма! Зѳв ѳдйѳ сьѳлыштйѳ. Кыдз нѳ сѳсся та бѳрын оз кажитчы тайѳ мортыс? ѳд кутшѳм ыджыд шог колѳ новлѳдлыны ас пытшкад, медым вермыны юны сы мында вомтыр чѳскыдтѳм васѳ!

Но мыйлакѳ бѳрья кадас тайѳ мортсѳ йѳзыс эз кутны чуксавны матыстчывны. Весиг гора гѳлѳсѳн на тодмышкавлйѳсны, кор вѳлы кутшѳмкѳ чукѳр дйѳнѳ сибѳдчылас. Жаль весиг сйѳ пѳрысь ракалы лой, кор кутйѳс татчѳ волыны йѳз мунѳм бѳрас. Со тай нѳ сйѳс ракаяс ѳтдортѳны жѳ. Зѳв жугыль сьѳлѳм вылас таысь овлѳ. Сѳтшѳм, кѳнкѳ, и тайѳ мортыслы. И ѳнй, кор сйѳ матыстчис ѳти гу дйѳнѳ да босьтчйѳс кйѳкъявны, пѳрысь ракалы весиг лой окота отсыштны. Паськѳдйѳс вомсѳ да горѳдйѳс:

— Ку-р-р-р-ыд васѳ сѳн эз юны!

Кѳсйѳс нин вйѳсывавны, мый со эстѳн юисны, неуна бокынджык. Сѳмын эз жѳ стѳканас кольны. Йѳзыс асьныс зѳв горша гулькнитйѳсны сѳмын кык доз. Гуын куйлысьыслы тай убѳлитйѳсны жѳ гоз-мѳд вѳйт му вылас вѳйтѳдны-а. Но мукѳдсьыс бѳрын локтысь мортыд, тѳдѳмысь, эз гѳгѳрво пѳрысь ракалысь сылы бур вѳчны кѳсйѳмсѳ. Мыйлакѳ зѳв скѳрысь кодзнитлыс сйѳнъяснас, босьчйѳс неыджыд путор да шыбитйѳс сылань. Пѳрысь рака качѳдчылыс, но недыр мысти бѳр пуксйѳс аслас крест вылѳ. Сьѳлѳмыс пузйѳс, сы вѳсна и пуксйѳгмозыс нин горѳдйѳс:

— Ка-р-р-р-снитѳмѳн сьѳлышта чужѳмад!

Но мортыд эз весиг видзѳдлы сы вылѳ. Пѳрысь рака личѳдыштйѳс кок сѳнъяссѳ да куткыртчис крест вылас. Сьѳлѳмыс неуна бара на лой тайѳ морт дорыс, кор сйѳ завѳ-

дитіс мыйкӧ шуавны вомгорулас. Пӧрысь рака, кор сыысь заводитісны ӧддортчыны ас коддьӧмъясыс, тшӧтш жӧ ӧдйӧ велаліс ас кежас кравзыны-сёрнитны. Со тайӧ мортыс сідз-жӧ ӧтносӧн варовитӧ. Пӧрысь рака кывзысьыштіс, мый шуалӧ гу дінас мортыс.

— Со ӧд, Микулай, и вошйӧдыштны тэнӧ ог вермы. Абу нинӧм вайлӧмаӧсь да. Но эн дивит чойтӧ. Сійӧ ӧд керка стрӧитны босьтчис. Вина-водкаыд тэныд эз вичмы. Кер вайысьлы сетіс, тшупсьысьяслы тшӧтш и... Сэсся и быри.

Пӧрысь ракалӧн сьӧлӧмыс нормис тайӧ лӧвтӧмсьыс. Бара окота лои отсыштны мортыслы.

— Ка-р-р-р-ӧ лэччыв! Ка-р-р-р-ӧ лэччыв!— кравкӧстіс сійӧ.

— Тэ нӧ век на тани?— мыйлакӧ бара скӧрмис мортыс.— Ка-р-р-рӧ горзан! Карад ӧд талоналісны жӧ вина-водкатӧ. Нӧшта ӧд нерсьӧ сэн!

Мортыд видзӧдліс гӧгӧрбок. Сэсся кватитіс вель кыз палич, шеныштчис. Пӧрысь рака мыйлакӧ эз повзыы сыысь. Гашкӧ, чайтіс, мый ӧнтайя моз оз инмы да. Либӧ думайтіс, мый мортыслӧн выныс оз судзсы. Эз тай лэбзыы весигтӧ ӧвтыштчигас. Но, рӧкыд вылӧ, ӧні мортыд вӧлі стӧчджык. Вын-эбӧсыс судзсис и. Лёкысь шутлялігтыр паличыс камгис пӧрысь ракалӧн гӧрбӧ.

— Ка-р-р-р-аул! Ка-р-р-р-аул!— дойысла горӧдіс сійӧ да уси муӧ.

Гӧгӧр ёнтіс. Кӧть эськӧ пыр жӧ рака казяліс, мый мортыд босьтіс киас кыз ув да векуштчӧм чужӧмӧн веськӧдчис сыланьӧ. Кӧсйис кыссыны крест сайӧ, но пышйыны эбӧсыс эз сюр.

— На тэныд эльтчӧмсьыд! На!— лёкысь горӧдіс морт да кучкис пу увнас.

Пӧрысь ракалӧн гудыртчис юр вежӧрыс. Сылӧн син водзысь воши первой тайӧ мортыслӧн олӧмыс, сэсся кусісны пуясыс, сы бӧрын бырины кладбищевывса став йӧзыслӧн, му-ваыслӧн и сӧмын сы бӧрын аслас олӧмыс.

— На тэныд!— век на лёкысь равзігтыр куделитіс морт. Пӧрысь рака сӧмын вачкылӧмысла нин вӧрис му вылас. Сійӧ эз кыв ни ассьыс, ни тайӧ мортыслысь, ни став йӧзыслысь сьӧлӧм дойсӧ.

## ОЛӨМ ВОИТЪЯС

### Пакөсть

Бывла вылын асывсяньыс шлявгис-зэрис. Видз-му овмөс кузя районса управлениеысь инженер Анатолий Нечаев первойысь веськаліс тайö грездас. И узъмөдчыны ковмис овмөсса бригадир ордö. Сирöd мыр кодь, пöрнöй арлыда мужичöй гөстимöй делö ради лэптис еджыд сарапана доз. Юисны. Винаыс öдйö разалис Нечаевлөн вирас.

Пызан сайын воча моз пукаліс бригадирлөн нылыс. Сійö некымынысь нин чöвтліс видзöдлассö гөсть вылö. Кызь куим арöса зон азымпырысь кыйліс сійöс. Нывлөн синъяс серти тыдаліс, мый сылөн сьölöмыс вөрзъыштöма. Нечаев абу кулитана чужöма, лөсьыд статя. И зонлөн тайö видзöдласъясъыс мыйкö вөрзис жö пытшкөсас. Эз, тайö эз вöv радейтчөм чужөм. Сылы прөстö вöлі нимкодь, мый ар дас сизима ныв тыр синмөн видзödö сы вылö. Нимкодь вöлі ас вöснаыс, мый сійö абу шыбитана. Нöшта винаыс содтис долыдлунсö.

Ужнайтөм бöрын кöзяин могөн петис суседъяс ордас. Нечаев вöляысь матыстчис тасьтi-пань мыскалысь ныв динö. Босьтис пельпомöдыс да бергöдис асланыс. Сэсся азыма кöсийис окыштны. Но мöдыс повзёмпырысь легöдис юрсö, эз кöсийи сетчыны. Толя мый вынсьыс топöдис сылысь чужөмсö кияснас да вина дукөн öвтысь паръяснас сатшкысис сылөн льöбъясö. Недыр кежлö.

Кор сійö сайкаліс, то казяліс нывлысь шытөг бöрдөмсö.

— Мый тэкөд?— юалис зон.

— Мыйла тайöс вöчинныд?— öдва артмис мöдыслөн —  
Ме öд некор на эг окасьлы.

Сэки Нечаев эз на вермы пыдисянь гөгөрвоны нывлысь шогсö. Сöмын кад кольөм бöрын пöтурайтны кутис. Öнi сійö пöрнöй арлыда морт. Олөмас быдсямаыс вöвлi. Но медся ыджыд пакөсть вöчөмнас лыддьö сійö нывсö мырдөн окыштөмсö. Кодлысь весиг нимсö оз тöд. Нылыд, дерт, сьöd войöдз татшөм арлыднад эз унмовсьлы. Думсьыс виччысис радейтана зонкөд паныдасьöм. Мөвпъяснас

унаысь воліс сэтчөдз, мый дона да муса мортыс сійөс мед-воддзаысь олөмас пөся оқыштас. А со веськаліс сьлөн олөм туйвежө вина дукөн паркйысь парьяса том морт да ставсө дзугис, шуда мөвпьяссө резьдөдіс. Тайө мөй абу пакөсть.

## Номъяс

Гожөм пуксигөн муыс и ваыс гөгөрбок ловзьө. Сиктьяс шонтөны шабур кодь кузь төв чөжөн изөймитөм мышьяссө. Ывла вылыс оналө, нырад сатшө аслыспөлөс небыд дука көр. Торйөн нин лөсьыд рытьяснас. Пукалан, видзөдан, кызди кер бунтьяс весьтын кымөрөн кыпөдчөмаөсь да лэбалөны номъяс. Найө абу на скөрөсь, некодөс оз вөрзьөдны.

И со друг өти ном шытөг пуксис ки вылө. Ог лысьт весиг вөрзьыны, медым эз повзы да пышйы. Сійө вөляысь, полігтырйи бытьбө, сатшкө нырсө. Коть доймө, но ог вөрзьы. Мыйлакө, весиг сьөлөм вылын долыд. Гашкө сійөн, мый гожөм воис. Ном кө нин лэбалө.

Сэсся өти бөрся мөд кутасны вежласьны луньяс. Со нин өвадыс быдөнөс пөгибө воштөмаөсь. Ми скөрысь броткам, мый кор нин бара наысь мынам. И мыйлакө некор ог мөвпыштлөй, мый бырасны кө найө, то бөрвыв шутөв-тасны и шоныд луньясыс, гожөмыс.

## Шойччөм

Нель-ө-вит мужичөй пукалөны өшинь улын, варовитөны. Помасьө гожөм, ывла вылын ыркыд нин. Сэзьдөдөм енежыс оз вермы кутны шоныдсө, кыскө сійөс кытчөкө вывлань. Мужичөйяс казтылөны, коді кызди шойччис отпуск кадас.

— Лунвылад добра!— кылө, ошйысис өти.— Чеччан, сөйыштан и море дорө. Ваыс шоныд, вир-яйтө малалө. А нывбабаясыс!..

— Ми со гөтыркөд Волга кузя шывьялім. Став карсө ас синмөн аддзылі,— шуө мөд.— Локтан гожөмө мөвпыш-тім Прибалтикаө төвзьывны.

— Ме ас сиктын вөлі,— чөвтіс коймөд.— Мам дорө кайлі. Керка вевтсө, пөтшвасө вежышти. Сьөлөм вылын өні сэтшөм кокни. Бытьбө пывсьөм бөрын. Татшөм бурасө некор на эг шойччыв.

Мукӧдыслӧн чужӧм вывсьыс воши шуда нюмыс. Синъ-  
ясыс жугыльтчисны. Быдӧн мыйкӧ ассьыс кутіс мӧвпав-  
ны.

## Теш

Олӧ миян сиктын Педьӧ Миш. Қывйыс сӧмын печласьӧ.  
Унджыкысьсӧ, дерт, коз пу йылысь туриӧс висьталӧ. Мӧд  
ногӧн кӧ — шмонитӧ. Сы вӧсна йӧзлы любӧ сійӧс кывзы-  
ны. Оз дӧзмыны весиг.

Миян сиктысь жӧ Закар Ладимер водзті эз эскыв, мый  
Педьӧ Миш вермас сы вылын шмонитны. Нарошнӧ ӧтчыд  
паныдалас:

— Мишӧ, вай видлы менӧ ылӧдлыны?

— Ог эшты. Лавкаӧ саридзса чери вайӧмаӧсь да гортӧ  
сумкала колӧ пыравны.

Педьӧ Миш кежис гортланьыс, Закар Ладимир скачи-  
тіс лавкалань, медым слӧймыны водзджык ньӧбны свежӧй  
черисӧ. Магазинын, вузасьысьысь ӧтдор, некод эз вӧв. Бу-  
ракӧ, абу на тӧдлӧмаӧсь тӧвар вайӧм йывсьыс.

— Весит меным черитӧ! — порог дорсянь горӧдіс Закар  
Ладимер.

— Кутшӧм чери?

— Кутш кодъ. Эн ышнясь. Весит.

— Эз нинӧм вайны да.

— Қыдзи эз? Педьӧ Миш тай нӧ висьталіс, мый вайис-  
ны.

— Педьӧ Миш!? — семдіс серамысла вузасьысь.

## Думъяс

Зурыд Марьялы сизимдас нин таво тыри. Сылы том  
дырйиыс сетлӧм прӧзвищеыс неkyдзи нин оз лӧсяв. Ки-  
коkyс сырмӧ. Сӧмын важсӧ казтылана думъясӧн олӧ  
мортыс.

Уна вояс сайын, кор нылыс да пиыс вӧліны на ар да-  
саӧсь, сійӧ ӧтчыд скӧрйивсьыс ёрчыштіс. Сэся кок чунь-  
ӧдзыс гӧрдӧдіс аслас кывъясысь. Медым посниуловыд эз  
сы бӧрся шуавны мисьтӧм кывъяссӧ, сійӧ казтыштіс ӧти  
думыштӧмтор. Қоркӧ тай мамсяныыс на сійӧс кывліс:

— Челядь, лӧк кывъястӧ некор оз ков шуны. Ёна ва-  
жӧн нин ӧти мам ёрчыштӧма. Войнас сійӧс садьмӧдӧма-  
ӧсь сьӧкыд кок шыяс. Сарайсяныыс кодъяскӧ лӧччисны

өдзөс дорас. Сійө калича вөлі. Но лёкысь тракнитөмөн  
веськөдісны көртсө. Керкаө пырисны кузьсысь-кузь дя-  
дьяс. Матыстчисны нывбаба дорө да шуоны:

— Тэ луннас миянөс казтыштін. Со и локтім тэла.  
Пасьтась да мунам,— шуома өти.

— Талун ог вөрзөдөй,— сы вылө видзөдлөм бөрын  
дорёома мөд. Тыдалө, медся ыджыдыс.— Кужөмыд тэ вод-  
нытө. Өтарсяньыд и мөдарсяньыд челядыд куйлөны. Но  
аски лөсьөдчы. Локтам да нуодам.

Кузь дядьясыд мунасны. А нывбаба войбыд тіралас.  
Мөд луннас петас сусед ордас, олөма мужичөй дорө. Вись-  
талас ставсө. Мөдыд и велөдас, мый колө вөчны. Сараяд  
пө гез йылө көртав рос.

Бара вой воас. Нывбабаыд оз узь. Друг, кылө, сараяс  
кок шыяс. Сэссия лёкысь мыйкө трачмунас. Но керкаө не-  
код нин оз пырав. Асывнас петас сарайө да аддзө, мый  
ростө гезнас шөрипөв ордөмаөсь. Сы пыдди джагөдөма-  
өсь.

Висьталіс сэк тайөс Зурыд Марья аслас челядылы.  
Войнас садьмис да аддзө, мый нылыс да пиыс өтар-мө-  
дар бокас куйлөны. Топөдчөмаөсь мам дорас.

Синваыс исковтө тайө думьясыс Зурыд Марьялөн.  
Сьөлөмыс шогысла лёкысь песьсө. Сійө оз көсйы, медым  
челядыс шөракостас босьтөмөн узьтөдлісны. Сылы сөмын  
колө, медым найө сійөс индомсыс ас орданыс босьтісны.

## Гортын

Ас чужан сиктад волөмыд пыр кольө сьөлөмад кут-  
шөмкө пас. Быттьө лөсыштасны, чуктөдасны сэтысь не-  
ыджыд юкөн, коді кольө сэссия ичөтдырсяньыд төдса  
местаясө. Буретш та вөсна ме бөрья кадас куті гежд-  
джыка волыны сэтчө. Абу окота ачымөс дойдавы да.

Мый миян олөмын медся донаыс да кувтөдзыд казь-  
тылынаыс? Дерт жө, челядыдырыд. Кор ставөн вөлім сөс-  
төмөсь да мичаөсь. Олөмыс некодөс на эз пес, кусынт  
кодарланьөкө. Ризъявлім долыд мөвпъясөн, завидьтім  
гырысыяслы, кодьяяслы ставсө позис вөчны.

Өні, кор вола ас сиктө, кызкө сюсьджыка видзөда че-  
лядыдырся ёртъяс вылө. Ме вежси и найө вежсьөмаөсь.  
Өти со ичөт дырйи вөлі визув детинкаөн, быдсяматор вы-  
лас чуйдөдысьөн. Верстьө олөмыс сійөс ас ногыс вөчөма.  
Ытвадырся йиөс моз йирөма, дрөбитөма сылысь тайө сям-  
сө. Лоөма полысьөн, йөршитчөма аслас керкаө. Быттьө

оз и ов сиктас. Мөд со горшмөма, аслыс мый вермө куралө, йөзлысь шогсө оз көсйи казавны. Дерт, ыджыд сьөлөма войтырнас унджыкыс быдмисны. Но мыйлакө лёкыс синмад шыбитчөджык, парскөджык.

А вот челядьдырся местаяссө өнөдз на лыддылі медся мичаөн. Мися, вольной светас сэсся мөд татшөмыс абу. Вылыс лёк пос местаын вөлі ыджыд пожөм, кодлөн вужъяс бокті визувтис шор. Ёна жө радейтлім ворсны сэні! Тайө местаыс пыр син водзын. Весиг вөтөн аддзывла. Нинөм абу вунөма.

И ме нарошнө өнөдз эг ветлы сэтчө. Мед, мися, коляс сійө вежөрө, кутшөмөн вөлі. Но таво гожөм ас төдлытөг петсис. Вылыс лёк пос дорө. Шемөсмуні. Пожөмыс быттьө абу нин сэтшөм джуджыд да ыджыд. Увъясыс чирссьөмаөсь. Шорыслөн сөмын нимыс. Дыр сулалі, кывзі сьөлөмлысь шога тіпкөмсө... Өні со думайта, кызди водзө овны? Челядьдырся местаяссө казътывтөгыс? Важ кодьөн найөс син водзө уськөдны ог нин вермы. Өнія серпасыс сувтө. А сійө абу нин менам, оз нин шонты.

### Лөгасисны

Арся шондыс, мырдысьөн нюмъялігтыр, веськөдіс югөръяссө парма вылө. Төв йылын летчысь медбөръя коръяс, недыр бовъялыштөм бөрын, гежөдика усьлісны вөр керка вылө. Вөлі водз на, но Өльөксан да сьлөн Мишө чожыс чеччисны нин. Сэсся унзільпырысь петісны ывлаө пестыны бишур.

Регыд мысти мөтыр вылө өшөдөм пөртійын шоналіс төрытъя шыд. Сэсся Мишө чожыс чукөстіс:

— Лок, Өльөксан, панясь. А гашкө, төрытъя мозыд дузъявны кутан?

Өльөксан, дас сизим арөса зон, эз вочавидз. Резина сапөгнас кодйис мусө. Чөв олыштөм бөрын век жө сетіс кывсө:

— Ачыд сөй, ёна кө колө...

Көть эськө ыджыд морткөд тадзи сёрнитнысө абу лөсьыд, но зон эз вермы терпитны, кывъясыс асьныс вөзйисны ортсө, сьөлөмыс пессис, тшөктіс шуны мыйкө дойданаджыкөс.

Мишө чожыс веськыда босьтчис изны пиньяс костас көч яйсө да ырскигтыр панявны шыдсө. Черлыясыс лёкысь вөрисны, быттьө нарошнө көсйис дөсадитны Өльөксанлы.

А зон важ моз сулаліс пожом дорө нөрөвтчөмөн. Си водзас сувтіс төрытъя луныс. Мисьтөм серпас, и ставсьыс мыжа чожыс.

Дас класс помалөм бөрын зон некытчө эз мун. Батыс эз жө дөсадит. Армияө пө ветлан да мортөн вөчасны. Пырысьтөм-пыр пө велөдчыны уськөдчан. Ноксис совхозын. Арладорыс видз-му овмөсса уджъясыд коставлісны. Со Мишө чожыс и корис сійөс видлыны вөр керкасө.

Төрыт гортсьыс петісны. Окмыс километратө, коді нюжөдчөма векныдик ордымөд, вуджисны тэрмасьтөг. Сьөрас нуртор босьтісны, бурджыксө пө вөр-ваыс козьналас. Чожыс чайтіс кыйны көч либө пөтка.

— Көсөйтө өд вөйсөдлыны оз на позь,— шуис сэк Ольөксан.

— Кодлы оз, а кодлы позьө,— мудера вашмунліс мөдыс.

Мишө чожыслөн кузь гыркъя понйыс уджач. Пыр и нырисаліс көчлысь кок туйсө. Чожыс пөрччис волысалөм пищальсө. Увтчөм шы пыр лоис ылынджык и ылынджык. Но кыкнанныс төдісны, мый бур пон вайөдас зверөс көзяин дорөдз. Чожыскөд тшөтш саймовтчис пу сайө и Ольөксан. Сідзи и лоис. Пуяс сайсянь мыччысис кузь пеля көч. Сэтшөм мича. Недыр сувтовкерыштліс морт дукусь. Сэки и камөбтіс лыйөм. Тайө здуксяныыс и заводитчис ставыс. Доймөм көч усис мыш вылас да авзіс дзик бөрдысь кага моз. Весиг понйыс ланьтіс, сувтіс шемөсмөмөн. Тадзи кажитчис Ольөксанлы. А чожыс веськодпырысь матыстчис авзысь көчлань, лэптис пищальсө...

— Эн лысьт!— невөляысь горөдсис зонлөн. Но мөдыс весиг эз видзөдлы сыланьө.

А өні со асыв.

— Сөй, колөкө,— бара шыасис чожыс.— Лунтыр өд ковмас собавны вөртіыс. Рытнас шыдсө эн видлы ни...

— Ме гортө лэчча,— чорыда шуис Ольөксан.

Мишө чожыс сөмын шензяна видзөдліс. Недыр мысти зон воши гортас лэччөдысь визирбокса пуяс сайө. Мышкас эз өшав пищальыс. Сытөг мортыслы лоис кокныдджык.

## Письмө

Олөмын лоөмторъяс вылө Зинаида Васильевналөн аслас видзөдлас. Сылы сөвмынысө дас во хирургөн уджалөмыс өна жө отсаліс. Сійө йөзкөд сёрнитны оз ныръясь. Сідз коланаинө шуыштас өти либө кык кыв, и ставыс.

Сэсса он пычки. Кодкө кө оз сы ногөн вөч, то другөн торйөдчас, орөдас йитөдьяссө, көть кутшөмөсь найө эз вөвны. Хирургалигад велалис повтөг вундыны гырк пытшкөсысь тшыкөминьяссө. Мый сийөс видзан, оз кө нин дөмлынысө туй. Татшөм ногөн жө торйөдчыліс сийөс кытшалысь йөзсьяс.

Со и верөсыскөд өдийө жө янсалис. Друг мыйкө эз кажитчы да. Косталыштисны таысь өта-мөд дорсьяс. Мөд кө эськө видліс йитны. Зинаида Васильевна эз со көсий. Мөдарө — янсөдчыны кутис.

Өні оліс сийө өтнас. Өдийө велалис та дорө. Кытчө-мый ачид пуктан, сэтысь и босьтан. Со талун ковмис кабала тубрасысь өти тетрадь да эз и дыр ковмы лукйысьнысө. Ас местаын сийө, шкапын. Бумагаяс пөвстысь нывбабалы син улас уси вижөдыштөм конверт. Дум вылас воис, мый коркө важөн гижліс сийөс верөсыс. Өтласян воас на. Сарпалис сэк мыйкө, дзумгис конвертө. Мый шуис — оз помнит.

Сөмын помнитө, мый сэки Зинаида Васильевна мыйыськө вөлі скөр верөсыс вылө.

Колана тетрадьсө сийө пунктис бокө. Сэсса, пызан сайө пуксьөмөн, вель дыр дзоргис конверт вылась Лыддыны али бара сытөг чашйыны-косявлыны?. Век жө восьтіс.

«Менам муса гөтырөй, Зинукөй. Тэ менө, верман кө, прөстит талунъя лунсьяс. Нимлун өд тэнад. А вот козинтө ньөбны сьөмөй абу. Тэ со таысь дузьялан весиг. Асывнас ветлі базар вылө. Көсий вузавны руч ку шапкаөс. Гашкө мися, кодкө ыштас да ньөбас. Но гожөм шөрнад сы вылө некод эз видзөдлы. Да и абу нин выль. Меным сэтшөм окота вөлі вузавны да ньөбны тэныд кутшөмкө козин.

Зинук, вояс кольөм бөрын ми тэкөд восьтам тайө письмөсө. Кутам казтьывны, кыз ми институт бөрын өвлім гостиничаын. Миян нинөм на эз вөв. Но унаөн завидьтісны, мый ми шудаөсь и оланінтөг. А сийө лоө, быть лоө. А тайө кадыс вот оз бергөдчы».

Лыддис тайөс Зинаида Васильевна. Сьөлөмыс эськө көсийс нормыштлыны, но вежөрыс торкис. «Йөй век вөлін. Кодлы колө тэнад лысөм шапкаыд», — мөвпыштис сийө да косявліс письмөсө. Сэсса, кызди и быд рыт, пуксис чай юны.

## Лекарство

— Том кадө ме ачымөс эг видзлы. Со и мөрччис өні, коскөй юкалө,— ышловзис менам сусед Педөр Вась.—

Отчуд судзоді лекарство. Зэв бур — шуисны. Некемынысь по зырыштан косто и кокныдджык лоо. Вайи горто, коёи нин бурдодчыны. Сэсея юро быттьо ношкөн кось-обтисны — мамо од нэмсо нин кок висьомон маитчо. Думышти, мый ме том на да кызкө-мыйкө терпита. Сети лекарствосо мамлы.

Недыр мысти юала, кокнялыштиэз. А сийо чов олыштиэс да и шуис:

— Ме сийос ыджыд батылды сети. Ачуд тодан, кыззи сылон гогорбок юкало лек поводдя водзвылын. Мед коть кокнодыштлас, бур ко лекарствоыс.

Лун-мод эз коль, ыджыд бать кашкигырйи ме ордо пырис. Мыччо вөрзёдлытом на лекарството:

— На, Василей, тайос мамыд кыскө судзодома. Зэв бурон висьтало. Меным вайис. Тэ од коснад майшасян. Олом ни узьом, дерт. Меным мый нин зырасьомсьыд. Сомын лекарствосо таргайта. Тэныд овны да овны на, колөкө, отсалас.

## Сигор

Оломысь тайо неыджыд войтъяссө окота помавны со кутшом мовпон.

Быд мам радейто асьыс писо либо нывсо. Шуам, кагаыс джодж шорын ворсо. Мыйкө тельго-шуало. Шуда нывбаба, тыр синмон сы выло видзодлигон, быд ногыс вермас петкодлыны асьыс помтом-дортон муслунсо. Отияс пось кывьяс шуаломон вермасны уськодчыны кутлыны да оковны. Модьяс просто пуксясны лабич помо да шуда синваон видзодасны на выло. Отиясыс и модьясыс сьолөмсянныс радейтоны асьыныс быдтасьяссө. Делөыс абу сыын, коди кыззи петкодло тайос.

Ме тайо висьторьяс вылас видзода дзык жо шуда мам моз. Мелілунон тыр синьясон. Сьолөм пуктома лои найос гижигон, на вылын мовпалигон. Колөкө, кодкө шуас, мый тани абуось гирысь проблемаяс, абу восьтома пыдисянь найос. Абуось жо гора кывьяс. Джуджыд мовпяс. Тайо од кыз на матыстчан на дорө. Кыззи гогорвоан найос. Ас пайысь зили петкодлыны миян оломыслысь посныдик войтъяссө. Од буретш ичотик, синмо ёна шыбитчытом лоомторьясыс и тэчсьо миян оломным, тыдовтчо кыталысь йозлон сямыс. Олом дорө матыстчо-мыс.

## ОТИ ЛУНСЯ ГОСТЬ

Рытьяснас Владимир Петрович, ветымын арӧс вуджӧм мужичӧй, радейтис пукавны ӧшинь дорын да видзӧдны улич вылын жуысь йӧзсӧ. Гожӧмнад оз пемдыв. Сы вӧсна и ветлысь-мунысь войтырыс визувджыкӧсь. Быдӧн кытчӧкӧ веськӧдчӧма, кодӧ шавксьӧдӧ, кодӧ вӧляысь коксӧ пукталӧ, а кодӧ и котӧрӧн сорӧн ӧшинь увтӧыс вуджӧртас. Карса патераад олысьдылы ӧна уна удж горт гӧгӧрыд абу. Тасьтӧ-паньнад со гӧтырыс вӧрӧшитчӧ. Газеттӧ пыр он лыдды. Пукав да йӧзсӧ сӧмын видзӧд. Тадзи и рытыс коляс.

Со налӧн улич вывсъянъ пыран ӧдзӧсланьыс бара кутӧс чушиктыны олӧма морт. Бӧрӧя кадас сӧйӧ некымынысь нин усълӧ син улӧ. Арлыдсьыс пӧль быттьӧ дзыкӧдз бырӧма, пырӧма муас. Пельпомъясыс качӧмаӧсь, мышкыс кусынтьчыштӧма. Вояссьыс сӧйӧ весиг сьӧдӧдыштӧма. Со и тарыт, водзаяс мозыс жӧ вӧляысь матыстчис налӧн керкалань. Сувтовкерыштӧс пыртӧдзыс. Ловсӧ шедӧдыштӧс. Сэсся вазыштӧм синъяссӧ кыпӧдлӧс вылыс судтаяслань. Важник гач зепсьыс кыскис дӧратор да чышкыштӧс пӧсьсӧ. Бара йӧжгыльтчыштӧс да пырис. Владимир Петрович йӧзлысь ветлӧмсӧ видзӧдӧгӧн кывзысьыштӧс, кытӧнджык вощылас ӧдзӧсыс, кытчӧ веськӧдчӧма олӧма мужичӧй? Вель дыр кад колис. А вощӧмыс кылӧс мӧд судтаас, буретш юр весьтас.

Сӧйӧ вунӧдӧс нин эськӧ пӧль йывссьыс, эз кӧ кыв недыр мысти звӧнок триньӧбтӧм.

— Бур рыт суседъяслы,— чолӧмасис буретш вылыс судтаас олысьыс.

— Пырӧй, пырӧй,— корис Владимир Петрович.

— Мед ӧд абу ӧтнам. Гриша дядь, вощковт жыръяс. Тайӧ мекӧд ӧти грездысь. Вольвлӧ аддзӧдчывны.

Сусед бӧрсяыс пырис ӧнтая пӧльыд. Ъджыд тушаа Владимир Петрович дорын сӧйӧ кажитчис кага кодь. Сьӧкыда пошкигтыр сувтӧс порог дорӧ.

— Да тӧ вощковтӧй, вощковтӧй.

— Ме эськӧ тӧян дорӧ, Петрович, мӧгӧн,— заводитис суседыс.— Со Гриша дядь гоз-мӧдысь нин волӧс. Кевмысьӧ,

мед катодны сиктö. Автобуснас, пö, ог нин вермы. Асьныд тöданнды, ме абу шопер. И удж вылын машинаыс абу менам кын. Тi öд командировкаö ветлысь морт. Уналаö воланныд министерствоад уджалiгөн. Колöкö, и менам вожö удайтчылö. Он босьтлöй тшöтш аскöдныд? Зэв ёна кора.

— Ветлывла эськö быдлаö да. Но кытысь сийöс аддза? Кута кö, шуам, тiян вожö мунны. Кöни олö?

— Ме, ме ныв ордын,— öдйö суйсис сёрниö пöль. Гö-лöсыс вöсньыдик, киргыштö. А суседыс мыйлакö дзебис синсö.

— Меным висьталöй дай. А сэсся сылы юёрта, кор каянныд. Бытьтö, удайтчас кö сыланьö веськöдчывны,— гögөрвоöдiс суседыс.

— Юёрта, инöсь. Зэв кö нин колö. Гортыд горт на и эм. Ме тай кызы во карас, да пыр на ас сиктö кыскö-а.

— Пасибö зэв ыджыд, бур мортöй. Мед здоровье тэ-ныд ен сетас.— Пöль бара кыкис дöраторсö да чышкыш-тiс кымöссö, а сэсся синъяссö.

Та вылын и помасис сёрниыс. Вежон кык мысти Владимир Петрович збыльысь Сыктыв вожö мöдöдчис. Сийö сикт пырыс, кöни олис суседыс. Юёртiс та йылысь сылы. И индöм асылö зэв водз пöльыд тотшикасис нин öшинь улас. Сийöс казялис гöтырыс.

— Володя. Со тэныд пассажирыд танi нин.

— Сэтшöм водз! Вай чукöст, мед танi виччысяс.

— Чолöм-здоровье бур йöзлы,— пыригмозыс шуис пöль.— Войбыд со нин эг вермы син куньны. Гортö öд кая. Ас йöзöс видлыны.

Чай юигмоз кыкнанныс виччысисны машинасö. Пöль абу сёрниа, мый юалан тай, вочавидзас жö-а. Сöмын синъясыс вывтi нин бурöсь. Аттьöаланаöсь. Со и машинаыс воис.

— Миша, тайö олöма мортыс мянкöд мунас,— шуыштiс сийö том шофёрлы.

— Этiйö? А туй костас кö кулö? Ми мыжмам,— скөрпырысь шмонитiс сийö. Кыдзи и быд том шофёр, сийö радейтiс öдйö ветлыны. А öнiя туйыс эз вöв асфальт кузя жуньгöмыд. Гуранöсь. Пöрысь морт вöсна ковмас руньгыны.

— Тi, Гриша дядь, водзас пуксьöй. Сэни абуджык зуркыд,— велöдiс Владимир Петрович.

— Колöкö, асьныд нин сэтчö. Ме кöть кöни.

— Нинöм, нинöм. Пуксьöй.

И кутісны котортны бөрвылө первой карса гырысь керкаяс, а сэсся вөр діяс да сиктъяс.

— Гриша дядь, вель уна гөснеч катөданныд сиктад?— мездорас топөдөм сумкалань индіс Владимир Петрович.

— Мый?— вомсө калькнитліс пөль. Сэсся, көть эз гө-гөрво, вашмуніс.

— Гөснечыд, мися, уна.

— А-а. Куш киён өд он кай. Ныв пуктіс.

Сэсся и индөм сиктыс мыччысис. Гриша пөль веськөдчыштіс. Кельдөдыштіс чужөмыс. Горша видзөдіс керкаяс-сө. Торйөн нин синмыс сатшліс өти вылө. Туй бокас сула-ліс. Вель ыджыд, шифер вевта. Весиг юрсө бергөдөмөн колльөдіс видзөдласнас. Владимир Петрович виччысис, кор пөль сувтөдас кутшөмкө керка дорө, но сиктыс пома-сис. Туйыс нуис пожөма яглань. Тыдовтчисны крестъяс. Қладбище заводитчис.

— Татчө сувтөдлөй. Ме петала,— корана синъясөн пөль видзөдліс первой Владимир Петрович, а сэсся шофёр вылө.

— Петав, петав. Ми виччысьлам,— эскөдіс Владимир Петрович.

— Эн дыр,— крутджыка шуис зон.— Ми тэрмасям.

— Нинөм, Миша. Мед петалас, мый дыра көсйө. Ме өдйөджык вөрны кута аслам могъясөн. Верстайтам. Ог сөрмөй.

Пөль вөляысь чеччис. Тапиктіс крестъяслань.

— Тэ, Миша, эн сэтшөм крутөн ло. Абу лөсьыд. Коркө и ми сы кодьөсь лоам,— өлөдыштіс шофёрсө Владимир Петрович.

Минут кызь ветла жө,— шыасис Владимир Петрович.

Минут кызь виччысисны. Пөль век абу.

— Час, ме ветла жө,— шыасис Владимир Петрович.

— Мый нө сэсь корсянныд? Кулөм йөз пөвстысь?

Мөдыс нинөм эз шу, петіс да воськовтіс крестъяслань. Гөгөр чөв-лөнь. Сідз прөста лыддяліс кулөмаяслысь нимъяссө, артышталіс, коді мый дыра таладор югыдас олөма. Эз и казьяв, кызди веськаліс Гриша пөльлы мышладорсянныс. Сувтовкерис. Кутіс кывзысьны сылөн сёрниө. Со сійө энөвтіс өти гу да веськөдчис мөд дорө. Сувтіс весьтас. Доровтліс юрсө первой веськыдыв, сэсся шуйгалань. Қоймөдысьсө гу весьтланьыс.

— Видза олан, Василей,— тапкөдыштіс крестсө пөль,— Тайө ме, Онопрей Микулай Гриш. Век на тай сө ола, мусө нин эськө люкала да. Видлыны вои. Машинаөн тюрөдісны. Зэв бур морт вайис, Владимир Петровичөн

шуоны. Шоперыс скорджык. Но нинөм. Том морт на. Ог дөзмөй. Помнитан на отлаын бурлачитөмтө? Прөстит, верман кө, том дырйыд косясьөмтө. Мыйыс тай оз овлы да. Но бура ов. Ог эшты. Висьтала тай, мый машинаөн вои. Тэрмасьоны йөзыс. Эн дивит. Со гөснеч вайышти.

Вешйис коймөд гу дорө. Дзык жө воддза мозыс матыстчис.

— Огапея, чолөм тэныд. Виль йөр со потшөмаөсь бур челядыд. Оз омөля овны. Öнтай локтигөн Марьятө керка дорсьыс аддзылі. Чурки-буди, весиг ёнмыштөма. Ме öни карын ола. Ог лёка. Олі-олі да и думайта, лоө гортөдз кайлыны. Гөснеч вылад кампет вайи. Тэ өд сьөкыд воө кувсин. Öдвакө көрсө сылысь төдан.

Владимир Петрович кывзис тайө сёрнияссө. Төдіс, мый пөль, дерт, эз верит мөдарьюгыдса олөмас. Оз кывны найө, тані куйлысьяс, сылысь сьылөм кодь сёрнисө. Мортыс гажтөмтчөма наысь, кодъясөс ловьяөн на төдліс. Код төдас, мыйсө отлаын эз вөчлыны. Ёна гажтөмтчөма. Кывзы да кывзы сёрнисө. Мыла сьыланкыв кодь. Но збыльысь мунны колө. Быть торк.

— Гриш дядь,— шыасис сійө.— Тэ, колөкө, олышт тані. Бөрсө локтигөн босьтам да сиктөдзыд нуам. Ог дыр ветлөй.

— Атьө, бур морт. Олышта, сідзкө. Ставсьыс гаж бырөма. Карад олигад.

Уджыд удж на и эм. Он тай, вөлөм, өдийө вөч быдтор. То öти колана морт абу, то мөд. Рытөдзыс нюжаліс. Бөрсө локтигөн сувтісны кладбище дорө. Гриш пөль вөлі сәні. Шойччө öти гу бокрын. Мыйкө сёрнитө.

— Бур йөзыс тай вайлісны. Öни сәсся муна. Эн ёнасө дивитөй. Ог эшты да. Ставныдкөд сёрнитөма лои.

Сійө быттө томмыштөма. Тотшиктіс машиналань. Пыр-төдзыс бергөдчыліс на.

— Тіянөс нө, Гриш дядь, кытчө чеччөдны?

— Ог нин чеччыв. Луннас, көні колө, вөлі нин. Кор ті ветлінныд. Бөр карө муна. Атьө вайлөмсьыд. Кольччан да нинөмөн петнысө татысь.

Сәсся ланьтөдчис. Думайтісны, мый лунтыртө ветлөд-лигад мудзысла унмовсис. Но эз. Сійө чөла пукаліс да видзөдіс водзлань, мыйкө думайтіс...

Рытнас Владимир Петровичлөн суседыс гортөдзыс пыраліс.

— Катөдлінныд Гриша дядьсө?

— Кайлім, кайлім.

— Но, сідзкө, и мясянь атьө. Ас сиктса морт да со

жалъ жö. Кевмысьöмөн кевмысис катöдлыны. Кытчö нö чеччис?

— Кар шöрас. Ныв керка дорас.

— Эз эськö тшöкты висьтавыны да. Но висьтала нин. Абу сылөн тани нывъясыс. Рочын кöнкö. Сийö кардорса индомын олö.

— Но-о,— чуймис Владимир Петрович.— Сэсса нö не-код сиктас сылөн абу?

— Эм. Пи. Сиктас олö.

— Сылөн керкаыс туй бокас, вель ыджыд, шифер улын?— юалис мöдыс.

— Да. Да. Сувтлинныд сэтчö?

— Эгöй. Видзöдлас сертиыс öнi гөгөрвои.

— Кык ныв да пи сылөн. Дарья гöтырыс кувсьылис нин. Нывъяс ылынöсь олöны. А пиыс... Война вывсьыс воём бöрын Гриш дядьыд ыштіс том дöва вылö. Вуджис сы ордö овны. А кор нёнпом чибöлөн кодъ вежöрыс веж-сис, бөр локтіс семьяас, челядь дiнас. Сидзи и олісны гозъя öта-мöд дорас сёлöмнас матыстчывтөг. А кор Гриша дядьыд пöрысьмис, пиыс и шуöма: «Мед индомас олыштас. Важсö мурталас. Но куим во мысти босьта сэтысь, йöз-сьыс абу лöсьыд». Чорыд. Унаөн янöдісны, босьтны тшöк-тісны, но ог пö и ставыс. Тадзи и во сайын веськаліс татчö Öнöпрей Микулай Гришыс.

## КОЛЯ, КОЛЯ, МИКУЛАЙ

Тувсов лымйыс кенясьыштіс чарöмөн. Сы вывті мунны он на вермы. Сы вöсна Коля да Петя веськöдчисны чомйöдз векныдик туй кузя, кодöс төвбыднас асьныс юждісны. Зэв джуджыда уси таво лымйыс. Корсисны кытчö медся ёна лэптіс толасö да сэтчö гу вöчисны. Стенъяссö ваөн киськалісны. А вывсö пöвйөн вевттисны, код вылö сэсса и шлапмуні бöрынджык усьöм лымйыс. Ок бур чом арт-мис! Вöчисны гусьөн, медым неылын олысь Саша да Андрей эз казавны. Но кызди нö дзеван? Найö бара кыйö-дасны. Оз лöсявны Коля да Петя накöд. Мыжаөн вöлі Коля. Стöчджыка кö, сылөн батыс.

Выль воöдз на тайö лои. Саша да Андрей дурисны налөн кильчö вылын. Патурликасисны и быдөн. Батыс

татшөмторсьыс водзті эз дөзмыв, а өні мыйлакө петіс на дорө да кыкнаннысө пельөдыс везнитліс. Колялы эз вөв өна любө таысь. Кыкнан зонкаыс юр вундысь кодьөсь, сы вылын вермасны лөксө песны.

— Пап, мыйла нө найөс? Мед дурисны кө, ме тай нө налөн кильчө вылын дурла жө да.

— Локтігөн на ылысянь найөс аддзи,— мамыслы моз шуис батыс.— Оксинь тьоткаөс, коді лавкалань вөлі мунө, лым мачөн шыблалісны.

Со сэксянь и торксьөмыс лоис. Зонкаяс кутісны кыйөдны Коляөс, медым лым пиын тупльөдлыны. Кыкнад вермөны. Со и чом вөчигас пакөсть вөчны кыйөдісны. Өтчид пемдөм бөрас волөмаөсь да ставсө пузувтөмаөсь. Сы бөрын кык друг рытъяснас видзисны ассыныс вөчөмторсө. Дзик нин салдатъяс моз. Кузь бедьяс вөліны винтовкаяс пыддиыс.

Со и талун ворсны пырисны. Войдөрлун заводитчис тувсов каникул. Көть гортад эн пыравлы. Ывла вылад эськө лөсьыд нин өні, да чом пышкас кажитчөджык. Тані налөн и штабыс. Асьнысө лыддисны партизанъясөн. Чомас лөсьөдісны важ пызан. Өзтісны сись. Дзик быттьө партизанъяслөн оланін. Тувсов ывлаыс шоныдджык, а тані ыркыд. Йөжгылясьны лө. Пукалісны пөвйысь вөчөм лабич вылын да варовитісны, мый быттьө сиктө пырөмаөсь немечьяс да корсьөны найөс. Арталөны, кызди эськө бырөдны вөрөгөс. Вашкөдчөны, медым эз кыв ортсыас гөлөсныс. А то казяласны. Сэсся чөв олыштісны.

Налы дас өти арөсөн. Төвся каникул дырйи налөн ворсөмыс визувджыка мунліс. Сэки налөн весиг санитарка вөлі. Саша да Андрей бедьясөн жө уськөдчылісны на вылө. Прамөй кось пансьыліс. Көсйисны пузувтны чомсө, но он босьт. Партизанъяс сюсьөсь. А санитарканас вөлі карса нывка — сиктө гөститны вөлі локтөма. Нинаөн шуөны. Но найө ас костаныс мөд ногөн нимтісны — «карса нывка». Виччысисны сійөс и тувсов каникул дырйи. Зэв өна көсйысис волены. Но со век абу.

Петякөд мыйсө нин эз думыштны ворсөм кузяыс. Быдсымасө, мед сөмын Нина воас-а. Да ставыс весьшөрө. А Колялы сэтшөм окота вөлі кывны нывкалысь гөлөссө. Вот пырас өні да лэчыд гөлөснас горбдас төвся мозыс:

— Коля, Коля, Микулай!

Первойсө весиг дөзмыліс таысь, а сэсся велаліс. Мед, оз тай нерсьөмөн.

— Вай, Коля, нөшта ворсыштам,— бара нин дзайгис Петя, лясмунөм нырсө тешкодя көрліс.

— Мыйкө оз артмы да...

— Тэ век тадзи. Первойсө ворсан а сэсся он кёсйы. Коля купайка пиас йёжгыльтчыштис, но эз вочавидз. Сійё збыльысь сёмын пажынөдз сьёлөмсяньыс ворслис, а сы бёрын мырдысьөн моз артмыліс. Таысь Петя унаысь нин дузгөдчывліс. Весиг лөгасьлісны, сёмын, дерт, аскиөдзыс. Со и талун дузмуніс. Нырсө кыскалігмоз веськөдчис гортланьыс. Колялы өні өткөннас вөлі кокныдджык, ёртыс көть оз аддзы майшасьёмсө.

Керка дорас то ислалігмоз, то лымсө сідз прёста юждігмоз Коля виччысис батьсө. И сэтшөм окота вөлі, мед эськө мыччыяс сусед керка сайсяньыс. И дзик садь. Коркөя моз тэрыб воськолөн матыстчис гортланьыс. Ок, эськө, кутшөм рад вөлі. Қотөрөн эськө Коля гортас пырис. Шыд шонтыны пуктіс.

Но бөръя кадас эз нин удайтчывлы тадзисө. Батьыс воліс код юраөн. Эз, сійё эз горзыв ни видчыв. Прёста код и ставыс. Но и таысь гортад көть эн пыр. Мамыс бөрдө. Видө батьсө быдсяма ногыс. Мөдыс сёмын пукалө. Оз гөлөссө сет. А сэсся, ёна кө нин юёма, пөрас лабичвылө. Қовмас мамыскөд вольпасьөдз тажъявны. Колялөн сьёлөмыс зэв ёна таысь топавлө. Синваыс петас весиг. Од водзті батьыс локтас вөлі удж вывсьыс да гортыс югзылө. Коксө чеглөм бөрас вежсис. Зэв дыр больничанын куйліс. Коляөс мамыс сэтчө тшөкыда аскөдыс босьтывліс.

Мотоцикл понда жө ставыс! Мыйла бара батьыс сійөс ньөбис-а. Весиг асьсө бёрын Коля видіс, мый нимкодясис жө, кор ньөбассө гортас вайисны. Сы вылын и зурасьёма батьыс. Бурдөм бөрас удж вылас эз нин черөн мун. Чотігтыр куш киён гортсьыс петіс ышлолалігтыр. Пуктісны совхоз отделениеө завхозөн.

— Мый радлун вөсна юан-а?— кылө, первойысьяссө шуавліс мамыс.

— Радлун. Кутшөм радлун!— өзйыліс батьыс.— Нелямыныс на абу, а калека нин лои. Кладовщик, ключөн гольөдча. Тьфу!

Первойсө мамыс велөдывліс Коляөс урокъяс бёрын котөртлыны батьыс дорө. Стрөжит пө, мед оз ю. Воывліс сійё ичөтик жырйө, кодөс батьыс шуліс контораөн. Видзөдіс, кызди скөрпырысь вешталө бумагаяс, сёмын сы вылө видзөдлігас синмыс шаньмылас. А сэсся рытладорыс кодкө век пырысь лоө. Коля, эськө, гусьөн моз нетшыштывлө паськөмөдыс батьсө. Но гөсть кутас зыньгыны, мед пө неуна... Точкасны, чуқыртчыласны...

— Менам Микулайыд топыд вома,— ошкыштас батыс. Юыштөм бөрас мыйлакө век ыдждөдлө тадзи.— Оз удты мамыслы. Быттө неуна кө юышта.

Коля мамыслы збыльысь эз висьтавлы. Бара кутас видчыны. И батыс жаль, и мамыс. Мыйла нин удтынысө. Көть ошкөмсьыс оз жө вашъяв.

Кыкөн помалісны дозсө, а сэсся мужичөыс кытчөкө пöлыньтас.

— Пап, а пап, вай гортад мунам,— дзайгыны кутас Коля.

— Энлы, пиук. Бумагаяс уна чукөрмис. Колө эштөдны.

Көть эськө прөста пукалө, мыйкө асьыс мөвпалө. Но Коля оз жө водзө зыньгы терпитө. Зэв лөгпырысь дзирдыштас синнас, кор шудаа вашъялігтыр жырьö бара во-ськовтас сійө жө мужичөйыс. Сэсся батыс сэтшөм лоас, мый зонка весиг асьыс пельпомсө мыджсьыны лөсьодас, медым эз усь. Ок, кутшөма доймө сьөлөмыс Колялөн, быттө бытшйөдлөны, кор батыс нускигтыр сьөкыдпырысь кыссьө орччөн. Оз вермы, а век сьөлөм сетө думсьыс:

— Нөшта неуна, Микулай. И гортө воам. Тэ сөмын мамыдлы эн висьтав.

— Ачыс өд казялас. Со муннытө нин он вермы.

— Ме. ог вермы! Да ме өти плака вывті восьлала,— збодермылас батыс. Лэдзчысьлас пиыслөн пельпомысь. Гоз-мөд воськов бөрын и усяс.

Сэсся гортас кыкнанныслы сюрө. Колялы — мыйла эз видзөд бурджыка, эз кут юөмсьыс. Бөрынджык эз кут ыстыны. Тэысь пө төлкыс абу. Гортын көть джодж чышкыштан...

...Со и виччысьө Коля батьсө. Рөмдыштіс нин, кор тыдовтчис сьлөн мыгөрыс. Детинка саймовтчыштіс, мед сэсся другөн петны да видзөдлыны, кор сійө матөджык воас. «Өти, кык, куим...» — лыддис. Кызьөдз воөм бөрын эз терпит да видзөдліс. Батыс туй бокин вөрөдчө. Котөрөн сэтчө.

— Пап, пап!— вöляысь шыасис Коля.

— А, тайө тэ, Микулай, сө муса друг. Ме өд дзик садь. Вильді. Лөк кокөй эз кут.

— Гашкө, отсышта?— батьсө татшөмнас бара аддзөмысь сьөлөм дойсө кутіс зонка.

— Отсышт и эм. А мамыд гортын?

— Абу на локтөма. Мыйкө талун сөрмө.

Детинка босьтіс батьсө киөдыс. Чеччөдіс.

— Но сэсса эн нин вильды,— збодеракодъ шуис Коля.

— Ог, ог,— выныштчис водзлань мёдыс. Сэсса воськов бёрын бара сунгысис лымъяс; өдйё эськё ырыштчыліс кыпёдчыны, но кийс неқыдз эз веськав южмёминас.

— Пап, папук,— воськовтіс сылань Коля.— Кынман!

— Чечча, чечча. Час, лолышта да.

— Эн нин лолышт. Кынман. Ме отсышта.

Ая-пиа мыйкё дыра мошкоритчисны. Сэсса век жё батыс сувтіс кок йылас. Мыджсис Коля пельпомё да сьёкыдырысь заводитіс восьлавны гортланыс.

«Бур, мый мамё эз аддзыв,— думайтіс детинка.— Ладнё коть сёрмис».

Керкаас батыслён эбёсыс дзыкөдз быри. Сідзи и шлапнитчис вольпасяс. Коля пөрчөдіс, шебрөдіс. Весиг юр выв тырнас. Мед мамыс пыригмозыс коть эз казав. Бара кутас пөрччысьтөгыс и бөрдны. Сэсса босьтіс пурт да петіс ывлаё. Лэбулын сулаліс батыслён мотоциклыс. Мый вынсьыс сутшкаліс кыкнан гөгыляс. Став скөрсё да өбидасё лэдзис.

## НЫВБАБАЯС

Васька Ладимер чуймөдіс дзоньнас сиктсё. Колөкө, сылысь вөчөмторсё чуймөдөмөн оз ло веськыда шуёма. Стөчдыка кё, быдөнлөн ас ногөн вөрзис сьөлөмыс. Мамыс думсьыс радліс и шогсис, мый сёрө-бөрөн комын вит арёса быдтасыслы бара сюри кок шонтысь. Арсень Марья, Ладимер мамкөд тшөтшъя кодъ, олөма нывбаба, пинь пырыс сөдзөдіс:

— Аддзөма жө пөв. Джадж кодъ бекъяса. Татшөмыс миян сиктын сөмын эз тырмы. Быдсямаыс нин вөлі.

А сылөн комын арёса Нина нылыс бөрдөмөн бөрдіс. Од во нель нин сійё оліс Ладимер сайё чеччыштөм вылө лачаён. Кызь арёса кузь кокъяса нывьясыд пөрнөй арлыда дөвеч вылад оз нин видзөдлыны. Накөд Нина эз вежөгты, визув томлуныс сылөн бөрө кольөма, кызкө ас төдлытөыс. Водзсё эз удайтчы чеччыштны первой паньдасысьыс сайё. Сэсса нин вежөрсяліс да сійён бөрйысьысьдык лои. И со нин воис кад видзөдны сиктса том дөвеч вылө. Он шу, мый сійё зіліс чеччыштны дзык нин пикё воём вөсна.

Ладимерыс абу кулитана. Статя тушаа, сирөд мыр кодь тэчаса. И киясыс быдтор дорө сибалысьөсь. Сөмын тай лөзов синъясыс арся лун кодь жугыльөсь. И водзті гөтырыскөд олігөн сэтшөмөсь вөліны, и өні сэтшөмөн жө колины. Зэв өд ыджыд лача кутіс, мый коркө-некоркө, а пырас көзьяйкаөн сылөн выль керкаө. Но со тай кыз удайтчис. Быдөнөс лыддис таысь Нина мыжаөн. Асьсө тшөтш и. Мыйла эз ёнджыка зіль син улас уськөдчыны мужичөйлы. Мыйла зэв гежөда аддзыліс помка пыравны сы ордө. А совхозысь профсоюзса предсө синнас эз кут вермыны видзөднысө. Өд сійө мырдөн вөзйис Ладимерлы путевкасө, медым ветліс шойччынысө лунвылө. И со тэныд. Воис сэтысь нывбабакөд, коді лои бөрас гөтырөн. Рочөс вайөма. Сідзсө, чужөм вылас абу кулитана, и пасьтасьөма баскөя.

Кырыб сикт абу ыджыд. Ки пыдөс вылын моз пукалөны ветымын гөгөр керка. Сиктсө кык пельө юкөма векныдык шор. Корсянь тайө ставыс заводитчис, некоднин вежөрас кутны оз вермы, но сикт джынъясыс нэмнас ниң эз лөсявны өта-мөдныскөд. Изйөн шыбласисны челядь, зульөдчисны зонпосни. Вирас пырөма нывбабаяслы, тшетшкисны-пинясисны өта-мөдныскөд эмсьыс и бурсьыс. Эз, дерт, пыр тадзи вөв. Страдаяс дырйиыд өтлаын мошкоритчылісны. Сэк пинясьны кадыс эз вөв. Өні быттьө ставныслысь гөг сюрөссө өтлаалісны. Ставөн кывъясөн вувзысисны Ладимер гөтыр вылө. Весиг Ладимерлысь мамсө быд ногыс эльтісны. Лэбач вомө вир войт веськалөм кодь лои выль нывбабалөн татшөм ногөн сиктө пырөмыс.

— Кага кө чужас сылөн, кызди Дарьяыс кутас быдтас-сө видзны?

— Чужас кө на.

— Талөн бара чужас. И ковмас Дарьяыдлы рочасьны Митипер Наста мозыд,— тшетшкис Ниналөн мамыс, Арсень Марья.

Во-мөд сайын Митипер Насталы карын олысь пиыс вайліс арөса кагасө видзны. Рочасьны ковмис сиктысь гежөда петавлысь нывбабалы.

— Не клонкайся,— өлөдіс джоджын чачаөн клөнөдчысь нучкаыслы.— Сю ночь пестовалась, час тшөтш жө мешайтчөмскөй. Спокой абу.

Ладимер мамлы, Дарьялы, пи пондаыс тшөтш жө уна ёсь кыв вичмыліс. Код төдас, мыйысь пузисны сиктеса аняяс? Коді Ниналөн рөдня перевод вөлі да сійөн. Кодлы кыв песны өддзөг колө сөмын вөлөм...

Ладимер, бригадаса тракторист, нервничайтөмысла весиг омөльтчис. Тайө бара казавтөг эз коль.

Но Дарья од аддзё, мый том гозья олісны шыч ни рач, зэв өтсөгласён. Ачыс сійё эз жё кулит моньсё. Пёслукман быдтор вылө. Пёжасьнытө сямьс эм и. Джоджтө йи да вольк мыськас. Паньд сувтлыны ёсь кывъя нывбабаяслы эз жё лысьтлы. Кокаласны. Сёмын чущсё нюжөдлас да вешьяс.

— Тэ эн майшась, Валюк,— такөдіс гөтырсё Ладимер.— Öвсьсны вочасён.

— Сьёкыд меным, Володя,— ышловзьяштас гөгөрвоёмөн мөдыс.

— Да шаньось сідзсё найё, шаньось,— меліа шуаліс верөсыс.— Прөстө ог төд, мый накөд лоёма. Зі быттьө ставнысё чушкис.

Рытъяснас и ловзьяліс Валя. Лунтыръясён видз-му удж вөчигён кыв некодкөд шуны. Картупель му вылысь ёг весалө, көть видз вылын юрасьё — пыр мукөдсьыс торйөн. Рытнас сьёлөм бурмытөдзыс верөсыскөд варовитас. Шогсьөмсө и радлунсө висьталас. Первойсө, кор Валяыс шөпнитіс кага лоём йылысь, нимкодьясла Ладимер войбыд мелі кывьяс шуаліс. А сэсся удж вылас нин повзьямакодь лои. Оз кө вермы овнысө тані да гортланьыс веськөдчас?! Сьёлөмыс топавліс тайё мөвпсьыс. Од эз вермы водзті мөвпыштлыны, мый кодөскө воддза гөтыр кулөм бөрас кутас татшөма радейтны. Мунас кө, то, колөкө, аслыс ковмас вөрзьядчыны сы бөрся. Сытөг оломыс оз ло олом. Тайё здукас сійё нөшта ёна лөгасис сиктеса нывбабаяс вылө. Мужичөйяс кө вөчисны тадзисө, дерт, кодсюрөөс лөсаліс нин. А нывбабаясыскөд од он кут косясьны. Кывнас видліс жө дивитны, но налы тайё мөс синмө бус шердйөм кодь. Кыськө тай сюрласны медся сатшысь кывьясыс.

— Чеччавтөм ыж моз вит во олін да аслыд гөтыр корсьөмыд жө. Сельпо пыж кодь мышкуыс,— дэльдісны тьөтьяс.

Дум вылас усьлі воддза гөтырыс. Эз вөв первойсө кулитана. Олісны, быттьө мыла сьыланкыв сьылісны. Весиг керкасө тулыссянь арөдзыс слөймисны вевт улөдз вайөдны, төв вотөдз пырны. Но сэсся мөдыс вина юём улө сетчис. Трактористалігад Ладимер гортас воліс сёр. Локтас, а пөлыс роч салдат кодь нин неуна гажа. Бөрдөлимзалө. Сьёкыд, пө, меным. Удж помасьөм бөрын пө ставён гортас тэрмасьөны, челядь дорө. А меным котөртны некод дінө. Тэ абу. Кага со оз артмы. Первой нырас видөм бөрын төлысьөдз өвсьылас. А сэсся бара юыштас. Тадзи вочасён веляммис, мый бур кыв ни лөкысь видөм

эз кут лөсявны. Во квайт тадзисö олісны. Сэссия дзикöдз юсьöм том нывбаба сотчис винаысла.

Валяыс мунны сы дорысь эз и думайт. Татчö воигас на ставсö муртыштис, мый быдлаын олöмьд абу ма чунялöм кодь. Казьтыштис, кызди лон налön тöдмасьöма...

...Васька Ладимер вежон кык нин оліс лунвылын. Сиктса уджтö лунысь-лун муркöдысь мортыдлы весьшөрö ветлöдлöмьд медся ыджыд маетаыс. Эз тöд, кытчö воштыны кадсö. Налön шойччан керкаыс вöлі вель ыджыд сикт дорын. Буретш лунвылö тулыс воис. Сійö думыштис ветлöдлыштны ловзьöм уличаясöд. И друг син улас усины öти керка дорын ноксьысь кык нывбаба. Öтиыс олöма, мöдыс ар комына. Найö эбöссьыс петмön сюйисны кодйöм гуö вель кузь сюръя. Думсьыныс вежисны потшöссö, кодös мыйлакö тани вöчисны зэв джуджыда. Ладимер сувтовкерыштис. Сэссия кокъясныс асьныс нуисны отсавны.

— Позьö кө, тшöтш кутчысьла,— шмонитан гөлөсөн шыасис сійö.

— Ми кызкö-мыйкö асьным нин,— орöдис томыс. Кызди бöрас висьталіс Валяыс, сійö думыштис, мый бара кодкö шойччысь мужичöйяс пöвстысь көсийö том нывбабакöд каньявны.

— Отсыштан кө, нинöм лёкыс оз ло,— сюсь синмön сы вылö видзöдлöм бöрын шыасис олöмаыс.

Тайö уджыд Ладимерлы абу выльтор. Ичөтсянь чера уджтö сиктад тöдліс. Азыма кутчысис отсавны. Эз и тöдлыны, кызди луныс коли да кызди вочасөн лоины бур тöдсаяс кодьөн. А сэссия рытнас чай юисны. Мöд луннас бара отсасьны воис. Валя верöсыскöд юксьыліс нель во сайын. Кага ни балятöг лөсьыда и торйöдчисны. Весиг кыкнанныс кокниа ышловзисны, мый мынім пö öта-мöдкöд пинясьöмысь. Медся нин нывбабалы вöлі забеднö, мый мöдыс весиг көрт тув жваньöбтыны эз сяммы. Кын киа быттö. Пыр кодöскö медав. Сы пыдди бокөвöй нывбабаяскöд мастера каньяліс. И öні, кор казяліс, кызди войвывса кодзыд муясысь воём мужичöй лабутнöя, тэрмасьтöг став уджсö бура вöчис, вөрзис сьөлöмыс. Öд, буракö, ташöм верöсöс и корсис бөръя вояснас — ёнös, быдтор кужысьöс. И сьөлöмнас, тыдалö, абу руш. Вочасөн кутісны колльöдчыны, а сэссия öд абу тай дас квайт арöсаöсь. Оз нин на моз дзєбны көсийны мөвпьяссö, радейтчөмсö. Öдийö быттö ставыс артмис. Но кор тай кык сьөлöмьд мудзöмабсь нин öта-мöдсö корсьöмыдла, öдийö ставсö тшöктöны вöчны. Со тадзи Валя воис Коми муö.

Сиктын том гозьялön олөмлы лон куим төлысь. Гожöм

пом кутіс мыччысьны, а нывбабаяс пыр на эз өвсьыны, найёс кывнас петшөралёмысь, өтдортёмысь. Со и талун асыв Валя видз вылө мунігас думайтіс, мый бара рытөдзыс кыла немөй моз овны ковмас.

Нывбабаяс мунісны видз вылө. Валялы эз кө вөв кажитчана тайё местаясыс, то нөшта сьёкыд вөлі. Но видзыс, сы бокса вөрыс лапкор моз кыскёны сьёлёмсьыс поздысьом жугыльлунсө. Курансө пельпом вылас пуктөмөн сійө вөтчис нывбабаяс бөрся. Бокиянь кө видзөдны, то мөс стадаын кодь артмө. Ваясны тай на дорө вель сюрүкөс, да мукөдыс синнас видзөдны первойсө оз вермыны. Быдөн лёкысь люкыштны видзөдөны. Вель дыр ковмө наысь бокрын йирсьыны. Найөтө өд кывтөм пемөсьяс. А өні со йөз мунёны да сідзи жө.

Валялы кызкө кажитчис страда дырйи нывбабаяслөн зільлуныс. Шондіа кө луныс, шойччытөг уджаласны видз вылад. Сійө асьсө уджавнысө эз нин лыдды дышөн, и то шензис.

Воисны төрытнас ытшкөм видз вылө. Öтияс косаөн заводитісны вольсавны вөр бокрын быдмысь турунсө. Куранөн лёддзысь турунсө юрө чукөртімоз нывбаба выльысь любуйтчис татчөс местаясөн, йөзлөн уджөн. Гожся шондіыс качөма козьяс да еджыд кока кызьяс весьтө, удитөма нин нювны турун вылысь лысвасө. Со Нина тажьясьөмөн швичкө-ытшкө гөрбуш косаөн. Кыз заа туруныс, косаөн чилснитөм бөрын, весиг сулыштас на, а эсся водас му вылө.

Уджалігад кадыд төдлытөг кольө. Со нин пажын кад. Зэв жө кажитчис сійө Валялы. Нывбабаяс кокьяссө өшөдөмөн пуксялёны бужөд бокө. Кыскалёны ытшкөм видз вылө вайөм сёянсө. Пөжасьны гортас, кодлөн абу пөрысь мам, оз удитны. Сы вөсна лавкаса няньсө кылөдөны сулеяын вайөм йөлөн. Корскёны видз вылын шойччысь вөвьяс. А челядь уськөдчөны купайтчыны. Платтьө бөждорөдзыс коксө суйласны ваө сөйтөдз и нывбабаяс. Ставныс гожьяслөмаөсь, крепыд вир-яяөсь.

Валялы воддза мозыс жө ковмис пуксьыны бокө. Сійө эз гөгөрво, мый йылысь сыланьө видзөдлөмөн больгисны мукөд пажнайтысьясыс. Энькаыс сылы лөсьөдөма небыд көвдумьяс, сулеяын йөв, лавкаса чери жаритліс ачыс. Пукаліс нывбаба да ю вылө видзөдөмөн сөйис.

А челядь бузөдчисны-купайтчисны ю шөрын. Коді чилзіс радысла, коді сунласис. Пажын чөжыс вермасны вас овны. А эсся сёясны өдийө и бара вөвьяс вылө. Но

мый тайо? Оти детинка то вöйлас, то бөр мыччысьлас, лёкгоршён горзö. Валя, дерт, эз гөгөрво мый.

— Вöя, вöя!— кыліс юсянь зонкалён гөлöсыс.

— Мый нö збыльысь вöйö али мый?— комиён, дерт, юалис купайтчысьяслысь бужöд вылын пукалысьяс пöвстысь öти.

— Оз, Дурö,— кыліс юсянь.

А зонкалён дурöмыслы пом абу. Горзö и горзö. Валя сувтис. «Мый нö пö тайö йöзыс кын сьөлöмаöсь али мый? Вöйö мортыс, а налы веськодь,— вирдыштисны мөвпгяс.— Абу нин йöз!» Сійö уськөдчис ва дорö да бузгысис юас. Ена бура варччыны сылөн сям эз вöv. Но öд та вылö тай он видзöд, кор кодкө вöйö. Нывбаба лёкысь кинас шена-сигтыр веськөдчис зонкалань. Со нин сійö матын. Сійöс адзём бöрын детинка серöктис да тэрыба кутис варччыны береглань. Дурöмсьыс зульöдöмысь повзис. А Валялысь кужтöгыд варччигөн став эбөссö нённыштисны. Да нöшта тадзи ылöдлісны. Береглань гоз-мöдысь кинас васö курыштём бöрын гөгөрвоис, мый став тушаыс сьökтис, кокыс лэччö ю пыдöслань. Сійö кутис ачыс вöйны.

— Мый нö Ладимер гöтырыс лои?— кор пырис ваö Валя, чöвтис öти.— Купайтчыны друг кутис.

— Сійö, гашкö, коминад эз гөгөрво да сійөн уськөдчис. Думайтис збыльысь вöйöмөн,— шемöсмис мөд.

— Видзöд, видзöд, пон моз варччö. Оз куж,— скöра китшнитис-серöктис Нина.— Нöшта öд вöйысьлы отсавны кöсйö.

— Вай ланьт,— орöдис кодкө.— Сійö öд со вöйö нин ачыс. Яндысьтём бугыльяс! Ылöдлінныд мортсö. Зонка вöснаыс öд вöяс.

И ставөн уськөдчисны ва дорö. Нина да нöшта куим том нывбаба варччисны нин вöйысьлань. Недыр мысти Валяöс кыскисны косинö.

— Йöюк тэ, йöюк,— малалис юрсисö олöма нывбаба.— Шмонитисны öд челядьыс.

— Да сійö жö кага виччысьö,— горöдис кодкө.

И став нывбабаыслөн друг меліось лоины сингьясыс. Быдөн мыйкө бурös, сьөлём шонтанаös зілісны шуны. Тöбисны нывбабаös, коді мыйөн вермис.

## ОН ҚО ЛЭДЗОЙ, ПЫШЬЯ

Тувсовъя туйыс дзыкөдз ньөдздіс. Гөпьясын югъяліс лым ва. Шондіыс сюсьяліс лөз енэжсө тупкыштөм кымөръяс сайсянь. Зоя Егорьевна, районса главнөй врач, ньөжйө воськовтіс больнича порогсө. Мыйлакө талун эз кыкы сійөс лекарствояс дукөн өвтысь жырйө.

— Зоя Егорьевна, тиян дорө Ваддор сиктса фельдшер,— висьталіс печатайтчан машинка вылын тотшкөдчысь ныв.— Төрыт воліс и. Талун со асывсяньыс виччысис тиянлысь локтөмнытө.

— Көні нө?— кытшовтіс видзөдласнас жырсө главврач.

— Öні тані вөлі, колөкө, сөйны муніс.

— Но ладнө, локтас да лэдз.

Аслас жырйө пырөм бөрын Зоя Егорьевна матыстчис өшинь дорас, нимкодясис ловзьысь ывлаөн. «Кызди бара татшөм каднас локтөма-а,— мөвпыштіс Ваддор сиктса фельдшерица йылысь.— Кык ю сайын өд сиктыс. Лөз нин йиыс».

Вежон сайын сы ним вылө воис Ваддорса фельдшерица Маша Коданевасянь письмө. Корө вуджөдны мөд сиктө, тасянь ылөджык. Мый нин сыкөд лоис, мөвпаліс Зоя Егорьевна.

Маша Коданеваөс Ваддорө мөдөдліс куим во сайын. Сиктсаяс эз норасьны сы вылө. Куим онас лоис ас мортөн. Весиг со сельсөветса депутатөн бөрийсны. «Дерт, көнкө, зон мыжа»,— мөвпаліс главврач.

— Позьө?— жырйө воськовтіс Маша Коданева.

Вөлі сійө кокни пальтоа, кучик көмыс васьыс польдыштөма. Чужөм вылас вежсьөма жө, быттө сьөдөдыштөма. Мугөм синъясыс жугыльөсь. Зоя Егорьевна пуксьөдіс сійөс воча.

— Ме письмө гижлі,— заводитіс ныв.— Воліс?

— Воліс, воліс. Но мөдлаө вуджөдны ог и думайт. Уджав сэн. Йөзыс ошкөны. Олөмад тай мыйыс оз овлы. Менам, думайтан, ставыс шыльыд? Но ог тай эновт да мун.

— Тиян мөд делө. А менам...

Ныв видзодліс сы вылө жугыльпырысь. Зоя Егорьевна лөсьодчис кывзыны.

...Маша Қоданеваос сиктас збыльысь ёна пыдди пуктісны. Сійө клубын лэчыд гөлөснас ливкйөдлас-сьылас, и семьякостса зык-шумтө сяммө ланьтөдны. И төлка фельдшерца.

Но бөрья кадө думъяс өдөлитісны нылөс. Сельсөветлөн өти сессия вылын кыптис сёрни, мый Ваддор кузя довъялө зэв уна пон.

— Сикт кузяыс көть зорйөн ветлы,— шуасис кодкө.

— Пөгибө воим,— норасис мөд.

— Миянлы тшөктөма бырөдны домавтом понъяссө,— гөлөс сетіс и сельсөветса председатель.

— Код нө босьтчас ружьеөн найөс лыйлыны!

Дыр на өтарө-мөдарө сёрни визьсө доровталісны, а өти кывйө эз воны. Машалы пыдөдз мөрччис сёрниыс. Збыльысь өд, дивө кодь и кутіс лоны. Мукөдыс кукань ыджда пон видзөны.

— Он нин мынлы ловъя юрөн тіянысь,— пон свадьба дырйи нывбабаяс вала весиг полісны петны. Пон комын лёддзөн ветлө. Шу лёк кыв, косявласны.

— Оз тай колера налы во,— ропкөны.

Петан туйсө наысь мынтөдчөм вылө Маша казяліс другөн. Весиг серамыс петіс. Сельсөветын пө думайтінныд да эн кужой мөвпыштны, ме пө мынтөда сиктсө тайө пон стадасыс.

Збыльысь, регыд мысти чермуніс нель пон. Сэссия лунмөд мысти нөшта немын. Та бөрын кодюрө домалісны. Тайөс казялөм бөрын Маша и ошйысис сельсөветад. Ме пө санэпидстанцияө лэччылі да яд кори. Эг жө пө веськыда висьтав, мый понъясөс виавны кута. Крысаясөн пөгибө воом вылө ыстыси. Председатель кывзіс сійөс ланьтөмөн, а сэссия сьөкыда ышловзис да бергөдчис өшиньлань. Ныв пукыштис жырйын, но мөдыс кыв эз лэдз. Ковмис петны. Колөкө, сельсөветса веськөдлысьыд некодлыг и эз висьтав, но кывлөма налысь сёрнисө орчча жырйын пукалысь тшөтайтчысьыс. Сійө и паськөдөма сёрнисө.

Тасянь ставыс заводитчис. Найө, кодъяс сөмын на ропкөдчисны, мый понъяслы некутшөм ускөттө оз ло, талун вувзысисны ныв вылө. Быдөн ас ногыс. Öтияс чөв олісны, аддзасны да бокө кежөны, быттө сьөкыд висьөмөн висьысьөс кытшлалөны.

— Со кытчөдз воөмыд, понъясөс изьведитан,— сиңмас шулісны мөдъяс.— Абу тай яндзим живөтина вылас китө лэптыны. Тьпу-у!

Весигтö пöчьяс уколасьны дугдiсны волены. Машаöс быттö овтöм керкаö йöртiсны. Армияысь локтöм öти зон эськö сы дорö ляскысьны нин кутлис, но кодзöдчис та бöрын. Кöзьяйкаыс, кöни сийö олис, асьыс тасьтi-паньсö саймовтiс. Сьöкыд думьяс йирисны нылöс. Йöзлы буртор кöйсис вöчны, а дур лои. Сэки и гижис главврачыдлы письмötö...

— Тётя Маша! Тётя Маша,— кашкöмөн локтiсны рытладор сы ордö орчча керкаысь кык детинка, ар кökьямысаöсь. Синъясныс бöрдöмысла пыкталöмаöсь.— Отсалöй!

Кутшöмкö ыджыд ускöттö лоöма. Маша пыр жö кутчысис сумкаас.

— Батьыд ли мамыд мыйкö лоисны?— юалис петiгас.

— Эз,— шлюпкисны детинкаяс.— Тшайконым висьмис.

— Мый нö ме верма вöчны. Ме öд мортъясöс сöмын бурдöда,— сувтовкерыштiс ныв.

— Отсалöй,— корисны челядь.— Кулас öд.

Тшайко, куим тöлысья кычи, куйлис джоджас. Челядь тöбöмаöсь важ фуфайкаö. Гортас некод абу, бать-мамыс удж вылынöсь на.

— Со... Асывнас на ворсiм, а öни кок йылас оз сулав. Восiс и быдөн,— ышлолалöны детинкаяс.

— Йöв вайöй,— ныв гөгөрвоис, мый лоöма. Кычиыд, дерт жö, сылысь на ядсö сейöма.

Вайисны йöв. Понпи дiнын куйлис нин мукöд пөлöс сёян, кодöс абу вөрзёдлöма. Йöвсö сийö эз жö ю. А синсö чöвтлiс ныв вылö, быттö дивитiс сийöс. Час кымын ноксисны. Маша весиг укол суйис. Детинкаяс, кöнкö, эз и кывлыны, мый сийö понъясöс ядөн вердöма, да жмитчисны сы бердö. Но пон век жö кулис. Челядь сутшик босьттöдз лимзалисны-бöрдiсны. Маша петiс да сёр рытöдз ветлöдлiс сикт сайын...

— Сэки ме гөгөрвои öтитор. Кор гижитiянылы письмötö, ме эг на стöча мөвпав мунöм йылысь,— чöv олыштöм бöрын висьталiс Маша Коданева.— Думайтi, йöзыслөн вунас ставыс. Но кор аддзылi челядьыслысь синъясö! Аддзылiнныд кö, кутшöм жугыльöсь вöлины! Найö быттö дивитiсны менö, мый эг вермы мездыны кычисö кулöмысь. А тöдмаласны кö, мый менам мыж вöсна сийö кули? Сэки эськö нэм чöжныс лөгавны кутасны. Гырысьясыд таысь вермасны на прöститны, но челядь!.. Сэки думыштi ачым татчö локны. Кытi подөн, кытi машинаөн воёдчи. А он кö лэдзöй, босьта да пышъя. Мырдөн муна. Лэдзанныд?

Зоя Егорьевна чөв оліс сылөн висьтасигкості да и өні эз пыр вочавидз. Мөдыс висьтасьны заводитөдзис на вештыштис сы ныр улө удж вылысь мездом йылысь за- явление. Зоя Егорьевна видзөдліс сы вылө да бара ду- мыштчис.

Юрас воис челядьдырсяяс. Кызди ыджыджык вокыс- көд да бать-мамыскөд ветлісны орча сиктө рөдняыс ор- дө. Чоя-вокалы зэв кажитчис съод да еджыд сера каньпи. Корисны тьоткаыслысь. Ок и шудаөсь вөліны, кор кань- писө өта-мөдныскөд вежласигтырйи, морөс бердас топө- дөмөн вайисны гортас. Чери кыйисны сылы, медся чөс- кыдторьяснас вердлісны. Отчыд бать-мамыс мунісны ве- жон кежлө гөститны, сетісны овны чоя-вокаөс баб ордас. А каньсө вөзйисны суседкаыслы. Код төдас: абу вердлө- ма ли, мый ли, но кор воисны бать-мамыс, каньыс куйліс посводзас, кулөма. А кызди найө та бөрын кутісны лөгав- ны суседкаыс вылө! Медся лёк мортыс вөлі сійө челядь- лы сиктас. Өні, кор Зоя Егорьевна асьыс нин челядьсө быдтіс, гортас волігөн век на көдзыда быттьө сёрнитө пө- рысь нывбабакөд.

— Он кө лэдзөй, пышъя,— мөдысь шуис Маша.

Нывлөн доршасис синваыс, Зоя Егорьевна видзөдліс сы вылө, босьтіс заявлениесө да гырыся гижис сөглас кывъяс.

## ВЫЛЬ ВО ВОДЗВЫЛЫН

«Тайө быть босьтас!» — ыджыд надеяөн кымынөдысь нин мөвпыштліс Сергей, сійөс пановтысь машиналы кинас яра өвтчиг. Но машина, кызди и воддзаясыс, журкнитліс дінтіыс, лым бусөн сөмын койыштліс.

Зонлөн ёна и лөгыс петавліс сэки төдтөм шофёр вы- лө.

Ывлаыс заводитіс нин рөмдыны. Туйбокса пуяс сай- сянь пөльтіс чизыр төв, дзужалис чужөмсө. Өні Сергей жалитіс нин, мый рытъявыв петіс кузь вөлөкө.

Но өд сійө сэтшөма тэрмасис гортас, сиктө! Сылы сэтшөма окота отлаын гортсаясыскөд пасйыны Виль во. Сумка тыр гөснеч со катөдө и...

Лэпталөм воротникыс эз мезды сійөс питшөгас пись-

көдчысь төлысь да посни лым чиръясысь. И көть эськө и тэрыба восталіс, но некыз эз вермы шонавны.

Гортөдзыс бура ылың, ветымын гөгөр верст. Пыр кө тадзи подөн мунас — асылөдзыс тырмас. Дед-Морозкөд өтлаын ковмас пасйыны Выхь восө, сьөд вөр. шөрын.

Турзыштөм туй южсө бара на югзбөдіс мышсянь восты машиналөн би югөрыс. Сэсся и вөтөдіс сійөс тэрыб «Волга». Надеясө воштөмөн нин Сергей лэптис кисө — татшөмъясыд өд гежөда босытлөны... Но виччысьтөг машина дзуж сувтис сы динө.

— Ылөдз-ө нө бурлакыс тапиктө?— юалис шофёр кыпид гөлөсөн.

Сергей вистыталіс ассыс сиктсө.

— Ми неуна матөджык. Но көсьян кө, пуксы, гур-гөдыштам.

«Көсьян кө! Кутшөм али юасьөм тані...»

Машина пытшкөсса шонөдө веськалөм бөрын Сергейлөн сэтшөма личалис лолыс!.. Шофёрысь кындзи сәні вөлі нөшта өти морт, найө юасьыштисны зонлысь өттор-мөдтор йылысь да регыд бөр ылалісны асланыс сёрниө.

Верст нель-ө-вит төвзыштөм бөрын пемыд туй бокын тыдовтчис нөшта өти морт. Лэпталө жө кисө.

Шофёр юалана видзөдліс орччөн пукалысьыс вылө. Мөдыс довкнитис юрнас: сувтлы пө.

Сэсся ставөн чуймыштисны: мунысьыс вөлөма ныв.

— Кыдзи нө тэ он пов вой кежлө татшөм вөлөкө петны!— не то дивитис, не то ошкис нылөс шофёр.

— Кыдз ог пов!— воча нюмъяліс көдзидсьыс кыза банийөм чужөма ныв.— Енджыкасө бур йөз вылө надеяөн жө петі...

— Выхь во кежлө жө тэрмасян?

— Да. Бура дыр нин гортын эг пасйыв Выхь восө. Первой институтын велөдчи, век некор вөлі. А өні сэсся ачым нин велөда, аслам челядькөд лөө ноксыны праздник дырйи. Таво тай со кызкө-мыйкө слөймөдчи нин, мамөкөд сэтшөм окота өтлаын пукалыштны...

— Кытчөдз нө мунансө?— юалис водителькөд орччөн пукалысь мужичөй.

— Ог эськө ылөдзсө да. Пөчинок сиктөдз.

— Ок, нылук, бокынджык тай сійө мян туйысь. Буракө, верст вит-ө-квэйт бокын.

— Сәтитө кызкө-мыйкө нин! Гашкө, кодкө, бур морт, бара на машинаас пуксьөдас.

Нылыс вөлөма варов. Вистысис, мый сійөс шуоны Тоняөн. Гажаа сёрнитігтыр да сералігтыр төвзисны водзө.

Быдөнлы вöлі лöсьыд сьöлөм вылас: öд регыд Вьль во, и матысса йöз виччысьöны быдөнöс...

Но Сергейлы вöлі неуна и жаль нылыс — сійö тöдiс, кöнi тайö Пöчинокыс, и кор думыштлiс, кызди Тоня кутас восьлавны пемыд вөрöд, сьöлөмыс весиг топавлiс. А машинаыд татшөм сёрөннад сэтi öдвакö веськалö...

Регыдөн и дзужнитiсны-воисны Тонялөн туйвежö.

— Но, ныланöй, лючки-ладнö воöдчыны тэныд,— бур сисны олöма мужичöй да шофёр.

Тоня аттьöалис и петiс.

Машиналөн восьса öдзöсö ыркнитiс чизыр төв ныр. И Сергейлы друг быттьö чунгис сьöлөмас... Сійö друг пондылiс кажитчыны аслыс помтöм мыжаөн. Сыысь, мый нывсö öтнассö кольö кодзыд да пемыд вөрö... И сійö, немтор думайттöг на, кватитiс сумкасö да чöла чепöсйис ывла ылö...

— Тэ нö тшöтш али мый татчö петан?— чуймөмөн горöдiс шофёр.

— Мунöй!— сöмын и öвтыштiс кинас Сергей.

Машина журкнитiс скöрысьджык да лыйыштiс-мунiс, мышса гөрд биясыс регыд саялiсны чукуль сайö. Нылазонма колисны öтнаныс.

Вой төв улын дзуртiсны-куснясисны кузь козьяс. Тшын моз пуркйис лым бус. Енэжын эз тыдав ни öти кодзув.

Ныв йöжгылясьыштiс, полiгтырйи чатрасьыштiс öтэрö-мöдарö.

— Кутшөм шуштöм!..— шуис ышловзьöмөн.— А тi нö миянланьö жö мунысь? Шуда на тай менам вöвсьöма...

Сергейлы окота вöлі веськыда висьтавны сьöлөм кылöмсö, но — эз. Шуис, мый медводз воис дум вылас:

— Пöчинокыдкөд орчча посёлोकын менам ёртöй олö, сы дiнö тэрмасыс...

А ачыс мөвпалiс, мый, нывсö колльöдөм бöрын, гашкö и, удитас на ас кадö воöдчыны гортöдзыс. А мый, удитас, дерт, тэрыбджыка кö восьлавны!.. А гашкö и кутшөмкö машина на бара сюрö...

— А кыз нö эськö тiянöс шуöны?— варовитiс ныв.— Энö на и нимнытö висьталöй...

— Сергей...

— Лöсьыд ним — Сергей... А тi збыльысь посёлочас мунанныд?

— Збыльысь...

— Шофёрыс тай, мися, чуймис, кор тi петiнныд машинасыс да...

Сергей эз удит вочавидзны, мышсянныс найöс бара

вөтөдiс югыд биа машина. И төдса гөлөс гажаа шыасис:

— Но, энö на кынмöй, пуксьöй!..

Нылöс вайöдiсны горт дорöдзис. А эсся, кор нин тэр-масигтыр бөр төвзисны паськыд туйлань, Сергей казялис, мый думайтö Тоня йылысь. Йиджисны сьöлөмөдзис сьлөн мелi синъясыс. Пеляс век на быттö кылис сьлөн сель-гысь гөлөсыс, кодөн аттöалис торйöдчигас.

Сийö пукалис шоныдiнын и мөвпалис, мый со кутшөм бурöсь и Тоня, и тайö шофёрыс, кодлысь весиг нимсö оз төд. И Сергейлы чайтсис, зэв ёна эскыссис, мый локтан воын сьлөн олөмыс лоö ёна шудаджык.

## НО, МОРО, КАРСАЯС

Якö Васьлөн потiс юрыс. Думсьыс ёрис став сюра му-тияссö, кодъяс вомас койыштiсны төрыт бөръя кык вина стöкансö. Пыр думайтiс, мый нöшта öти стöкан гулькни-тас, и ловзяс, лөсьыдджык лоö. Но лөсьыдөдзис удитiс пöрны. Сулеяясын войт абу кольöма. Пожъялөмөн тай он жö ю. Час-мөд нин туплясис вольпасяс. Қок шонтысьыс абу, и эз вöv. Олис нелямын сайö арöса мужичöй öтнас. Первойсö бөрйысис. А эсся дас көкъямыс арöсаясыд эз нин кутны сьлөн сёрни вылад кильскыны. Пöрысьтны кутiсны. Торйöдчөм нывбабаяс вылө эз жö ышты. Бурьыс öд найö мужиксö эз энөвтны. Сидзкö, карактерыс абу зар-ни. Сэсся нелямын арöсö вотөдз ньöбөм гөтыр сюри. Ви-накөд öтлаасис. Гулькнитан гоз-мөд стöкан, со тэныд и кок шонтысь, и гажöдысь. Сидзи и олис. Қартупель кöйды-сыс мед лимзавны-бөрдны эз кут, ломтывлiс жö пачсö. Ёна эз лышкыдась. Со турипув вотан кад нин воис, а сьлөн кизьöриник чипассьыс öти плака на эз чин.

Сылысь пестуйтчөмсö торкисны посводзын кок шыяс. Татшөм кадад Якö Вась көть синнас некодöс оз аддзы, но посводз öдзöсыс тай восьсөн кольлөма.

— Здоровье, Василей чож. Бара нин ньöбөм висьöмөн нёрпалан,— вольпась дорö шавксьöдiс чойыслөн пиыс.

— Вися тай со,— юрсö лэптыштiс Якö Вась.— Ог вер-мы тэ моз, нёнпом чибö моз, ризъявны.

— Төдмась. Тайö менам начальник, мөд ногөн кө, цех-са мастер,— збодера юөртiс Қоля племянникыс порог до-

рын сулалысь Васькөд арлыда мужичöй вылө индигмос. А сэсся гөлөс вежсьөмөн шыасис сы дорө.— Василий Николаевич, со тайö и чожöй менам. Төдмасьöй. Асьныд аддзанныд, мортыс бур. Катөдлас миянөс.

— Кытчö катөдла?— ырмунис Якө Вась, но сэсся ланьтис. Юрас воысь мөвпъясыс өлөдिसны. Од карсянь воём йөз. Колөкө и, юр веськөдантор на сьөрсьыныс эм.

— Ог ме вермы некытчö вөрзьөдчыны. Эбөс абу.

— А ми, чожö, врачьяс. Öнi жö бурдөдам.— Коляяс тивкнитлис өдзөс дорө кольөм сумкалань. Кыскис сэтысь еджыд сарапана доз. Со лекарствоыс.

Колякөд пöрысь мужичöй воськовтис да шняп пуксис пызандорса лабичö, коксö кресталис. Мөдыс пожйыштис төрыт урсалөм стөканьяссö. Кисьталис.

— Василий Николаевич, меным өд öнi позьö? Абу удж вылын. Сидз өд?— лебезитчö мөд дорас зон.

— Позьö,— öвадысь моз öвтыштчис мөдыс.

Якө Вась вöляысь, ойзигтыр чеччис, вештыштис бөрлань гынмөм юрсисö.

— Төдмасьөм вöсна,— суйсис бара Коля.

Гольснитисны стөканөн. Төдтөм морт шпыньмунис да шуис сөмын Якө Васьлы вылө.

— А төдан медся дженьыд тостсö? Он?— Сийö кыскис ас пытшкас сынөдсö да сьөлөмсянныс лэдзис.— Ы-х-ы!

Сэсся исковтөдис биа васö. Коля любөпырысь килькенитис. Якө Васьлы ставыс на вöли веськөдь. Укйөдлігтыр кылөдис винасö. Сэсся вель дыр чөла пукалис, мед лекарствоыс гырк пытшкас разалас. Син водзын кутис вежсьыны, весиг чукуръясыс шылялисны. Сэсся мөд пөв гулькенитисны.

— Быттö ладинечөн бөр лои,— долыда артмис Якө Васьлөн. Сэсся паськыда шпыньмунис.— Но-о! Кытчö колө катөдлыны? Öнi коть райö каян поссö вуджа.

Коля долыда нюммунис да, няньтор виччысьысь пон моз, видзөдліс ськөд локтысьлы синмас. Локтөмсянныс налы эз везит. Гортас, бать-мам ордас, сёрнитны эз кутны нюрö катөдлөм йылысь. Водз на пö. Кисьмытөм на турипувйыс. Сөмын щонділань бана бокыс гөрдөдыштны босьтчөма. Весиг гортын кисьмөдөм вылө лачаөн водз на вотны. Василий Николаевичыс нинөм на дырйи эз шу, сөмын нускис. Кор ас кежö колисны, сөдзөдис:

— Тöлысь чөж пель дорын тиньгин. Кайлам миянө, турипувтö быттö койыштөмабсь нюр вылас. Ачыл со, вөлөм, карта сайсьыд весиг нинөм он төд.

— Ме жö думайтi, мый катöдласны. Ылöсас, эськö, и ачым тöда. Но вермам вошны.

Коля во сайын помалiс училище да кутчысис уджавны карса механической заводын. Рöдысь петöм морт кодь ичöтсянь быдмис. Кодi сыысь вынаджык, ськöд ёртасис. Гырысьджык вокъясыс кымынкö дiтшкун сетлисны таысь. Но ас йöзыд тай бокöвöй зонкаяс дорсьыд жалитöмöнджык тайöс вöчöны. Батьыс асывнас бара дöжныштiс, мый морла пö тайö мудер синма мортсö нопъялин. И со чожыс дорö катовтисны. Василий Николаевичыс пыригас на стрöжитiс. Оз кö пö сийö нулы, то... А сийö со шоныштiс да, райö каян поссö кö петкöдлан, катöдас...

— Ми турипув вотны воим,— юмола вашмунiс Коля.

— Турипув? Водз на öд.

— Ми öд карад мыйöн тöдам, кисьмис эз на.— Коля-öс видзöдласнас сотыштöм бöрын сёрниислысь вöжжисö аслас киö босьтiс Василий Николаевич.— Воим нин тiян сиктöдз да бöрсö куш киөн мунны абу окота. Гöтыр ловйöн сёяс. Вина дучкыны пö вошлан. Либö нöшта ёнджык помкаö кутчыяс. Пöдруга пö видзан.

— Гöтырыд абу мöтырыд. Бисьыд оз сотчы,— бабакöд олöмсьыд нинöм пöтурайттöм Якö Вась брольснитiс медводз воём мöвпсö, а сэсся сёрни визяс нин содтiс.— Найöс усьмиритны сьöкыд. Самасясны кö, то он мын. Но ог на öд вермöдчы.

— Гөгөрвоа,— аслыс донсö тöдöмөн вомкötшнас нюмунiс гөсть.— Но уна ог чолькнит. Стöкан джын тырмас. А то вөрö пыдди бара крöватяд кавшасян.

— Стöкан джын кö и стöкан джын,— шеныштiс кинас Якö Вась.— Катöдла. Кулöмысь мездiнныд да. Эн кö локтöй, то, колöкö, лолöй печатайтчис.

— Медся турипувъя местаас, чожö, катöдлы,— сюисис сёрниö Коля.— Кодöс тай миян рöдыс сöмын тöдö.

— Сэтчö ылын.— Палялыштiс Якö Вась да скöрысь кодзлыштiс зонлань видзöдласнас. Сэсся чорыда содтiс.— Сэтчö ылын.

— Рытöдзыс кадыс уна,— босьтчис мöд гөсть.

— Уна кöть этша,— орöдiс Якö Вась да вештыштiс вина тыра стöкансö.

Якö чукөрлөн вöли аслас вотчан места. Көркö Якöыс на зурасьлöма. Сэсся сэнi и вотчыны кутöма. Абу торъя ыджыд места. Сы вöсна тöдтөг люкасыны сы вылö сьöкыд. Бöрынджык сийöс индiс быдтасьяслы. Бокöвöй рöдысь татчö эз катöдлыны. Топыд вомаöсь ставөн. Эз, эз дзебны найö горшлунла. Ковмас кö, медбөръя улыс дö-

рөмсө сетасны. А вот турипувъя местасö эз висътавны и ставыс. Зэв нин гырысьöсь, пев пом кодьöсь тусьясыс. Йöзыдлы завидьлун вылö моз быттьö дзебисны. Сэсся и сы вöсна, медым эз талявны ёнасö. Артеляд öд быдсямаыс эм. Колöкö, кодкö увнас и бадьнас нетшкас горшысла. И сэтшöм места тшыкöдасны.

— Но сэтчö кö он, то кöть мöд местаö. Мед сöмын кушкйөн не бергöдчыны,— Якö Васьлысь зумыштчöмсö казялöм бöрын сетчис мужичöй.

— Мöдлаö, кöсийси да, катöдла, а сэтчö ог. И эн думайтöй, мый öтикөн-öтикөн кутанныд вотны. Ме вöртö тöда.

Сэсся Якö Вась кышаліс паськöм. Вежсигмозыс нöшта видзöдліс племяшыскöд воём морт вылö, да дольдмис думъяссыс: «Ме тэнö новлöдла. Медся ыліинас нуа. Кынöмыд усяс».

Вöрса ордымöд шавксьöдісны чöла. Коля эськö заводитіс мыйкö тельгыны Василий Николаевичыслы. Но мöдыс ланьтіс. Якö Вась бөрö бергöдчылöмөн видзöдлывліс на вылö. Думсьыс ваксьыштіс, мый карса мужичöйыс вöрас пыригөн нин повзис. Пуртöссьыс пурт кыскис да эз и сюйлы. Вель дыр мунöм бöрын воисны местаöдзыс. Рытöдзыс уна удитісны öктыны. Гöстьяс тыртісны чумансö. Сэсся мешöкö вуджисны. Некидзи мунны эз кöсийны.

— Ме тай шулі, мый турипувтöг бөр он локтöй. Ме тіянлы жö ассьым сета. Öтка олысьыдлы та мындасьыс нинöм. Ковмас кö, мамлөн пельсасьыс вотчышта тöвнас,— дзольгис Коля.

Рытнас Василий Николаевич жальпырысь кисьтіс Якö Васьлы нöшта стöкан. Та дырйи кык стöкан гулькнитіс ачыс. А сэсся пöпутнöйөн Колякöд лэччисны. Якö Васьлы друг лон деливö. Эз сы вöсна, мый этша вичмöдісны. А кызкö деливö и ставыс. Быттьö кодкö гиджгис морöс куд пытшкас, пилитіс. Сы шөрö-водзö Колялөн батыс пырис.

— Сідзи и тöді, шуринад, мися, катöдлас. Сöмын дозйыслысь юрсö мыччыв,— пыригмозыс уськöдчис сійö.

— Мый нö тэныд, жаль мöй. Мед вотчöны,— скöра жö вочавидзис Якö Вась.

— Абу эськö жаль да. Лючки öд эсійö мудер мужичöй вöснаыс ачым эг катöдлы. Мöд кö вöлі, то нулі. Этша öмöй карсаыд вотчылісны.

— Меным эськö эз жö кажитчы да,— лэдзис гөлөссö кöзьяиныс.

— Мыйла нö, сідзкö, катöдлін? Менам шойданникыс

сэтшөм жө. Кыскө кодос оз ков. Эз тай и кольчы. Ма-  
мыс видны жө лосьодчыліс и...

Вежон мысти Якө Вась керка дорө дзуж сувтіс авто-  
бус. Сэтысь тшөгөля петіс Василий Николаевич. Зургис  
кисө йорас картупель керысь Якө Васьлы.

— Чолөм, важ төдсалы. Тьозөлы,— збодера шыасис  
сийө.

— Видза олан. Бара вотчыны.

— Колө, колө. Көсья весиг вузыштны. Депенит вы-  
лө. Вичмас кө. Сийөн котырөн и воим. Ставсө, коді гор-  
тын вөлі, вайи. Гөтырөс, тьощаөс, челядьөс тшөтш. Катөд-  
лан өд?

— Ог,— чөвтіс Якө Вась.— Картупель колө керны.

— Керяс на. Видзөдөмпырьяысь абу уна кольөма,—  
киргыштіс гөсть, а сэсся содтіс мудера кунькыртчывлө-  
мөн,— колөкө, виртө вежыштам.

— Ог жө,— гөгөрвоис көзяиныс.— Шойчча сыысь.

— Сідзкө, он катөдлы?

— Ог,— коса орөдіс Якө Вась.

— Ми и асьным туйсө аддзам. Ог нин өти во вөрөдыд  
ветлөдлы.

— Аддзан, кыскө?— серөктіс мөдыс.

— Кыдзи тэ думайтан, мыйла ме пуртөс кийн видзи?  
Ме өд төвйылөм көч. Пасйөдьяс вөчалі. Сы серти и каям.

Якө Вась вежсис чужөм вылас. Бытьтө сылысь донатор  
мырддисны ылөдлөмөн. Кельдөдіс. Кабырыс топөдіс  
зыр воропсө. Весиг карсаыс бөрынтьчыштіс да юковтіс  
автобуслань. Недыр мысти сэтысь петісны гылыд нюмба-  
на йөз. Сэсся гизгигтыр веськөдчисны вөрлань. Гөстысь  
вугйис водзвылас. Весиг со автобуссө эз вештыштны, ме-  
дым дэльөдны. Рытнас сёрөнокдь вель жө дыр пырисны.  
Ошйысигмоз нопьяссө тапйөдлісны. Та дырйи гөстысь  
долыда гоньөвтіс Якө Вась өшиньялань.

Мөд луннас Вась эз вермы кутчысьны да кайліс места-  
сө видзөдлыны. Сэні бытьтө ош свадьба мунөма. Став  
нюрсө лөйөмаөсь. Косджык кө вөлі, то гумла артмөдіс-  
ны.

Нөшта вежон мысти Коля өтнас кайліс гортас. Недыр  
кадколаст бөрын, лэчкысьь мынөм пөтка моз, төвзис нин  
карлань. Вуджөдчанінын сы дорө сирасис пыкталыштөм  
дядьө.

— Тэ, тыдалө, вотчыны ветлін? Кывзы, вай вежсям.  
Тэ меным турипув, а ме тэныд өмидз варенньө. Тэ литр и  
ме литр. А то мунім өрткөд вотчыны да юсим. Дачаысь эг  
петавлөй. А гортө тадзи кө локта, то пурасны,— сойбордь-

яе Колялы кутчысьомён шуалис сійö. А сэсса сюсьджыка видзöдліс зон вылö да долыда шпыньмуніс.— Тэ тай ме кодь вотчысь жö. Вина лавка дорын гартчöмьд.

Коля мездіс сойсö. Кинас саймовтыштіс синсö, кодлөн кöтшасыс öйис. Якö Васылөн кабырөн жняпкөм печатьсьыс.

## ТЕШКОДЬ МОРТ

Тешкодьянас, дерт, сійöс шуис сöмын гöтырыс. Кызы вит арöса Ольöксан Савин уджалö совхозын техник-строительöн. И оз омöль туйö пуктыны. Со тай нö кызди кыптіс выль скöт карта, а сиктса клуб зымöбтöмын сылөн пайыс абу жö ичöt. Эз öтчюд карад веськöдчыв, медым нуждысьны да вайны колана материал. Талун бара на мöдöдчöма. И бара Нина гöтырыс тешкодьясьö совхозса директор водзын.

— Андрей Макарович, сё криста ради, мöдöдöй кодöс-кö мöдöс кирпичтö корсьны. Сöмын эн менсьым йöйсö,— кевмысьö Нина.

Сідзсö нывбаба абу кулитана. Чöрс кодь кокъяса, кык кабырөн шымыртмөнъя коска, чужöмнас авъя.

— Тэ со коймöдысь нин тадзисö ме дорö локтан, а он төлкөн висътав, мыйла сійöс кутан?— шензис овмöсса веськöдлысь.

— Ог кöсйы, медым сійö ветліс и ставыс,— крапкис нывбаба.

Сідзи эз и воны öти кывйö. Нина контораысь петöм бöрын гусьөн моз чышкыштіс доршасысь синвасö да веськöдчис удж вылас, библиотекаö. Тані сійö пукаліс öтнас. И думайтіс аслас семьякост олöмсö. Сідзсö Сашаыс абу кулитана морт. Горт гөгöрыд кужö бергöдчыны, нинöм сылөн оз энды. А вот карö лэччылöм бöрын зумыш ветлöд-лö. Татшöм кадас Ниналы кöть ырзöмөн бöрд.

— Мый нин, бара кодкö кöкöдіс?— мырдысьөн кыпыда юалас вöлі.

— Ставныд ті, бабаяс, öткодьюсь,— шеныштас кинас Саша да воськовтас ывлаб.

Сöмын вежон кык мысти нинöм дзебтöг висътавліс ставсö. Сэтшöм нин мортыс сійö вöлі. Таысь весиг гöты-

рыс скöравліс. Мед нин кöть дзєбнысö кужис мукöд мужичöйяс моз. Но öд оз. Ставыс чужöм вылас тöдчö.

— Со вит во тэкöд олам. Пи нин эм,— тшöкыда тадзи сёрнисö панліс сійö.— Но мыйкö сьöлöмлы оз тырмы да и ставыс. Тэсянь мыйкö оз тырмы. Гашкö, менам радейтöмыс кусö. Овны олам, а быттö мырдысьöн.

Таысь Ниналы вöлі забеднö. Быттö ставсö зільö вöчны. Асьсö оз омöль кöзьяйкаөн лыдды. Удж бöрас на водтöдзыс керка пыткас нокяс. То пиыслы пєсласьö, то сєян лöсьöдö.

— Мый нö сэсся мясянь колö?— тиралысь гөлөсөн юалö.— Мый?! Висьтав. Тэ со висьтасян, мый нывбабаяс вёлö видзöдан, мыйкö насянь корсян? А ме кöть öти мужичöй вёлö видзöдлі?

Да. Öльöксан Савин збыльысь карын корсис нывбабаяс пöвстысь кодöскö. Ачыс ёнасö эз пöтурайт. Но сійöс кыскис кутшöмкö аслыспөлөс нывбаба дорö, коді эськö лои сылы матыссаөн, гөгөрвоанаөн. Вежöрас вöлі нин, кутшöм эськö колö лоны тайö нывбабаыслы.

Асьыс уджъяссö вöчөм бöрын, лолі кö кадыс, сійö ветлөдліс карса уличаяс кузя. Эз, сійö эз видзöд мичаа вöччөм, краситчөм-баситчөм нывъяс вёлö, кöть эськö унаөн бергöдчылісны статя том мужичöйлань. Но кызди сöмын адзыліс Саша жугыль синъяс, то сьöлöмыс вөрзьыліс. Мыйлакö сылы кажитчыліс, мый нор чужöма нывъяс да том нывбабаяс шудтöмөсь. Найö виччысьöны кодсянькö отсөг. А коді налы отсөгсö сетас, оз кö мужичöй. Сэки сійö сувтыштліс татшöмъяс дорас. Недыр видзöдыштöм бöрын зільліс панны сёрни, медым тöдмавны шогсö, отсыштны. Унаысь сійöс вомавлісны, дузгöдчылісны, вöтлылісны лезитöмысь. Но нельöн лоліны матыссаөн. Сылы весиг кажитчыліс, мый корсяліс буретш татшöм нывбабаясöс. Зільліс отсавны. Паныдасьліс мөд и коймөд волігөн. Но мыйлакö недыр мысти найö кодзавлісны сы дорö, весиг ылөдлывлісны.

Öтчыд тадзи артмис. Паныдасис нывбабакöд, кодлөн вöлі ар куима нывка. Олöны пансионатын. Первой видзöдлас сертиыс гөлиника. Шуисны сійöс Вераөн. Висьтасис, мый чеччыштліс верöс сайö, коді унаысь нöйтліс сійöс, а сэсся пышйис. Весиг со алимент судзöдны оз вермы. Пансионатö лэдзалысь тьötö-вахтёр жалпырысь кыйкнитлывліс Саша вёлö. Первойсö катовтлывліс кöритöмөн юрнас. А сэсся öтчыд сёрни паніс:

— Тэ, видзöда да, авъя мужичöй. Мый нö Вера дорсыс корсян?

— Кажитчө да сійөн,— веськыда моз шуис Саша. Сійө эз көсйи некодкөд юксыны мөвпъяснас. Весиг думайтис, мый радейтө том нывбабасө. Сөглас кө сетас, то оз видзөд весиг пи вылас, торйөдчас.

— Абу пара сійө тэныд. Абу. Метө төда. Воддза верөсыс өд эз прөста сійөс нөйтлы. Гуляйтысь...

— Тi ставсө өти шебрас улө век сюаннды. Ме өд төда, мыйла налөн олөмыс эз артмы. Шань нывбаба сійө, бур сьөлөма.

— Шань. Час, видзөдлам. Регыд и тэысь сійө умас.

Сашалы, дерт, сьөлөм вылас лолі деливө. Но кор адзис Вералысь мелі синъяссө, ставыс сылі. Сійө кужис сёрнитны, такөдны колана ногөн, кызди гөтырыс эз вермы. Недыр мысти найө шмонитигтыр варовитисны нин өттормөдтор йылысь.

— Саша, ме өд больничной лист вылын,— бөрынджык шуис Вера.— Ветымын прөчент и мынтөны. Тэ эн дивит тайө корөмсыс, но сьөмсыйс орим. Нывлы со выль платтьө босьтны колө и...

— Мый тэ, Вера,— дугөдіс сійөс Саша.— Ме век дасьтянлы отсавны. Сьөрысь унаыс абу, но шайт нелямын верма сетны.

— Сөмын эн дивит,— сьөмсө босьтигөн нюмъявтис том нывбаба.— А тэ талун гортад каян?

— Колө вөрзьөдчыны...

— А меным вот колө жө өтилаө-мөдлаө ветлыны.

— Мекөд ветлам.

— Төдан мый, Саша. Меным тэкөд некыз оз позь,— нюмъялөмөн пыксис Вера.

Рытнас сійө пукаліс вокзалын, виччысис сиктө мөдөдчысь бөръя автобуссө. Друг быттьө бокас зургисны. Синъясылы эз эскы. Вокзалса ресторанлань кык зон костын веськөдчис Вера. Саша көсийс ырнитны сылань, но кутис асьсө. Пукавны эз нин вермы. Жөдзис. Весиг эз казавлы, кызди мунис налөн автобусыс. Медводдза думөн вөлі паныдасыны да видзөдлыны синмас. И виччысис бөр петөмсө. Бөрсяныс зонъяс. Неуна гажаоьс.

— Вера!— матыстчис Саша.

— А, тайө тэ,— шомаа нюммунис мөдыс.— Зонъяс, видзөдлөй та вылө. Тайө менам вөвлөм жөник.

— Кызди вөвлөм?— артмис Сашалөн.

— Да. Вөвлөм. Гашкө, сьөмыд жаль лои? Нинөм. Эн шогсы. Тэ кодь мөмөтъяссө тадзи и колө куньны. Радейтчөм корсьө. Кай гөтыр дорад, жөник!

Ок, кызди лудис Сашалөн кыис. Қосыштны кө эськө

чужом банас. Но орчон вѳліны Егорей вѳв кодъ зонъяс. Нырасны. А Вера вашъяліс. Юыштѳмсьыс выясьѳм синъясыс кодзлалісны. Дыр на тайѳ серпасыс сулаліс Саша син водзын, шашаритчис сьѳлѳм вужъяс. Усьпаньвыв та бѳрын эз сѳйсьыс тѳлысь-мѳд. Шуис керыштны корсьысян уджсѳ. Овмѳдчыны аслас семьякѳд нѳм кежлѳ. Гѳтрасин кѳ, трепит. Кажитчѳ ли оз, тѳнад делѳ, ѳтлаасигад тѳдін. А олѳмыс тѳдлытѳг вайис мѳд дой. Сійѳс нин чуктѳдіс гѳтырыс. Лѳдзліс гортас, мѳд районѳ, рѳдвужсѳ видлыны. Воис сѳтысь зумыш, кыв оз шу. Тадзи лун-мѳд. А сѳсся ачыс жѳ сѳрнисѳ паніс. Рытнас, кор писѳ водтѳдісны, Саша вѳлі кѳсійѳ кутлыны Нинаѳс, медым вежсьыштас, шоналас. Но сійѳ кодзыда вештыштіс верѳсыслысь кияссѳ.

— Вай, бурджык, восьсѳн сѳрнитам,— бокѳджык пуксьѳм бѳрын коса шуис.— Тадзи овны ме водзѳ ог вермы. Саша, ме аддзи мѳд мужичѳйѳс. Ас сиктысь.

Шуаліс бѳръя кывъяссѳ ѳдйѳ, быттьѳ поліс, мый оз кѳ ѳні висътав, то сѳр лѳѳ. Сашаѳс быттьѳ пывсян гор вылѳ пуксьѳдісны. Звирк чеччыштіс.

— Мый тѳ сѳран, Нина?!

— Ог сѳр. Збыльысь тадзи. Лои тай, дай ставыс. Дыр нин тѳнѳ видзѳді. Ме овны жѳ кѳсья. А тѳкѳд... тѳкѳд, видзѳда да, нинѳм оз артмы.

— Коді сійѳ?!— повзьѳм гѳлѳсѳн артмис Сашалѳн.

— Кутшѳм тѳныд делѳ. Бур морт. Абу тѳ кодъ тѳвруа. ѳти кывйѳн кѳ, радейта сійѳс. Тѳ аслыд мѳдѳс аддзан.

Саша видзѳдіс гѳтырыслы синмас. Гашкѳ, шмонитѳ. Оз. Найѳ видзѳдісны веськыда, кодзыда. Сідзкѳ, ставыс помасис. Водзѳ сѳрни каттытѳг Нина петіс узылан жырйѳ.

Тайѳ войсѳ Саша син эз куньлы. Кыдзи сылѳн Нинаыс кутас овны да узылыны мѳд морткѳд! А сѳсся нин мѳвпыштіс пи йывсьыс. ѳтчыд сійѳ вильшасис. Кывйѳн ѳлѳдны эз вермы. Ковмис нѳр босьтны. Пиыс повзьѳм синъясѳн лѳптіс кияссѳ да лѳк гѳлѳсѳн горѳдіс: «Папѳ, оз ков. Папѳ, оз ков». Сылѳн и кыс вартнысѳ эз лыб. А сійѳ, мѳд мужичѳйыс, колѳкѳ, быд лун кутас нѳръявны. Абу ѳд аслас.

Плешкас вартѳм ѳш моз ветлѳдліс лун и вой. Узьѳм ни олѳм. Пѳлыс эз сѳрнит. Мунны лѳсьѳдчыны кѳсійѳ. ѳтчыд, кор Нинаыс эз вѳв гортас, сылы киас веськаліс газетъяс пѳвстѳ суйѳм письмѳ. Сійѳ вѳлі сысянь, мѳд мужичѳйсянныс. Нинѳм сѳтшѳмсѳ абу гижѳма. Сѳмын юасьѳма, кор локтас. Но медся коланаыс Сашалы лои тѳдса: ним-овыс. И сійѳ думыштіс ветлыны сы ордѳ. Колѳкѳ, мужик морт гѳгѳрвоас да ѳвсяс семья торкѳмысь. Гѳты-

рыслы висьталіс, мый мунö командировкаö. Ачыс корис начальстволысь шойччан луньяс да мөдөдчис. Ниналөн чужан сиктö. Öдйö и аддзис мужичöйсö. Тайö вöлі сирөд мыр кодь, сёйысь тэчөм пельпомьяса, комын арөсö матыстчысь том морт. Гашкö, вын вылас надеяөн и эз повзъы, кор гөсть висьтасис, коді сійö.

— Кывлі, кывлі тэ йылысь. Нина висьтавліс,— быттö радпырысь шуис сійö.

— Меным колö тэкөд сёрнитны,— скöрысь босьтчис Саша.

— Та сайын оз сувт. Мунам ме ордö.

Вöлі нин удж пом, регыд мысти найö мөдөдчисны. Оліс мортыд общежитиеса жырйын öтнас. Кыскис вина доз, лөсьöдіс сёян, кисьталіс курыдторсö.

— Ме эг юны во татчö,— эз кут точкысьны гөсть.— Тэ вай лэдзчысь менам гөтырысь.

— Мыйла лэдзчыся? Ог. Сійö меным кажитчö. И чайта: ме сылы тшöтш.

— Но öд сійö менам,— чепөсйис Саша.— Менам гөтыр.

— Торйөдчас,— юөм бöрын вомас сёян суюигмоз шуис кöзяин.— Тайö öні абу дыр.

— Но öд пи мян...

— Ме кута видзны.

Час кымын тадзи варовитісны. Саша то нормылас, то горөдлас. Мөдыс асьыс дольö.

— Но век жö висьтав, мый тэ менам гөтырысь аддзин бурсö?

— Мый? Сійö бур морт. Сылөн сямысь да вöрасысь унатор воö сьөлөм вылө,— вочавидзис кöзяин.

— Мый нин сьөлөм вылад воанаыс?

И мөдыс заводитіс висьтавлыны. И буретш сэтшөмөн сувтіс син водзас Нинаыс, кутшөм вöлі öтлаасьтөдзыс. А сійö думайтіс, мый öтлаын олігад ставыс, мыйысь Нинаөс радейтіс, вушйис. Сійö öні аддзис гөтырсö, кызди гортын öтлаын олысьöс, вийсьысь-пессьысьöс. А сьөлөмыслы дона вöрасьяс, нюмунөмъяс быттö вушйисны. Тайö мөвпсьыс Сашалы быттö вартісны. Öд нывбабаяссьыс, кодъяскөд төдмасьліс, сійö корсьліс буретш важ Нинасö. Сылысь нюмсö, сёрнисö, серамсö... Кутшөм жö сійö вөлөм тешкодь. Эз кө öні кут казавны тайöс аслас гөтырлысь. Гашкö, семья олөмыс саймовтіс.

— Ме тэныд Нинаөс ог сет,— чорыда шуис торйөдчигас Саша.

— Сылы бөрйыны,— коса чөвтис кöзяиныс.

Тадзи и янсалисны. Тыш-косьтөг. Гортас воөм бöрын

Саша казяліс, мый гётырыслы абу жё кокни. Синъясыс вёйёмаёсь. Мыйкё думайтёма-мурталёма жё. Пёрччысь-тёгыс Саша уськёдчис сылань.

— Нина, сё зёлёта, вай эн мун ме дорысь. Шёвк кодь лоа. Ог кут дурны. Тэысь бурыс меным оз сюр. Оз ков дай.

— Ме думайті жё, Саша, войяснас. И мёвпышти!.. И пи од мян. И... Вёськыда кё, то сійё мортыс менам воча вок, кодёс тэ таёдз эн аддзыв.

## ТЬӨЗӨЯС

Төдіс кө эськё, мый буретш тадзи лоё, Петыр Миш эз жё пуксыс автобусас. А петіс эськё туй вылө. Чизыр төвсьыс читкырасигтыр, гын көмнас воча кучкалігтыр, видзөдіс эськөн карсянь өдөбөн петысь машинаяс вылө. Көйгис сэтчөдз, кытчөдз бур сёлёма морт эз босьт сійёс. Лэпталіс быд матыстчысь машиналы нигөн кепыся кияссө. Оз тай этша и налөн совхозсянь карөдз журъявны. Изөймыны оз на лэдзны мортёс. Но вокыслөн пиыс асывнас нин ветліс билет босьтны. Оні тайё кабалаторсө йингрөдлігтыр и пукаліс автобус пытшкын да каитчис. Водзті небыдөн кажитчысь пуклөсыс оні лои зурыд. Быдтор мешайтіс сылы: пальтоыс быттьё дзескыдджык, суседыс паськөдчөмөн жмутвидзө... Сёлөм вылас вөлі деливө. Сійё видзөдіс йизыштөм өшинь пыр туй бокөд гөнечөн төвзьясь бадь ньөрьяс вылө.

Син водзас вайөдіс, кызди вокзалын пуксис автобусө. Чургөдөм билетсө видзөдліс шөр арлыда нывбаба. Лэдзалис сөмын билетаясөс. Но автобус дорын йөжгылясисны нөшта некымын морт. Көдзыдыс эз лэдз найёс сулавны места вылас. Кынмысьяс, билеттөмьяс, надейнөя дзоргисны лэдзалысь вылө. Од медбөрьяысь мунө налөн вожө талун автобусыс.

— Но, Миша, пөдлав өдзөстө да мөдөдчы,— йөзөс лэдзалысь шуис шофёрлы. А пукалысьяслы сиис бур туй. Прөст пуклөс вөлі на. Автобусө сөлөмаяс думнас дивитісны лэдзалысьсөс. Нывбаба, дерт жё, гөгөрвоис тайёс. Эз өд өти автобус лунтырнад колльөд. Сы вөсна и шуис өдзөс дорын көйгысьяслы:

— Видоны өд. Быд автобусо ко кута тырыс лэдзавны, местатог да билетог, оз ошкыны,— быттьо дорысыштіс сійо.

Нывбаба мунөм бөрын шофёр эз дзик пыр вөрзөдчы. Мөжгыштіс, а сэсся гурйив восьтіс водз өдзөссө.

— Пырөй, коді төрас,— кыпыда шуис сійо.— Тайо выль уджалысь на. Оз гөгөрво мянлысь олөмсө...

Петыр Миш любөпырысь видзөдліс сылөн паськыдіник чужөм вылас. Эз бара повзьи видөмысь, кызди эсію нывбабаыс. Эз энөвт пикө воөм йөзөс.

Миш пукаліс медводдза пуклөс вылын, шофёрсянь дзик матын.

Шофёр видзөдліс пуклөсыяс костө сувталөм войтыр вылө да вөрзөдчис. Кар кузя мунігөн чөвтліс гоз-мөд кыв. Думсыяс шмонитіс. Көть нинөм сэтшөм серам петкөдланасө эз висьтав, автобусын мунысыяс кодсюрө серөктыштісны. Медясө сулалысыяс. Колөкө, сы ради, медым угодитыштни, колөкө, нимкодъысла, мый найө автобусынөсь, муноны. Вашмунліс и Петыр Миш. Сьөлөмсө сылысь выя бордөн мавтісны, окота пыр нюмъявны. И мыйкө зэв телепит лои варовитыштни татшөм бур сьөлөма мортыскөд. Көть гоз-мөд кывйөн шыбитчыны. Висьтавны мыйкө.

— Тэ нө, пиук, гөтыра абу?— мыйлакө тайөс медводз юаліс Петыр Миш.

— Гөтыра. Челядь эм и,— эз быттьо окотапырысь шыась мөдыс. Дерт, абу кивыв варовитны кар кузя мунігөн. Сэсся век жө содтіс: — Öти сөмын... Нывка.

Тайо и вөлі став сёрниыс. Кысь сэсся варовитан, кор мөдтор юалөм вылө мортыд катовтліс юрнас гижөдлань, көні шыпасъясыс висьталісны, мый мунігөн шофёркөд оз позь тшөкөлдывайтны.

Петыр Миш йөжгыльтчис пуклөс вылас. Сійөс лөсьыдысла шымыртісны казътылөмъяс.

— Сө трасичаыд! Сетісны кутшөмкө тарантас!— Петыр Мишлысь мөвпъяссө торкис шофёрлөн скөрысь шуөмыс.

Автобус сөмын петөма карысь. И, вөлөмкө, неминуча суөма. Дудөма моторыс. Эрнитлас жө эськө да пыр и тшөкнитө. Ставныс: и сулалысыяс, и пукалысыяс — надеяөн видзөдісны шофёрлөн кияс бөрся. Быдөнлөн кынмыліс сьөлөмыс, кор мотор эрмунліс.

— Ставыс!— лөкысь ышловзис шофёр. Видзөдліс гөгөрбок, а сэсся содтіс: — Чеччөй, воим, тыдалө.

— Кызди воим?— повзьөм гөлөсөн шыасис нопья пөч.— Пиук, колөкө, нөшта видлан. Воам чурки-будийөн гортөдз!..

— Тэныд лөсьыд. Гортад воан да паччөр вылад ляскысян. Меным бөр колө локны.

Йөз петісны чизыр ывла вылө.

— Эн тэрмасьой бөр карлань тюрны,— сьөлөм сетіс шофёр.— Ме, час, нула тайө тарантассө. Слесарьяс кө эз на удитны гортаныс мунны, кодкө вөчас. Шы сертияс, быттё, абу ыджыд жугалөмыс.

Трачкөдчигтырйи автобус вөрзис, дзирліктіс карлань. Петыр Миш (коді сяммис нин, көть кык кывйөн да, сёрнитны шофёркөд) ветлөдліс йөз пөвстөд да ышөдіс найөс.

— Воас. Эн шогсьой. Тьөзөыд менам сэтшөм. Сійө мездас. Гөтыра и челядя сійө. Дельной морт.

Автобус воис час джын мысти. Сылөн руль сайын дөвля пукаліс Миш нима шофёрыд.

— Сөлөй,— шуыштіс сійө.

Радпырысь, йөткасигтыр йөз пырисны автобусө. Весиг воддза серти лои и пукавны, и сулавны личыдджык. Петыр Миш жмутнитчис небыд пуклөсө. Юрсө щөгөля лэптөмөн видзөдіс орчча пукалысьяс да сулалысьяс вылө: кызди пө ме шуи, сідзи и лои.

Мөдісны. Недыр төвзьөм бөрын автобус сувтіс. Мишлөн весиг лолыс сувтіс, гашкө, бара мыйкө моторыскөд. Дөра сайсянь юрсө мыччис шофёр.

— Коді билеттөм, матыстчөй,— ставлы кывмөн юөртис сійө.

Сулалысьяс кутісны шпорөдчыны да зильөдчыны сьөмөн. Шофёр лыддыттөг дзумйөдліс найөс зептас.

— Ставыс?— синнас кытшовтіс сійө пукалысьясөс.— Оні вай нөшта өти шайтөн ставныд содтысьөй.

— Мыйла?— ырсмунісны кодсюрө.

— Ме абу сэтшөм озыр, медым мотор видзөдлөмысь слесарьяслы ассьым сьөм сетны. Эг на удит озырмынысө.

— Налы өд сьөмыс сідз воө,— кыліс гөлөс.

— А тэ видлы найөс удж бөрас кольөдны! Коді оні дон босьттөг жель бергөдас? Тэ он и ме ог. Ковмис куимнанныслы морт өти еджыд доз вылө сетны. И то кевмысьөмөн. Мися, йөз виччысьөны. А ті...

— Вай дугды сөрнысө. Ас мортлы отсыштөмысь өд сьөм эз жө корны?— кыліс шензяна гөлөс.

— А найө абу төдсаяс ни абу другьяс меным! Понял!— ярскөба ородіс сійөс шофёр.— Көсьянный кө мунны, а то и,— бөрья кывсө шуөм пыдди кок улас сьөлыштіс шофёр.

Пока йөз доньясисны. Петыр Мишөс шымыртіс шензьөм. Сьөм радиыс, дерт, босьтіс йөзсө и вокзал дорас. Тайө

мөвпясыс жуниммөдисны мортсө. А сэссия вежорас чепөс-  
йис, мый сийө став сьолөмсяньыс онтай ошкис том шофёрөс  
сыкөд отлаын мунысьяслы. Чайтсис, мый откымынъяс  
весиг коритана видзөдөны сы вылө. «Воис пө ёртыд. Сө  
пасибө. Нуө тай мянөс кык дон кулыштөмөн».

— Норасьны колө тэ вылө,— мый думайтис, сийөс и  
шуис Петыр Миш.

— Норась!— бара орөдис шофёр.— Тэ кодьясыс и олөм-  
сө дзугоны. Ми пө и эмөсь, синва кодь сөдз олөмаөсь. А  
гудйыштан...

— Сетам, сетам, гортөдз сөмын өдйөджык тюрөд,—  
торкисны Мишлысь ярмөмсө откымын гөлөс.

— Веляммисны,— аслыс шуис олөма мужичөй да пырис  
зептас деньгала.

— Ме, ас пайысь, ог сет,— дженьыд шуис Миш.

— Эн,— эз скөрмы шофёр.— Тэ кодьясыс дармөвөй  
вылас и олөны.

Тайө сотыштіс Мишөс. Бытьё донөдөм из нылыштіс.

— Восьт өдзөстө!— корис сийө.

— Ыркөдчыны көсьян?— китш-китш серөктіс шофёр.

— Верман мунны,— воськовтіс өдзөслань Миш.

— Михайлө, эн дур,— киөдыс кутыштіс ас сиктса ныв-  
баба.

— Мый нө ме кута этійөкөд...

— Вой улө вөлөкө эн кольччы. Шуис тай, оз ков тэ-  
сянь сьөмыд.

— Абу сьөмын делөыс,— шуис Миш, но петны да кольч-  
чыны туй шөрө эз жө вермы, кадыс абу шляйтчынысө,  
гортас и удж вылын виччысьоны. Автобус вөрзис водзө.

Зелөдчөмөн пукаліс Петыр Миш.

Гортас воөм да нурьясьыштөм бөрын, көть эз на вөв  
сёр, сийө чөла водис, но өдзөсас гольөдчисны, пырис төдса  
орчча сиктысь шофёр.

— Бара мог суис, Миш дядь, мездан он?— шыасис сийө.

— Бензин колө?— юалис мөдыс, көть эськө төдис, мый  
шофёрьясыд сы дорө буретш тайө могөн и пыралөны.

— Бензин. Эн дивит ёнасө, Миш дядь. Дөзмөдчам  
тай со.

— Нинөм,— лөньөдис орччөн восьлалысь мужичөйөс  
Петыр Миш, совхоз отделениеса заправитчысь.— Он өд  
тані узьмөдчы. Юкмөс ванад машинаыд оз мун.

Будкалань матыстчөм бөрын Петыр Миш сувтовкерыш-  
тіс. Видзөдліс мужичөй вылө.

— Көні нө машинаыд?

— Отпускала ме. Каро со чой доро автобусон петі. Бензиныс быран выйын. Со и ме ветлі тэла.

Тайо вөлі буретш сійо автобусыс, код вылын Петыр Миш локтіс гортас. Код тодас, мый эськө сійо вөчис, вөлі кө өні өтнас шофёрыс. Гашкө, бөр гортас бергөдчис. Но автобусыс йөз тыра.

Шофёр эз тод сійос. Кысь нө? Мужичой пасьталөма уджалан паськөм, шапка пельяссө лэдзалөма. Да и биыс эз вөв торъя югуд. Заправитчөм бөрын шофёр мыччис сылы талон чукөр. Петыр Миш эскис йөзлы, торйон нин шофёръяслы. Кымын во уджаліс, но некод на эз сетлы талонъяссө колана мындаысь этшаджык. Бөръя кадсө сійо лыддытөг суйліс найос зептас. Прөстмөм бөрын лыддяс. Көть тайо шофёрыс сылы лои мустөм, но вөчис тадзи жө. Первойсө сійо эз көсйы сёрни панны. Эз кө тод и мед, но пытшкөсса гөлөс быттьө йөткыштіс вомсө восьтыны.

— А тэ шуан вөлі, мый некод сьөмтөг оз мезды,— шыасис, сійо автобуслань воськовтысь шофёр дорө.

— Тайо тэ?— недыр видзөдыштөм бөрын шензбыштіс мөдыс, а сөсся дөвөля шпыньмуніс.— А ме прав лои. Тэ кодьыс сөмын йөз син водзас... Ачыл со куима курыштін!

Петыр Миш шай-паймунөмөн кыскис талон чукөрсө. На пөвстын вөлі куим шайта.

— А тэ өнтай дыдгин, мыйла ме мунысьяслысь сьөм кори! Туй вылад быдсямаыс овлө. Со и тэнө ковмис мавтыштыны.

Мишлы кыкысь кымын төдтөм шофёръяс зілісны жө суйны киас сьөм, унтө пальөдөмысь пө, но найо веськыда мыччисны. Босьтан ли он, тэнад делө. А тайо со талонъяс пөвстө пуктөма. Быттьө зэв надеяөн, мый сійо сёр рыт воис заправитчыны сөмын сьөм ради. Тайо бара пузьөдіс Мишлысь сьөлөмсө.

— Вай өдийөджык сөв! А то грек суас менө!— муртаса шуис сійо. Дзеваса мавтассө көсйис суйны зептас шофёрлы, но мөдыс пескыльтчыштіс и куим шайта мыніс кисьыс. Эз и во лым вылөдзис, төлыс нуис толаяслань.

— Мыйсяма ті йөз?— гөлөс сетіс шофёр.— Паныдасьлан ті кодьыскөд да быттьө желлясьлан, ставыс мустөм лолө! Фу!..

А сөсся пырис кабинаас, крапкис өдзөссө. Автобус повзьөмөн быттьө нетшыштчис пышйыны.

## АРМИЯӦ ВЕТЛАН АРЛЫД

Меным кызкӧ первойсянь уси син улӧ тайӧ зонмыс. Топыд тэчаса, винёв мыгӧра, погонъястӧм гимнастёркаа; сьӧд синма шань чужӧмыс мыйлакӧ зэв жугыль.

Ми ӧти пызан сайын пажнайтім теплоходса буфетын. Мортыд и сёйӧ мырдысьӧн быттьӧ, паньыштас кымыныськӧ да кузя ышловзяс.

Сёйыштӧм бӧрын сійӧ кыпӧдчис теплоход палуба вылӧ. Ме тшӧтш.

Вӧлі гожӧм пом, шондіа лун. Теплоходлы воча котӧртіс зарни серӧн мичмӧдӧм вӧр-ва. Но зонмӧс, буракӧ, и сійӧ эз нимкодъмӧд.

— Ёртыслы, ме видзӧда да, абу кокни мунны гортсьыс?— сьӧлӧм сеті ме.

— Гортсь— ырмуныштіс сійӧ.— Абу эськӧ гортсь, но збыльысь сьӧкыд...

Сэсса ми пукалыштім чӧла; меным окота лои тӧдмавны, мыйла жуглясьӧ зонмыс, но юасьны эз вӧв лӧсьыд. А сылӧн то ӧтлаасьлісны, то торъявлісны сьӧд синкымъясыс, мортыдлы, буракӧ, окота вӧлі висътавны кодлыкӧ асьыс дойсӧ. И виччысьтӧг шуис:

— Мыйла сідзи артмӧ олӧмас? Мыйла мыж вӧчтӧг морт воштӧ шудсӧ?

— Тіянкӧд нӧ мыйкӧ лӧктор лои?— видзчысьӧмӧн юалі ме.

И том морт висъталіс со мый.

...Сельхозтехникум помалӧм бӧрын менӧ мӧдӧдісны уджавны механикӧн Разыб сиктӧ. Вӧлі тулыс, жургисны шоръяс, нӧдздӧм туй кузя машинаяс эз вермыны ветлӧдлыны. Бур, мый пӧпутной трактор веськалі. Трактористыс ме кодъ жӧ арлыда зон, нумъялігтырйи такӧдіс менӧ:

— Эн шогав. Миян сиктным кар дорысь гагаджык. А нывъясыс!.. Во нель сайын, ме сэки школаӧ на вӧлі котрала, локтіс жӧ миянӧ зоотехник, Мишаӧн шуӧны. Зэв бур, варов морт, сы вӧсна и йӧзыс пыдди пунктӧны... И мый тэ чайтан?— гӧтрасис, ас мортӧн лои. Ӑні шынякылӧ-олӧ. И тэ овмӧдчан!

Сёрнитіг-варовитігад ми регыдӧн и воим выль местаӧдз.

Ничего быттьо сиктыс, ыджыдкодь, уна выль керкаяс эмось, сад йорьяс и.

Управляющой, Василий Иванович, горд юрсиа олома дядьо, нимкодъмис менам воомлы, индїс овны оти шань тьотка ордө.

Рытнас ме динө воис ыджыд тушаа, тэрыб вөраса том морт. Гырысь руд синъяса чужомыс да восьса нюмыс висьталісны сылөн бур съолөм йылысь. Чабыртліс менсьым киөс да шуис:

— Миша.

— Саша.

— Со и төдмасим. Кывлі, кывлі тэнад локтөм йылысь. Коля, тракторист, кодї тэнө вайис, висьталіс. Механикыд миянлы єна колө!.. Көсьян кө, петкөдла овмөстө. Ме өд көть и мөс доктор, машинаястө төда жө...

Сійө новлөдліс менө тракторьяс дінті. Висьтавліс, кор-мый вайлөмаось. Төдмөдіс и өткымын трактористьяс-көд. Миша төдіс на йылысь ставсө. А найө зэв пыдди пуктісны морттө. Ме сэк жө думышті, мый кажитчө йөзлы аслас төждысьөмьяс вөснаыс да морт динө сибөдчыны кужөмлуннас. Меным окота вөлі лоны сы кодьөн жө.

Бөрас Миша шуис меным:

— Саша, талун рытнас кино лөө. Бөрас репетиция. Тэ өд тані сиктас овны кутан. Ковмас и йөзсө татысь гажөдны.

Рытыс пуксис мича, асыввывсянь чужөмө небыдика пөлышталіс тувсов төвру. Сынөдыс өвтіс ловзысь вөрваөн. Татшөм рытнад абу и окота пырны ывла вывсьыд. Кино вылө ме сөрми да вои нин сөмын помасигкежлас, кор йөз гузьгысисны ывлаө.

— Сашка!— горөдіс менө казялөм бөрын Миша.— Ме чайті, он нин во. А өні ми кутам репетируютчыны. Он өткажитчы. И тэнсьыд мый вылө кө талант аддзам... Валя! Зина!— шыөдчис сэсся сійө ныв чукөрлань.— Локтөй татчө. А то ми колям бур сылысьтөг.

Йөз чукөрысь торйөдчысь кык ныв, тыдалө, збыльысь думыштісны, мый ме бура сыла. Таысь ме гөрдөдышті, зэв эз ло лөсьыд.

— Энө кывзөй сылысь. Ме ог куж съывнысө.

— Велалан!— водзө шмонитіс Миша.— Да, ме өд вунөді тіянөс төдмөдны. Зина — менам гөтырөй. А тайө Валя, Зиналөн подругаыс.

Зинакөд орччөн сулалысь ныв гөрдөдыштіс. Неыджыд тушаа, сійөс оз позь вөлі шуны мичаөн. Вөсньыдик ныр. Синкымьясыс рудось. Но синъясыс єна мичмөдісны сійөс.

Синъяс вылас видзёдлём бёрын эз нин позь вёлі вунёдны на йылысь. Вывті нин найо вёліны лёзось и быттьо неуна жугыльось. Мен весиг чайтсис, мый синъясыслысь лёзлунсо позьо казавны пемыд войын. Сійо вештіс ме вылысь синъяссө, нюммуніс.

— А кызди нө тиянөс шуоны?

— Сашкаон сійөс шуоны, виль механик сійо,— ме пыдди вочавидзис Миша.

Репетиция кыссис сёр рытөдз. Миян, Валякөд, видзөдласъясным частө паныдасьлісны. Орччөн сулалігөн ме унаысь пöсявлі, сійо кө инмөдчыліс ме дінө. Ачым эг төд, мый мекөд лои, но Валя пырис менам сьөлөмө первой аддзысьлөмсянь жө.

Помланьыс кык ныв сьылісны сьөлөмтө чабыртысь сьыланкыв. Оні на, кор кыла сійөс, пыр и кысянькө мыччыяс Валя. Локтас ылысянь, ылысянь. Первой тыдалө ставнас, сэсся вочасөн бырө, кольоны толькө лөз синъясыс. А мыччыяс сійо сэтшөмөн, кутшөмөн вөлі сэкся рытө.

Полюбила девушка парня горячо,

Прислонила голову на его плечо.

Без тебя что станется, милый мой, со мной?

Ах, зачем мне встретился возраст призывной.

А менам буретш жө вөлі армияө мунан арлыд. Та вöсна, буракө, торійөн нин ёна кажитчис сьыланкывйыс.

Кор петім клубысь, Миша шөпнитіс меным:

— Қолльөд Валясө, сылы ылө муннысө.

Валя эз кут пыксыны, и ми өтлаын мөдөдчим лөнь улич кузя.

— Мен чайтсьө, сьыланкывсө гижысьыс ачыс ёна гажтөмтчылөма,— шуис недыр мысти Валя. И меным нөшта на нимкодь лои, мый сійо ме моз жө думайтө.

— Виччысьны, дерт, сьөкыд, но, ме думысь, ёна кө радейтан, все равно виччысян,— шуи ме Валялы.

— Быдторйыс на тай овлө олөмад,— эз көдзөдчы тайө сёрнисьыс Валя.— Мукөддырйыс нылыд виччысяс, а зонмыс сәні, армияс, аддзөма нин мөдөс, мичаджыкөс. Тайө, тэ думысь, кокныд нылыдлы?

— Но, буракө, и зонмыдлы абу кокни, кор сьлөн муса нылыс помөдз оз виччысь сійөс. Мөд сайө петас верөс сайө.— Меным окота вөлі дорйыштны ас коддьөмъясөс.

— Ладнө, огө кутөй вензыны төдмасьөмсянь,— серөк-тіс Валя.

Гортө локтөм бёрын ме дыр эг вермы унмовсьны. Син

водзысь некыдз эз вешый Валя. Ме быттьо вöйи сылөн лöz, юкмöс кодъ джуджыд синъясö да некыдз ог вермы мездьсыны наысь.

Тайö рыт бöрас ми аддзысьлім быд лун. Ме вöлі удж бöрын сёйышта Парась тьöткөд, менам кöзьяйкакөд, да и котöрта ывла вылö, Валякөд аддзысянінö.

Отчыд ми войбыд видзöдiм усьысь кодзувъяс вылö.

— Саша,— шуис Валя,— мый тэ думайтан, кор усьö кодзулыс? Со аддзан, кутшöм мича кодзув бара уси. Ме пыр кöсъя думыштны кутшöмкö кöсйöм, но менам найö ставныс зэв ыджыдöсь, и кодзувъясыс кусöны водзджык.

— А ме эг на и думыштлы та йылысь. Тiянö вотöдз менам некутшöм ыджыд кöсйöм эз на вöв. Толькö öнi чужис.

— Кутшöм?

— Ог висьтав öнi. Вай виччысьыштам кодзув усьöмсö и кутам думайтны асьыным кöсйöмъяснымöс.

Ми сувтiм. Гөгөр вöлі лөнъ. Кыліс сöмын миян ловшыным, да гораа тiпкисны сьöлөмъяс.

Кодзувъяс усисны и усисны. Миян думъясным вөлö-маöсь öткодьöсь. Ми эгö тöдöй та йылысь, ми кылiм сьö-лөмнаным. Кымын унджык кодзув усис, сымын донаджыкöсь ми лоим öта-мөднымлы.

Тайö вой бöрас меным кутiс кажитчыны дивö кодьөн, кызди ме öнөдз верми овны Валятөг. Сылөн небыдик, лывкйöдлана гөлөстөг, сылөн руд юрситөг, синъястөгыс. Сійö шензьöдiс менö и аслас мелiлунөн, йöзöс жалитöмнас. Ме вöлі тöда нин, мый, кор сійö жугыль, мыйкö лоöма больничачын, кöнi сійö уджалiс. Валя вöлі сэтшöм йöз лыдысь, кодъяслы йöзлөн шогыс матыссаджык ас шог дор-сьыс.

Колö-ö висьтавны, кутшöм сьöкыд вöлі торйөдчыны миянлы, кор менö босьтiсны армияö. Сьöлөмöс пыдзралö шог, ог тöд, мый шуны. Валя колльөдiс менö машина дорөдз. Ме чышкышти сылысь синвасö лöz синъяссьыс...

— Сашка, ме кута тэнö виччысьны. Ме кута быд лун тэнö виччысьны. Тэ меным эскы...

— Дерт жö, мусаöй!..

Сійö медбөръяысь топөдчыліс ме дорö. Сэсся босьтiс сьылісьыс вöсньыдик чеп йылын öшалысь медальонсö да пуктiс меным киö.

— Кор тэныд лоö сьöкыд, видзөдлы та вылö, и сійö казъыштас тэныд, мый көнкö ылыс, ас муын, виччысьö тэнö Валя нима ныв. А ог кö вермы виччысьны, то, кор локтан, шыбит тайöс меным чужөмö, кöть йöз дырйиыс...

А сэсся вёліны письмёяс. Кодъяс вайёны йёзлы и радлун, и шоглун. Кутшёма колёны письмёясыд салдатъяслы!..

Ме быд лун виччыси почтальонёс, век котёртлі сылы паныд. Сулалі ме кодъ жё салдатъяс чукёрын да синмёс вештывтёг видзёді почтальон кыин пёртмасъыс уна рёма письмёяс вылё. Кор волісны Валясянь письмёяс, ме эг тёд кытчё воштысьны радёйла.

Коли съёкыд салдатскёй во. Сы бёрын ещё во джын.

Тайё луннас ме эг вермы петны паныд почтальонлы. Юаси ётилысь, мёдлысь, эз-ё вёв меным письмёыс. Ме дінё нюмъялёмён матыстчис Вася Симпелев, менам земляк.

— Саша, тэныд письмё. Но кутшём лун талун?

Миян вёлі мода: письмёён кучкавны нырё, кучкыны сымындаысь, мыйта лун коли вёскресеннёсянь. Мукёдыслы воасны кыз письмёяс фотокарточкаясён, открыткаясён. Ныр доймытёдзыд лолё.

— Пекнича талун,— шуи ме.

— Сідзкё, витысь кучкам.

Письмёыс вёлёма вёсньыд, а век жё ныр гёрдётдёз тырмис. Но видзёдан ёмёй татшём дой вылё, кор письмёыс Валясянь?!

*«Видза олан, Саша! Вот и ковмас лыддъыны тэныд менсьым медбёръя письмёёс. Ме тёда, тэныд лоё съёкыд пёлучитны тайё письмёсё, но ме ог вермы не гижны. Ме пета верёс сайё. Прёстит менё, Саша, но мёд ног ме эг вермы.*

**Валя».**

Шыпасъясыс кутісны чечавны син водзын да быттьё вошины ру пытшкё. Эг, ме эг эскы, мый Валя, лёз синма Валяёй, оз нин ло менам. Но кодлён? Мыйла сійё эз вермы вёчны мёд ног? Оз ёмёй тёд сійё, кутшёма дойдіс менсьым съёлёмёс?

Став тайё юалёмъясыс и вайёдісны менё армия бёрын, гортын вежон олыштём мысти, тайё сиктас. Окота вёлі ставсё тёмавны, а ёти сайын тшётш мынтёдчыны киёс сотысь медальонсьыс.

Талун асъя автобусён ме вои Валяяс сиктё. Асьныд тёманныд, тайё каднас унджык йёзыс видз-му вылынёсь, сиктад гежёдіник ветлысь-мунысь сёмын паныдасьлёны. Ме ыпъялысь съёлёмён муні уличёд да эг и казявлы, кыдзи вои Валяяс керка дінё. Пырны эз вёв лёсьыд, но сэки менё казяліс да пырысь-пыр тёдіс Валялён мамыс. Сійё повзыштіс меысь, но нуёдіс гортас. Менам пырёмёй лои вётын кодъ.

— Саша, кытысь тэ усин?— тіралысь гөлөсөн шуис  
Наста тьот.

— Көсйысьлі вонысö да...— забеднö шуис менам.

И пырысь-пыр жö казялі, кызди сылөн вöляникысь  
вазисны синъясыс. Тіралысь сөнөд киясыс чабралісны  
чышъян помсö. Сійö мыйонкө муныштіс армияö менö кол-  
лөдысь Валялань. Сійö жö вазьом лөз синъяс, и туша-  
наныс найö вöліны өткодьöсь.

— Мый сэсся керан, сідзи лоис да,— сёрнитіс Наста  
тьот.— Век тэсянь сэтшöма виччысис письмöяс. Кор воас  
тэсянь юөр, рытивбыд пукалас, чужöмыс ломалö радысла...  
Уджнас да тэнад письмöясөн и оліс нывкаой. Обед дырйи  
вöлі котөртлас: «Мамö, эз на почтатö вайны?» Рытнас  
удж бöрын бара юасьö: «Эз во меным письмöыс?» А тэ  
эн жö ёна частöсö гижлы. А ме сійöс өлöда: мися, сылөн  
кадыс абу, гижнысö некор.

Өтчыд рытнас локтіс гортö, бөрдö сыркъялөмөн, кыв-  
йыс оз артмы. Ме нин повзи: эз-ö тэсянь мыйкө лёк юөр  
во. Юалі, а сійö юрнас доккйөдлө: эз пö. Но, сідзкө, ду-  
майта, больничаас мыйкө лои лёктор. Сідзи и вөлöма.  
Зина, Мишалөн гөтырыс, кулöма кага вайигас. А Валя-  
көд найö медся матысса йөзөн вöліны. Вот Зинаыс кулі,  
а кагаыс коли. Ёна жö нин шогсис Валя, эз төд, кызди  
сытөг овнысö. Дыр шогсис.

Зиналөн тьоткаыс босьтіс кагасö первой төлысьяссö  
вердны. А Мишаыс, тэ өд төдан, кутшөм мича да серам-  
бана морт, омөльтчис шогысла, но мукөд моз юны эз кут  
и пыр уджаліс скөт дінын. Пыр жугыль, коньөр кодь,  
юрсö өшөдөмөн мунö сикт кузя, гөрбыльтчыштіс весиг.

Недыр мысти казялі, мый Валя удж бöрас пыр зільö  
өдйөджык кытчөкө мунны. Ме эг юась, сійö ачыс висьта-  
ліс, ветла пö Зиналөн тьотка дінö кага видзны да ру-  
зумъяс мыськавны отсала. А Мишаыд сәні жö пыр вөлі...  
Ме эг төд, кодныс первой та йылысь сёрнисö панісны, но  
өтчыд Валя локтіс гортö да шуö: «Мамö, ме Миша дінö  
овны муна». А ме вөлі мөслы картошка крөшита, сідзи  
и кийсь уси пуртöй. А кызд нö, мися, Сашкаыдкөд? А  
сійö пö, мамö, менö гөгөрвоас, кор локтас...

Өні сизимөд төлысь нин өтлаын олоны, писö босьтісны  
тьотка ордсыс...

А тэ, Саша, мун татысь, миян сиктысь. Ме төда: Валя-  
өй овмөдчис Мишаыскөд жалысла. Тэ кө тані кутан овны,  
воссыйны вермас важыс сылөн сьөлөмын. Мун татысь,  
став йөз нимсянь кора. Вывті нин йөзыс найöс пыдди

пуктöны, оз прöститны, кольччан кө татчö. Эн жугöд на-  
лысь олöмсö...

И ме бөр муні. Весиг эг аддзöдчыв Валякöд.

Том морт чöв усис, видзöдыштіс гажа берег вылö да  
содтіс:

— Ме ордö коліс сöмын Валялөн медальоныс.

## ЫТВА ДЫРИИ

Сійöс вит во нин абу аддзылöмаöсь Вöрыб сиктын. И кор  
медводдзаысь воис клубö, ставөн, коді гусьөн, а коді явö,  
видзöдісны медводз сы вылö.

Нимтісны зонмöс Наста Мишөн. Фуфайкаа, векньыдик  
гача, сійö пырис йöктысьяс костöд пыді пуклöсьяслань.  
Косньöд, шырöм юра, сійö кызкö быттьö йизьöдыштіс  
йöктан гажсö. И ставөн, коді тöдліс Мишöс водзті, коді  
кывліс сы йылысь, дерт, думыштісны, мый вöчис вит во  
сайын тайö зонмыс.

Нина татчöс сиктö локтіс во сайын, но тайö лоөмтор-  
нас удитісны ним тöдмöдны виль пöдругаясыс. Наста  
Мишöс гусясьöмысь тшапнитöмаöсь, магазин петкөдöма.

А сэки, вит во саяс, йöз ёна и дивуйтчисны. «Со öд  
ötка пийд кызди веляммöма»,— шензисны öтияс. «Менан  
тай нель пи да ныв, чурки-буди, бура быдтöма лои-а.—  
Быд сёрниö зіліс суйсьыны Васька Иван, ветымын сайö  
арöса мужичöй.— Ставныс портпельөн ветлöны». Вöліны  
и жалитысьяс: «Со öд, мырсян-мырсян öтка нывбабаыд,  
көмöдан-пасьтöдан, а сійö пасибö пыдди вольпасьöдз мам-  
тö водтöдас».

Да, медся ёна вичмис тайö лёкторйыс Насталы. Сідз  
нин вошöм дзоньвидзалуна, а сэки дзикöдз лигышмуніс  
мам. Нёрпаліс аслас керкаын, весиг суд вылас эз вермы  
волыны омöльтчöмысла. Сетісны Мишлы вит во. Суд вы-  
лас жö тыдовтчис, мый дас сизим арöса зон абу вөлöма  
öтнас.

Оліс сиктын Прокул Микулай, ар комын вита мужичöй.  
Кузь кияс вöснаыс водзті пукавлöма. Сідзсö татчöс, а бо-  
кын, мөд районын, уджавлöма. Сійö и ышöдöма зонмöс.

Вель дыр нёрпалöм бöрын Наста век жö чеччис. Но  
эз нин аддзывны сэсся сылысь ни долыд чужöм, ни эз

кывлыны серам. Праздникъяс да свадьбаяс дырйи вошліс пызан саяд, быттё абу и татён.

Со мый вёлёма Вёрыб сиктын вит во сайын.

А өні кадыс дзикөдз нин катовтчис гажа тулыслань. Сярмунісны веж коръясөн кызъяс. Клубын гаж помась-ём бёрын паськыд ваис кыскис том войтырөс ас дорас. Кыр йылө чуркаяс вылө тувъялөм пөвъясыс сярвидзисны кузя. Тані шөрипөв вошөмаөсь и томъяс, и олөмаяс. Бөръясыс пукалөны, гашкө, казтылөны томдырсө, кодөс тувсовъя тэрыб ваис моз жө нуисны воясыс. Откымын аньяс петөмаөсь лючки сы могысь, медым төдмавны, коді кодкөд кутчысьлө да окасьө.

Ниналы виччысьны некодөс. Эз на некод во сылы сьөлөм вылас татчөс сиктса зонъяс пөвстысь. Унджыкыс тшапөсь, кузь юрси новлөны. Көть пө тай эськө өні мода тайө, но нывлы эз кажитчыны татшөмъясыд.

— Вывті жө нин тэ чиг,— дивитісны Нинаөс нывъяс.

— Мый нин сэсса вөчан, абу менлы кодъыс да.

— Со тай бокөвөй воөма, ветлөм-мунлөм морт,— Нинаөс тувкнитөм бёрын кильснитіс өти ныв да индіс Наста Миш вылө.

— Мун сэтысь!— өвтыштчис Нина.— Ачыд, колөкө, сыкөд ветлөдлы.

А Наста Миш локтіс нин талун клубө нельөд рыт. И колө шуны, тайө каднас Нина некымынысь паныд веськавліс сылы и весиг кодзыд лоліс нывлы. Од дзескыдінысь петөм морт паныдасис, а татшөмъясыдлөн, код төдас, мый дум вылас. Миш ёнасө эз петкөдлы асьсө, пуксяс пельөсө, юрсө өшөдас. Видзөдлас йөктысьяс вылө рысь ва рөма синъяснас. Сы дорө ёнасө эз жө сибөдчыны. Сөмын гоз-мөд том зон, кодъяслөн сиктын вөлі медся кузь юрси да гора сөткөм, кодъясөс сельсөветын нин гижөмаөсь торъя кабала вылө, зілісны пуксьыны Миш дорө матөджык. Юасьны дзескыдінас олөм йылысь, мый сэні висьтавлөны бисө и васө мунөм йөз. Но Миш накөд ёнасө эз зіль тшөкөлдывайтны. Чөвтыштас гоз-мөд кыв и бөр ланьтөдчас.

Витөд рытнас Миш дырджык кыйкөдліс-видзөдіс йөктысьяс бөрся. Гаж шөрас нин сувтіс да веськөдчис сійө ныв чукөрлань, көні сулаліс Нина.

— Позьө?— буретш сы весьтө сувтіс зон да шыасис пытшкөссянь петысь кыз гөлөсөн.

— Ме тайөс ог йөкты,— медводдзаөн юрас усьөм дорйёсянторсө шуис Нина, көть эськө повзъыштіскодь. Колөкө, мыйкө вөчас петтөмсьяс. Зонлөн синъясас вуджөртліс

аслыспӧлӧс жугыльлун. Нинӧм шутӧг крута бергӧдчис сійӧ да веськӧдчис ӧдзӧслань.

Тайӧ рытнас Нинаӧс гортӧдзыс кольӧдісны пӧдруга-ясыс. Полісны, медым Миш эз виччысь сійӧс кӧнкӧ пемыдінын. Но некодкӧд эз паныдасыны.

А Нинаыс сиктын, позьӧ шуны, тӧдчана морт. Веськӧдлӧ му косьтысьяслӧн уджӧн, кодъяс Тима нюрысь видз кӧсійӧны вӧчны. Сійӧ лунъясас ковмис Ниналы орчча сиктӧ, кӧні вӧлі налӧн контораыс, тувсов уджъяс йылысь тӧлкуйтны лӧччывны и тшӧтш корны дренаж сюян комбайнлы колана частьяс. Рӧспута. Пода ни вӧла туй абу — юыс ӧтилаті вӧрӧдзыс ӧйдӧма. Сӧмын пыжӧн верман воӧдчыны. Но ӧд лӧччӧдны некодлы, асланыс пыж ни мотор абу. Веськӧдчис доручастокӧ, кӧні ыджыдыс пыдди буретш сійӧ Васька Иваныс вӧлі, коді тай ошійысис Мишӧс пуксьӧдан воӧ, мый сылӧн быдтасьясыс портпельӧн ветлӧдлӧны. Мортыс тайӧ Ниналы эз кажитчыв, пыр быттӧ лӧсьӧдчӧма кызкӧ крукыштны. Но талун Нина дась вӧлі кывзыны быдтор, медым сӧмын сетіс мотора пыжсӧ, коді вӧлі налӧн. Қорысьыс абу нин ӧтнас вӧлӧма сійӧ.

— Но, мыйӧкӧ кӧть велӧдісны эз сәні?— вомкӧтшнас нюмъялігтыр юасис Васька Иван воча пукалысь Мишлысь.— Қолӧкӧ, бара пыран. Ӑні тайӧ магазиныс нӧшта озыр. Эм бара, майбыр, мый петкӧдны.

Мӧдыс пукаліс ланьтӧдчӧмӧн. Сӧмын синъясыс жугыльмисны буретш сәкся рытас моз, кор Нина эз пет ськӧд йӧктыны. Черлыясыс вӧрисны, быттӧ някляліс косйя. А мӧдыс быттӧ эз казьяв тайӧс.

— Ӑні, Мишӧ, милицияыд пыр жӧ тэ ордӧ локтас. Оз кут ӧна туясьны, петкӧдасны кӧ лавкатӧ,— а сәсся быттӧ нинӧм абу и вӧвлӧма, шыасис Нина дорӧ:— А тэ, рочакань, мыйла бара мелань кывтін? Некодзи жӧ, тыдалӧ, тиянлы Васька Ивантӧгыд. Пикӧ воанныд да пыр ме дорӧ.

— Быть колӧ лӧччывны контораӧдз, Иван дядь,— кевмысяна шуис ныв.

— Абу менам некод пыжнас тәнӧ гурійӧдлыны!— ӧвтыштіс кинас Иван. А сәсся бара на нюмдіс вомкӧтшнас.— Со тай Миш удж вылӧ вӧзйысьӧ. Лӧччӧдас кӧ, босьта. Да ӧд тэ ачуд такӧд он лысьт петнысӧ?

— Абу ӧд ош, мыйла ог лысьт,— мужичӧйлы дӧсадитӧм ради артмис нывлӧн. Здук мысти, дерт, лолыс тупкысьліс, но бӧр косны эз кӧсийӧ та вӧсна жӧ.

— Но ладнӧ, инӧ, Миш, лыдды, мый тэ менам веськӧдлӧм улын уджалан. Босьт пыж, мотор да, кыз шуласны,— бур туй. Сӧмын мед нывсӧ эз ло ӧбидитӧма.

— Да, дугдöй морт вылас тешитчынысö, Иван дядь!—  
ыпмуни́ Нина.

— Но, но. Эн пузъы. Ме öд тэнö жö, асьтö жалита. Татшöмъяссянныд буртö эн виччысь. Тöдлi ме. Эг öти во татшöмъяс пöвстад вөрпунктын уджав.

Сöмын пыжö пуксьöм бöрын нин Миш пинь пырыс, аслыс моз, сöдзöди́с:

— Мамöй жаль, а то ныр-вомсö пызйышти эськö да.

Нина немтор эз шу вочасö.

Кыз горөн жургис пыж мотор. Веж гыяс швачöди́сны набой бокас. Ва вöйтъяс резисны зонлөн чужöмö, сяркöдчисны муно́мыслы мышöн пукалысь Ниналөн плащö. И тайö нöшта на шуштöммöди́с нылöс. Кыз шуласны: полём абу, а сёлём кын. «Код тöдас, мый йылысь сийö думайтö?—везьяли́сны юрас мөвпъяс.—Йöктыныд петтöмсьыд кö ёна дözмис, то...» Сийö весиг ачыс эз тöд, мый вермис вöчны тайö мортыс.

Друг налөн видзöдласъясныс сутш кежлö вочаасьлисны. Зон чужöм тырнас нюмди́с. Вашмуно́мыс петiс быттö морöс пытшсяны́с. Нюмъяли́с эз сöмын вомнас, но и синнас, быд чукурөн. Тадзитö лёк йöз некыдзи оз вермыны нюмъявны, кöть кызди оз зильны. Таысь Ниналы другөн лöсьыд лои. Öнтая мөвпъяссö быттö роскөн чышкыштісны. Но сöмын джодж шöрöдыс, пельöсьясас колины на.

— Полан?—век на нюмъяли́с Миш.

— Шуи тай öнтайнад, мый ог ошкöд пет.

— Век жö полан, аддза öд.

А сэсся нинöм эз шу. Эз кут такöдны, мый сийö бур и оз ков повны. Ланьтіс и ставыс. Тадзи прöйдитісны пыжөн юлысь гоз-мöд чукуыль. Öни нин ланьтöмөн эз ло лöсьыд пукавны аслыс нывлы.

— Мый нö локтöмсянь тшöтш удж вылö медасин?—юали́с Нина.

— Мамöлөн совхоз пенсия вылад кыкөннад ёна он паськöдчы,—окотапырысь вочавидзис зон.

— Ме кывлі, мый тіянлы пукалігад уджалöмсьыд мынтöны жö. Петігад сетöны.

— Сетöны эськö да,—мыйлакö гөрдöдыштіс зон.

Миш вöляысь веськöдліс пыжөн. Ваыс паськыд, оз ков повны лыа кöсаö зутшкысьöмысь. Сийö синсö читкырالیс чужöмас ем йыв моз сатшкысьысь кöдзыд ва чирьясысь да кадысь кадö кыйкнитліс ныв вылö. Мугов чужöма. Тувсов шонди́с эз на ёна мыччысь, а слöймöма нин гожъявны. Первой пöраас Мишлы окота вöлі висьтасьны, кытчö воши сьöмыс, но пыр жö öлөди́с асьсö.

Од нылыс мыйкō несідз вермас гōгөрвоны. Мишлы эз вōв окота, медым ныв бара кутіс кодзыда видзōдны сы вылō. Од со ōти морт на пōшти, мамсыс ōтдор, локтōм бōрас босътчыліс сійōс дорйыштны.

Зонасыс сійō луннас найō петісны кыкōн. Мōдыскōд, ар комын кыка мужичōйкōд, олісны орчча баракын. Сідзсō паныдасьлывлісны, но матыссаōн эз вōвны. Да и не-кодкōд Миш сәні эз ёртась. Первōйсяньыс сьōлōм курд-мōныс гажтōмтчис чужан сиктсьыс, мамсыс. Сōмын мый вынсьыс уджалōмōн пальōдіс шогсō.

— Но, ёртōй, апав вōльнōй сынōдсō,— тапнитіс Миш-лы пельпомас сыкōд петысьыд.— Ōнісянь ми лэбач кодь-ōсь.

— Ōдйōджык нин эськō лэбовтны гортōдз!— нимкодья-сис тшōтш Миш.

— Удитан...— велōдіс мōдыс.— Медводз колō прыснит-ны вōльнōй олōмнымōс. А кызди тэ мōвпалан?

— Абу эськō окота да, абу велалōма ме.

— Но, давай, кутшōм нō тэ мужик! Абу лōсьыд кызкō татōг. Век на тадзи вōчлісны.

Сьōмсō налы сетісны вель уна. Пырисны лавкаō, бось-тісны медся дона коньяксō. Юисны кутшōмкō пельōсын. Миш и водзтісō эз радейт курыдторнад балуйтны, а ōні дзикōдз кок сōнсō винаыд орōдіс.

Паляліс вокзалын. Ёртыс эз нин вōв.

— Кызди ме татчō веськалі?— юасьō.

— Вайōдіс кутшōмкō дядьō,— зывōка вочавидзис олō-ма тьōтка.

Зон мулыш-малышвōчис зепъяссō. Сьōмыс эз вōв.

Бур, мый кабала вōлі, код серти сьōм босъттōг билет сетісны. Тшыг нисьō пōт воōдчис аслас сиктōдзыс... И кызд нō та йылысь висьталан нывлы. А сідзсō варовитіс-ны на ōттор-мōдтор йылысь. Гылыда серōктывлісны и быдōн.

Найō петісны ю вылō рытгорув нин, ва туй джынсō мунōм бōрын рōмдіс. И колō жō! Сійō места дорōдыс, кытчō кольōм во запань лōсьōдлісны, кодкō трос везгōдō-ма. Пыж кыптыштліс, а сәсся боквыв пōригмоз дзумгысис ваō. Усигмозыс Ниналōн кыяс швачнитчис пыж дорас.

— О-ой!— повзьōмысла и дойысла горōдіс ныв, вошліс ва улō, сәсся бōр бырснитіс, кутю моз швачōдчō кияс-нас.

Миш первойсō шашаритчыліс тросō, но кор казяліс матō воōм нылōс, уськōдчис варччыны сылань.

— Кутчысь меō!— горōдіс Миш.— Васō эн апав.— И

мый вермөмсьыс кутіс уйны неылын береглань. Бур мый ичөтдырсянь велавліс бура варччыны.

Кыкөннад өдва и воодчисны нильөг няйтөн эжсьом бадьяс дорө. А Нина эз и вермы кок вылас сувтны, му-дзөма и повзьөма-шөйөвошөма.

— Ноко, чеччы!— горөдіс весиг Миш.

— Ог өд вермы... эбөс быри,— нывлөн пиньясыс зят-какылісны.

— Чеччы, мися, изөймитан өд.

Кызмырдөн, зон отсөгөн, Нина сувтіс жө кызкө кок йылас. Ой көдзыд! Ва паськөмыс лясөма яй берданьс.

— Öнi котөртам, сэки сөмын шоныдджык лөб,— Миш босьтіс нылөс кидыс да пондіс кыскыны бөрсяньыс. Вильски-вальски няйт прөйдитөм бөрын кольөм вося ту-рун вывтис лои кокныдджык. Сьөлөм потө гөнитөмыс-ла. Да и көдзыдыс песовтө тушатө.

— Эны, сулышт,— кашкигтыр киргыштіс зон. Мор-тыд весиг казялөма, мый пыжсө ляскөма берегө. Лэччы-ліс юлань да көрталіс пуө пыжсө.

— А то эсийө лёк вомаыс кутас шуны, мый нарошнө вөйтi.

Туйыс кажитчис помтөмөн. Но коркө тыдовтчисны жө сиктлөн биясыс. Пырисны медводдза керкаас. Асывнас Нина эз чеччы. Доналөма. Нуисны больничаө.

— Тэ мый могысь татчө вөлі локтан?— юалис зон больничалань нуигөн.

— Да аслам делөясөн. Но медся нин колө дренаж сю-ян комбайнлы частьяс.

— Колөкө, ме катөда?— корана шуис Миш.

Рытладорыс больничаө локтісны кыкөн — Мишкөд вө-лі мелинаторьяслөн конторасянь мөдөдөм морт.

— Сетім нин эськө да, но век жө локті видзөдлыны. Кыдз нө некутшөм документтөм мортлы эскан?

— Ме талун ката. Пыжыдла ветлі. Ставыс бур. Ча-стьястө катөда,— шуалис куйлысь нывлы зон да меліа, жалитөмпырысь видзөдіс сы вылө.— Тэ өдийөджыд бурдөд-чы. А то лёк тросыс орөдіс сөрнинымөс.

— Кута зильны,— вазисны синьясыс нывлөн.

Кык вежон и коли тайө кадсяньыс. Нина неуна бур-дыштіс. Öнi эз нин өна пөсьөд сийөс, эз шыбитлы көдзы-дө. Но гортас лэдзны эз на и мөвпавны. Ок, и кузьөсь жө вөліны луньясыс! Весиг лыддысьөмөн сьөкыд кат-тыны найөс.

— Нина, тэ дорө локтісны,— юөртісны сылы вөскре-сенньө.

Ныв шай-паймуніс. Сійӧ некодӧс торъясӧ эз виччысь. Уджвывса контораысь гоз-мӧдысь волісны, но ӧд талун шойччан лун.

— Чолӧм, Нина,— ӧдва кывмӧн шуыштіс паныд чеччысь зон. Тайӧ вӧлі Наста Миш. Сійӧ вӧлі выль пинжака. Дженъыд юрсиыс, коді кык чунь судта нин слӧймӧма быдмыны, бура муніс сылы.

— Бур лун, Миш,— кисӧ мыччис ныв. Зонлӧн вӧліны косньӧд, но топыд чуньяс.— Васька Иваныд мыйлако мӧдӧдіс?

— Эз. Ачым аслам окота серти локті. Тэно видлыны. Да, дзикӧдз вунӧді, гӧснечтор вайи...

Сійӧ тэрыба кыскаліс сумкасыс кампетъяс, лавкаысь ньӧбӧм компот да мукӧд вӧлӧга.

— Мый тэ, оз ков. Менам ӧд ставыс эм,— яндысьыштіс Нина.

Миш дугдыліс кыскавнысӧ. Лэптыліс синъяссӧ ныв вылӧ.

— Нинӧм, ӧтлаын куйлысьясыдлы сетыштан.

Орчӧн моз пукалігӧн найӧ варовитісны ӧттор-мӧдтор йылысь. Миш то повзылас, то бӧр куслас. Яндысьӧ да.

— Воддза шойччан луннас нин кӧсйылі туйӧ петны, но эг лысьт. Талун со вои. Тӧда, мый сиктєсянь некод эз на воы. А ӧд ӧтнадлы гажтӧм, ас серти тӧда.

— Васька Иваныд эз вид?

— Зыньгис, мыйла пыжыс гирсъясьӧма.

— Тӧдан, Миш, а тэ вай вудж мян участокӧ. Первой рабочӧйӧн. Бӧрас, кӧсьян кӧ, позяс велӧдчыны ветлыны.

— Қызкӧ абу лӧсьыд. Васька Иван кутас зыньгыны, мый пышйи сьӧкыд уджысь.

— Миян ӧд абу жӧ кокныд.

— Но мед. Ачыд ӧд тӧдан сійӧс. Нинӧм абусыс гез кыас.

— Тэ сы вылӧ эн ёнасӧ мыйкӧкерт. Кӧть мый оз шу... Но?— ныв шоныда видзӧдліс Миш вылӧ.

— Но!— вӧрзьӧм гӧлӧсӧн воча шуис Миш.

Миш муніс, а ныв, ӧшинь дорын пукалігӧн, дыр видзӧдіс, кыззи тэрмасьтӧг зон воис потшӧс дорӧдз. И пыр виччысис — сувтлас, бергӧдчылас, видзӧдлас ӧшиняс... Сійӧ видзӧдіс сы вылӧ и зэв ёна виччысис тайӧс.

## НЕБЫД ГЫН САПӨГ

Асывнас пöрысь гындей ордö воис орчча сиктысь том нывбаба да кутиё ёна корны:

— Опонь дед, ме öд тэ дорö зэв ыджыд могөн. Гын сапөг колö мянлы, Матрен пöчлы. Оз вермы сийö лавка-ысь ньöбöмтö новлыны, небыдикöс, ас вöчöмöс корö. А кодi тэысь öтдор кокнисö да небыдсö вöчас?

— Матренлы?— ырсмуныштиё пöрысь морт.— Сийö нö кызди нин олö?

— Кызди сэсыя пöрысьыд олас. Кос вылас норасьö, чушикасьö на горт пытшкын, джодж чышкыштас и то аттьö.

— Бөръя кадас эг нин эськö вермөдчы да... гынды-нытö...— ышловзис старик.— Кöсья энöвтчыны.

— Матрен пöчыё ёна корис!..

— Но либö, сидзкö... Мый сэсыя вöчан...

— Сьöмсö öни сетны? Уна-ö коран?— долыдмöм нывбаба кöсийс кыскыны папушниксö.

— Но, бöрас...— öвтыштиё кинас Опонь дед.

Нывбаба мунöм бöрын пöльлөн морöс пытшкын том-мыштиё сьöлöмыс. Чужöмсьыё сылиё векся зумышыс. Вöчас на öти гозтö... Гашкö, медбөръяöс. А выль кöмлөн бала йылысь нинöм вöли ёнасö мөвпавны— тайö баласö сийö важөн тöдис...

Мыйта во колис, но ставыс на со син водзас. Дас арöса вöли. Садьмис öтчид пöлатын, вöсьтыштиё синсö: öшинь тасьяс оз на бура тыдавны, керкаас кылиё пöжасьöм няньлөн нырбордсö мелiалысь кöрыс.

— Садьмин, пиук,— шыасис мамыс да ышловзис.

А Опоньлы дум вылас уси вöйдөрлунся сёрниыс. Сэки мамыс тазди жö сьöкыда лолыштиё, кор ичöтджык чой-ясыскöд пуксисны нуръясьны. Мыччис сылы жуг сорөн пöжалöм нянь шöрöм.

— Тайö медбөръя нурторсö нин курыштала. Ковмас, тыдалö, тэныд, Опонюшко, Егор дядьыдкöд гындысьны ветлыны.

Егор дядь — ылысса рöдня. Найö, челядь, весиг полис-

ны сысы. Абу кӧ сы ног, пыр и бугжыльтлас съод синъ-яссӧ.

Вель забеднӧ лои, кор думыштӧ, мый тайӧ сотчӧм мыр кодъ съод да скӧр мортыскӧд ковмас кытчӧкӧ мунны.

— Аскомысь мӧдӧдчӧ. Ок, ок, батытӧг олӧмыд,— лӧвтӧ мамыс. Батысӧ Опонь муртса помнитӧ. Бытьӧ пукалӧ пуклӧс вылын да чер пу вӧчӧ.

Опонь куйлыштӧ на сӧки недыр, сӧссия лӧччис джоджӧ, пуксис пызан сайӧ. Пискапырысь няклялис картофель, кылӧдис паренча ваӧн да кадысь кадӧ чӧвтлис синъяссӧ залавкалань, кытчӧ мамыс пуктӧма сылы туйӧ петан ноптор да рысь туйс. Батыслысь уна дӧмаса гын сапӧгсӧ паччӧрсысь лӧччӧдӧма жӧ. Налӧн керка пытшкын сийӧ ӧти гоз и эм. Асывъяснас чоя-вока пиысь быдӧн зилис медводз садьмыны, медым тшапкыны кӧмсӧ. Кодлы сюрас, сийӧ лунтыр гортас оз пыравлы. Кынӧм сюмалӧмыд веськодъ.

Муртса слӧймис пасьтасыны, пырис Егор дядь. Важмӧм ыж ку пасьсӧ вӧнялӧма гезторийӧн.

— Зӧв тай эськӧ ичӧт на да рӧдня мортыдлы ог нин ӧткажит,— шуис сийӧ Опоньӧс видзӧдлӧг.

— Сӧ пасибӧ, Егор, бур вӧчӧмсьыд. Мед ичӧт кӧ, зӧв уджач да кывзысьсысь,— дорйысис мамыс.

Егор дядьыс воысалис кузь норт, кытчӧ пуктӧма гындысян кӧлуй да некымын лун кежлӧ сӧян-юан. Сэтчӧ жӧ кӧртыштӧсны Опоньлысь нопсӧ.

— Но, вӧрзӧдчам!— горӧдис дядьыс.— Эн чатрась! Йӧтки бӧрсяныс.

Опонь зилис кызд позьӧ ӧнджыка йӧткыны, медым сӧмын дядьыс эз скӧрмы.

Ӧти вӧлӧк вуджисны, рытладорыс найӧ пырисны туй вылын паныдасыӧм медводдза сиктӧ. Егор дядь, уна воястӧ гындысигӧн, воывлӧма нин татчӧ, эм и пыранӧн; сикт кузя неуна мунӧм бӧрын сийӧ гортас моз кежис туй бокын куткырвидзысь неыджид керка дорӧ.

Рытъя рӧмыд керка пытшкысь Опонь эз вермы лючки быдтор казавны. Керка кӧзяеваыс, шӧр арлыда гозъя, юасисны дядьыслысь олӧм-вылӧм йылысь, тшӧктисны пӧрчысьны.

Сӧмын синмыс велалӧм бӧрын Опонь аддзис пызан сайын пукалысь нывкаӧс. Сийӧ вӧли ськӧд тшӧтшъя кымын.

Кӧзаяка лӧсьӧдис пызан вылӧ сӧян-юан. Недыр мысти пуксьӧдисны сӧйны. Опоньлы дум вылас уси гортыс, мамыс, чойясыс, сӧлӧмыс нормис, гусьӧн моз петис ывлаӧ.

Рытладорыс төвзыштөма. Рөмыдыс сэтшөм улөдз лэччөма, быттьө көсйө пөдтыны еджыд лымсө. Йöрын су- лалісны Опоньöн аддзывлытөм на пашкыр пуяс, налөн шувгөмыс повзьөдіс зонкаөс.

Кильчө өдзөс дзуртыштіс. Опонь лэптіс юрсө, видзөд- ліс. Öдзөс дорын сулаліс ыж ку пасьöн плавкнитчөм ныв- ка. Недыр чөв олыштөм бöрын Опонь смелмөдчис да юа- ліс:

— Кутшөм пуяс нө тайө татшөм пашкыръясыс?

— Тайө? Он өмөй төд? Сус пуяс,— шензьяштіс нывка, Опонь чөв ланьтіс, сійө кывліс, но эз на аддзывлы сус пусө.

Та мында и варовитісны. Узыны водөм бöрын Опонь дыр эз вермы унмовсьыны. Куйліс, а пельөдзыс воис өн пуяслөн шувгөм шыыс.

Тайө сиктас найө олісны лун вит. Опонь прамөя төд- масис нывкакөд. Нимыс вот сьөкыд — Матрен. Удж кості Опонь да Матрен гигзигтыр ворсісны пу аканьясөн, ча- чаясөн. Нывка чөсмөдліс сійөс сус пу колььөн.

— Ме весиг төда, көні найө вöрас быдмөны,— ошйы- сис Матрен.— Батьө висьталіс. Зэв пө уна сус пө быдмө сійө местаас.

Эз вөв окота мунны Опоньлы тайө сиктсьыс. Велаліс нывка дорө. Сыкөд ворснысө вөлі чөйяскөд дорысь серти любөджык. Но быть мун. Матренлөн весиг синваыс дор- шасис, кор кольөдіс норт бокө кутчысьөм зонкаөс.

Некымын во коли, Опонь гожөмнас отсасис гортас мамыслы, а төлыс кольлі норт бөжын. Вель ылөдз ветльв- лісны Егор дядьыскөд, но, медводдза сиктса керкасьыс өтдор, сылы некутшөм эз мусмы.

Со нин дас көкъямыс арөс Опоньлы, ачыс нин велаліс лючки гындысьны. Мамсө да чөйяссө көмөдіс.

Егор дядьыс өна нин омөльтчис. Ропмуні чужөмыс, ки- кокыс мөдіс юкавны, мөрчис уна вояс гындеялөмыс. Көть сійө и тайө төвнас лөсьөдчис мунны ыджыд пыдди, но кыз уджыс вичмис Опоньлы.

Но эз та вөсна пессьы сьөлөмыс зонлөн. Нетшкысис сьөлөмыс төдса сиктө, көні тшөтш жө дас көкъямысөд ар тыртө Матрен. И со — бара нажөтка вылө туйынөсь дя- дя-пия.

Мунісны чөла: быдөн пөжис асьыс думсө. Олөмаөс мөвпясыс нөшта на сьөктөдісны, а зонмөс бордъялісны. Сылы окота вөлі өдйөджык лэбыштны сиктөдзыс. Сэні сылөн вөлі медся донаторйыс. И быд дзук, көть ньөжйөн, матыстчис виччысянторйыс.

Чужомсö сotyштiс другон ылькнитом вирыс, кор мед-  
бöрын пырисны жö пöлынтьчыштöм керкаö. Мыйкö не-  
ладнö лоöма и нывкöд. Пыр жö бергöдчис залавкалань да  
мöдiс малавны тасьтi-паньсö. Гоз-мöд лун олiгöн öтчыд-  
мöдысь кызкö надурнöя моз синмасьлисны. Здук кежлö  
öтлаасьлисны видзöдласьяснас. Эз бара кольöм вояс моз  
нинöм абу йывсьыс больгыны. Эз бара Матрен чольöба  
висьтавлы, кызди öлис гожöмнас. Весьшöрö Опонь локтi-  
гас полiс, мый Матрен кутас кыскыны сёрнисö, а сылысь  
кыв-ворсö домас яндзим. Кымыныськö слöймылi жö том  
зон тайö гоз-мöд луннас гöрдöдлыны!

Со и öни бара гöрдöдiс. Нывлön батъыс, латшкöс тушаа  
сөнöд мужичöй, пуксис воча. Колысь дядьö. Дерт, и гын-  
дейясöс лэдзö ас дорас, медым дон босьсттöг вöчöдны гын  
кöмъяс семьяыслы.

— Бур жö тiянлы, майбыр, сямманныд гындысьнытö  
да,— панiс öни сёрнисö сийö.— Сьöмтор нажöвитанныд. Кы-  
нöмыд пöt. Менам со удача абу. Мый сэсся вöчан. А тэ нö,  
Опонь, кодлы татшöм чача кодъ кöмсö вой улас пуксин  
вöчны?

Буретш тайö юалöмыс пöсьöдiс быттьö первой коксö, а  
сэсся визнитiс вывлань. Голя дорöдзыс воём бöрын пöсь-  
ыс ыльöбön, пывсян горсянь моз, койыштiс жарön чужö-  
мас. Бур, биыс омöлик, а то эськөн ставсö чуйдiс.

— Да сiдз. Катъдпомсянь тай вайисны,— эскытöма  
артмис зонлön.

— Кодi нö? Ме дырйи тай нö некод сэсянь эз вай?

— Тэтöг, буракö, и пыртiсны.

— Вась Микул кö эз, сэсся некодлы. Сылön нылыс  
верöс сайö петан арлыда. Видзöдтö, кутшöм небыд вуру-  
ныс. Шудаöсь жö йöз. Миян Матренлы таво со вурунсö  
жалитам. Важыс тырмас. Кötъ эськö кадыс жöник корсь-  
ны нин да. Но мый вöчан.

Дыр на долис аслас олöм йылысь кöзяиныс. Песiс пыр  
öтарлань, кызди эськö озырмыны. А Опонь сөнöд кияснас  
ичöt баяöс моз малалiс вурунсö, став сьöлöмсö дась сет-  
ны выльön панöм кöмас. Тадзи вель дыр пукалисны найö  
Егор дядьыслön шкоргöм улö. Öтиыслы колö вöли юксьы-  
ны чöжсьöм думъяснас. Мöдыс эз зиль кывзыны сылысь.  
Пельясыс виччысисны ывласянь кок шыяс, кор локтас  
пöдругаяс ордас петöм ныв.

Но тайö пöрийö бара на падмис. Сiдзи и эз лысьт шыöд-  
чыны. Куйлiс да мövпалiс, кöсйысис аски быть нин сёр-  
нитны нывкöд. Весиг новлöдлiс син водзас локтан сёрни  
дырйи нывлысь чужöм вежласьöмсö. Шуда мövпъясыс не-

быда такöдисны, корисны ун. А асывнас, выль лун воём бöрын, бара важ мозыс коли.

— Аски водзö мöдöдчам,— ужнайтны пуксьöм бöрын шуис Егор дядьыс.— Кодöс колö могмöдöма.

— Сикт джынйыс тай тiян вöчöм кöмөн шлапикасьö,— кöзайкалөн тайö кывъясьыс Егор дядь тшапмыштiс да тшöгöля чатöртiс ропмунöм морöссö. Опонь мöвпалiс, кызди эськö тöдлытöг сетны нывлы вöчöм козинсö.

Стрöка сюрис, кор мужичöйяс петiсны ывлаö, а мамыс пöдөнчаөн лэччис мöс дорö.

— Тайö тэныд, Матрен,— тубрастор нывлы киас суйыштiс Опонь.

— Меным? Мыйла?— эз гөгөрво ныв, гөрдöдiс пель йылöдзыс.

— Гын сапöг, козин пыдди вöчи. Эн дивит, кызди арт-мис.

— Оз, оз ков,— петитчис ныв, кöть радлунсö некызди эз вермы дзeбны, тубрассö бөр сетiс зонлы.— Абу лöсьыд.

Ошинь сайын кок шыяс да сёрнияс торкисны налысь тубрасөн мачасьöмсö. Зон мырдысьөн кöвъялис тубрассö нывлы, мöдыслы быть ковмис саймовтны козинсö.

Тайö лöмторйыс быттö косялис на костын сулалысь потшöссö. Найö öта-мöднысö гөгөрвоана видзöдласөн син-масисны рытывбыд. Матрен талун некытчö эз пет, пукалис да печкис гортас. Найö тшöкыда нюмъёвтлiсны. Вöли лöсьыд, мый эм налөн асланыс гусятор. Зiлисны дзeбны сийöс, полисны казьялöмысь, дивитöмысь.

Бöрас, кор найö Егор дядькöд мöдлаö кыскисны дадынысö, зон олис нин выль олöмөн, а син водзас сулалiс мелi Матрен.

Сийö тöвнас найö мöвпыштiсны вöчны ыджыдджык кытш, волены ылыс сиктъясьö, кытчö некор на эз волены. Первой луннас сизим верст и мунiсны, сувтiсны неыджыд сиктö.

— Водз öмöй талун шабашитам?— Опоньлысь удж помалöмсö казьялём бöрын юалис Егор дядьыс.— Ачыд ыджыдджык нажötка вылö лачаөн петiн.

— Удитам на. Колö талун сиктас петавны, тöдмавны, унаөн-ö кутасны корны вöчасьнысö,— петiгмозыс нин чöвтiс зон, а ачыс улич вылö воём бöрын шавксьöдiс эз керкаяслашь. Туйсö кутiс сикт помлань. Вöлök вуджис котөрөн.

Матренöс аддзис рытйысянинысь. Гажсö пестыны сöмын на заводитöны. Водзджык воём нывъяс варовитiг-

тыр печкисны, а бурлак зонъяс гиргисны-сералисны. Опонь нюмъэвтліс сөмын ёся да шмонливөя шуомъяс вылө да кадысь кадө чөвтлывліс видзөдлассө Матренлань.

— Он-ө йөз чөс туй вылө сиась?— кыліс сійө лөг гөлөссө Степан Митрейлысь.— Он төд, мый овлө таысь?..

Опоньлы эз вөв окота зыксыны. Абу аслас сиктын. Отнас. Лёк шуом и виччысьбны Матренлөн ёртъясыс. Бур, со гудөкасысь воис, а то эськө косьё воисны. Заводитисны йөктыны. Матрен шөпнитіс Опоньлы пеляс:

— Ме здук кольччыла. Отлаын мунны оз лэдзны. Кылан? Төдан миянлысь важ рынышсө, сэтчө ланьтөдчы.

Зонлы эз ков мөдысь тшөктыны. Гаж шөрас на и воши. Пукалө рынышын, виччысьё нылөс.

— Эн, мися, вөтчы!— друг кыліс Матренлөн гөлөсыс.

— Но, Матрен, сутш көть сулыштам,— корө Митрей.

— Мый нө тэкөд сулалан?

— Ог мөй кажитчы?

— Он, дерт.

— А эсийө, гындейыс, мый тані лөтікасьё? Мед мөдысь миян шөрө оз лөсьөдчы. Сэки киас гөныс оз кут өшйыны.

— Тэныд нө кутшөм мог! Мун татысь!— Ныв, кылө, йөткыштіс Митрейөс да котөрөн кайис кильчө вылө, бөрсянныс гольс пөдлаліс посводз өдзөссө.

Опонь нөшта гоз-мөд лун котраліс рытъяснас ныв дөрө. Рытйысянінө эз нин пыравлы. Мыйла весьшөрө лөсьөдны бокъястө нөйтөм вылө, кор Матренкөд налөн вөлі асланыс гуся рытйысянін.

— Аски водзлань мунам,— шуис өтчюд Матренлы Опонь. Окота эськө вөлі дзевны тайө кывъяссө, но мый вөчан, кор гындысян уджыс помасис.

Ныв немтор паныд эз шу, сөмын топөдчыштіс зон бердө.

— Төлысь-мөдтө ковмас ветлыны, сьөм нажөвитышта да гожөмнас корасыны вола.

— Төдін кө эськө, кутшөм абу окота торйөдчынысө. Мамөлы ме висьтаси, а сійө, йөйыд, батьлы шөпнитөма. Талун пышйөмөн нин ковмис пышйыны. Оз лэдз тэ дөрө. Кутшөм овмөс пө шөйтысь көкыслөн.

— Терпит гожөмөдзыс. Но?

— Ме эськөн радпырысь да... Батьөй Степан Митрейөс помся ошкө.

— Ачюд мый думайтан?..

Ныв эз вочавидз. Зэв жугыль вөлі тайө янсөдчөмыс. Деливө вөлі зонлөн сьөлөм вылас. Опонь казяліс, Матрен ёна пыдди пунктө батьсө.

Ок, кутшом эз вов окота петны туйо. Но син водзас вoлины мамыс да чойясыс. Найо виччысьоны вердысьос. Опонь весиг ырыштчыліс бөр бергөдчыны гортас, но өлөдіс Егор дядьыс, сьомтөгьд пö кутшом пир верман вöчны.

Кисö гаддявтöдзыс уджаліс сійö төвсö Опонь. Со и тулыслань бергөдчис кадыс. Сьөлөмыс ёкмуніс, кор ылысянь аддзис төдса сиктсö.

— Ог кут нюжодны, öні жö корася. Тэ сват пыддизыс,— важонкодъ нин панлом сёрнисö выль пöв заводитіс Егор дядьыскөд Опонь.

— Ме абу прöтив.

Кöсйисны буретш веськөдчыны нывлөн керкалань, кызди паныд сувтіс тайö сиктсьыс öти зон.

— Чолөм, Опонь.

— Чолөм,— сувтовкерыштіс Опонь да кыйкнитліс керкалань.

— Сотчөм рыныштö видзөдлыны воин?

— Кутшом рыныш?— эз гөгөрво зон.

— Матрентö батыс Степан Митрей сайö сетіс.

Син водзыс пемдіс Опоньлөн.

— Кызди?

— Вот сідзи! Нылыс пышйыны гортсьыс уськөдчылöма. Но кытчö воштысян. Төдан öд батысö. Сійö көть керка вывсянь агас пинь вылө чеччыштас, медым сöмын инавны нывсö судзсянаджык семьяö. Зумьд рөдня öні сылөн. Тшапмис весигтö.

Зонмьд мыйкö вель дыр на висьталіс, петкөдліс, кызди öні ветлөдлө Митрейлөн батыс, но Опонь эз кывзы. Юрсö косялісны лёк думъяс.

— Вай, Егор дядь, кольччылам!— шыасис зон сайкалөм бöрын.

— Эи дур, Опонь. Гортөдзыд нин воөдчам,— неладнö казялөм бöрын шуис дядьыс.

— Тэ кызд кужан, а ме кольччыла,— крапкис зон. А юрас вуджраліс мөвп гусявны Матренөс да вайөдны гортас.

Но быд кöсйөм оз пöртсьы оломö. Сійö рытнас Опоньöс дитшкөдісны-нөйтисны Степан Митрейлөн другьясыс, кор рөмдөм бöрын матыстчис налөн керка дорö. Öдва лолыс эз пет голя помöдыс. Бура дыр ковмис ойзыны гортас, веглясьны пöлатъ вылын. Дзоньвидзалун шедөм бöрын бара на уськөдчыліс Матренлөн сиктлань. Бара нөйтисны. Öвсьыныс та бöрын зонлы эз вөв кокни, көть эськö гөгөрвоис: рынышыс сылөн збыльысь подулөдзыс сотчөма.

Кыдзкө аслыс төдлытөг став светыс сылы мустом лонис. Опонь сомын муркөдіс уджсө, воліс киө чукөра сьом, но и сійө эз радуйт. Волісны тулысьяс, но эз нин вермыны сывдыны кын сьөлөмсө. Гөтрасьліс, но пөлыс дөрөмгач пєслалысьыс водзө эз и кыпты. Аддзас вөлі кутшөмкө гозьялысь кутчысьөмөн шудаа мунөмсө, локтас гортас да дузьялас. Лөксө пєсліс гөтыр вылас. Сы вөсна, гашкө и, кадысь водз веськөдчис таладор югыдінсьыс гөтырыс.

Со и олөмыс исковтіс. Оти кадө кыдзкө виччысьтөг казяліс, мый сійө дзикөдз нин пөрысьмис. Сэки выль ногөнджык видзөдліс бөрө кольөм вояс вылас. Небзыштіс сьөлөмыс, челядьдырыс аслас жаль вөлі и том кадыс тшөтш. Гашкө, сы вөсна тшөкыдджыка шыльөдліс юрөдыс чорзьөм ки пыдөснас улич кузя котралысь челядьөс.

Вот и медбөрья гын сапөг гоз. Вөчис сійөс тэрмасьтөг. Пока турунсө летіс, корсис колана баласө. Вурунсө бөрйис пөшти чепөлясөн. Пыр казьятыліс асьыс олөмсө, туйвизьсө.

Вунөдіс сөян и шойчөм йылысь пөрысь Опонь. Зэвтіс көмсө была вылө и казяліс, мый аштөм дорө сьөлөм дой өтлаасис. И тэрмасьны кутіс Опонь. Эз кут весиг отсасьысьсө корны. Сьөкыд сынөдыс сылы вывті нин эз кут лөсявны. Кымынкө лун өд оліс уль ру пын. Сы вөсна и отсасьысьсөс босьтіс. А өні кызди думыштіс, мый сійө оз колана ног вөч, да эз кор. Первой лунсө дзикөдз мездис, мый өдва-өдва пывсянсьыс, көні вөчасис, гортөдыс кыссис.

Чирйис ырөшө нянь да лук, но паньыс эз кывзысь — тіраліс киас, став дөрөмсө Опонь көтөдіс куим паньтыр вом дорас матыстігөн. Босьтіс нянь шөрөм и бара пывсянө.

Рытнас дум вылас уси няньыс. Петіс, пуксис порог вылө и, рөмыдас саялысь сикт вылө видзөдөмөн, кутіс сөйны. Кимөдзнас вештышталіс льөб вывсьыс ляксьөм гөнтөрьяссө.

Сьөлөмыс бурмыштіс, лоловны кокньыдджык лои и мөвпьяс воисны кокниөсь, бурөсь. Кыдзи сійө ылө кольөм воясас, кор асьыс Матренсө аддзыны тэрмасьліс. И сьөкыд уджыс сэк эз личкыв. Тайө бөрас топөдіс му бердас, кор сомын сьөм вөлі синъяс водзас.

Вот и позяс көть бөрьяысьсө уджнас сьөлөм бурмөдны. Му бердсьыс синсө лэптыны.

Индөм кадө Матрен пөчлы вайисны гындейсянь гын сапөг гоз. Любуйтчы сомын наөн — еджыдөсь да кокни-

о́сь, и кокъяс узьоны — шоньдось да небыдось артмисны.

И тапиктіс пöрысь кокъяснас Матрен пöч пöдругаяс ордас, ассьыс олöм-вылöмсö висьтавны. А найö сылы регыд ассьыныс выльтор чушиктісны-вайисны: кулі пö Опонь, пöрысь гындей. Лöня муніс, мудза.

## ВУДЖÖДЧАНІНЫН

Нестеров Миш матö кöкъямыс во нин эз вöв ас сиктын. Сідз нин олöмыс гартовтчис. Армияын служитігас тöдмасис нывкөд, бöрас гөтрасис да кольччис овны гөтырыслөн чужанінö. Тайö вояссö быд отпуск дырйй ырыштчывліс мыччысьлыны гортас да кызкө век на эз слöймы. Но уджыс вöлі юр выв тыр: стрöйтчыны кутчысис. То кык пи чужины вочасөн. Ичөтъясөн гөтырсö эз вöв окота кольны. Да и зэв нин ылын. Дальнöй Востокын олöны. Туй вылас отпускыд кольö. Но со век жö вөрзöдчис ас чужан мулань. Кор лэбис самолётөн первой Москваөдз, а сэсся Сыктывкарөдз, пыр думайтіс, кутшöмөн аддзас чулядьдырся местаяссö. Но и медся кузь туй помасьö. Тöдса местаяс аддзöм бöрын кок сөнсö быттьö ордісны, сьöкыд лои лолавны. Юсайса вьвтасінын сулаліс налөн сиктыс. Син водзас паськөдчисны тыдалана керкаяс, кодьяслөн öшиньясыс видзөдісны локтысь вылö. Ляпкыдик юыс ёна зэрöм бöрын ойдöма. Сы вöсна вуджөдчисны паромөн. Кос лунъяс дырйи машинаяс уйлісны ас кокөн, а паромыс эз уджав. Öтарö-мөдарö люзьгысь машинаяс виччысисны вуджөдöм. Миш чеччыштіс паром вылö. Весиг эз тöд паром вылын уджалысь том зонкаөс. Чужöм сертиыс дыр тöдмаліс, кодлөн тайö детинкаыс, но сідз и эз вермы юрас уськөдны. Мөдарас воöм бöрын паныдасис нин тöдса морткөд. Ёна вежсьöма Вась Микулай. Юрсисö водзсьыс воясыс нюлыштöмаөсь. Чужöмыс гуранъясөн тырöма. А öд кор Миш муніс гортсьыс, сійö вöлі на пöрнöй мужичöйөн. А со кöкъямыс вонад кызди вежсьöма. Весиг видзөдласыс мөд. Сэтшöм телепит лои ас морткөд варовитны, мый Миш ачыс матыстчис.

— Видза олан, Микулай дядь.

— Чолöм,— коса шуыштіс мöдыс, а сэсся бурджыка

чөвтліс шысасысь вылө видзөдлассө.— Мыйкө тай нө төдса.

— Эн али мый төд?

— Миш кө лоан-а? Сөтана пызь.

— Сійө, сійө.

Вась Микулай паськыда нюмдіс, чужөмыс ещө на тырис визьясөн, синъясыс ловзыштисны.

— Во дас өд эг аддзыв нин, буракө.

— Көкъямыс на.

— Тэныд тыдаланаджык.

Кадыс катовтчөма июнь шөрлань. Гожся шондыс азыма нюліс чепөсйөм турун вылысь зэр васө, косьталіс гөпъяс. Но став сертиыс төдчис, мый эз нимкодысь мича луныслы Микулай. Синъясыс ловзылысны недыр кежлө. Мыйкө, буракө, мортыдкөд не сідз лоөма. Мишлы сійө ичөт-сяньыс төдса. Уджалис конюкөн первой колхозын, а сэсся совхозын. Ар дас бөрын сы кодь жө зонпосниулов төвъяснас гартчисны сы дорын. Быд ногыс лебезитчисны, медым сетіс кывзысьысджык вөв лэччөдлыны юкмөс дорөдз. Мишлөн өні на эз вун, кызд медводдзаысь пуксис вөв вылө, кызди радысла тіпкис сьөлөмыс. Некор Вась Микулай дырйи эз лысытлы вөлөс ньөръявны. Казяліс кө, мөдыс оз сет. Весиг скачөн ветлыны оз позь. Сөмын рөдтыштны. Сідз пө нин луннас турун ваялігөн мудзисны. Челядьдыр казтыштөмөн бара шамыртіс том мужичөйлысь сьөлөмсө, мый окота лои варовитыштны конюккөд, кыв-мөдөн көть шыбитчыны гортас веськавтөдз.

— Қарөдз петін?— сёрни паніс Миш, медым кызкө торкны ланьтөдчөмсө.

— Колльөдча,— жугыля чөвтіс Вась Микулай.

— Кодөс нө?

— Со тай,— юрсө катовтліс кузь бөжын сулалысь машиналань.

Миш чөвтліс сылань видзөдлассө, но, кабинаын шофёрысь кындзи, некодөс эз аддзы.

— Кузовсьыс видзөдлы,— быттө гөгөрвоис сійөс да шуис мөдыс.

Кузовын юрсө гоньйөдлісны кык вөв. Өтисө аддзөм бөрын сьөлөмыс бара юковмуніс. Да тайө жө Алтай.

— Яй вылө лэччөдөны али мый?

— Код төдас. Нуоны тай-а.

Миш матыстчис машиналань. Вась Микулай сы бөрся. Быттө гөгөрвоис да аттьөаліс, мый сюри морт, кодөс сы моз жө вөрзөдіс вөвъясөс нуөмыс.

— Алтай, Алтай,— шысис сьөд вөв дорө Миш.

Модыс корснитіс нырнас. Эз, дерт, Мишөс төдөм вөс-на. Од ськөд орччөн сулаліс морт, кодкөд вөліны төдса-ось эз өти во.

— Алтай,— вөвлысь улө лэдзөм юрсө тапкөдыштіс Миш.— Пөрысьмин тай.

— Позьө на во-мөдтө уджөдны вөлі,— гөлөс сетіс Микулай.— Вермис на. Но оз тай юасыны.

Найө пуксьыштісны туй бокө. Недыр чөв олыштісны. Быдөн думайтіс асьыс.

— Нөшта нель вөв и коли конюшняд,— ышловзис Вась Микулай.

— Сөмын нель? Комынсьыс?— ырсмуніс Миш.

— Нель,— бара сьөкыда лолыштіс конюк.— Регыд и найөс бырөдасны.

— Верднысө нинөмөн али мый?— юаліс гөсть.

— Найө од асьнысө вердасны. Текникаыд жмитө, коньөръясөс, сиктсьыд. Эз кутны ковны. Да и ачыд мөвпыштлы. Гөжөмнас сөмын уджавны кутасны. Ытшкыны да куртны. Төвбыд конюшняын. Турунтө од өні тракторөн матыстөны.

— Вөвъяссө нө мый оз доддявны?

— Даддьө али мый? Доддыс эз ло. Вөчнысө некодлы. Закар Митрейыд кувсис-а. Эн на од вунөд сійөс?

— Кыдз нө вунөда. Сусед вөлі да. Сідзкө, кувсис?

— Во квайт нин абу. Сійөтө кужліс доддьтө и телегатө вөчны. Оні каитча, мый ачым, сөтана пызь, эг велөдчы. Эськө вөчи жө да.

Вась Микулай мыйкө дыра ропкис на овмөсса веськөдлысьяс вылө вөвъясысь энөвтчөмысь. Тракторъяс помсьыд пө став сиктса уджсө он на вөч. Град йөртө он гөр ни. Гөрысь вөлыс кык коли. Жаявтөдзис тулыснас мырсьөны. А Мишалөн син водзө бара сувтісны вунөдлытөм челядьдырся серпасьяс.

Юлөн алькөс берегыс вөлі туруна. Но та вылө видзөдтөг, лэчыд коса босьтіс кокниа. Швач-швач чилсмунісны-вундісны турун заяс, пөлянлөн да гумлөн кокъясыс. «Лөсьыд ытшкыны лысва вылад»,— думыштіс Миш, косанас паськыда босьтігмоз.

Шонді муртса на тыдовтчыштөма козьяс, еджыд кока кызьяс сайсянь. И петігмозыс жө босьтчис нювны воддза ытшкөминө петөм өтава вылысь лысвасө.

— Коклябөртө чилснита,— горөдісны зонка бөрсяньыс. Гөрд юрсиа, чужөмыс быттө өнія петысь шонді— беринөсь. Вася ытшкис паськыда да зілис суөдны водзын мунысь өртсө.

Зонъяс, өтиыс, медым кольны, а мёдыс суёдём могысь, зэвтчисны. Косаяс өвтчисны тэрыбджыка. Азыма чилсйёдлісны веж турунсö. Тадзи найö суёдисны водзын мунысьöс — латшкöс тушаа, ветымын арöс сайö чеччыштём мужичöйöс. Закар Матвей ытшкис кокниа. Боковыань кö видзöдны, эз тэрыба. Но недыр видзöдыштём бöрын казяліс, мый орём пöлянъясыс ыджыд вынөн ытшкыштёмсьыс кольöны недыр кежлö сулавны, а сэсся вöляысь пöрöны.

— Куритчыштöй,— шуыштіс Закар Матвей, косасö турунөн чышкыштём бöрын. А сэсся зудъялыштіс да виччысьöмөн, медым не дойдны бритва кодь лэчыдінсö, пунктис выльöн ытшкём турун вылö.

Кöть и тöдіс, мый зонъяс оз куритчыны, Митрей век шойччöмсö шуис куритчöмөн. Найö пуксисны совхозлөн ылысса видзьяс вылö. Кöть и эз вермыны воёдчыны ытшкынысö машинаясөн, но век жö эз энөвтны. Сэки сиктгөгöрсä видзьясыд доза на векныдыкöсь вöліны. Пуктысисны ки помысь. Зэв нин турунаöсь вöліны видзьясыс. Да и мөсьяс азыма рөмидзтісны кузь тövъяснад.

Зонъяс пуксисны торйөн. Кöть кутшöма эз зіль кырöдны сёрни-басни Закар Митрей, нинём эз артмы. Тöдчис, мый на костöд сьöд кань вирдыштöма. А öд неважөн на найö гажаа шмонитісны. Шойччигөн казътыштісны гортö кольысьясöс. Öти тшынас дорын дзебсясисны номъясыс. Вашъялөмөн казътыштісны медводдза лунъяссö. Налы отсөг вылö сетісны Алтай нима том вөлöс. Дас квайт арöсä том войтырлы сійö вöлі кага кодь. Вичмөдлісны нянь шөрөмъяс. Чөсмөдлісны мукөдторйөн. Но вот төрыт Закар Митрей тешкодясис. Алтай вөлөн кыскалісны юръяс, зорөд пиньяс, майөгъяс. Уджыс тырмис. Том вöv чепсасис на, некыдзи эз сетчы доддявны. Велавтöгыд сылысь сьылісö ниртіс. Таысь и зэв ёна скөрмис зонъяс вылö мужичöй.

— Скöтина вылас смекайтчаннуд. Асьныд нин вövъяс кодьöсь, а доддясьны сямлуннуд абу,— ропкис сійö.— Талун мед шойччыштас, а ті потшкөн юръяссö матысталöй. Сэки велаланнуд пемöстö жалитны.

И ковмис ки вылын кыскавны юръяссö. Дойдöминсö вöвлысь Митрей мавтіс мыйөнкö. Лэдзис сійöс шойччыны. Жаявтöдзыс уджалісны зонъяс, öдва воёдчисны узыланінöдз. Асывнас со водз чеччөдісны. Таысь и дузъялісны. Быттьö нарошнö зыртісны Алтайлысь сьылісö.

Кузяён век жö бурасисны. Мужичöй велөдіс кужöмөн доддясьны. И кор помасисны уджъяс, Алтайкөд торйөдчы-

ны вöлі быдöнлы зэв сьöкыд. Нельöд морт кодь вöлі на пöвстын сійö. Торйöн нин томъяслы. Бöрас, кор мунісны дасöд классö велöдчыны, школаысь локтігөн кө паныдасьлісны додьялём вöвкөд, то сійö ылысянь гөрöктыліс. Льöбъяссö шлопкөдöмөн корис чöсмöдлыны...

Ставыс тайö уси дум вылас Мишлы. Та кості воис кад пырны паром вылö машиналы, кодлөн кузовын сулаліс Алтай. Вась Микулай чеччис да вöччис сы бöрся. Мишлөн кокъясыс нуисны жö юлань. Қыкнаннысö вуджөдісны мөдлапөлөдз. Қонюк сэссия вөвъяс дорö эз матыстчыв. Сöмын топөдіс паръяссö да видзөдіс кузовö. Регыд мысти машина вөрзөдчис. Қык морт сулалісны туй шöрын да видзөдісны саймовтчысь машина вылö. Қыкнанныс думайтісны.

Недыр мысти мужичöйяс бергөдчисны сиктлань. Миш видзөдіс ас керкаяс вылö кызкө мөд синъясөн. Жальпырысь.

## ПЫРЕЙ ВАРУК

Василий Петрович Вавилов, выльөн пуктём райфинотделса заведующöй, думыштіс кытшовтны районсö. Рытнас воис сиктö, коді кынмис төвся көдзыд ру пиын. Көть думсьыс ньöжмөдіс часі стрелкасö, сійö нерсигмоз чеччыштіс квайт час дорті. Öні сельсоветад некодöс нин он су.

Машинаысь чеччөм бöрын пыр жö мөвпыштіс юасыны узянін. Ветлём-мунём мортыд (таөдз Василий Петрович уджавліс мөд районса татшөм жö отделын) йöз сиктад эз шöйöвош. Узыны вöзйысьысь вылад сиктсаяс оз чуймыны, көдзыд ывлаө оз йөткыштны. Та вылö лачаөн сійö юаліс медводдза паныдасысьысь кызди позьö кыпыд гөлөсөн:

— Көні нө тіян вой улö веськалысьысыс узылөны?

Шалльö төбыштчөм нывбаба сувтовкерыштіс.

— Нэмсö тай вöлі Пырейясын войсö коллялөны-а.

— Пырейыд өд öні лым улын,— шмонитігмоз шуис Василий Петрович.

— Со өд юрад кызди пырöма тайö нимыс. Но эн на мөй волөй татчө?

— Эг, медводдзаысь, и то вой улö мойвиис.

— Сідзкө Пиля Емель Варукын. Лок нуода. Ме сылөн керка дорти жö муна-а.

Гоз-мөд керка кост вуджөм бöрын тьöтыд индiс косялөм стьна ичöтик керка вылө. Төдчө, оз нин öти дас во төвьы сийö. Öшиньыс вöли биа.

— Видза оланьыд,— пыригмоз, руалөм öчкисö чуньяна-с чышкигтыр, шуис Василий Петрович.

— Шойччы-шонтысь, сёйны эн кор,— кылис паччөр выв-сянь нывбаба гөлөс.— Да тэ эн шойöвош, пыр, пыр. Пөр-ччысь, видзөдлам, колөкө и чайөн на юктөдам. Карактерыд кө глянитчас.

Татшөм паныдалөмыд збыльысь падмөдыштіс Василий Петровичөс. Но пөрччысис, пысалис синмас косөдөм öчки-сö. Югдiс. Гөбөч вывсянь джоджө лэччис ар сизимдаса пөч. Пырей нимыс лөсялис сылы, косньод туша-рожаа. Татшөм устава пöрысь йөзыд визув кокаөсь на. Сидзи и эм. Тэрыба воськовтіс гын сапöга кокъяснас жыр шөрөдз. А синъясыс! Василий Петрович гежөда аддзыліс татшөм видзөдлассö. Сэтөр рөма синъясыс вöліны пьдөстөм, сьод ваа юкмөс кодьöсь. Сявкйис мывкыдлунөн. Быттö тайö юкмөсас чөжсьөма сылөн кузь нэмын став казьявлөмторъя-сыс, гумовтчөма став аддзылөмторйис.

Недыр мысти найö важ төдсаяс моз варовитiсны нин, чай юисны.

— Водзті быдөн мянө узьмөдчылісны. Ыджыд көть ичөт портпеля. Öни тай выль мода босьтісны. Локтöны сельсöветö, сэтысь чебыд вольпась да выльөн пєслалөм эжөда эшкын корöны. Совхоз отделениеö мыччысясны — сідз жö. Тэ тай со кызкө ме дорö веськөдчин. Омöльясыс сой пöлөдыд вайисны?

— Эг су ме сельсöветсö.

— И бур. А то бара öтнамлы рыт коляв.

Сийö збыльысь, буракö, вöли орöма сёрнисыс. Варов жö морт. Заводитiс эмсö и абусö висьтавны да помыс абу. Пöсь ваысь банйөм чужөма Варук пызйис-висьтавлiс кутшөмкө Көсьта Митрей йылысь.

— Сө морö морт сийö вöлі.— Варук сёрнитiгмоз чөвт-ліс сюсь синьяссö гөстьянь.— Эз быд гачалөн вөв сылөн кодь выныд. Вот, помнита, öтчыд дзикөдз Гурей Парась-лөн öшкыс сиктнымөс пикö воштiс. Скөр, дзик Парась мозыс жö бугжылясьö. Челядьöс весиг улич вылө эз кутны лэдзны.

А празник дырйиыд мян сиктын гажа вöлі. Мужикья-яс кодсь туплясьöны. Вөччөм, банйөм нывбабаяс «Во саду ли» ливкйöдлöны.

Друг ставон сюв-сјавмунісны. Сомын Ондрей Васълон чепелышыс бус пиын ворсан коли. Съокыд пеля, дзик Павел Аврам кодь. А Гурей Парасълон нимкодьторйыс, тьпу, медым мутияс сылысь адын кыз яйсо чепляласны, шердын пасьта вомсьыс быг лэччө. Паськыд сюрсо улө лэдзөмөн уськөдчис детинкалань. Косьта Митрей уськөдчис сюра гундырлы воча, да-а... Кызди тай лэптыштөмөн шняпкис өштө му бердас. Бура дыр кыз зөбйыс тіраліс. Видзөда да, өдва пошиктыны кутіс. Син аканьыс кучикасис. Кымынкө аттьө Митрейлы вичмис.

Дыр на эськө гырдемө синъяссө сы вылө чашйөдлісны. Но бөрөзда бокысь кыліс «Ой!». Ставон сэтчө уськөдчисны. Видзөдам — Опрөсь Гриш гатшөн туплясьө. Тамыш синсө чомрөдлө. И кадысь кадө ойгө.

А Гриш гөтыр вурзалөмөн сы дорө уськөдчис. Лезь юрсиа, нйит чужөмсө тшай юан платтьө бердас топөдіс. — Коньөрөй дай Гришукөй. Изведитіс тайө тэнө өшкыд.

Гришлы мый, пыр өтарө «ой» да «ой».

Коркө и пельшер воис. Голя помөдзыс вотөдз удитөма төкаритны. Уськөдчис Гришлысь ки-кок видлавны. Сэки Гришыд, тамыш синма лешак, и авөстіс: «Ой, да ты, калинушка!».

Вөлөмкө, трустыд, кывъяссө сьыланкывйдылысь вунөдөма. Да. Вөлі татшөмыс. Олөмыд ваө оз вөй.

Василий Петрович вак-вакөн сераліс пөчлөн висьталөм вылө. Мөдыс, тыдалө, дзикөдз өддзис. Ёна нин сёр рыт воис. Серам сорнад эз и төдлыны кадтө. Вольсасьны колө, а Варуклөн ланьтөм абу. Василий Петровичлы дум вылас уси коркө важөнокдь лыддьөм висьт. Кызди өти морт тадзи жө узьмөдчөма мужичөй дорө. Сійө аслас сёрниөн дзикөдз пөгибө воштөма. Войнас садьмөдөмөн варовитөдө. «Татшөм варов пөчыд вермас жө войбыд узьтөг пукөдны», — мөвпыштіс Василий Петрович. Но Варук быттьө кылөма сылысь мөвпъяссө.

— Дас өти час нин тай. Со өд кыкөннад кызди кадыд лэбзис. Вай инөсь водамөй.

Сійө вольсаліс гөстылы паськыд крөвать вылө, ачыс кайис паччөрө. Василий Петрович виччысис, мый Варук кутас сэсянь бызгыны, но мөдыс ланьтөдчөма. Недыр чөв олыштөм бөрын век жө кыв лэдзис:

— Тэ эн дөзмы менам больгөм вылө.

— Нинөм, нинөм.

— Жальөсь ті, йөзын узьлысьяс, меным. Гортаныд думнад.

Сы йылысь думайтiгөн рытыд ок кузь. Со и нинөм абу-сö сөра, медым сайкалинныд думъяссыныд. Но узь. Олөмыд ваö оз вöй.

А сэсся ланьтiс. Асывнас пöч кунь-каньöй чеччöма. Эз тай кывлы узьысь чугунысөн клонгöм ни пескөн вöдитчöм. Но садьмис да, керка пытшкын вöли шоныд, пач ваймöма. Кöзьяйка пöсь няньöн чöсмöдлiс, челядыслы гöснеч вылö вöзйис. Сiдзи и торйöдчисны.

...Уджалигас, быдсяма сёрниясөн, паныдасьлигъясөн Василий Петрович эз вермы вунöдны тайö пöчсö. И коргожся страда дырйи сийöс мöдöдiсны райкомсянь буретш тайö сиктас уполномоченнойöн, сылы окота вöли паныдасьлыны ськöд. Варук вöли горт дорас. Öшинювсö ичөтик косаөн ытшкö. Кыкысь кымын эськö сапнитас нин да сöмын. Сэсся веськöдчас, бура дыр сулалас.

— Баляясöс видзан?— юалiс чолöмасьöм бöрын мужичöй.

— Кысь нин меным. Ог. Но турунсö öд ытшкытöг он коль. Бöрас суседкалы сета.

— Мед, сiдзкö, сийö ачыс, томджык морт, ытшкö.

— Сiдз эськö да. Но страда öд. Кыдзкö аслым на окота. Со и ытшка кызди сямма, важсö казътыла. Олөмыд ваö оз вöй. А тэ кытчö туйсö кутан?

— Тiян сиктöдз вои. Сельсöветлань öнi веськöдча.

— Узьнытö öд локтан жö?— Варук видзöдлiс сы вылö, быттö казътыштiс ассыс коркöя висьталöмсö.

— Лэччыны кöсья талун.

— Он кö вермы, то керкасö тöдан. Ог ло ли мый— öдзöсыс карнана. Эн яндысь, пыр.

Василий Петрович ылöдлiс. Сийö эз думайт талун веськöдчыны гортланьыс. Вежон чöж ковмас овны. Райкомсянь индiсны, мый уполномоченнойяс мед век дасьöсь вöлины висьтавны страда мунöм йылысь. Кытысь тэнö найö аддзасны юасьнысö? Сöмын сельсöветысь либö отделение контораысь. Сы вöсна сийö кöсийс узьмöдчыны сельсöветö. Друг да звөнитласны, индöд сетасны.

Рытöдзис Василий Петрович удитiс тöдмасьны став делöяснас. Сюрины кутшöмсюрö долыд и жугыль лыдпасьяс, кодъясөн позяс тöдмöдны. Ветлöдлöмсьыс мудзыштöмөн воис сийö сельсöветö. Сэтчöс уборщица лöсьöдiс сылы торъя жырйö вольпась. Ачыс босьтчис идрасьны. Уполномоченной недыр пукыштiс öшинь дорын. Видзöдiс гожся ывла вылö. А сэсся кыв лэдзис:

— Мыйла тiян Варуксö пырейөн шуöны?

— Кытысь нö сийöс тöданныд?

— Төвнас удайтчыліс узыны сы ордын. Зэв варов пөч.

— Варовнад-тө варов, но оз таысь ыдждөдлыны пырейнад. Оз кажитчы кодсюрёлы сылөн кыв-ворыс. Сэтшөм нин морт сійө. Век быттьо суйсьыны зільө. Велөдны көсйө. Мукөдыс дөзмөны таысь. Мыжмөм мортлы сы шөрө бурджык не веськавны. Сідз смекайтас! Но оз жө быдөнөс веськыда тешит, дорын узылыны велөд. Кутчыяс кө кодкө бердө, оз лэччысь, лякяс.

Уборщица, ар нелямына нывбаба, ланьтыштіс, тыдалө, көсйис уськөдны дум вылас Пырей Варук олөмысь серпас, коді эськө стөчджыка подулаліс сылысь шуөмсө. Сэсся нюммуніс да водзө нуөдіс панөм сёрнисө:

— А менө кызди өтчюд чуйдіс уджөс вежны. Водзті ме тані парикмахералі. Велөдны мөдөдлісны и быдөн. Удачатөгыд көть нэмтө велөдчы. Шыра вөлі мужичөйясөс. Вель дыр гөграла, медым бура артмис. Эштөм бөрас найө рөмпөштан водзын сюсьяласны. Гөгөрвоа, мый оз кажитчы. Сьөлөмтө забеднөыс чепльөдлө, а век уджала. Паньд воим өтчюд Варук тьөткөд. Оттор-мөдтор йылысь варовитам. Сэсся сійө кутіс Петыр Мишөс казтьывны. Вөлі миян сэтшөм мортыс. Война вылысь кок пөлөн бергөдчис.

— Фронт вывсьюд воөм бөрын сійөс Ыбө велөдчыны мөдөдлөмаөсь,— висьталө Варук тьөт.— Сэні инвалидъясөс велөдлісны тшөтіөн гольскыны, снимайтчыны, гудөкөн ворсны. Мишыдлы окота лоас гудөкасьны велөдчыны. Няръялө-ворсө. Аслыс зэв кажитчө кизьсө личкавны. Но төлысьөн «Козйө, козйөысь» өприч нинөмө оз вела. Велөдысьюд и шуөма, мый вай пө мөдторйө велөдчы. Таөн тэнад кынөмпөт оз шед.

Сэсся мыйсюрө йылысь сёрнитөм бөрын торйөдчим. Рытнас казтьышті Петыр Миш йылысь висьталөмсө да юрө быттьо нөшкөн вартісны. Од тайө Варук тьөтыд менө велөдіс. Эз веськыда шу, медым не дөзмөдны, но гөгөрвоана. Сы бөрын регыд мысти шыбиті юр шыран уджтө. Бөрас нин кывлі, мый менам шырөм бөрын мужикьяс өта-мөдныслысь, вөлөм, лөсьөдышталөны.

Нывбабалөн висьталөмыс садьмөдіс Василий Петрович юрын төвся волігас Варуккөд сёрниысь өти юкөн. Сө морө морт. Быттьо төдөма. Сэки сійө юаліс:

— Тэ, чурки-буди, абу йөзөс ызьөдысь-ышөдысь? Мөс лысьтысьяс миян кольччөны. Гашкө, найөс тормошитны воин?

— Абу.

— Миянө найө тшөкыда волөны. Торйөн нин гөжөмнас. Мөйму өти мужичөй турун пуктыны ызьөдны воліс. Вет-

лөдлө сикт кузя, мышкуыс сельполы груз кыскалан пыж пасьта. Быттьо сийо и мортыс. Сиктсаясыдлы тайо синмас жель кодь. Егорей вов кодь мужичойыллон страдна кадад довьяломыд. Сомын дөзмөдө. Кольом гожом мод воліс. Менам керкаын узыліс. Вина юис. Код юрнас меысь варов, кыв оз лэдз сетны. Мися, мый нө көть йөз дорас он петав. Ме пө пропсоюзон веськөдла. Мыччысян на дорө да юомов выло гутьяс моз пуксясны. Оти путевка корө, модлы премия мыччы, коймөдлы нөшта мыйкө оз тырмы...

Василий Петровичос өдөлитисны думьяс. Син водзас сувтөдіс Пырей Варукос, код быттьо аддзө сылысь лунся ветлөдлөмсө. Аддзө да нюмьялө. Мый тэ талун вөчин? Но босьтин гоз-мөд лыдпас. Отделениеын та дырйи тэ выло өвад выло моз видзөдөны. Довьялө, пө. Мый сыысь, кос лыдпассыд? Но звөнитласны, висьталан. Та могысь өмөй тэнө ыстисны? Колө аскиянь жө петны видз выло. Йөзкөд тшөтш страдуйтны. Чөвтөмыд эз на вун, ытшкыны на кужаи. Йөзлөн тэ дорө матыстчөмыс мод лоө. И лыдпасьяссө аслад ньылөмөн артмөдан.

Тайо думьяссыс сийо небзыштіс. Окота лои аддзөдлыны Пырей Варукос. Зэв окота.

— Игнав өдзөстө,—вольпась идралөм бөрын шуис уборщицалы.

— Мый нө лоинныд? Мыйкө неладнө лои менам шуөмыс?

— Ставыс ладнө,—нюмнас такөдіс мужичөй.—Варук тьөт дорө муна узыны. Вонйын. Эм кө.

Сийо шавксьөдіс туй кузя. Ыджыда восьлаліс да мөвпаліс. Век жө бур, кор эм мян костын Варук кодь йөзыд. Найө оз өшйыны морт дорө, а пытшкас пырөны. Варук ас ногыс шмонитөмөн, кытшлөдлөмөн дивитө лексө. А тайо сямлун, мортлөн ыджыд сямлун. Со и шуө сийо, мый олөмыд ваө оз вөй. Тайо коді на кызди оліс. Мукөдыс куласны да быттьо дзуммунасны ваө. Лун-мөд казтыштасны сиктын. Сэсся быттьо абу вөвлөма. А Варуклөн олөмыд ва веркөсөд кывтас и кулөм бөрас. Тайо нин шуд, ыджыд шуд, кор тэнад олөмыд кулөм бөрад йөзсө мыйкө велөдө.

Со нин и Пырей Варук. Век на өшинь улас чушикасыө.

— Эз өмөй машинаыд сюр?

— Эз.

— Но пыр, сідзкө, тшай пузьодам,—пөч видзөдіс сы выло ставсө гөгөрвоана синьясөн.

Василий Петрович пуксис кызди позьө лөсьыдджыка. Виччысис Варуклысь сёрни панөм.

## НАЛЬКЙӦ ВЕСЬКАЛІС

Митипер Вась юрсӧ ӧшӧдӧмӧн пырис профкомса юралысьлӧн жырьӧ. Жырьын пукалысь Виталий Захарович сылы весиг воча сувтіс.

— Пыр, пыр, Василей Митиперович. Ме тӧнӧ важӧн нин виччыся,— юмола нюммуніс сійӧ.

Пырысьлысь коксӧ весиг паралич вачкис татшӧм паныдалӧмсьыс.

— Аски челядьлӧн ёлка. Ачыд тӧдан, кутшӧм налы Мороз пӧльтӧтӧгыд. Со и мӧвпыштім тӧнӧ пасьтӧдны.

— Мый? Ог, ме ог,— пыкис Митипер Вась.— Ог ӧд сяммы.

— Мый сәні сяммынысӧ. Юрситӧ нӧшта лӧзьмӧдышт и ставыс.

Вась недыр аснырасис на, но век жӧ дугдіс куражит чӧмысь.

Мӧд рытнас сійӧ, вата тошка да уска, паськыд пальтоа, кодлӧн пӧлаыс кок улас гартчис, мӧдӧдчис клублань. Сэтчӧ пырӧм бӧрын сы дорӧ авзигтыр уськӧдчисны челядь. Жырьын ярьюгыд. Пуклӧсьяс вылын жмутвидзисны пӧчьяс, профкомса юралысь тані жӧ гоннялӧ. А челядьлӧн чилзысь гӧлӧсьясыс пельсӧ поткӧдӧны.

— Мороз пӧль воис! Мороз пӧль воис!— Васьӧс пӧлаӧдыс летігтыр авзисны кизь кодь войтыр.

— Дерт нин, тиянлы Молоз пӧль лон,— шеныштіс сыланьӧ кинас суседыслӧн квайт арӧса чепелышыс да водзӧ пыскыльтіс, кызди век нимтӧ сылӧн мамыс.— Пися кока Митипер Вась да.

Сәсся мыйыс эз вӧв. Василей брӧд пӧсяліс. Челядь корӧны йӧктыны, на моз жӧ вежнясыны. Он тай, вӧлӧм, ёна ватной гача да гын сапӧга коктӧ печлав. Но челядьлы мый? Ӗврам Мишлӧн зимогор кодь пиыс сылі вылас нин ӧшӧдчӧма. А сылӧн пӧчыс пельсӧ пуксьӧмӧн шивгӧ-сера-лӧ, чуньнас петкӧдлӧмӧн горзӧ:

— Мороз пӧльыдлы, кагук, юрсиас кутчысь, а то усян!

А «кагукыслӧн» сьӧктаыс пуд куим да нӧшта юрсидыс летӧ. Медбӧрын пидзӧсчанясьӧмӧн тшӧктисны коз гӧгӧрыс кытшлавны. Вылас вель унаӧн сӧлӧмаӧсь. Он тай найӧс

шенышт, йӱзсянь абу лӱсьыд. Челядьӱс пӱ дзерӱдӱ. Быть терпит.

Госнечьяс вылӱ лӱсьӱдӱм преник-кампетӱ важӱн нин пыллысны, а челядь век на дзайгӱны. «Зепсыс видлӱй!» — горзӱ бара ӱврам Мишлӱн тьӱщаыс. Вась эськӱ тшай юӱм вылӱ кольӱдлӱс жӱ зептас, но кодлӱнкӱ кыяс слӱймылыс и сэтчӱ пыравны. Коркӱ кад пӱчьяслы дышӱдӱс жӱ дӱтшвидзны да веськӱдчисны «нимкодьторьясныскӱд» гортланыс. Нӱльзӱм Вась, устӱм-тоштӱм нин, жуйвидзис коз дорын. Кокьясас шодз суйӱма ризьялӱмсьыс. Профкомса юралысьӱс синьяснас корсис, но сийӱ усйысьӱма нин.

## ВИСЕРВОЖСАЯС ШМОНИТӱНЫ

### 1. Вот ӱд тӱдтӱгыд.

Висервожсаяслӱн асланыс сӱрнитанног. Кывсӱ нюжӱдӱны. Стӱчджыка кӱ, ӱткынын шыпасьяс весиг ньылыштӱны. Шуам, «ныв» пыдди шуӱны — ны-ы-ы. «Вӱв» пыдди — вӱ-ӱ-ӱ. Весиг асьныс серавлӱмаӱсь та вылын. Со кутшӱм-тор коли вежӱрӱ ичӱт дырйи висьталӱмьясысь...

Арын, пуктасьяс идралӱм бӱрын, локтас ӱтияс ордӱ ӱджыдвидзӱ (Большелуг) Шойнатысянь (Сторожевск) рӱдня. Кӱзяиныс сарай ӱдзӱс дорын вӱлӱм сылы мешӱкӱ сӱркни сӱвтӱ. Мӱдыс сӱнӱ жӱ сулалӱ. Дзумйӱдлас сӱркни-сӱ вель уна, а эсся локтысьыдлысь юалӱ. Висервожса ногӱн, дерт:

— Мешӱкад нӱ, сӱ-ӱ-та на?

Мӱд ногӱн кӱ — сӱвта ог пӱ.

Шойнатысаыд и лапкыштӱма осьса сарай ӱдзӱсад да коксӱ чегӱма.

— Мыйла нӱ эськӱ чеччыштӱн? — шензӱ кӱзяиныс.

— Повзбӱдчан да. Шуин тай, мешӱкас пӱ сӱтана пукалӱ...

### 2. Сын, пӱӱ, сын

Батя-пия кыскасьӱны. Пыяс сынӱ, а мӱдыс кыснан кутӱ. Друг кодкӱ и тшолкнитас югыд паньтӱ. Батьыс, дерт, кутас кыскыны.

— Мый нө шеді?— юалө пиыс.

— Сын, пиө, сын,— лабутнөя шуө мөдыс.

Зонка босьтчас мый вынсьыс водзө сынны. Пыжыд өд-дзас, и чериыд мынө.

— Мый морла нө сэтшөма сынін?— скөрмас батьыс.

— Ачыд тшөктан да,— шензьө пиыс.

— Юалін, мый шедіс? Со и шуи — сын. Чери нимыс сэтшөм.

## ТОММӨДЧӨМ

Асывнас Пиля Миш чеччис збодера, малыштіс, шөр арлыд вылө видзөдтөг, ропмуныштөм чужөмсө, назгыштіс ныр пырыс сөмын өтнаслы төдса сьыланкыв:

Ик-ик-ик да ок-ок-ок.

Гөрд сарапан, еджыд сос.

Сьөлөм вылас вөлі долыд. Дөвөльпырысь выль пөв листалыштіс рытгоровнас почта кудйысь перйөм журнал. Вуджөдаліс лист бөрся лист, кытчөдз видзөдласыс эз зурась өти гижөд вылө. Сійөс төрыт син пырыс нуөдіс нин. Оз эськө ёна «Здоровьетө» радейт. Кутшөм висьөм йылысь оз лыдды сэтысь, быттьө сійөс и новлөдлө ас пытшкас. Но тайө статьясө окота лои лыддыны мөд пөв. Зэв нин матыссатор йылысь юөртөма. Пасйөма, мый нюм томмөдө мортөс, сегө пө весиг дыр кад кезлө бур дзоньвидзалун. И колө пө пыр гигзыны-серавны.

Пиля Миш выльысь сувтіс рөмпөштан водзө, жернитліс табакысла вижөдөм пиньяссө. И мөвпыштіс талун лунтыр жержьявны. Рытнас пө видзөдла мый артмас.

Недыр мысти Миш шавксьөдіс сикт кывтыдлань, көні налөн строительной бригадаыс мөдөд во нин кыпөдө скөт карта.

Ёртъяс дорас матыстчигөн лышкыда вашъяліс. Көсийс нин пычкысьыштөмөн ваксьыштны, но видзөдліс Митипер Вась вылө. Сійө скөра дзоргис Миш вылө, но нинөм эз шу, сөмын шлапкөдыштіс тірзьысь льөбъяснас. Тшупсыны разөдчигөн пинь пырыс скөрысь сөдзөдіс:

— Тэнад али мый сюсьджыкөсь?

— Мый?— эз гөгөрво Миш.

— Тэнад быдтасъясид менам дорысь на идзас юраөсь. Кывлөмныд нин. Гигзян. Вот тэнө кө наставничаясыд асьтө корасны школаад, оз мөд вашыд петны. Пөсьыд лувгас. Ещө өд и жержьялө.

Митипер Вась, кодкөд Миш медся ёна лөсяліс, зумыш-тчөмөн кежис бокө. Миш, дерт, эз на кывлы, мый тöрыт сийөс видөмаоьс общественной уджысь öтдортчөмысь.

Но томмөдчыны кө көсьян, оз ков лёк вылө сетчыны. И Миш кер вылө вожасьөмөн нюм сяма вөчөм чужөмөн камөдчис черөн. Тадзи час-мөд, кытчөдз эз йөжгыльтчыв кодлөнкө скөр видзөдлас улын. Лэптис синсө, сы вылө коксө тажгөдөмөн дзоргис, быттё сөйысь тэчөм пельпомьяса, бригадир. Лёкысла мыкталігтыр горөдігмоз пычөктис.

— Серамьд петө? Мый вылө? Сы вылө, мый картасө куим төлысь сайын нин колө сдایتны, а ті сөмын матичьясөдзысь воөмныд?

Ёнакодь скөрмыліс Миш. Төдіс сылысь характерсө. Он и төдлы, лёкысла козьныштас чугун ыджа кабырнас. Кысь нин өні воча шуан.

Дількмуніс сьөлөмыс Мишлөн. Рытөдзыс зумышасис. Вась другыс эз сёрнит. Да и мукөдыслы ковтөг шешьялөмыс өдвакө кажитчөма. Сөмын гортас матыстчигөн мөвпыштіс нөшта видлыны томмөдчыны. Мырдысьөн вашмуніс. Пыригмозыс паныдаліс гөтырыс. Пияна ош моз тивкнитіс сылань:

— Яндысьтөм бугыль. Дучкөмыд! Абу тай синмад яндзимьд тэнад. Юан-ветлан. Тьпу!

Миш эськө көсийс жө воча шуны, но гөтырыс ырыштчөмөн авөстіс:

— Ноко, пөльышт! Мый нин сэтшөмсө аклялін, медым зелля дукуыс эз кыв?

Мужичөй сөмын өвтыштіс кинас да жугыля довгис мөд жырьё... Чөвтліс синсө пызан вылысь куйлысь журнал вылө, курыда думыштіс: «Бурджык пөрысьөн лоны татшөм томмөдчөм дорсьыд».

## ПИКӨВӨЙ «ДАМАЯС»

Васюк Миш да Педьө Иван гожся луно лавка дорын, потшөс бокө нөрөвтчөмөн, тшынасисны, шпыннйлігтыр тыры-бырыасисны.

— Мырсянныд-трудитчанныд, пөльбяс!— тивкнитісны на дорө исергаа, сарапана чиганкаяс.— Вай жө гадайтм, шань войтыр. Ставсө, мый водзын тіянөс виччысьө, восьтам.

Васюк Миш азыма кыскыштөм тшынсө лэдзөмысь весиг дугөдчыліс. А сэссия дорөвтліс юрсө кузь да уна рөма паськөма кикимераяслань:

— Тiянтөг тoдaм. Гу да горт ставнымoс виччысьo.

— А сьoдзсo?— томиник чиганка кьпoдлiс визув синьяссo.— Тoдiн кo эськo, мый тэнo виччысьo! Тэнaд, дядя,— чиганка чепoсьиc Васюк Мишлaнь,— тэнaд, дядя, бур сьoлoмьд, кoть и ныр-вoмьд стрoг.

— Дугдoй, кaтшaяc, тшетшкыны!— Oни нин Пeдьo Иван петкoдлiс тaбaкьcь вижoдoм пиньяссo.

Чиганкaяc oтa-мoд вeжмoн кутiсны видны сийoс.

— Ок тэ, выжив. Сьoд тошсьyд пенсия бoсьтaн, a ми-янлысь коньoр чeлaдьoс он жалит. Тiянoс жo, oлукьясoс, лeкьcь видзны кoсьям!

И кутiсны тiркьявны Пeдьo Иван водзын паськьyд сa-рaпaньяснaныc. А томиник чиганка водзo на сибдиc Вa-сюк Миш дoрo:

— Oй, бур морт, видзчысь eджьyд кoрoлььcь. Ок eнa видзчысь!

Тaтшoм юoрсьyд Вaсюк Миш шoйoвoшиc. Бьттьo зeв нин збылььcь да жалитaнa гoлoсoн льддьoдлiс чиганка. Сьoлoмьcь дoймис Мишлoн. Йирмoг бoсьтiс. Юрaс вир-дыштiс: «Кoди нo вeрмaс лoны? Пeдьo Микул? Дa oд сийo ачыc чиган кoдь, сьoд вутш бьттьo тaпикaсьo. Oртем Вaсь эськo бьг кoдь eджьyд, нo вит вo нин сиктын oз ов».

— Жугьылтчин тaй, дядя? Oзолоти рyчку и висьтaлa, кoди сийo. Зeв лeк морт, ок лeк!

Мишлы зeв нин лoи oкoтa тoдны. Кьcкис пaпушникьcь гoз-мoд ьргoн сьoм да сeтiс чиганкaлы. Moдыc зьвoк-пырьcь видзoдлiс cы вьлo, нo кьиc oдйo вoшaвлiс пась-кoм улac. А сeсья мoдoдчис мунны.

— Кoди нo сийo мoртыc?

— Мый нo, пoрьcь выжив, синтo паськoдин? Чaйтaн дaс кoпeйкa вьлo сeкрет ньoбны?

— Нo, чивoчка, сyвтлы нa, co рyбa,— чирoм гoлoсoн чукcaлiс чиганкaoс Вaсюк Миш. Moдыc нaянa видзoдиc юрсo бeргoдыштoмoн, бьттьo пyдьясис, кoслыны aбу рy-бьслa.

— Ыджьyд кaмeннoй кeркaын сийo oлo,— гycьoн мoз шуиc мaтыстчысь чиганкa.

— Aдpeсьcь?— ьмoстiс Вaсюк Миш.

— Рyб вьлo мeдым мe тэныд морт лoв вyзaлi?— ньы-лыштiгмoз дзeбис рyбaсo чиганкa.— Тьрмaс cы вьлo, мый кeркaсo висьтaлi.

— Бoр вaй!— этшсььc пeтiс Вaсюк Миш, cылы тaйo рyбaтoгыc oз вoлi шeд винa дoз.

— Oй, лeк морт! Oй, cкyп морт!— лoвтiс пышйьcь чиганкa.— Сeсья сyвтыштлoмoн юoдтiс Мишлы:— Тaвo нин

эштан, му люкалысь! Весиг еджыд корольыс оз удит нем-  
тор керны!

Педьö Иван куснясис-сералис бөбйөдлөм ёртыс вылын.

## МУДЕР ГÖТЫР

Дарьялы талун бара эз вөв узьөмөдз. Верөсыс курк-  
сис-кызис семдытөдзис. Весиг садьмылас, синсө чашкөд-  
лас. «Тырмас!— шуис аслыс нывбаба.— Аски жө дугөда  
табак тшын апалөмсьыс!»

— Микулай, тэ өд ру кодь нин кутін кольны тадзи  
куритчөмнад,— меліа нуөдіс сёрни нырвизьсө асывнас  
Дарья.— Да и сьөмыд уна мунө. Тшынө пёртан быд лун  
руб джын.

— Сідз эськө да,— эз куражитчы верөсыс.— Гырк  
пытшкөй доймө нин. Видлам шыбитны инөсь.

Микулайлөн куритчытөгыд азымлуныс кык пөв соді.  
Выть вылө эз кут пуксьыны. Гөтырыс чугун тыр пулас  
шyd кык лун кежлө, а өти лунсө оз тырмы. Верөсыс гор-  
тас туджас, а сэсся сьөм на корө, медым удж вывсяныс  
столөвөйө уйкнитлыны. Польөпи моз кутіс тшөгны. Кы-  
нөмыс ловзьөм нянь моз кыптө, дундө. Важ паськөмыс,  
көть майтөгав, эз кут төрны. Виль дөрөм-гач, костюм,  
пальтояс ковмис ньөбны. Регыд мысти и найө эз кутны  
төрны.

Дарья бара эз кут узыны войяссө. Мөвпалө, мөвпалө.  
Шогсьө. Аслыс во джын нин нинөм оз вермы ньөбны.  
Тшай юан паськөмыс өти коли. Ставыс важмис. А мый  
лоө нөшта во джын кольөм бөрын!

Өти асылө Дарья пуксис паныдөн верөсыслы да паніс  
татшөм сёрни:

— Микулай, куритчытөгыд тэ помысь кулөм морт дук  
кутіс кывны. И керка пытшкөсным быттьө мужик пөрөда-  
төм. Весиг възяс заводитісны лэбавны. Гашкө, эсійө,  
вөляникысь бара кутан шпуткывны да?

Микулай гөтырыс вылө видзөдіс-видзөдіс дай шуис:  
сөглас пө. Позьө пө видлыны. Дарья сійө жө здукас ко-  
төртліс магазинө да вайис нөб тыр медся донтөм да ён  
табака сигаретьяс. Медым верөсыс өдйөджык бөр вөс-  
нялас.

## КЕСИӨДЛӨМНАД ЖӨ

Кольөм гожөм Педөр Вась быдса төлысь ветлөдліс плешкас нөшкөн жваньөбтөм өш моз. Юрсө муөдзые лэдзөма, некодкөд морт ногсөн оз сёрнит. Пукалө өшинь улас да рывывбыд шпуткө-куритчө. Мир туй вылө дзорьялө да ыджыда лолалө. Меным, сылөн суседлы, төдса, мый гөтырыс уйкнитөма лунвылө мышсө пөжны.

Таво Васьлөн кесийөдлысьыс бара кытчөкө мунис. Рыв куим-ө-нель видзөдчи өшиньөд, кор сусед юрсө өшөдөмөн петас улич вылө ышлолавны. Но мөдыд эз и мыччысьлы. Пыригөн на паныдаси Васькөд. Кашкө-петкөдө помөй ведра.

— Пыр, пыр. Регод локта,— чөвтис сийө.

Зэв өдийө ризөдліс. Муртса пыртис куш ведрасө, котөртліс мөд жырийө. Весиг эз удит пуксьыштлыны, кызди өдзөс сайсянь кутис кывны гөтырыслөн лэчид гөлөсыс:

— Мисьтөм чужөм. Бара нин жмутвидзан-пукалан, а ва пельсаыд тыртөм. Тэрыбджыка вөр, тэрыбджыка! Дыш руны!

Вась тшапнитис ведраяс да өдөбтөмөн петис. Кашкиг-тырийи вайис ва. Сэсся бара пырис жырьяс.

— Яндысьтөм бугыль! Кытчө ланьтин! Порсьыд на вердтөм! Он кыв руксөмсө али мый?

Суседөй ньөв моз уськөдчис чошөыслы сөян лөсьөдны. Ме пуксьөмөн шензя: кор гөтырыс удитөма локнысө? Да өд ас синъясөн аддзылі сылысь мунөмсө.

Минут кызь пукалі. Гөтырыс пыр горзө, а Вась пессьөвөчө гортгөгөрсө уджъяс.

— Но, буракө, ставыс,— ышлозвис сийө да пуксис воча.— Гашкө, мөд жырьяс пырам? Сэни ыркыдджык.

— Огө нин. Тэрмасы ме,— шуи сылы. Ачым биысь моз пола сылөн ёсь кывъя пөвсьыс.

— Лок, лок,— шпыннялө Вась.— Көть өнія гөтырөс видзөдлан.

Киөд кыскис. Пырим. Сийө веськөдчис пельөсын сула-лысь магнитофон дорө.

— Со сийө, муса гөтырөй,— ошыйсьөмөн да вашъялө-

мөн шуис Вась да чуткис магнитофонлысь өти кизь. И сэтысь ылькнитіс-петіс гётырыслөн яр гөлөсыс:

— Джодсө нө коді чышкыштас ва ветьокнас?! Вунөдін али мый?!

— Вунөді и эм,— шпыньмуніс Вась да уськөдчис ветьокла...

## ПЫШ ДӨРА ГАЧ

Юаланнуд, кызди ме лон асланым контораса войтыр пөвстын ордысьёмын вермысьөн да медся ыджыд премия курыштысьён? Думайтанныд, тайё кокниа шедіс? Эз! Кымын узьтөм вой коли, мыйта нерв бонзис. Кызди мукөдлаын — ог төд, а миян контораын юклөны премиятө оз удж серти. Кызди нө артыштан медся зільсө, кор тшөті молльөн гольскам. Пес ни палич миян отсөгөн оз мыччысь. И шуисны юклыны на костын, кодъяс удж вылө локтөны и мунөны ас кадө. Кодъяс и лун сьёмөснас оз прөступитчывлыны. Өти кывйөн кө, на костын, кодъяс лунтырьясөн кутасны жмотвидзны начальство син водзын. Сэсся көть шкоргы пызан саяд да вөтась. А премияыс абу этша. Но өд мырсям дас кыкөн жө. Юкан кө став костас, то чипанлы кокыштмөн оз и ло.

Муні гортө да думышти артыштны, кодлысь кызди премиясө киритөдны. Ог кө сяммы дзоньнас, то кымынкө прөчент. Өд ме кө кута зымвидзны-пукавны бура, то став сьёмыс менам зептө гузьгысяс. Тшөті вылө пукталі дас өтинан мортсө. Куим моль пыр жө бокө гольсниті. Осипов, Кушъяуров да Пименов тайө. Накөд нинөм чеченитчыны. Вина вылад лютөсь. Куим төлысьыд абу куим лунуд. Прөступитчасны, юсьыласны. А мукөдыскөд ло сьөкыджык.

Пукалам вежон, мөдөс. Төлысь нин исковтіс бөрө. Но, трустьясыд, некод оз вөрзьев. Лунтыр ме вылө дзоргөны, а ме — на вылө. Ас кадө удж вылөн тапиктөны, и стөч квайтын, лэчкысь мынөм пөткаяс моз, гортаныс весыштасны. Ковмис корны гөститны вина вылө лют куим дядьёсө. Мися, чужан лун менам. Дьөгөдь кодь вина ньөби. Дучкисны-юисны. Мөд луннас, дерт, удж вылад эз воны. Мырд винаыд абу лудік дүкөн өвтысь курыдторйыд. Висьё-

дө. Юөртисны, мый «Питьмаг» дорын гартчоны. Тайө, дерт, начальстволөн стрөг видзөдлассьыс бокө эз коль. Морт өти выговорөн жняпкис. Премиятө пө эн жө виччысьой.

Карманова ачыс винатө оз ю, но верөсыс даръясьө. Юктөдышти сійөс. Стөкан джын и сеті. Вирсө кизьörтышті. Сылөн кө шеваыс вөрзяс, то өти луннад оз өвсьы. Мөд луннас Кармановаыд кельдөдөма. Коймөд луннас сьөлөм лекарство нин киллис. Сэсся эз лок дай. Төлысь кык куйліс. А кызди ті төданныд, больничаад мыштө пөжөмсьыд премиятө оз жө сетны.

Мукөдыскөд сьөкыдджык. Но петан туй аддзи. Пыри өти асыв контораө. Пукалышти, а сэсся аслым моз брольсниті:

— Талун дас чассянь лавкаын кутасны йөз муысь вайөм чорыд дөра гач вузавны.

Видзөда да, нель том ныв өта-мөдныскөд нин синмасьоны. Öттшөтш он юась. Вашкөдчыштісны, а сэсся төв ныр моз уйкнитісны висьтасьтөг. Муртса мышныс саяліс, ме нин юралысь дорын:

— Төварыш начальник, нель нылыд час джын нин абуөсь.

Пасибө пө, мый төждысян дисциплина вөсна. Тайө пө премия юклігад артыштам. Рытнас соборуйтім, нывъясь премиясь чиркыштім.

Удайтчис кокорнитөдны и мукөдсө. Сөмын Латкинөс эг вермы. Регыд излет сылы, льөбзьө нин. Оз ю ни оз куритчы. Чорыд дөра гачыд оз жө ков. Бабаяс бөрся оз кыйкъяв. Сыкөд и ковмис юксьыштны. Öні, ёртъяс, выль квартал заводитчас. Бара мөвпъяс юрын жуөны. Нинөм, öні ме и Латкитө кокнитөда. Аддзи небыдинсө. Но ог висьтав. Вермас паськавны.

## ОБЕДНЯ

Пөтап Мишлөн потіс-висис юрыс. Мортыд енсө и бессө ёрис. Но друг ачыс бесыс вөзйис надейтчана мөвпъяс, мыйысь Мишлөн синъясыс югзисны.

Недыр мысти Пөтап Миш кайис нин Ларө Öгаш кильчөөд. Кыйкнитліс восьса дзиръя өшиньө. Öгашлөн мыгөрыс тыдаліс залавка дорын.

Нель лун сайын на тайо тьот ордас чипрөдліс кодзав-  
том на самокур: обедня вочыштліс кувсьом веросыслы па-  
мечь кузя Огаш. Со и они бесыс уськөдіс тод вылас кок  
сон ориодлысь самокур йылысь. Огаш зэв топыд нывба-  
ба — прөста оти войт он пычкы.

— Видза олан, Огапея,— кызди позьо лабутноя, ме-  
дым небзьодны козяйкалысь сьолөмсө, шыасис Миш.

— Шойччы, Михайло. Бара дас отиодз косян юрто  
веськөдны?— Огаш думсьыс мөвпыштіс, уна-о кульыштас  
сьомсө.

— Ог, Огаш. Веросыд тшөктөм серти пыри. Вөтө усь-  
көдчыліс тавой. Садьми да унмовсьны эг нин вермы.

Огашлөн чужом серти Миш казяліс, мый шуомыс  
йиджис.

— Кутшөмджык нин бара сийо, коньорушкоий?

— Зэв омоль. Кыномсө көч бөрся котралысь понлысь  
моз сюрса лы бердас кыскөма. Пукало тшамъя кодь пук-  
лөс вылын, синваыс тюрөбөн лэччө да шуалө: «Михайло,  
пиук, ветлы Огаш дорө. Эз од во сылөн меным обедняыс.  
Лёка вөчөма, абу корөма Педөр Ольшөс да Микит Пе-  
тырөс».

Порысь нывбабалөн весиг ки-кокыс лигышмуні татшөм  
юорсьыд. Эскытог он ов татшөм сьолөмсянь висьталөмыд-  
лы. Кутшөма көть эз овлыны Василейыскөд, они омөльт-  
ны абу лөсьыд, ыджыд грек.

— Тэ од мянлы ылысса рөдвуж на. Да и радейтліс  
покойникным тэнө, сы вөсна и тэныд вөтад уськөдчыліс.  
Вөчышт буртор. Чукөст Ольшөс да Петырсө. Ме сэк кості  
дасьтышта.

Тайо кыкыс — Мишлөн ертъясыс. Они Огаш ерис асьсө,  
мый эз корлы найөс. Петыр со и гортсө вөчыштіс. «Сө  
грек и сөмын»,— видіс асьсө Огаш медсясө сы вөсна, мый  
аслас йой вежөр понда куим мужичойөс ковмас дон бось-  
тог пөттшуйтны.

Недыр мысти сёян-юанөн тыр пызан гөгөр пукалісны  
нөльөн.

— Ставыс эськө медым сылы воис,— нор гөлөсөн шуа-  
ліс Огаш.

Мужикъяслөн чусмөм синъясыс вочасөн югзисны, а  
сэсса и вунөдісны, көнөсь да мый могысь чукөртчисны.  
Нель сулея самокур абу кодзыд ырөш, быд сон кузя виз-  
лавны кутіс. Ольшөлы тод вылас уси Петырлөн коркөя  
зыртчөмыс. И здук мысти кыкнанныс пачесайтчисны нин  
джодж шөрын да ымзісны. Огаш сөмын удитіс пызан вы-

лысь йӧв кринча нуны. Мишлӧн кабырыс веськаліс пызандӧра помӧ, и ставыс гузьгысис джоджӧ.

Мӧд луннас парсасьӧм ныра Миш, лӧз синма Ӧльӧш да коскас ойгигтыр кутчысьӧм Петыр пукалісны югыд да сӧстӧм жырйын да зунясисны-гижисны ӧбедня вылын лоӧмторъяс йылысь.

Тайӧ жӧ лунсяньыс Ӧгаш шуис не вӧчлывлыны ӧбедня-яссӧ, зэв пӧ вылӧ сувтас ньӧбӧм винаыд, а аслас вийӧдчаныс эз ло.

## ЮРИНДАЛЫСЬ

Олӧ олысьяс. <i>Повесть</i> . . . . .	5	Тешкодь морт . . . . .	140
Сӧмын ӧти гождӧм. <i>Повесть</i> . . . . .	40	Тьбӧяс . . . . .	145
Висьтъяс . . . . .	69	Армияӧ ветлан арлыд . . . . .	150
Арся лунъяс . . . . .	69	Ытва дырйн . . . . .	156
Шмонь . . . . .	80	Небыд гын сапӧг . . . . .	163
Нимлун бӧрын . . . . .	85	Вудждӧчанинын . . . . .	171
Ускӧттӧ . . . . .	91	Пырей Варук . . . . .	175
Вӧт . . . . .	99	Налькӧй вьскаліс . . . . .	181
Пӧрысь рака . . . . .	103	Висервожсаяс шмонитӧны . . . . .	182
Олӧм войтъяс . . . . .	107	Томмӧдчӧм . . . . .	183
Ӧти лунся гӧсть . . . . .	115	Пикӧвӧй «дамаяс» . . . . .	184
Коля, Коля, Микулай . . . . .	119	Мудер гӧтыр . . . . .	186
Нывбабаяс . . . . .	123	Кесйӧдлӧмнад жӧ . . . . .	187
Он кӧ лэдзӧй, пышъя . . . . .	129	Пыш дӧра гач . . . . .	188
Вылъ во водзвылын . . . . .	132	Ӧбедня . . . . .	189
Но, морӧ, карсаяс . . . . .	135		

Алексей Вячеславович Попов

### ЖИЗНЬ ПРОЖИВАЮЩИЕ

*Повести, рассказы  
На коми языке*

Редактор А. В. Тентюков.  
Художник В. П. Пластинин.  
Художественный редактор  
В. Б. Осипов.  
Технический редактор  
А. Н. Вишнева.  
Корректор М. М. Лужикова.

ИБ № 1603

Сдано в набор 1.11.90. Подписано  
к печати 28.03.91. Формат 84×108<sup>1/32</sup>.  
Бумага тип. № 2. Гарнитура «Лит-  
тературная». Печать высокая. Усл.  
печ. л. 10,08. Усл. кр.-отт. 10,5. Уч.-  
изд. л. 11,0. Тираж 2000. Заказ № 3381.  
Цена 85 коп. Коми книжное изда-  
тельство. 167610, Сыктывкар, ул. Кар-  
ла Маркса, 229.

Головное предприятие Коми рес-  
публиканского полиграфического про-  
изводственного объединения. 167610,  
Сыктывкар, ул. Первомайская, 70.



85 к.

КОМИ КНИЖНОЙ ИЗДАТЕЛЬСТВО 1991 -